



अनजिमा

(42थि बिसान)



क 'क्राइमर सोरखारि फरायसालिमा बर' फरायसा थुनलाइ आफाद
मायथाइ: 2019-20, 2020-21



गाहाइ सुजुगिरि
मुस्त्रि अयेलसन ईस्लारी



फरायसा सान फालिनाय, 31 मार्च, 2021



अनजिमा

बोसोरारि लाइसि
(दिहुनगा 42थि बिसान)

क 'क्राइर सरकारी फरायसालिमा बर' फरायसा थुनलाइ आफाद
मायथाइ: 2019-20, 2020-21



क 'क्राइर सरकारी फरायसालिमा बर' फरायसा थुनलाइ आफाद
थावनि:- क 'क्राइर सरकारी फरायसालिमा, क 'क्राइर
जिल्ला:- क 'क्राइर, बि.टि.आर. आसाम।

गाहाय सुजुगिरि
अयेलसन इस्तारी

अनजिमा: क'क्राझार सरकारी फरायसालिमा बर' फरायसा थुनलाइ आफादनि 42थि बिसान बोसोरारि लाइसि, 2021 इं आव खुंजानाय ईशान मोसाहारी गोसोखां सान फालिनायाव दिहुनजानाय ।

मायथाइ: 2019-20, 2020-21

बिखं महर: सुजु आफाद

थुनलाइ बोसोनगिरि
ड० सिखनाजन वारी
अनजाली बसुमतारी

गाहाइ सुजुगिरि
अयेलसन ईस्लारी

सुजुगिरि
मुस्रि सुबें बसुमतारी
थरायना अनजिमा बसुमतारी
थरायना सुमिना त्रिफुरा

सेबखंसालि: हांखोनि माला प्रिन्टार्स, बागानसालि, आर.एन.बि. लामा ।
मबाइल नं- 8638625789

अनजिमानि राव

1. आंनि मुडा अनजिमा ।
2. आं जोनोम जादोमोन 1968 मायथाइयाव ।
3. आं बोसोराव खेबसेल' नुजायो ।
4. आंखौ क'क्राझार सरकारी फरायसालिमा बर' फरायसा धुनलाइ आफादआ दिहुनो आरो आंनि धैनाय थांनाय बिसोरनि आरखाइयावनो ।
5. समजो लोगोसे खाब जाहोनानै आं आगान सुरो । बर' धुनलाइनि गोनांधि बादियै जोनोमनि बुद्धियाव असमीया, गेजेराव र'मान आरो दा 42धि बर' धुनलाइ आफाद जधुम्मानि थांखिनि उनाव देबनागिरि हांखोरखौ आं आंनि बिखायाव जायगा होबाय ।
6. आंनि थांखिया जादो - बर' राव, धुनलाइ, हारिमु-सोदोमसि आरो माहारिखौ गोदान महर होनानै गुस्लाय होनाय ।
7. आंनि मुडा अनजिमाब्लाबो आरवुहा अनजिमा गैया ।
8. क'क्राझार सरकारी फरायसालिमा फरायसाफोरनि गेजेराव गोदान लिरगिरि सोरजियानो आंनि थांखि ।
9. आंनि बिखायाव राजखान्धिनि बाध्या जायगा मोना ।
10. बर' धुनलाइखौ गेवलांसार होनायनि सोमावसारनायाव जालांनाय मुंख्लंफोरनि गोसोरवांधि लाखिनायानो आंनि थांखि ।

गोजोनथां ।।

नोथांमोननि अनसायजाथाव-

बैजिनैथि

'अनजिमा'

मायथाइ: 2019-20, 2020-21

बाउनाय



नै मुंरुलंफोर.....

नोसोर हारिनि राव थुनलाइनि थावराय गावसोरनि आगोमा जिउरुव्री बाउलांबाय। हे बर' थुनलाइनि मुंरुलं जोहोलाव जोहोलावजोफोर बर'बिमानि गोबोनिफाय जोनोम मोन्नानै बिमानि राव थुनलाइरुव्री खिबिनो अनसायनो रोदोमोन नोसोर। नै हारिनि आगोमा बर' थुनलाइनि जोहोलाव जोहोलावजोफोर नोसोरनि गाव-गावनि थैरुव्री दै खालामनानै बर' हारिनि थुनलाइरुव्री फोजारुवांबाय गोथार जिउमाया सोर्गोआव आलो-गोजोनै थाहैनो मोनथोसै आरो नोसोरनि बोर् सारुस्रिनायाव जोनि बर' हारियाव नोसोरबादि जोहोलाव जोहोलावजोफोर उजिफैफिनथोसै।

- | | |
|-------------------|--------------------------|
| 1. अमलाराम बर' | 8. पानिराम बर' |
| 2. शिब'राम बर' | 9. स्रमबार मोस्र हारी |
| 3. दिन' बर' | 10. एनजेलिस बाग्लारी |
| 4. कान्तेश्वर बर' | 11. बिष्टुराम बसुमतारी |
| 5. मालसिं गयारी | 12. हाइथाराम बसुमतारी |
| 6. बुधवार बर' | 13. निदिराम बसुमतारी |
| 7. रजनसाइ बर' | 14. आजेन्द्रनाथ बसुमतारी |
- आरो मिथि मोनै गोबां.....

नोसोरनि आफाडाव जो बाउबाय बे नेहाद दिहुनगा

42थि बिसान

“अनजिमा” लाइखिरुव्री

नोसोरनि उनसंगिरि इयुन जोलैफोर

सुजु आफाद

“अनजिमा” दिहुनगा बैजिनैथि।



Website : www.bodosahityasabha.org

Office of the
BODO SAHITYA SABHA

बर' थुनलाइ आफाद

Registration No. 94 of 1972

H/O. E-mail : bsskoj@gmail.com

Head Office R. N. Brahma Bhawan Kokrajhar, BTR, Assam, Pin-783370
Sub-Office Socio-Literary Cultural Complex, BSS Near R. N. B., ISBT, Bathouपुर Garchuk-Ahongaon, Guwahati-781035 S/O. E-mail : bssjb@rediffmail.com

हामलायथि रादाब



आं मिथिनानै जोबोर गोजोननाय मोनदों दि, क'क्राझार सरकारि फरायसालिमानि बर' फरायसा थुनलाइयारि आफादा मुंदांखा थुनलाइगिरि ईसान मोसाहारिनि 39 थि गोसोखां सान फालिनायजों लोबबा लाखिनानै 42 थि बिसान "अनजिमा" लाइसिखौ दिहुननो थाम थिम खालायदों ।

मिजिंथियो दि, बे लाइसियाव ईसान मोसाहारिनि जिउ सानस्त्रिनि सायाव मोनसे आबुं फोरमायथिजों लोगोसे गागि लिरगिरि, दावगाफुनाय लाइमोन लिरगिरि, फरायसाफोरनि बेसेन गोसा लिरबिदांजों साबना हामना खालायगोन आरो फरायगिरिफोरनो गेबें फोरमायथिजों रव थुनलाइ जौगानायाव थोजासे बिहोमा होनो हागोन ।

साननायफ्रा जाफुंसारथों बिखौनो मिजिंथिबाय । गोजोनथों-

सिम,

अयेलसन इस्तारी

गाहाइ सुजुगिरि, "अनजिमा"

(मुस्त्री तरेन बर')

आफादगिरि, बर' थुनलाइ आफाद

13-06-2022



Dipen Boro
President

borodipen@gmail.com
(M) 7002341038

मावख'
दुलाराय बर' फरायसा आफाद
ALL BODO STUDENTS UNION

HO: BODOFA HOUSE, BAGANSHALI, KOKRAJHAR
P.O. & DIST.- KOKRAJHAR, BTR (ASSAM).
ESTD: 1967

Motto : Unity, Survival & Prosperity

Khanindra Basumatary
General Secretary
kaninb83@gmail.com
(M) 9954725660

Ref No./Bodofa House/Message/ABSU/2022

Date : 10/06/2022

हामलायथि रदाब



सिम,

मुस्त्री अयेलसन इस्लारी
गाहाइ सुजुगिरि
“अनजिमा” बोसोरि लाइसि।

मानिनां इस्लारी,

गिबियावनो दुलाराय बर' फरायसा आफादनिफ्राय गाहाम हामलायनायखौ बाउहस्योबाय। लाइजामनि गेजेरजो क' क्राझार सरकारि फरायसालिमा बर' फरायसा धुनलाइ आफादआ खुंगा 39थि ईसान मोसाहारी गोसोखां सान फालिनायजो लोब्बा लाखिनानै आफादनि 42थि बिसान बोसोरि “अनजिमा” लाइसिखौबो दिहुननो लानाय खौरंखौ मिथिनानै जोबोद गोबोन्नाय मोन्दों आरे बेनि थाखाय बर' फरायसा धुनलाइ आफाद, गाहाइ सुजुगिरिजो लोगोसे गासै सुजुगिरि आरे सोद्रोमामोनिसिम साबायखर बाउहरबाय। हारि आरे समाज फोसाबनाय आरे जौगासारहोनाय हाबाफारिफोर मावनायजो लोगोसे रव आरे धुनलाइ सोरजिनायाबो फरायसाफोरनि मावनां गाहाइ बिबान। मिजिथियो क' क्राझार सरकारि फरायसालिमा बर' फरायसा धुनलाइ आफादआ बर' हारिखौ जौगाहोनायनि थाखाय मावफुनाय आरे मावफुनो लानाय थांखि आरे मावथांखिफोरनि मावफारिफोर “अनजिमा” नि गेजेरजो रोखायै बेरखांगोन आरे हारि, समाज फोसाबनाय आरे जौगाहोनायनि फुंखा जानानै थागोन।

जोबथारनायाव “अनजिमा” नि अरय जाफुंसारनाय, अनसायजानाय आरे 39थि ईसान मोसाहारी गोसोखां सान फालिनायनि थांखिखौ अरय जाफुंसारनाय मिजिथिनानै हामलायथि रदाब हरनाय जाबाय।

गोजेन्थों।

(दिपेन बर')

आफादगिरि, एबसु।



खानार : 21-06-2022



हामब्लायथि रादाब

गिबियावनो आंनि गाहाम हामब्लायनायखौ बाउहरग्रोनाय जाबाया। नोंथांनि लाइजामनि गेजेरजों क'क्राझार सरकारि फरायसालिमा बर' फरायसा थुनलाइ आफादआ सिगां बोसोरफोरनि बाइदिनो देग्लायबो 39 थि ईसान मोसाहारि गोसोखां सान फालिनायजों लोगोसे 42 थि बिसान अनजिमा लाइसिखौ दिहुन्नो लाहार-फाहार खालामनाय खौरांखौ मोन्नानै आं गोजोन्नय मोन्दों। बर' थुनलाइनि जारिमिनाव अनजिमा लाइसिहा देरगाखांजाथाव बिहोमा दडा। बर' थुनलाइखौ दानि महराव दावगाहोनाय आरो थुनलाइगिरि खन्थाइगिरि सोरजिनायाव अनजिमा लाइसिनि बिहोमाया रुजुजाथावै। बेनिखायनो नोंथांनि राफोद आखायनि सुजुनायाव दिहुन्नो लानाय 42थि बिसान अनजिमा लाइसियाव दानि गोदान आथालनि सान्नाय हनायनि सांग्रांथिखौ बेरखांहोनायजों लोगोसे गावनि राव हारिमु थुनलाइ आरो हारियारि थामोनथाखौ हमथानानै लाखिनो नाजानायनि मोन्थोरा गोदान आरो गोजाम लिरगिरिफोरनि रेबगननि गेजेरजों बेरखांथों होन्नानै मिजिंथिबाया। लोगोसे अनजिमाया सिगांनि बोहैथिखौ हमथानानै गोदान लिरगिरि सोरजिनायनि जौसां होनो हाथों।

जोबथारनायाव खुंनो लानाय खन्थाइगिरि ईसान मोसाहारि गोसोखां सान आरो दिहुन्नो लानाय अनजिमा लाइसिया गासिबो बिथिडाव जाफुंसारथों। नोंथांमोन बयनोबो फिन खेबसेबाव आंनि गोसो गोबोनिफ्राय हामब्लायनाय हरबाया।
गोजोन्थों। एसेनोसै।

सिम,
मुसि अबेनसन इस्कारी
गाहाय सुजुगिरि
अनजिमा लाइसि।

(मुसि प्रमद बर')
गाहाय मावफुं सोद्रोमा
बड'लेण्ड हायुडारि गौथुम
क'क्राझार।

GOVT. OF ASSAM



OFFICE OF THE PRINCIPAL
KOKRAJHAR GOVT. COLLEGE
P.O. KOKRAJHAR.
DIST. KOKRAJHAR, BTC (ASSAM).

From: Dr. Banabina Brahma,
Principal,
Kokrajhar Govt. College, Kokrajhar.

Phone: 03661-270245(O),
Website: www.kgc.edu.in
Email: principalkokgc@gmail.com

No. KGC/38/2016/2533


Date: 24/06/2022

Message



It gives me immense pride and pleasure to know that Kokrajhar Govt. College Bodo Students Literary Society (KGCBSLS) is going to publish the 42nd Edition of "Anjima" magazine by observing the 39th Ishan Mushahary Memorial Day Celebration, 2022. As Education is not only an act of acquiring knowledge but learning a skill to lead life and forming one's personality. We believe in openness of mind, dignity of conduct and mutual respect in the back ground of social, economic, cultural, religious and linguistic diversity and develop a confident understanding of the role of a student in the global society

I congratulate the faculty members and students of Kokrajhar Govt. College who used various mediums of expression to present their ideas. As long as our ideas are expressed and thoughts kindled, we can be sure of learning, as everything begins with an idea. I appreciate every student who shared the joy of participation in co-curricular and extracurricular activities along with their commitment to curriculum. The numerous achievements of the College are yet another milestone in the co-curricular activities. I wish the magazine will be able to highlight the immense contribution the institution has imparted towards the society of the region.


Principal, 24/6/2022
Kokrajhar Govt. College,
Kokrajhar.
Kokrajhar Govt. College
Kokrajhar



GOVT. OF ASSAM

OFFICE OF THE DIRECTOR OF EDUCATION, B.T.C., KOKRAJHAR

Sri Jagadish Prasad Brahma, AES
Director of Education, B.T.C., Kokrajhar

Phone No. : 9435325911

Ref. No.

Date.....

MESSAGE


It gives me immense pleasure to know that the Kokrajhar Govt. College Bodo Students Literary Society is going to publish its 42nd edition of the magazine namely, "Anjima" by observing the 39th Ishan Mushahary Memorial day celebration.

I think the magazine will provide opportunities to the students as well as the teachers community of the college to express their thoughts, views and ideas to the fullest extent.

I convey my warm greetings and best wishes to the students and the members of the Editorial Board and wish the magazine be a colorful one.

Date: 27th June, 2022

Place: Kokrajhar


(J. P. Brahma, AES)
Director of Education,
Bodoland Territorial Council,
Kokrajhar

OFFICE OF THE VICE-CHANCELLOR : BODOLAND UNIVERSITY
Debargaon, P.O. Rangalikhata
Kokrajhar – 783370, BTC, Assam.



Tel. No. 03661-277127 (O)
Fax. No.03661-277127(O)


Date: June 24, 2022

Message

I am very glad to know that Bodo Students Literary Society of Kokrajhar Government College, Kokrajhar is bringing out the 42nd Edition of its Magazine "*Anjima*" on the auspicious occasion of the 39th *Ishan Mushahary* Memorial Day celebration.

The Magazine is the literary work of the students based on their inclination and perception of the platform for enhancing skills and talents of the students. It serves in creative thinking and writing.

My best wishes will always remain with the Chief Editor of the Magazine.


(Prof. Laishram Ladusingh)
Vice-Chancellor
Vice-Chancellor
Bodoland University
Kokrajhar



सुजुगिरिनि रेवगनजो.....

गिबियावनो आं आंनि गोसो गोरबोनिफ्राय क 'क्राझार सरकारि फरायसालिमा बर' फरायसा थुनलाइ आफादनि गाहाय सुजुगिरि जानानै आं क.स.फ.ब.फ.थु.आ.नि आफादगिरि आरो लोगोसे गोरायुं ड० बनबिना ब्रह्म मेडाम थुनलाइ बोसोनगिरि सार, मेडाम लेडइ आफादगिरि सार आरो मेडामजो लोगोसे गासैबो बिबुंगोरा

आरो बिबुंगिरि आरो आंनि आंगोनि फरायसुला-फरायसुलि लोगो नोंथां मोननिसिम आंनि गोथार गोसोनि गाहाम हामलाइथिखौ बाउहरनाय जाबाय। बेजो लोगोसे आंखौ 2019-20, 2020-21 इं मायथाइनि क.स.फ.ब.फ.थु.आ.नि गाहाइ सुजुगिरिनि बिबानखौ दैदेननो खाबु होनायनि थाखाय आं गासैबो सार मेडाममोन आरो फरायसा-फरायसुलि नोंथांमोननि सिगाडव आरोबाव खनसे आंनि गोसो गोरबोनि हामलाइथिखौ जासिहरनाय जाबाय। आंनि थाखाय आंनि जिउआव बै साना गोसोखांथाव जानानै थासिगोन। मानोना आं सानो बहुमाव मानसि हिसाबै जोनोम लानानै गावनि आंगो बिमानि थुनलाइखौ सिबिनो मोननायआ खाफाल गोनां होनजायो।

बिबान मोनखांनायनि उनाव आं आफादनि बिथोन बायदि बयनिबो गाहाम मावनायासो बिबानगिरिनि मावनो गोनां होनानै गोसोआव लाना मावदोमोन। आंनि गियानाव आंहा जा एसे मोनदांथि दडमोन बेजोनों-आफादनि गाहाय सुजुगिरिनि बिबानखौ मावनो एबा दैदेनलानो नागिरदोमोन आरो दैदेन लांदोमोनबो। नाथाय खामानिनि बेलायाव बेसे जाफुंसाद जाखो थारैनो बियो आंनि थाखाय गिलु बालु गिदिर सौलु। मिजिंथिबाय माबाफोर गोरोन्थि जादोब्ला आंगोनि सोरबा सासे होननानै निमाहा होगोन होनना।

Covid - 19 नि नारसिननायनि गेजेरजो गोबां नारा नाथानि गेजेराव गोदो हाबनानै दंमोन। गोसोआव गोबां सौलु फैदोमोन, "अनजिमा" लाइसिखौ आबुं महर होलांनो हागोनना हाया? नै बोसोर बिबान आजावनानै "अनजिमा" लाइसिखौ दिहुनलानो हायाब्ला बिबान आजावनाया दाय जानानै थालांगोन बिदि साननायजो बुंफबदोमोन। थुनलाइ बोसोनगिरि मेडाम अनजु आरो ड० वारी सारनि थुलुंगा आरो गोरायुंनि बिथोन बायदियै, गुसुं समनि गेजेरावब्लाबो दिहुननो आखायाव लायो आरो दिनै मोगथां महर मोननो हायो।

गुबुन गुबुन बोसोरनि बायदिनो बर' राव आरो थुनलाइखौ जौगाहोनो आरो फरायसाफोरनो थुनलाइ सिबिनायखौ बांहोनो देग्लायबो 42 थि बिसान "अनजिमा" लाइसिखौ दिहुननाय जाबाय। जाय सानसिनि थांखिजो क.स.फ.ब.फ.थु.आ.नि जिख्लाबनैसो लिरबिदांनि गेजेरजो दिहुननाय "अनजिमा" लाइसिआ बर' हारिनि जौगानाय, हारि माहारि सिनायथि होनो आरो बयनिबो अनसायनाय मोनगोन होनना मिजिं थिनाय थाबाय।

थुनलाइया जाबाय मोनसे हारिनि आयना जेराव गावनि महर मुस्रिखौ आयनायाव नुनो मोनो बिब्दिनो थुनलाइनि गेजेरजो हारिनि राव, हारिमु, सानसिखौ मिथिनो मोनो। बिनिखायनो थुनलाइ गैयाब्ला मोनसे हारिया थांनानै थानो हाया। बे थुनलाइखौ फेहेरनाय आरो जौगाहोनायनि बिबाना हारिनि इयुन जोलैनि सायाव सोनारो मानोना हारिखौ जौगाहोनो आरो सिनायथि होनायनि गुबै बिजोआनो जाबाय राव थुनलाइ। बिनिखायनो

साक्राम बर' फरायसा फरायसुलफाराना बर राय रायज्जायनागा, फरायनागा, हारान दानाय-लुनाय, आसार खान्थिखौ जौगाहोनो नाजानांगोन आरो थुनलाइखौ जौगाहोनो जेब्लायबो नाजाथारनांगोन ।

बर'नि सासे आगोमा थुनलाइगिरि बिथां ईशान मोसाहारिनि गोसोखां सान फालिनायआ दिनैसिम 39 थि बोसोराव आगान होबाय । बे गेदेमा थुनलाइगिरिखौ सिबिनाय गोसोखांनाया जौनि बिबान बिथांनि गोसोखां सान फालिनायजौ लोब्बा लाखिनानै दिनै "अनजिमा" लाइसिनि जोनोम ।

जोबनाय फारसे आंनि गाहाय सुजुगिरिनि रेबगनखौ फोजोबनायनि सिगां नैबे "अनजिमा" लाइसियाव गावनि बेसेनगोसा लिरबिदांखौ दैथाइहरनायनि थाखाय गासैबो गोदान, गोजाम थुनलाइनि फोथाराव बिहोमा होबोबाय थानाय लिरगिरि सार आरो मेडाम बेजौ लोगोसे फरायसा फरायसुलिनिसिम आं सुजु आफादनि जानानै साबायखर बाउहरनाय जाबाय । बोसोरारि लाइसि 42 थि जर'खा बिसान "अनजिमा" लाइसिखौ गाव गोनां दिहुन्नायाव मदद होनाय क'क्राझार सरखारि फरायसालिमा बर' फरायसा थुनलाइ आफादनि थुनलाइ बोसोनगिरि, लेडइ आफादगिरि सार मेडाममोननिसिम गुरैयै साबायखर बावनाय जाबाय । बेजौ लोगोसे बिबान मोनजेननायनिफ्रायनो आंखौ हेफाजाब होबोनाय आफादगिरि ड० बनबिना ब्रह्म आरो बेजौ लोगोसे गासै बिबानाव थानाय बिबानगिरि आरो सोद्रोमाफोरनिसिम लोगोसे सुंथाव समावबो जौनो "अनजिमा" लाइसिखौ साफायना हरनाय रुफाथि प्रिन्टार्सनि बिगोमा आरो मावथि फारियाफोरनिसिम आंनि गोसो गोरबोनिफ्राय अननाय आरो साबायखर बाउहरनाय जाबाय ।

जोबथारनायाव बे आंनि सुजुनाय 42थि बिसान "अनजिमा" लाइसियाव माबाफोर गोरान्थि एबा बानानफोरा (Spelling) गेबें जायाखैब्ला निमाहा होगोनखौ मिजिं लानानै आंनि सुजुगिरि रेबगन एसेयावनो फोजोबनाय जाबाय ।

॥ गोजोन्थों ॥

बर'राव थुनलाइ गेवलांथों

अनजिमा जिउ लावथों

क'क्राझार सरकारि फरायसालिमा — थांनानै थाथों

क'क्राझार सरकारि फरायसालिमा बर' फरायसा थुनलाइ आफाद — थांनानै थाथों

"बर' हारिनि जै"

नोंथांनि फोथायजाथाव

अयेलसन इस्तारी

गाहाइ सुजुगिरि

"अनजिमा" दिहुनगा 42 थि

क.स.फ.ब.फ.थु.आ.

मायथाइ: 2019-20, 2020-21

नायखां बिलाइ

फारि नं	लिरबिदां	लिरगिरि	बिलाइ
1.	दिहुनगिबि अनजिमा: गांसे बिसम्बि सावगारि	मन 'रन्जन लाहारी	1
2.	मिथिंगा सिख्लानि बोराबनाय	तरेन बर'	5
3.	जोब्था थांखि	ड० सुरथ नार्जारी	6
4.	अन्नाइनि थार नेसॉन	बेनुधर बसुमतारी	7
5.	बिमा राव महरै बर बिजॉनि सोल्लोथाइ	रमेला ईस्तारी	14
6.	गाहाम हामब्लाइथियारी खौरां	सानसुमा खुंगुर बैसोमुथियारी	20
7.	“अनजिमा” नि बिखायाव दान्दिसे	अन्जु	27
8.	रुम मेट	उत्तरा बैसोमुथियारी	31
9.	बर' राव जौगानायाव लाइमोनफोरनि बिबान	प्र. इन्दिरा बर'	35
10.	गोजौयाव थांनो नागिरग्रा फरायसा	कृष्ण गपाल बसुमथारि	39
11.	आद्रा जिउनि बुब्लि	अरगें नार्जारी	41
12.	समर ब्रह्म चौधुरीनि रादाव खन्थाइआव बेरखांनाय रमान्दिक सानसि	ड० अलका बसुमतारी	46
13.	गोदान मिजिंक	राणी हेलेन	52
14.	सानजुथि रैखाथि (Computer Security)	फ्रान्सिस नार्जारी	54
15.	अनजिमा	नीलिमा	56
16.	मोन्थिया आं	खुनजु लाल नारजारी	57
17.	गिनो नाड	निजोरा मुसाहारी	58
18.	दुमफाव	घटटक 'स ब्रह्म	60
19.	सासे गथखौ लुखांनांगौआ गोरलै बाथ्रा नड	अयेलसन ईस्तारी	61
20.	रुवाथि दुरलाइ	उदांसि ब्रह्म	65
21.	आं गोदानसोलै बाजै	निरन्जन ब्रह्म	67
22.	मिजिं	दिक्षसा बसुमतारी	68
23.	दायना	बिलिफां दैमारि	70
24.	बर' हारिमु जौगाहोनायाव लाइमोनफोरनि बिबान	प्रिया रामसियारि	72

1. नौनि थाखाय	मुस्लि नायसां बरगयारि	75
2. जुमाय फाग्ला	फ्रिजिका नार्जारी	78
3. मडार्न जुगनि आइजो	नोजोर बसुमतारि	79
4. बर' हारिमु जौगाहोनायाव लाइमोनफोरनि बिबान	मुस्लि जयन्त रस बर'	80
5. आब' रैसुमैनि बालाबगासे दुखु	थराइना सुनिया बाग्लारी	85
6. बाथाबारिनि दायना	जिमियास बसुमतारी	87
7. गावखौ फोजोबनायनि आन्दोआव मा थायो.....!	मुस्लि राजेश बर'	89
8. रिफिखांनाय सावगारि	मुस्लि गुमुर बर'	91
9. खोनानाय आरो मोदोमनाय	मुस्लि दानसोरां गयारि	93
10. बैसागु	फोजोनमा बसुमतारी	95
11. गोरोन्थिया सोरनि ?	मुस्लि मानास ब्रह्म	96
12. समाजारि जेंना	बिथ'राइ बर'	98
13. कमा	अमिका बसुमतारी	100
14. दायनाया सोर ?	मुस्लि बिरखां बरगयारि	102
15. बर' हारिमु जौगा होनायाव लाइमोनफोरनि बिबान	मुस्लि बिरखां बरगयारी	104
16. बर' सिख्ला	जिमिथा ब्रह्म	108
17. इसिंनि अनजालि	जेबियार बसुमतारी	108
18. बेलारोम समाव	सानखां औवारि	109
19. जिउनि लामा	सुफुं बसुमतारी	109
20. थास' बिलाइनि दै	साफना बसुमतारी	110
21. लिमारिक	कनक बसुमतारी	111
22. आंनि दाबुं आफा	गंगा रानि बसुमतारी	112
23. जोनोमगिरि अनसुलि आइ	जौफु ब्रह्म	112
24. बेलारोम समनि सिमां	मनिराज नारजारि	113
25. गोदान सोरां	दैदेन ब्रह्म	114
26. मावदो नौनि मावनांगौ खामानिखौ	महेसर कसारि	115
27. बर' हारि	निलिमा ब्रह्म	116
28. बिमानि मोदै	सोमदोन अवारि	116
29. थैसाम	मुश्री मृदुला मुसाहारी	117
30. थरालि सैनाय	मुश्री दिफांखर बसुमतारी	117

55. इसारा	फैसाली नारजारी	118
56. सैथोनि लामा	दिदोमसाथ ब्रह्म	119
57. मोनसे गोदान फसिल	मुश्री गुमुर बर'	120
58. बालाबगाबा लिमारिक	नायस्रां बरगयारि	122
59. बैसागु	दोमै बसुमतारी	123
60. जर 'खा बाहागो (ईशान मसाहारीनि खन्थाइफोर)		124-131
61. गाहाइ नेहाथारिनि बोसोरसालिया फोरमायथि		132-135
62. क 'क्राझार सरकारि फरायसालिमा बर' फरायसा थुनलाइ आफाद मावफुं आफाद आरो सोद्रोमाफोर		136
63. आगु मावख' गाहाय बिफानारिफोरनि फारिलाइ क 'क्राझार सरकारी फरायसालिमा बर' फरायसा थुनलाइ आफाद		137-138



दिहुनगिबि अनजिमा: गांसे बिसम्बि सावगारि

मन 'रन्जन लाहारी

*"Fond memory brings
The light of other days."*

1968 मायथाइनि 26 जानुवारि खालि क'क्राझार कलेजनि बर' फरायसाफ्रा बर' रावनि गिबि लाइसि दिहुनजेनदोंमोन। लाइसिनि मुझ अनजिमा। कलेजनि बर' फरायसाफ्रा खौसे जानानै गंसे सुजु आफाद दानायसै। बे समाव कलेजनि प्रिन्सिपाल रंसारि रमनि कान्त शर्मा मोन। फाइस प्रिन्सिपालआ फनि ब्रह्ममोन। बिथांखौनो सुजु आफादनि आफादगिरि खालामनाय जादों। लेडइ आफादगिरिआ जादों जगदिश ब्रह्म। आं लाइसिनि बिबानगिरि - मेगाजिननि प्रफेसार इन-सार्ज। सुजुगिरिया हेरम्ब' नार्जारी आरो लेडइ सुजुगिरिया बकुल बसुमतारीमोन। लेडइ नेहाथारिफ्रा जादों फारियै - निल कमल ब्रह्म आरो कनकेश्वर नार्जारी। रांगिरिया ब्रजेन नार्जारीमोन। बोसोनगिरिफ्रा जाबाय दानिराम बसुमतारी, कमला कान्त बसुमतारी आरो मुकुल ब्रह्म। जगदीश ब्रह्मआ सोल्लोंथाइ आयदानि प्रफेसार, आं इंराजी आयदानि प्रफेसार, दानिराम ब्रह्म आरो कमला कान्त बसुमतारी मोनहा रांखान्थि बिफाननि प्रफेसार आरो मुकुल ब्रह्मआ जारिमिन बिफाननि प्रफेसारमोन।

क'क्राझार कलेजाव अनजिमाया गिबि आरो

सिगां लाइसिखाय बेनि गोनांथिया गोबांथारमोन। बर' फरायसाफोरनि थुनलाइ सोरजिनायनि अनजिमायानो बिजों मिडियाममोन। फोरोंगिरि आरो फरायसाफ्रा बुंसो लायदोंमोन कलेजाव गांसे माउटपिसनि जोबोर गोनांथि दं। बर' हारिनि राव आरो थुनलाइ सिबिनो लाइसियानो बेसेन गोनां आइजें। बे लाइसिखौ बोसोराव खेबसे दिहुन्नायनि थांखि लानाय जादोंमोन। अनजिमाखौ दिहुन्नाय जादोंमोन- Bodo Students' Literary Society, Kokrajhar कलेजनि सिडव। बे लाइसिखौ बे आफादनि खुगा-बिलाइ महरै दिहुन्नाय जादों। लाइसिनि बांसिन लिरबिदांआ फरायसाफोर लिरनाय। आंनि राइथाय - सत्य कुमार ब्रह्मनि खन्थाइयाव गोसो थोनाय अबथिरा रंसारि जानाय कलेजनि फरायसा सत्य कुमार ब्रह्मनि खन्थाइनि सावरायनाय। र'मान्ठिक खन्थाइगिरि महरै गां सुजेन्नाय सत्य कुमारआ थांनानै थायोमोनब्ला सासे गिदिर खन्थाइगिरि जागौमोन होन्नानै आं सानो। बेनि मुस्त्री-सानसि आरो रादाब आव अट'बाय 'ग्राफिकेल साइखं दंमोन। खन्थाइनि आइदाया थार जाथायनिफ्राय लानाय जादों। सत्य कुमारखौ सावरायनो लानायाव आं बिनि र'मान्ठिक आइडियेलजिमखौ नागिरदोंमोन। जैरै --

“दाखालि आं
नोखौ नुदोमोन
दैमा गाथोनाव
लिरनाय दं दाबो गोसोआव।”

* * *

आरो सोनाब अखांनि सान-सिखोला -

“सोनाबनि जारौ साना
आबिर बिलिरदों;
गोमो दुलुत नौनि मोखांआव
नौं आरो जारौ जासिनदों।”

* * *

आरो मिथिंगानि थार - गोथार -

“आं मोनदों --
गुबै गाब अराय महर।
मिथिंगानि सोमखोर मुस्रियाव
बिनो थार, बिनो गोथार, बिनो
गोमोथार महर।”

John Keats- नि “Beauty is truth,
Truth is beauty.”

बि.ए. थामथि बोसोराव फरायनाय सत्य
कुमारआ एसेग्राफनि Mature खन्थाइगिरि जानो
हमबायमोन आं गोमोदोंमोन।

फरायसा रन्जित कुमार बरगयारीनि खन्थाइ
सेंग्रा-सिखना या जानो हागौ बेनो बिनि खन्थाइ
रनसायनाय एबा खन्थाइ रनसायनो हमजेन्नाय। दा
रन्जित कुमार बरगयारीआ बर' थुनलाइयाव गावखौ
गाइस्नानै लानो हाबाय। गुनेश्वर मुसाहारियाबो बे
समनि क'क्राझार कलेजाव फरायसामोन। बिनि
राइथाय- बैसागु दुफांआव बर' सुबुंनि देंखो
अनजिमा गिबि बिसानाव ओंखारदों। दा बियो बर'

थुनलाइयाव सासे अरायथा लिरगिरि। बियो
खन्थाइगिरि, राइथायगिरि, सावरायगिरि। दुष्मन्ट'
ब्रह्मनि बिबार आबो ओंखारदोंमोन बे बिसानावनो।
बिबो सासे फरायसामोन। निलकमल ब्रह्मनि -
मेगननि आखल-गोसोनि महर सुंद' सल'आबो
गिबि बिसानाव ओंखारदोंमोन। बिनि सल' लिरनाय
आर्ट आरो टेकनिकआ गोजौ माननि। थामथि बोसोर
बि.ए. आव फरायनाय फरायसा निल कमलआदि
बेबादि सल' लिरनो हागौ - बे गोमोथाव आरो
बाख्यायथाव। दा बियो सासे मुंदांखा सुंद' सल'गिरि
जाबाय। ईशोर चन्द्र ब्रह्मआ बि.ए. नैथिनि
फरायसामोन। बिनि बे - थैया सोरनि? खन्थाइया
गिबि बिसानाव जायगा मोनदों। उनाव बियो सासे
मोजां खन्थाइगिरि जाहैयो। बियो कामाख्या ब्रह्म
नार्जारीजो लोगोसे गुथाल खौ दिहुनो। अनजिमायाव
ओंखारनाय- बर' बेनजनवरनवरर उच्छारन राइथाया
बर' रावखान्थिनि मोनसे आयदा। बेनि लिरगिरिया
गहिन बसुमतारी। आं कटन कलेजाव लोगोसे बि.ए.
फरायदोंमोन। बियो दा दिल्लीनि थागिबि जाबाय।
बियो सासे गोगोम लिरगिरि आरो ग्रामारियान। बि.ए.
नैथि फरायसा आनान्द ब्रह्मनि लाफा साइख'
खन्थाइयाबो गिबि बिसानाव ओंखारदोंमोन।
अनजिमायाव नैथि सुंद' सल'आ बिनय कुमार
ब्रह्मनि। बियो बि.ए. थामथि बोसोरनि फरायसामोन।
उनाव बियो खन्थाइ रनसाइदों। बि.ए. थामथि बोसोरनि
फरायसा बन्दुराम बसुमतारीनि मन'ग्रा या थामथि
सुंद' सल'। बिबो उनाव रायथाइगिरि आरो
खन्थाइगिरिबो जादों।

इंराजि बाहागोआव दंमोन - प्रिन्सिपाल
रम'नी कान्त शर्मानि रायथाइ - Language Lit-

erature and Culutre। बियो जॉनि गाहाय (Boss) मोन। बिथाड असमीया थुनलाइयाव बिहोमा दंमोन। रंसारि शर्मा सारआ सासे neat and clean आरो disciplined administrator मोन।

अन्नाय खन्थाइया P.U. (Arts) नि फरायसा पुर्ण चन्द्र नार्जारीनिमोन। गिबि अनजिमायाव आरो दोंसे सुंद' सल' मोनबावो। बे जादों सुरथ नार्जारीनि आं सोरखौ गोसो थोयोमोन? बिबो फरायसामोन। दा बियो सासे अरायथा लिरगिरि जाबाय। अनजिमायाव ओंखारदोंमोनखौ रांगासे फावथिना। बे जादों धिरेन थालेदारनि दाइया सोरनि? रंसारि धिरन्द्रआबो फरायसामोन। ग'साइगाव कलेजनि फाइस प्रिन्सिपाल जानाय समाव बियो अबथिरा रंसारि जालांदों। कनकेश्वर नार्जारीआ बे समाव बि.ए. थामथि बोसोरनि फरायसामोन। बिनि राजखान्थिनि गुथाल राइथाया अनजिमायाव ओंखारदोंमोन। कनकेश्वर नार्जारीआ उनाव अमरनि गोजोनफुरि मुनि अमर खायामनि खन्थाइमाखौ बर'आव राव सोलायदों। जतिन्द्र नाथ दावरानि अमर तिर्थनि साया लानानै बे बिजाबखौ लिरदों।

सुजुगिरि हेरम्ब' नार्जारीया फरायसामोन आरो बकुल बसुमतारीयाबो फरायसामोन। जोबोर मोदोम गुदुंमोन बिसोर सानैया। हेरम्ब नार्जारीआ दा गोजौ माननि लिरगिरि जाबाय। बकुल बसुमतारीया दा बबेबा Top-rang-ni Officer जानानै दं। लाइसिनि बिखंनि सावगारिखौ एरखांदोंमोन इन्द्र महन क'चआ। बिबो फरायसामोन। राइफोतनायाव सुजुगिरिया एरैबायदि लिरदोंमोन -

“सोर बुंनो हागौदि जॉनि थुनलाइखौ गुबै महरै बेरखां होजेन्नो थाखाय जॉनि गेजेराव सौसार

उजिनाय नड?

* * *

बेनि थाखाय बाइहाजार अनजिमा नांगौ। अनजिमाया बेसेबा गुवार; थुनलाइ-दैथुन गेजेराव थरथिंसे बाउनायल'। थेवबो बिनो इसेसोबो हेफाजाब होगोन होन्नानै जों सानो।”

* * *

आरो लाइसिनि नेहाथारिनि रावयै --

“1967 इं माइथायनि 27 आगष्ट। रबिबार। सानजौफु। अखांआवबो दलतफा दलतनै जोमै दंमोन जेब्ला क'क्राझार कलेजनि दंनायमानि बर' फरायसाफ्रा आरो फोरोंगिरिफ्रा फैनानै कलेजनि गोलावसिन न'आव जधुमफैयो। बिदिनो मेल जाजेनो सानज्लाय-हज्लायनि गेजेरजों - बेनिफ्राय ओंखारबोआखिसै - “Kokrajhar College Boro Foraisa Thunlai Afat” (Kokrajhar College Bodo Students' Literary Society.) आफादनि गाहाय थांखिखौ मुंख'नानै नेहाथारिया बुंदों-- “..... बर' राव थुनलाइनि गेजेराव गावनि बिमा रावजों लिरग्रा लिरगिरिफोरखौ थुलुंगा होनाय - बेनिफ्राय जाखातनायनि जांख्नायाव आगानसे आगय हानायनि हेफाजाब मोन्नो मिजिं थियो।”

बर' रावनि गिबि लाइसि बिबार (1924) खौ बे समनि बर' फरायसा-फरायसुलिफ्रानो दिहुनदों। सतीश चन्द्र बसुमतारी सुजुनाय बे लाइसिनि सामलायगिरिनि सोद्रोमा आरो मावफुंग्राफोरा फरायसामोन। बिदिनो फरायसाफोरनि नाजानायाव ओंखारदोंमोन सानश्री आरो मुश्री, अलंबार, हाथखि-हाला, जेन्थ'खा। प्रमद ब्रह्म, ईसान मुसाहारी, आनान्द चन्द्र ब्रह्म मोनानो लाइसि दिहुनाय हाबायाव लोब्बा

दंफायोमोन। बिदिबादिनो कटन कलेजआव फरायनाय बर' फरायसाफ्रा (जों) 1954-55 माइथायाव अखाफोर लाइसि दिहुनदोंमोन। कटन कलेज बादि आसामनि Primier Institution आव जेराव बर' फरायसाफोरनि बिसाना जोबोर एसेल' बर' रावनि लाइसि दिहुन्नो हाबाफारि लानाया जोबोर गोब्राबथारमोन। बेनि अनगायैबो कामरुप आरो खोला ग'वालपारानि फरायहैनाय बर' फरायाफ्रा बर' राव बुंब्लाथाय खासि-बिसि मोनोमोन। थेवबो जों बर' कटनियानफ्रा हाजार हेंथानि गेजेराव (रांनि हेंथायानो गोब्राबसैमोन) अखाफोर लाइसिखौ गांनै बिसान दिहुन्नो हादोंमोन। बे अखाफोर लाइसिआनो आथिखाल बर' थुनलाइ (1952 निफ्राय) नि गिबि लाइसि आरो बेनो बर' थुनलाइ दावगानायनि गंसे माइलखुन्थिया (milestone)। दा बर' थुनलाइयाव

अखाफोर मुगा (1954-55) होन्नानै लिरनाय जाबाय।

लाइसिया गोदान गोदान लिरगिरि सोरजियो आरो गोजाम लिरगिरिफोरखौ राफोरसिन खालामो। हारिनि राव, आरो थुनलाइ सिबिनो लाइसिआ खाबु होयो। जायफ्रा लिरनो आखाय होजेनो बिसोर लिरै लिरै लिरनायनि आदब, गहेना, फोरमायनाय आरो बेखेवनायनि टेकनिक सोल्लोलाडे।

'अनजिमा' लाइसियाबो गोबांनो गोदान गोदान लिरगिरि सोरजिबाय। कलेजनि फरायसाफ्रा जायफ्रा लिरनो हमजेनदोंमोन बिसोरनि मादाव दा खायसे मुंदांखा लिरगिरि जाबाय। बिसोर गाव गावसोरखौनो बर' थुनलाइयाव फसंनानै लानो हाबाय। बेथिडै अनजिमा लाइसिनि बिहोमाया गोबां आरो बेसेन गोनां।



बे लिरबिदांखौ र'मान हांखोजों सिगाडव दिहुन्नाय जादोंमोन। फरायसाफोरा बे जारिमिनखौ मिथिनाया जोबोद गोनांथार होन्नानै, थुनलाइ बोसोनगिरि अनजु मेडामजों गोबां सावरायलायनायनि गेजेरजों बे लिरबिदांखौ फिन सेबखांफिन्नाय जादों।

मिथिंगा सिख्लानि बोरबनाय

तरेन बर'

आफादगिरि, बर' थुनलाइ आफाद

हाया हाया बेसे दिखानो
 लेर लेर सुबुंनि उदखार
 लेर लेर सुबुंनि सोबख 'नाय
 सुबुंनि इनाय अनागार,
 हालिया सहायनो रुजुनना लानो
 बेरामजोंबो हालिया
 सोलोजोंबो हालिया
 सुबुं हारिखौ सिलिंखार खालायनो
 दबथायना दोनो
 ओंखारबाय रैखाधिनि मुलि
 ओंखारबाय गिलु बालु बेरामनि मुलि
 ओंखारबाय रासायनिक मुलि
 ओंखारबाय लाइफ सेभिं मुलि
 फोजोंबनाया गोब्राब जाबाय
 करुनायाबो हायासै
 सुबुंनि जिउ फोजोबस्रानो
 दुथां आखुथायफोरखौ
 सिलिंखार खालायनो
 दासो सानदों, नुदों
 मिथिंगा सिख्लानि रागाखौ
 बियो रावखौबो खेर खेराया
 रावखौबो बिलिरना नाया
 थोंजों लायो एकचन,

सिमानि न'
 सिमानि गारि जालांबाय सिलिंखार
 जालांबाय समायना संसार सिलिंखार
 मिथिंगा सिख्लाया बुंदों, एइ फाफि सुबुं हारि
 बारा गोबाव गैला नोंसोरनि खाफाल
 दानदला जासिगोन,
 खाफालनि लिरनाय हांखोया,
 सोलोंथाइ, बिगियान आरोंदायारि
 मुगायाव बेसे गोबाव थिस्थिगोन
 नों सुबुं हारि,
 थगायनो हागोनना नों आंखौ
 थाबायनो हागोनना नों आंखौ गारना
 गारनानै नेउसिनानै,
 आं मिथिंगा सिख्ला
 बिरबायो आं
 नोंसोरनि गाब गोनां
 समायना रमायना संसारखौ नायनो
 हा....हा....आं मिथिंगा सिख्ला
 नोंसोर आंजों दा जुजि
 आंनो सिलिखारगिरि
 मिथियो आंखौ बयबो
 सोरगो मोरथो फाथाल
 महेश्वर रुपी मोदाय होननानै... !!



जोब्था थांखि

ड० सुरथ नाज्जारी
बारग' गोरायुं, क'क्राझार सोरकारि फरायसालिमा

हाथासी गोसोआ खामग्लिदों गोरबो बिखायाव
मोनो लुबैनायजों बोदोर बाउली जाना
बायहाजारनि उनाव खारबायदों जिउनि लामायाव ।

मोनोसो मोनो
मोन्नायखौनो मोना माथो,
हाजार बिजार मोनब्लाबो आय'
जिउआथ' जाना थायो लाथिख' !

मोनथारै मोन्नायजों
गोसोआ नागिरबावो माबा-माबा
बिदिनोथ' बारबोबाय अराय समा
नाथाय दान्दिसेनि थाखायबो गोजोन्नाय गैया ।
नोंगौ ना ग'साइ नोंखौ मोनैखायसो
जिउवा आंनिया बिदि जाबाय,
नोंखौ मोनैनि थाखायसो
जिउखौ लाथिख' मोनबाय ?
अब्ला, आं मिथि बा दामिथि
जिउनि अराय थांखिया नोंनो जाबाय ।



अन्नाइनि थार नेसॉन

बेनुधर बसुमतारी
Retd. General Manager,
Oriental Insurance Company Ltd, Central Govt.

“नुबाइ, अन्नाइनि थार नेसॉनखौ! ? बेसेबां मोजां, मुलुगनाडैनो गोमोथाव।”

रैमालीआ फिसाय बिलिफांखौ जंखाइदों।

“माखौ बुंदों?”

“जेनोबा मिथियासो, सोंफ्लाबावो।”

“माखौ बुंदों, आं थारैनो हमनो हायाखै।”

“ताजमहल, जाइखौ सम्राट शाहजाहाना अन्जालि बिसि ममताजखौ अन्नाय मोजां-मोन्नाय
नेसॉन महरै लुफुंदोंमोन।”

नभेम्बर दाननि गोजांसो फुं। रैमालीआ बेलकनियाव जिराइनानै च्रोम सान्दुडव साहा लोंथाव माखासे गोजाम सावगारीफोर नाइदों। गलायगथाय जानाइखाय बोसोर बोसोर जथाइनो लानायाव ताजमहलनि सावगारिखौ नुसनदों। गथ'फोर उन्दै समाव, बिसोरनि फराइसालि बन्द'जों गोरोबहोनानै दिल्लीयाव बेराइहैनायाव आग्रा सहरनि मुलुग गोमोथावफोरनि मोनसे, ताजमहलखौबो नाइदोंमोन बिसोरो। बेवनो लानाय माखासे सावगारिफोर -- “खरै, फिसा सानैनि हारसिं हारसिं आरो गावसोर सानैनि। दिनै रबिबार, मावख'आव थांनाड। गावहानो न' थाखानाय देरादुइआ सहरावनो साखिनि मावख'आ। साखाथियाव जिराइनानै बिलिफाडबो सानखालिनि रादाब बिलायाव खर'सा खौरांफोरखौ नायै नायै साहा लोंदों। सिगांनि बिलाइ गांब्रैआव

दानख' खौरांफोरजोब, जैरै - घुस लानायाव पुलिसजों खाजानाय, फेहोग्रा मुवा सेलाइनानै लोगोआनो लोगोनि जिउ खोमानाय, आयेन बेरेखायै साखि होनायखौ लानानै दावराव, सरकारनि सुबुं सिबिनाय अनसुंथाय जाख्ल'नायनि अजद बाइदि बाइदि। माथो फराइथाव दाजाबथाय खौराडनो गैया' होन्नानै बिलिफाड रादाब बिलाइखौ जोख्नोबो आरो रैमालीनि ताजमहल आइदायाव फिनहरो। “नंगौथ”, ताजमहला लुफुंनाय, समाइनाय जैरैथिंबो गोमोथाव आरो सोमोनांथाव। जोंनि हादरनि आग्रा थावनियाव लुनाय बे मांख'र लुथाइनि सोमोन्दै फराइबिजाबाव फराइनो मोनजेनोब्ला फोथाइनो गोब्राब मोन्दोंमोन। उनाव माब्लाबा मोख्थाडव नाइनो सान्दोंमोन। ईसोरनि अन्नायाव नुहैमारबायबो। बेयो थारैनो जेजोंबो रुजुथाव नड। “बेखौ लुनायावखि एसेल' रां नांदों बेयो बेसे

गोबावजों लुफुंदोंमोन! बेखौबा?" रैमालीआ फिसायनाव सोडे। "ताजमहलखौ लुफुनो नैजिनै बोसोर नांदोंमोन। इं 1631 माइथायाव लुजेन्नानै इं 1653 माइथायावसो लुफुंदोंमोन। बै समाव थाम कौटि नैजि लाख रां खरस जादोंमोन; आथिखालाव बेयो स्नि रोजा कौटि रांनि गोबांसिन जागोन।"

"आयौ हाबाव, एफा गोबां रां?" 'माथो नंदों नौलाय। गोजा बालाअन्थाय सायाव फसंनानै - गुफुर मार्बल अन्थाइजों लुनाय बे लुथाइखौ लिरनाय बिजिरनाय एबा सावगारिफोरजों बुंफोरनो हाया। ताजमहला जौनि मुलुगनो होलांनाय मार्बल महराव दोंसे साबनासिन खन्थाइ। न'बेल बान्था मोनगिरि मुलुग मुंदांखा खन्थाइगिरि रबिन्द्रनाठ ठाकुरा बेखौ होन्नानै बुंदोंमोन। खन्थाइगिरि सार एडुइन आर्नल्डनि बादिब्ला ताजमहला "समनि खावलायाव थरथिंसे मोदै"। गुबुनफोरबादि लुथाइल' नड; नाथाय जीउ गोनां अन्थाइयाव सोरजिनाय सम्राट सासेनि गावनि आंगो बिसिखौ गोथार गोख्रों गोसो थोनायनि देरगाथाव नेसोंनसो।" "जारौनि फराइबिजाबाव ताजमहलखौ मुलुगनि स्नि गोमोथावफोरनि मोनसे बुंदों। गुबुन हादराव बेनिखुइ साबसिन गोमोथावसिन गैलिया नामा?"

"दं। स्निनि गेजेराव ताजमहलनि फारिथिया स्निथि। गोदोनि समाव, गोमोथावब्लाबो, ताजमहला बे स्निफोरनि गेजेराव गैयामोन। नाथाय इं 2000 माइथायनि गोदानै नाइबिजिर साइख'नायाव मुलुगनि स्नि गोमोथावसिन बेखनाव ताजमहलाबो जायगा मोनो। गोदोनिफ्रायनो बेखौ नायनो मुलुगनि दाब दाब जायगानिफ्राय दावबायारिफोर फैयोमोनब्लाबो, इं 2000 माइथायनिफ्रायसो बे दावबायारिफोरनि

सानखोआ बांसिन। ताजमहलखौ नुनाइ बयबो गोमालांजोबो। बोसोरनि जेब्लाबो ब्याव नाइग्राफोरनि बिहिर, होंगो दोंगो। नाथाय आंनि बादिब्ला, "बेजों नांजाफानाय गासिबो बाथ्राखौ मिथिजोबोब्ला ताजमहलखौ गोख्रों अन्नायनि थार नेसोंन बुडब्लानो गोरोन्थि उनदाहानिसो नेसोंन बुंजायो।"

"मेगन सानानैसो बुंधारबाय। गावहा हायाथ'!?" रैमालीआ जंखाइनाय रावै बुंदेरो।

"मानो मेगन सानो, जारिमिनिसो बाथ्रा।"

रैमालीआ गुबुन सावगारिफोरखौबो फारि फारि नाइबाय थायो।

ताजमहलजों लोब्बा सरसानम्रा मिथिसारै माखासे बाथ्राफोरखौ थारैनो सान्नाो बिजिरनो गोनां। सम्राट शाहजाहाना बाथि मुगल बादशाहमोन। बियो बै समनि भारत मुगल साम्राज्यखौ इं 1628 माइथायनिफ्राय इं 1658 माइथायसिम गोलाव सम खुंदोंमोन। बिनि खुंनाय समाव भारतनि हारिमु बिथिडव गोबांसिन जौगादोंमोन। बियो ममताजखौ जोबोर मोजां मोनोमोन। सास्नि बिसिफोरनि गेजेराव ब्रैथि बिसि ममताजखौ गोबांसिन (खाइफानिब्ला थामथि) अनोखाइनो गावनि अन्नायखौ दिन्थिनाय नेसोंन महरै बिनि मुडै ताजमहलखौ लुफुंदोंमोन। आथिखालाव बिसि सासेखौ जोथोन लानायावनोदि बेसेबां जालां, गोदोनि राजा महाराजाफोरा सानगोबां बिसिफोरखौबा माब्रै जोथोन लादोंमोन?!!

शाहजाहाना ममताजखौ लोगो मोनजेनब्ला गावनि बैसोआ जिबा आरो ममताजनिआ जिब्रै बोसोरल'मोन। बै बोसोर थामहिनबा इं 1607 माइथायनि 30 जानुवारी अक्ट'खालि जुलिनि रादाय खानानैल' दोनो आरो उनाव इं 1612 माइथायनि 30

एप्रिल अक्ट 'खालि शाहजाहान आरो ममताजनि जुलिआ जाफुडे। शाहजाहाना ममताजखौ हाबा खालामनो (खाइफानिब्ला) रादाय खानाय उनाव खेबसेनिबो गोबांसिन गुबुनजों हाबा खालामबावो। बेनिखाइनो ममताजा ब्रैथि बिसि जायो। थार फोरमान गैयाब्लाब्लो खाइफा बुंनाय (थामथि दं, गाव हाबा खालामनो थाखाइनो ममताजनि सिगांनि फिसायखौ बुथारहोखोमायो।) मख 'जाथाव गुबुन बाथ्राया जादों हाबा जानायनि जिगु बोसोर समनि गेजेराव ममताजा सा जिब्रै गथ' जोनोम होनाया। थैनायाबो जिब्रैथि गथ' जोनोम होनायाव जादोंमोन। जेनोबा ममताजा गथ' जोनोम होग्रा जन्थ्र 'सोमोन।

मिथिनाय बादिब्ला मध्यप्रदेशनि राज्यनि बुरहानपुर नोगोराव जिब्रैथि गथ' जोनोम होनायाव गोब्राब लोमजानानै थैनोसै समाव साखाथियाव थानाय शाहजाहाना अन्जालि बिसि ममताजनो खोथा होदोंमोन, समाइखिरा लादोंमोन -- ममताज रंसारि जानाय उनाव बिखौ फबनाय जायगायाव मुलुगनि साबसिन गोमोथावसिन आरो बारग 'सिन जोंगा-मागा मांख 'र खाम्फा लुथाइ लुफुंगोन आरो इयुनाव आरोबाव हाबा खालामलिया होन्नानै। मांख 'र खाम्फाखौ लुफुंदोंमोन नाथाय नैथि समायखिराखौ सिफाइफ्लेदोंमोन। मानोना ममताज रंसार जानाय उनावनो बिनि बिनानावखौ हाबा खालामो। जानो हागौ ममताज थैनाय सिगांनो शाहजाहाना बिबानावखौ लाइन मारिखादोंमोन। ममताजा गोथै हाखरनिफ्राय एबा बबेनिफ्रायबा नुहरदोंब्ला मा सानखो? बेफोरखौ मिथिनाय उनाव शाहजाहाननि ममताजखौ एफाबां मोजां मोन्नायखौ पाताल लोकनि सल 'बादिसो मोन्दाडे। गोथै हाखराव मांख 'र खाम्फा लुनायखौबो

अन्नायनि नेसोंननिखुइ गावनि धोन दौलत दिन्थिनाय बादिसो सानजायो। नाथाय अन्नायनि थार नेसोंन महरै सोरजिनाय लुथाइ मुलुगाव आरो बहाथो दंबावो? बिलिफांआ गोसोजों गोसो सानफ्लांबाइ थायो।

“मा जाखो? रादाब बिलाइ फराइनाया माखौ सानहाब्बाय थाखो?” रैमालीआ राइदावहरो।

“बेफोरखौनो सान्दों आं, ताजमहल नडब्ला नों बुंनाय बादिनि नेसोंना मा जाथावबावगौ।”

बिलिफाड फिन होयो आरो साननायाव गब 'फिनो -- जोंनि हादराव थानाय जि बोसोराव ताजमहलनि रेप्लिका मोनै लुफुंदों। मोनसेआ गुबै ताजमहलबादिनो बिसिनि मांख 'र लुथाइ आरो गुबुना बिसिनो अन्नायनि नेसोंन महरै अनथोब।

उत्तर प्रदेशनि बुलन्दसहर जिलानि सिडव आलिगर कासेर कालान गामिनि थागिरि फाइजुल हासान काद्रिआ आजिरा मोन्नाय प 'स्ट मास्टरमोन। बिमाइनि फिसाजो महर गोसा ताजामुल्लिआ काद्रिखौ मोजां मोन्नानैनो हाबा खालामदों। सानैबो जोबोर अनज्लायो। नाथाय नाजासेयावबो फिसा मोनैआव बिसोरो सम सम दुखु फोरमाइज्लायोमोन। ताजामुल्लि बेगमा बुंफ्लाइयोमोन, थैनाय उनाव गावसोरखौ सोर गोसोखांबावनो? बिसिनि बेबादि दुखु खालामबाय थानायखौ नुनानै काद्रिआ खोथा होदोमोन, -- “नों आंनि सिगां रंसार जायोब्ला आं नोंनि गोथै शहखौ जोंनि न' सेरावनो फबनानै बेव जोंनि अनज्लाइनाय नेसोंन महरै मेगनाव गोनां मांख 'र खाम्फा लुथाइ लुफुंगोन।” जैरै खोथा एरै खामानि। अन्जालि बिसि ताजमुल्लि बेगमा इं 2011 माइथायाव रंसार जाब्ला बिनि गोथै शहखौ गावनि न' सेरनि हायाव फबनानै बेवनो ताजमहल बादि मांख 'र खाम्फा लुनो जुरिनानै,

गाव बुधुमनाय जिबा लाख रंजों इं 2013 माइथायाव गावनि रादायखौ जाफुंसारहोयो। काद्रिआ लुगैनाय बादिनो 2018 माइथायाव थैब्ला बिनि गोथै शहखौबो बेवनो बिसिनि साखाथियाव फबनाय जायो। काद्रिनि गावनि रावआव, “बेयो राजमहलबो नडा, ताजमहलबो नडा, बेयो आं नौखौ बिसिखौ गोखौं मोजां मोन्नाइनिसो जोरसार नेसोन।”

बेबादिनो गुबुन लुथाइनि गिरिआ जादों 52 बोसोर बैसोनि आनन्द प्रकाश छौकसि। मध्यप्रदेश राज्यनि बुरहानपुर नोगोरनि थागिरि छौकसिआ जारिमिन आयदानि फोरोंगुरु आरो बियो 27 बोसोर बैसोनि बिसि मन्जुसाखौ जोबोर अनो, मोजां मोनो। मन्जुसायाबो फोरोंगिरि। छौकसिआ गावनि बिसिखौ गोखौं अन्नाय मोजां मोन्नायखौ अरायथा खालामनो ताजमहल बादि लुफुंनानै बिसिनो अन्थोब महरै गथाइनो (रेप्लिका) बिथांखि लायो। बे बिथांखिनि गुदियाव गुबुन जाहोनबो दंदेरो। शाहजाहान बिसि ममताजमहला बुरहानपुर नोगोराव रंसार जादोंमोन। नाथाय ममताजमहलनि गोथै शहखौ बुरहानपुरावनो माखासे सम दोनदोंमोनब्लाबो, मुलुग मुंदांखा ताजमहलखौ आग्रायावसो लुफुंदोंमोन आरो ममताजनि गोथै शहखौ ताजमहलाव फबफिनहैदोंमोन। बेनिखायनो छौकसिआ ताजमहलनि रेप्लिका मोनसे बुरहानपुराव लुफुंनानै बै नोगोरनि समाइना सुदेम मोनाबिलिखौ लाजिहोग्राफोरबादि नडा छौकसिआ। सान्नाय बादिनो गाव आर्जिनाय नै कौटि रंजों बोसोरथाम समनि गेजेराव इं 2018 माइथायाव गमामायै लुफुंदोंमोन ताजमहलबादिनो बेनि रेप्लिका समाइना न'खौ। गुबै ताजमहल महरनि थाखोनै न'आव दं मोनब्रै ख'थाजों

लोगोसे, जिराइग्रा, ओंखाम संग्रा, फराइग्रा बिजाब बाखि आरो माखासे ख'थाफोर। बेबो थार अन्नायनि नेरसोन।

गोसोआव फैबावदों मोनसेबाव जाथाय जाइखौ अन्नायनि थार नेसोन बुंजायो। भारत हादराव मख'जाथावसिन कर्प'रिट दैदेनगिरिफोरनि गेजेराव सिगां मासि मोन्नाय टाटा ग्रुप फाउन्डार जामसेटजी टाटानि गिबि फिसाज्ला सार (ड'राब टाटा सार) ड'राबजीआ अन्जालि बिसि मेहेरबाइ। इं 1931 माइथायाव केन्सार बेरामाव थैनाय उनावनो गावनि गसिबो धोनखौ The Sir Dorabji Tata Trust नो दान होयो आरो बेखौ हारि धोरोम फाराख लायाजासे बयबो सुबुंनि गाहाम सिबिनायाव बाहायनो हांखायो। दान होनायनि दानथाम उनावनो गावबो रंसार जायो। बे दान होनाइ धोननि बेसेना बै समाव से कौटि आरो आथिखालनि रुजुनायाव बाजि कौटि जागौमोन। बे रंजोंनो दिनैनि समाव केन्सार बेराम फाहामनायाव बारग' आरो रोंग'थि गोनां मुलुग मुंदांखा फसंथान Tata Memorial Hospital खौ इं 1941 माइथायाव गाइसनो आरो बेखौ भारत सरकारा इं 1957 माइथायाव आजावनानै सरकारि खालामो। बिसिखौ अन्नाय मुडवनो सुबुं माहारिनि बेरोखोम गिदिर सिबिनाया अन्नायनि थार नेरसोन महरै गनाइजाथाव।

श्रीलंका आरो भारत हादरनि फोनांजाब दालां श्रीराम सेतुबंधखौबो अन्नायनि थार नेसोनबादि सानजायो। सल'न्थाइमा रामायणनिफ्राय मिथिनाय बादिब्ला श्रीरामा गावनि अन्जालि बिसि सीतादेवीखौ लंकानि असुर राजा रावणजों जोबथेजानाइनिफ्राय रैखा खालामनो बै दालांखौ बानायदोंमोन। नाथाय बेखौबो

सा बुंनायाव जेथो दं। मानोना नाइबिजिरगिरिफोरा दासिम थाला बुंनो हायाखै, बेयो मिथिंगायारि थाखानाय एबा श्रीराम एबा सोरबा मानसि बानाइनाय। रामायण सल 'न्थाइमानि बाश्राखौ सैथो सानब्लाबो सीतादेवीखौ 'रावणनिफ्राय रैखा खालामखानानै आजावनाय सिगां बिखौ अर आनजाद लाहोनाय, अयोध्या नोगोराव सौहैनानै राजानि बिबान लानानैबो सानैसो फोरजाफोरनि रावणनिफ्राय सीतादेवीआ गावनि आबुथिखौ मा रोखोमै रैखा खालामखो?' होन्नानै राइखोमानायावनो बिसिखौ एनगारनाय आरो उनथाराव बिसिआ श्रीरामनिनो सानै असे फिसाफोरखौ लाफानानै न'आव फैफिनब्लाबो खेबसेबाव अर आनजाद लानो थिन्नायखौ नायोब्ला सौनाय बेरखाडे, बेयो मा रोखोम बिसिखौ अन्नाय जाखो? सीतादेवीआ सहाइनो हायैयाव बैसोमुथिनि गोर्बोआव हाबलाडब्ला आरोबा मा मा आनजाद लाबावगौमोन। जेनोबा श्रीरामनि बिसिखौ रावणनिफ्राय रैखा खालामनाया गावनि गोहो देरगानाय दिन्थिनायसोमोन, सीतादेवीखौ अन्नायनि नडमोन।

रैमालीआ सावगारिफोर साइख'नायखौ दोनथ'नानै साहा कापफोरखौ लानानै न' सिडव हाबलाडे आरो बुंलाडे,

“दिनै हाथाइआवबो थानांगोन।

मैगं गैलिआ। आं नांगौ मुवाफोरनि मुंफोरखौ लिरनि।”

बिलिफांआ “दे” होन्नानै सेरनि लामाजों खारनाय मटर गारि आरो थाबायनाय मानसिफोरखौ नाइहर नाइहर गावनि सान्नायाव गब'फिनो। बिलिफांआ गावनि साखिनि मारफठाव हादरनि दाब दाब जायगाफोराव दावबायनो खाबु मोन्दोंमोन।

बेबादिनो कलिकाता नोगोराव थानाय समाव मिथिनाय बाश्रा गोसोखांदों। नबेल बान्था मोनगिरि मुलुग मुंदांखा खन्थाइगिरि रबीन्द्रनाथ ठाकुर, स्वामी बिबेकानन्द, श्रीश्री रामकृष्ण बाइदि गेदेमा सुबुंफोरनि जोनोम जायगा आरो ब्रिटिश साम्राज्यनि गिबि राजथावनि कलिकता नोगोरमानि सोमोन्दै मख'जाथाव गोबां जाथाय दं। ख'रसानि आइदाजों नांजाफानाया जादों ड० बिधान चन्द्र राय आरो बिथांनि बिबाव। बिथांआ इं 1882 माइथायनि सेथि जुलाई अक्ट'खालि पाटना सहरनि बांकिपुराव जोनोम मोन्दोंमोन। पाटनायावनो बि.ए. डिग्रीसिम फराइनानैबो डाक्टर जानायनि जिउनि थांखिखौ जाफुंसारहोनो बियो कलिकातायाव थाडे। न'खरा थोब्ले माब्ले सोलिनायब्लाबो बिमा-बिफाया बिधान चन्द्र रायखौ थांखि सुफुंनायाव थोजासे मदद होफादोंमोन। बेबादि नाजानायाव बिथाड कलिकाता मेडिकेल कलेजनिफ्राय MBBS आरो MD डिग्रीखौ मोनफुडे।

मेडिकेल कलेजाव फराइनाय समनिनो बाश्रा। बै समाव ड० नीलरतन सरकार मुनि रोंग'थि गोनां फोरोंगिरि सासेआ फरायनायाव गोखों आरो सोद्रोम आखुनि बिधान चन्द्र रायखौ बाख्जायोमोन, अनोमोन आरो गावनि न'आवबो लिंहरनानै सुबुरुन होनायमोन। बिधान चन्द्र रायाबो फोरोंगुरुखौ जोबोर मान होयोमोन। बे थांलाय-फैलायावनो ड० नीलरतनखौ बिधान चन्द्र सरकारनि साबा फिसाजोफोरनि सासे कल्याण राया सोद मोजां मोनलाडे। जानो हागौ कल्याणीया बेखौ मिथियामोन। मानोना बिधान चन्द्र रायाबो बुंथिनो सम नेनानै दंमोन। हेलेन फिसा बुंनाय बाश्रा दं --

“गुबुन सासेजों नडब्लानो सोरबा सासेजों गोसो थोज्लाइनायाव गासिबो रोखोमनि जाहोनफोर थायो; समाबो गोरबनांगौ, लोगो मोनफ्लाइनायाबो गोनांधार, गोमोथावबो थानांगौ। (रहस्य) बिधान चन्द्र रायनि कल्याणीखौ गोसो थोनायाबो बेबादिनो महर मोनखोमादोंमोन। ब्राइनो सानसेखालि ड० सरकारनि सिगाडव बिधान चन्द्र राया गोसोखौ फोरानानै फोरोंगुरु ड० नीलरतन सरकारखौ बुंधियो। आं कल्याणीखौ गोसो थोयो आरो बेनिखाइनो बिखौ हाबा खालामनो नोंथानि गनाइथि हांखायो। गाव अब्ला MBBS जाबायमोन आरो रां आर्जिनो हमबाइमोन। ड० बिधान चन्द्र रायनि गेवलां गोसोजों बुंधिनाइखौ फार्सेथिं ड० सरकारा बिधान चन्द्र रायनि रसआ हामजादोंब्लाबो हाबानि थांखिखौ गनायाखैमोन। कल्याणीनि देलाइग्रा मुवाया बेतननि थामगुननिबो गोबांसिन होन्नानै लाजि फोनांदोंमोन।

बे नेवसिजानायाव ड० बिधान चन्द्र राया जोबोर दुखु मोनदोंमोन आरो अब्लानो कल्याणीखौ हाबा खालामनो हाथाव गावखौ जौगाहोनो, नडब्ला जिउआव गुबुन रावखौबो हाबा लाया होन्नानै समाय लादोंमोन।

माब्लाबा समाव फेलें जानाया एबा नेवसिजानाया खाइफानि जिउआव जुजिसिनाय लाबोयो आरो बेबादिनो देरहासार जासिनो। ड० बिधान चन्द्र रायनि जिउआवबो बेनो जादोंमोन। जैरै सान्नाय एरै खामानि। बियो गोजौ थाखोनि सरकारनिखुइ साबसिन देहा फाहामनाय सोलोंथाय मोन्नो इंलेण्डआव थाडे। थांखिआ जाबाय डाक्टर जानाय आरो कल्याणीखौ हाबा खालामनो हाथाव गावखौ जाफुंहोनाय। थार आरो गोख्रों नाजानायाव

जाफुंनाया दंखायो। ड० बिधान चन्द्र रायाबो गोख्रों नाजानायाव बोसोरनै दानथाम समावनो MRCP आरो FRCS बिमुंथि मोनफुंनो हायो। अब्ला गोसोआव रंजाखाडे। फोथायो, ड० सरकारहा दानिया फिसाजो कल्याणीखौ गावजों हाबा होनायाव जेबो हेंथा थानांलिया। बियो गोबाव खालामाब्लानो कलिकातायाव फैफिन्नानै थोंजों ड० सरकारनि न'आव नुजाहैयो आरो गावनि जाफुंनायखौ बुंधियो लोगोसे हाखाइयो -- 'सारहा दानिया कल्याणीखौ आंजों हाबा होनायाव हेंथाथ' थानांलिआ। मानोना आंबो बेनि गोरबथाय मोनफुंबाय।

एसे सम ड० सरकारा अब्ला खर' गंग्लाइनानै मोदै हुगारखोमायो आरो उनदाहाजों नाखेब जानाय साइर' मोखांजों थेरनाय रावै फिनो, -- 'आंहा नोंनो होनो हाथाव दुखुनि अनगायै जेबो गैलिआ। मानोना कल्याणीआ संसारनि जेबो बइखौबो नागारनानै थांबाय। आंखौ निमाहा होदो। बै समाव आं गावखौनो रोंग'थि गोनांसिन जादोंमोन। बेयो आंनि गोरोन्यिमोन। मोजां मोन्नायनि ओंथिखौ सुफुंनो हायै ख'हाजोंसो मिथिनाय जाबाय।''

ड० बिधान चन्द्र रायआ सारअन्थाय गावजानाय बादि मोन्दाडे। बुंफलं हायै दुखु हांमानि गोलाव हां लानानै गावनि खाफालखौ दुसियो।

ड० बिधान चन्द्र रायआ इंलेण्डआव थांखांनाय उनावसो बिफाजों जानाय जाथायखौ कल्याणीआ मिथिदोंमोन। बुंथिलाइनाय गैयाब्लाबो गावसिनि न'आव फैबाय थानायाव लोगो मोन्नाय, बिनि रोंग'थि, सोद्रोम आखु आरो नाइनो गेबें महरनि ड० बिधान चन्द्र रायखौ कल्याणीआबो हामजाखायोमोन। जाथायखौ खोनानानै कल्याणीआ

दुखु मोनदोंमोन आरो लाजिखांदोंमोन। बिफाखौ बोरबनानै बुंदोंमोन, गनायाब्लाबो बेबादि लाजि फोनांनो नाडामोन। ड० बिधान चन्द्र रायआ सायावबो बोरबो। आंखौ मोजां मोनदोंब्ला मानो थोंजों बुंथियाखै? आरो, अब्ला, बियो इंलेण्डआव थांखांनाय उनाव गावहा जानांगौ बेथिं सानैखौबो गोमोयो। ज'थाइयै, कल्याणीआबो ड० रायखौ गोसो गोर्बोंजों मोजां मोनमारबाय। बेनिखायनोथ' बिफाया गुबुनजों हाबा होनो सानब्ला माबा सान्नाय बादि जाफुंनाय समखौ नेनानै थिरांथा लाबा माबा-माबि जाहोनफोरजों एरखेबाय थादोंमोन। ओजों बिफायाबो नागारा। बेफोरबादि नारानाथानि गेजेरावनो क्लायणीआ बोरबद्राइनानै सानसे उन्दुनाय सिगां अभार द'ज स्लिपिं टेबलेट जानायाव आरो सिरि मोनफिनाखिसै।

सिगाडव समाय लाखानाय बादिनो ड० रायआ थैजासिम गुबुन हिन्जावखौ हाबा खालामलिया होन्नानै थायो। ड० सरकारजों लाजि फोनांजानाया रोखोमसे बोर सारसिनाय बादिसोमोन। मानोना बै जाथायनि उनाव ड० रायनि गाव मोन्दांनयाव बँगलाव थाखायसो गाव गोरोंसिन जानो नाजादोंमोन। बेनि फिथाइखौ कलिकाता नड, दुलाराय हादर आरो सुबुं माहारियानो मोन्नो हादों। ड० रायआ सासे जोबोर मोजां डाक्टरल' नडामोन, बिथांड गोख्रों

राजखान्थियारि, माहारि सिबिसुला आरो अराय सोर्जिलु सानसिनि सुबुंमोन। भारत हादरा उदांश्री मोन्नाय उनाव बँगलनि गिबि मन्त्री जानाय ड० रायआ हादरनि गिबि IIT, IIM, दुर्गापुर स्टील नोगोर, कलिकातानि सल्ट लेक नोगोरसानि अनगायैबो गुबैयै मख 'जाथावसिन बँगलनि नदिया जिलायाव कल्याणी नोगोरसाखौ लुफुंदोंमोन। बुडब्लाबो जायोदि बे गासिबो सोरजिनाय लुफुंनायनि गुदियाव बिथांनि कल्याणीखौ मोजां मोन्नाय। अन्नायनि थार नेसोंना बेफोरखौसो गनाइजाथाव। ड० रायखौ दासिमबो हादरनि बइबो गोसोखाडे, मान बाडओ। बिथांनि जोनोम सान सेथि जुलाई अक्ट 'खौ हादराव 'डाक्टर्स दे' मुडै फालियो। जिउ थासान्दिआव मोनफुंनो हायै अन्जालि कल्याणीखौबो गोदान भारतनि लुफुंनाय मोनसे समाइना नोगोरसा महरै अराय समनि जोरसार खालामनानै दोनलांबाय। अन्नायनि थार नेसोंना बेबादिनो जानांगौ!!

“मा सानहाब्बाय थाखो? दासिमबो ताजमहलावनो दं नामा?”

रैमालीनि रावआव बिलिफांनि सान्नाय दोरोड जायो।

“औ, नडलाइनो होन्नानै” बिलिफांआ आखायाव जलडा मोनसे लानानै लामाथिं ओंखारलाडे।



बिमा राव महरै बर' बिजोंनि सोलोंथाय : (लांगोनायाव गुन अरनाय हरख्ला ?)

रमेला ईस्लारी ।
लेडाइ आफादगिरि,
बर' थुनलाइ आफाद।

बर सुबुंफ्रा लिरनो फरायनो रोजेननाय निफ्रायनो गावनि रावखौ लिरनाय फरायनायाव बाहायनो लानाया बेसेन गोसा - बेखौ मोन्दांबोदों मोन । बिनिखायनो गेदेमा गुरुदेव कालिचरन ब्रह्म आ धोरोम फोसावनायनि थांखि जों बर' बिजोंनि सानखांगिरि गेदेमा सतिस चन्द्र बसुमतारी, गौरि कान्त ब्रह्म, रुपनाथ बसुमतारी, मदाराम ब्रह्म, जगेन्द्र कुमार बसुमतारिआरो गोबाडा आखाय हमनानै, नैजि जौथाया जागाय नायनिफ्रायनो बे हाबाफारिया महर लाजेन बोदोंमोन । बर' बिजोंनि थाखाय सानखांनानै 1952 इं माइथायाव बर' थुनलाइ आफादखौ दाजेननायनि गुदि थांखियानोमोन बर' बिजों आव गावनि बिमा रावजों सोलोंथाय लानानै बिमा रावखौ फोथांनाय आरो गौरलैयैनो सोलोंथाय लानो हानाय । बिथांमोननि नारा नाथा जुजिनायाव 1963 इं माइथायाव बर' बिजोंखौ सेथि थाखोयाव दिसन्नो हाजेनबाय । बोसोर बोसोर बिमानि रावजों फरायनानै दिनैसिम गोबां लेखा गोरों बरसाफोर

ओंखारबाय । बिजाबनि रावखौ थाब बुजिनो हानाय जानानै बायदि बिथिंनि सोलोंथायाव दावगानानै गावनि जिउजों लोगोसे नखरनि, हारिनि, समाजनि जेंनाफोरखौ बुजिस हाबाय आरो बेफोरनिफ्राय बारगनायनि राहा नागिरनो हाबाय आरो गोनांथि जानायफोरखौ गाव हारसिडै एबा गौथुमजों जयै हाबा मावनानै हारिनि हादोरनि जौगानायनि थाखैबो सानखांनानै हाबा भावनो हाबाय ।

2020 माइथायनि सोलोंथायनि गोदान बिखान्थि बायदियै फोसावनाय जाबायदि भारतनि हादोराव थानाय गासै फिसा गेदेर रावारिफ्रा गाव बिमा रावजों सोलोंथाय लानायनि खाबु मोननांगौ । सोलिफु 2022 इं माइथायनि मे दाननि 02, 03, आरो 04 अक्टखालि गोदानै फोसावजानाय तामुलफुर जिलानि कसुबारि गोजोन फोथाराव खुंजानाय 61 थि बर' थुनलाइ आफादनि जथुम्मा गेवलां मेल्लाव बाहागो लाफैनानै बे समनि भारतनि मान गोनां हादरगिरि रामनाथ कविन्द बिथाडा

बिबुंथिनि गेजेरजों बुंलांबावो गासैबो हारि-
माहारिनि रावखौ फोथानानै दोननाया सरकारनि
मावनां हाबा । बे मोनसे मेलावनो आसामनि
गिबि मन्थि ड हिमन्त बिस्व शर्मा बिथाडाबो
गारां फेदेर फेदेर फोसावबाय - बे
बोसोरनिफ्रायनो थाखो XI आरो थाखो XII
(थाखो जिसे आरो जिनै) आव बर' बिजोंखौ
बोखोनाय जासिगोन, लोगोसे फारि फारि दिग्रि
थाखोयावबो बे रावजोंनो बर' फरायसाफ्रा
फरायहैन्ने हानाय बादि राहा खालामनाय
जासिगोन । बेसेबां रंजानाय, गोजोननाय
बरसाफोरनि । 2003 माइथायाव डाइथि
फारियाव दिसनजानाय बर' रावा गमामा
जामन्निनानै थानांलिया ।

माखासे साननि गेजेरावनो नखाडाव
बमा गुब्रुबाय । आसामनि मान गोनां गिबि मन्थि
ड. हिमन्त बिस्व शर्मानि मासि सामलायनायजों
दिसपुर जनता भवनाव CM. Conference
Hall आव सोल्लोथाय आयदानि सायाव
आसामनि IS आरो DEEO फोरखौ लानानै
मोनसे रिभिउ मिटि जाबाय, CM बिथाडा
फोसावबायदि (20-07-22 खालि फोसावनाय
minutes आव होनायबायदियै) No. 9 :
Provincialization (a) No more
Provincialization of schools would
be taken up by department. 17-07-
2022 खालिनि नुजानाय minutes नि 10

No.: फोरमायथिबायदियै: Science and
Mathematics should be taught in the
English medium from, the very
beginning in elementary schools, Text
in English language needs to be
produced urgently for introduction
from the next academic session. No
19: As many of the zero and single
teacher schools are either upgraded
EGS or provincialized schools of
2013 . Where there are no sanctioned
posts of regular teachers. No. 4:
Considering the importance of having
Adarsha Vidyalayas in all the
Legislative Assembly constituencies
of Assam, the Hon'ble Minister,
Education will formally write to the
respective MLAs, seeking the name
of an existing High School/ Higher
Secondary School in his / her
constituency which can be converted
to Adarsha Vidyalaya as an English
Medium CBSE affiliated school.

होखानाय गोजौनि थांखिफ्रा बर'
राइजोनि सिडाव थानाय बर' बिजोंनि
फरायसालिफोरखौ साधारन नखरनि गथफोरनि
लेखा रौनायखौ हेंथा होनायखौ मोनदाडो ।
मानोना गामि सिडाव थानाय फरायसाफोरनि

सोलोथाय मोननायनि खाबु बायदियै आगुनि से किलमितारनि गोजानाव थानाय फरायसा लिफोरखौ थांखां होफिननायनि खाबु बादियै 2020 माइथायनि BTR एकर्डजों (6.3) आयदायाव गनायथि मोन्दोंमोनदि बि.टि.आराब थानाय गासै बर' बिजोंनि भेन्सार फरायसालिफोरखौ प्रभिनसिये लाइज खालामनाय जागोन । गोदान सिमाडा बरसाफोरनियाव रिफिखांफैदोंमोन दि बोसोरनि उनाव बोसो गोबां फोरोंगिरिफ्रा गरसेबो बेतन मोनाजासे औरैनो गथफोरखौ फोरोंबोनानै इयुन सिमांजों नैनानै थानायनिफ्राय बारगसिगोन । मानोना फरायसालिजों लोगोसे फोरोंगिरिफोरनि मासि (Post) आबो रेगुलाराइज एबा प्रभिनसियेलाइ जासिगोन । जायगानि गथफ्रा मोजां सोलोथाय लानो मोनसिगोन । नाथाय गोजौआव मखनाय (9) नं आरो (19) नं minutes आ गासैखौबो थेर-बेथेर खालामबाय । मानोना zero teacher आरो single teacher थानाय गुदि फरायसालिफोरखौ 2013 माइथायाव (जोबथा) Provincialise जानाय फरायसालिफोरजों सरजाबहैफानाय जासिगोन । बेवहाय भेन्सार फरायसालिबो थालिया आरो भेन्सार फोरोंगिरिनि post बो थालिया । जाय BTR Accord आव बर'नि मोनब्रै NDFB आफाद, बर' फरायसा आफाद आरो हिमन्त बिस्व शर्मा बिथाडा गावनो सहि खालाम दोंमोन बे Accord खौ फेरलेबसेबो बेसेन होनायखौ

नुनो मोन्नाय जायाखिसै । बिदिब्ला BTR Accord आ फेलें Accord हिसाबै गनायनांसिगोन खोमा ! मानोना बिमा रावजों गोरलैयैनो हांखो सिनायनायजों सोदोब बुजिनायजों उन्दै बैसोनिफ्रायनो लेखा सोलोंनांगौनि लामाया गोथेनाय नुहुरनो मोनबाय । फुनि बोथिसे ओंखामखौ संखिजों थेब्रे जानानै आखायाव लेखा लानानै फरायसालियाव खारलानायनि खाबुया बर' गथहा गैलिया । बर'नि इयुन जोलैनि दावगानायखौ रानथेनाय दैखं महैर नायनो हानाय जाबाय । मानोना बै रिभिड मिटिनिनो (No.22) आव नु'बावदों, In all vernacular medium schools, teaching of science and mathematics subjects from class VI onwards will be in English medium and the Text Books shall also be in English medium w.e.f. the academic year 2023 . बे बाथ्राखौ नायोब्ला नुबाय, बर' बिजोंनि फरायसालियाव जेरावबो थाखो द' निफ्राय लानश्रियै सानखान्थि आरो बिगियान आयदाखौ इंराजि रावनि बिजाबजों फरायनांसिगोन । बेफोर सावगारिया हरनि खोमसिजों साग्लोबनाय लामायाव रिथि रिथाव सांप्रेमा जोंनायनि स्रां नडाब्ला मा जानो हागौ । ना न'यावनो फोरोंग्रा थागोन ना फरायसालिफोरावनो रोंहोनो हागोन । थाडै थुडै 90% फरायसाया आन्दां मिन्दांल' लेखा

लानानै फरायसालियाव थांलाय फैलाय जानायखौ नुहुरनो मोनो । गुबुन फारसेथि फरायसालियाव गथया बर', इराजी, हिन्दी, सानखान्थि, बिगियान आरो समाज बिगियान बे मोनद' आयदायाव थुनालाइ आरो समाज बिगियानखौल' बरजों फरायनो हानाय जानोसै । अब्ला गथनि बर' रावनि आयदाया जाबा दाजा जानानै इराजि रावाल'नो आवगायहैनोसै । जोबथायाव फरायनायनि बिजोंखौ इराजियासो जायगा आवग्रिसिगोन, बेखौ नुहुरनो मोनो । 2003 माइथायाव बि.टि.चि. गोरबथाजों फैनाय दाइनथि फारि रावा लामा दथखायाव गोलैनानै थानोसै । 1952 नि सिगाडाव बर'नि गासै गामि - सोहोर बर' रावजों रायज्लायो मोन थामहिनबा आंगो रावै अनसायोमोन बेबो गोमालानोसै । मानोना लेखा रौनाय लोगो लोगो इराजि आरो हिन्दि रावा जेरावबो बरनि खुगा राव महरै ओंखारनोसै । गुबुन मोनसे आयदाखौ गोसोखांजायो दि समाज बिगियान निफ्राय राजखान्थि आयदाया बोखार जानानै भुखौरां आरो जारिमिनालनो जायगा मोनसिगोन । अब्ला बर' रावजों फरायनाय होनजानाय गथफ्रा राजखान्थि बिथिडाव गियाना लांदां जानोसै बेयो जोंनि थाखाय दुखु गोनां बाथ्रा । मानोना सुबुं हारिनि दानि दावगानायनि बिथाया जोंनि इयुन जोलैनियाव लोरबां जाहैगोन ।

भारत सोरखारा 2002 इं माइथायाव
Constitution नि eighty sixth

Amendment जों मोनसे गोदान आयेन दाफामदों मोनदि Fundamental Rights नि सोल्लोथायनि मान दानदाखौ लानानै हादोराव थानाय 6 बोसोरनिफ्राय 14 बोसोर बैसोनि गासै गथफोरखौ मासुल नाडा जासे आरो बादयथायै (Compulsory and free education) सोल्लोथाय होनायनि राहा खालामदों मोन । (Under Article 21 A) बे आयेना 2010 इं माइथायाव मावफुंजाजोबनो हादों मोन । बे सोल्लोथायखौ लानो आयेननि खाबु मोनदोंमोनब्लाबो नाथाय गोथौ गामिफ्राव थानाय गोरिब आरो सरकारि खाबु मोनसयै जायगाफ्राव माखासे बेखाबुनि थाखाय जैरै : सोल्लोथायनि गोनांथिखौ मिथिसयै, नखरनि लोरबां हालोत, हान्था मेलानि बेखाबु जाहोनाव बे उदां (फ्रि) सोल्लोथायखौ बांसिन गथयानो लानो हाबोयाखै । गेदेतथार जाहोना जाबाय, गथफ्रा थांसनो हानाय बायदियै खाथियाव फरायसालिनि आंखाल, फरायसालि थाब्लाबो फोरोंगिरिफोरनि आंखाल थामहिनबा सरकारा नांगौ रोखोमनि फरायसालि न' आरो फोरोंगिरि हरैनि थाखाय सोल्लोथाया जोंनि गेजेराव नांगौ रोखोम रोदा सुनो हाबोयाखै । गोबां गामिफ्राव गुदि फरायसालि गायसन्नानै रायजो राजाफ्रा फोरोंगिरि दिसननानै मासुल नाडाजासे फोरोंबोदों, खायसेखौ माखासे बोसोरफोरनि गेजेराव स्कुल न' आरो फोरोंगिरि पस्टफोरखौ प्रभिनसियेलाइज खालामबोदों । बे मिजिंखौनो

लानानै फरायसालिनि फोरोंगिरिफ्रा गसंनानै थाबाय, फरायसाफ्रा जि एसे हायो फरायबाय । नाथाय दा 2022 इं माइथायाव आसाम सोरकारा फोसावबाय No more venture school will be provincialised.

गुबुन मोनसे जेंनाया जाबाय, आदर्श विद्याल एबा Model School फसंनाय । सोरखारा जेरावखि - जैरेखि गोदान हाबाफारि लाया बेखौ बुंनंगौ थाया एबा जेरावखि Model School फसडा बेखौ साननंगौ जेबो थाया । नाथाय दुखु मोनथाव बाश्रा जाबाय आसामनि मोनफ्रोम बिधान सभा सनस्टियाव साफा MLA नो बिबान हरबायदि असमिया आरो बर' गलाय मोन्देर थानाय (असमिया - बेंगलि एबा गुबुनबो जानो हागौ) mixed medium नि साबसिन रेजाल्ट होग्रा फरायसालिखौ सायखनानै हरनंगौ आरो बेखौ CBSE Course जों इंराजि बिजोडाव फोरोंनाय जागोन । गासै 126 फरायसालिखौ इंराजि बिजोंनि फरायसालि खालामनाय जासिगोन । अब्ला रोखा जाबाय, बैफोर फरायसालिनि नखर रावनि बिजोडाबो गोमाबाय आरो गोबां थाखानाय फोरोंगिरिफ्राबो गोमाबाय ।

आसाम सोरखारा आसामखौ औरै सिमानिफ्राय हरै सिमासिम असमिया रावजों रायज्जायना, लिरनाय फरायनाय जेखौबो सामलायनो आखायाव लाबोनाया दिनैनि बाश्रा नडा । बरयादि आसामनि थागिबि हारि, बेहा

गेरेमसा आंगो राव दड, बेखौ गनायनो आरो फोसावनो जोबोरैनो आख फाख खालामो । ड सुनिति कुमार सेटार्जिनि नाइबिजिरनाय, ड प्रमद चन्द्र भट्टाचार्जिनि बर' रावनि रावखान्थि आरो सोदोब बाहायनायनि आदबफोरखौ थख थखयै फोसावनाय, फोरमान खालामनाय बेफोरखौ जोगारनो जोंखौ ब्रा ब्रा खालामनायखौ नुनो मोनो । बावैसो 2020 माइथायनि 22 मे खालि फोसाव जानाय Assam Gazette नि गभर्नमेन्ट अरदार बायदियै आसाम एसेमब्लिनि Act 5 of 2020 बाइदिब्ला बराक भेलि, BTAD आरो sixth scheduled area फ्राव सरकारि साखिनि थाखाय असमिया रावखौ सोल्लोथारनंगौ होन्नाय बाश्राया जोबोरैनो जोंनि थाखाय सान्नो गोनं ।

बायदि रोखोमै बर' रावनि जेंनाजों मोगा - मोगि जाबोनांनाय बर' बिजोंनि सुंथागिरि बर' थुनलाइ आफाद आरो बर' फरायसा आफादा बे खेबनि फरायसालियाव बर' रावनि जेंनाखौ सहायनो एबा गनायनानै लानो गोब्राब जाबाय । हरैहाय असमिया रावखौ फोथानानै लाखिनो जुजिग्रा असम साहित्य सभा आरो सदै असम सात्रा सन्ता आफादआबो इंराजि बिजों सोसननाय आदबखौ नेवसिबाय । बिब्दिनो देग्लाय 2022 माइथायनि सेथि आगस्ट खालाराव बे मोनब्रै आफादा जयै सावरायबाय आरो थांखि लाबाय दि, गोजौनि

आसाम सोरखारा फोसावनाय थांखिफोरनि हेंथायै गासै ओनसोलाव सांग्रांथि खुंनाय जाथोंसै । लोगो लोगो ब.थु.आ. आरो दु.ब.फ.आ. आ नै आगस्टयाव बे हाबाफारिखौ उदालगुरि जिलानि सिडाव थानाय भेरगाव ब.थु.आ. नि बानजायनायाव जागायबाय । लानश्रियै 3 आगस्टयाव चिरां जिला, 4 आगस्टयाव क'क्राझार, 5 आगस्टयाव बाकसा, 6 आगस्टयाव सनितफुर बायदियै थादयाजासे BTC नि इसिं आरो बायहारा जिलाफ्राव बे हाबाफारिजों हाबा मावबाय । गासै सांग्रांथि मेलफ्राव गोबां सांग्रां बर'फ्रा नुजाफैदों आरो बिबुंथि लाखिदों दि, बर' रावखौ बायदि राहाजों नोस्टो खालामनो सरकारनि नाजानाया दिनैनि गोदान बाश्रा नडा । गासैनि मादाव बे खेबसेबाव

आसाम सोरखारनि थांखिया बर' रावनि थानानै थानांगौनि थाखाय मोनसे गोख्रों जेडा । बिनिखायनो, लानाय थांखिनि हेंथायै एबा बर' बिजोंनि फरायसालिनि मोन्नो गोनां खाबुखौ जैरिखिजायाब्लाबो जाफुंसारहोनांगौ । बेनि थाखाय सोरखारनि हेंथा गसंनो एबा सोमावसारनो बयबो थाम थिम । फिन जाथाय बाइदियै माखासे साननि उनाव 18 आगस्टयाव आसाम सोरखारनि सोल्लोंथाय बिफाना मोनब्रैबो आफादखौ लानानै जेंनानि सायाव सावरायनो लिंबाय, रायज्जायबायबो मान गोनां सोल्लोंथाय मन्त्रि ड. रनज पेगुनि गुदि हमनायाव, नाथाय जेबो मोजां फिथाय थायनाय नुनो मोनाखिसै ।



गाहाम हामब्लाइथियारी खौरां

सिम,

मुश्री अयेलसन इसलारी,
मानाव गेदेत गाहाइ सुजुगिरि,
'42 थि बिसान अनजिमा'

सानसुमा खुंगुर बैसोमुथियारी,
आगुनि लोकसभानि सोद्रोमा आरो क'क्राझार कलेज
फरायसा। थुनलाय आफातनि आगुनि गाहाय
नेहाथारी, 1976-1977

नोंथानि सुजुथायाव क'क्राझार सरकारी कलेज (फरायसालिमा) नि बर' फरायसा थुनलाइ आफादा देग्लायबो बर' थुनलाइ मुलुग-नखांनि सेथि थाखोनि थरसे जोंब्लावसात अलंबार महर आरो आखुथायनि मुंदांखा खन्थायगिरि रुंसारी ईसान मुसाहारीनि गोसोखांथियारि सान 38थि खुंथायजों सोमोन्दो लाखिनानै कलेजनि बर' फरायसाफोरजों थांनाय 1967 इं माइथायनिफ्रायनो दिहुन जाबोजेन्नाय बोसोरारी थुनलायारि खुगा लाइसी 'अन्जिमा (ONZIMA) नि 42थि बिसानखौ दिहुन्नो नाजानायनि खौरांखौ मोनफैनां आं विमायनो गोजोननाय मोन्दों। विनिथाखाय, आं नोंथांमोननि थुनलायारि आफातजों लोगोसे फरासालिमानि गासैबो बर' फरायसाफोरनो गोसो गोबोंनि साबाइखर आरो गाहाम हामलाइनायखौ जासिहरनाय जाबाय। मिजिं थिनहरनाय जाबायदि-- नोंथांमोननि बे नाजानाया जाफुंसार जाथों आरो 'अन्जिमा'या जुगामियै थांनां थार्थों।

दिनै आं आंनि बे गुसुं खौरां (Message) आव 'अन्जिमानि' जीउ खौरांखौ गुसुडैनो एसे बेरखांहोनांगौनि गोनांथिखौ दड' सान्नां लिरखांनाय जाबाय।

क'क्राझार कलेज बर' फरायसा थुनलाइ आफातनि दाजेनगिरिफोरानो जाबाय- फारियै मानाव गेदेत रुंसारी कनकेश्वर नार्जारी (Founding General Sceretary of ABSU), रुंसारी नीलकमल ब्रह्म आरो बै समनि गोबांधार अन्जिमानि मोदोम आरो गोसो गुदुं हारि अनफावरी बर' फरायसाफोर। बिथांमोनहानो 1967 इं माइथायाव बे आफातखौ दानानै 'अन्जिमा' मुंनि बर' फरायसाफोरनि Literary खुगा लाइसिखौ दिहुनजेन्नानै गालांदोंमोन। बर' फरायसा थुनलाइ आफात आरो अन्जिमानि Foundation खौ गायसंनानै आरो इयुन जोलै हान्जानो थुनलाइयारी बिथिडव मोनसे रोखा सानथौ (Philosophy) होलांनायनि थाखाय Senior generation नि बै माखासे गेदेमा मानसिफोरनो दानि Younger generation आ हानायखिनि थाखोनि मान-इज्जत होनांगौनि गोनांधार बिबान थाबाय।

दिहुन्नो लानाय जुरिजेन्नाय समनिफ्रायनो बे 'अन्जिमा' खौ र'मान हांखोजौल' (Roman Script) दिहुन्नाय जाबोदोंमोन। बै समाव बर' रवआ सोलौंथाइ बिजों महरै 1963 इं माइथायाव क'क्राझार

महकु मायाव (Sub-divisional) गुदि फरायसालीफ्राव थिसनजेनहांदोंमोन। 1968 इं माइथायाव गोबां जुजि-माखानि गेजेरजों आरोबाव बेखौ Secondary Stage आव थामहिनबा गोजौ फरायसालीफ्रावबो थिसनबावनाय जादोंमोन। असमीया हरि आरो आसाम सरकारफ्रा बर'फोरनो गावसिनि बिमानि रावजोंनो सोल्लोथाइ लाहोनो गोसो गैथारामोन। हानायमानिखौ गावसिनि असमीया रावखौनो बर'फोरनि सायाव जुगे जुगे जाबसिन्नानै होनो नाजाबोबाय थारदोंमोन। गुबुन गुबुन गोबांथार जाहोनफोरनि अनगायै बिबो बर' आरो असमीया हरि मोननैनि गेजेराव सोमजिबोनाय जोबनो गैयि (Endless and continued conflicts) दाडबाजिनि गाहायथार मोनसे जाहोन। बिनि रागा आरो Challenge आवनो बर'फ्रा जोबथारनायाव असमीया हांखोखौ नागारनानै बर' राव आरो थुनलायाव र'मान हांखोखौसो बाहायनो थांखि लानानै 1973 इं माइथायनिफ्राय 'र'मान हांखो' नि गनायथिखौ बिनानै आरो बिनि सायाव दाबि दैखांनानै गिलु-बालु सोमावसारदोंमोन। नाथाय, बे सोमावसारनायाव गासै 15 बर' फिसाफोरा मुंक्लं जागुलाय लांदोंमोनब्लाबो बै समनि आसाम राइजोनि कंग्रेज हान्जानि सरकार आरो मिरु सरकार (Headed by Smt. Indira Gandhi) आ र'मान हांखोखौ बर'फोरनो grant खालामनानै होमारखिसै। बर' हारिनि थाखाय बियो मोनसे जोबोत दुखुनांथाव जारिमिननि Chapter जानानै थालांबाय। बिनि जाहोनाव 1976 इं माइथायनिफ्राय असमीया आरो र'मान हांखोनि जायगायाव 'देवनागरी' एबा हिन्दी हांखोफ्रासो बर' राव आरो थुनलाइनि हांखो महै

बाहायजाबोनाय जानायसै। असमीया हरि आरो आसाम सरकारनि बर'फोरनि सायाव आरो बेरेखायै थाबोबाय too much chauvinistic आरो antagonistic attitude आरो आखुथायनि थाखायनो बर'फ्रा असमीयाफोरनिफ्रायनो फुरा फुरियैनो alienated जाबोनांदों। बिब्दिनो थासारियावनो बै समाव भुलानो जा एबा गोरोन्थि गैथारियानो जा 'र'मान हांखो' आ बर'फोरजों आजाव जाबोनाय जादोंमोन। अन्जिमायाबो 'र'मान हांखोजौल' दिहुनजाबोबाय थानायनि मोनसे जाहोना बेनो।

नाथाय दा आथिखालनि थासारिखौ नायनानै अन्जिमानि हांखोजों लोगोसे सोमोन्दो गोनां आयदानि सायाव 'उन सानफिन्नाय' (Introspection of review) खौ खालामनो गोनांथि दड बाइदि आं सानो।

अन्जिमानि एरहोनाया थारैनो गोबांथार। बेखौ लिरनानै आरो बुनानै फोजोबनो हाथावा। बे खुगा लाइसियानो बै समाव क'क्राझार कलेजनि गोबां अन्जिमानि मोदोम आरो गोसो गुदुं सेंग्रा-सिख्ला बर' फरायसफोरनो थुनलाइ सोरजिनायाव बाहागो लानो थुलुंगा आरो basic training होबोदों। आथिखालनि माखासे गोबां अन्जिमानि सुंद' सल' खन्थाइ, मेथाइ, थुनफावथाइ, novels आरो थुनलाइनि गोबां genres लिरगिरिफोरनो Kokrajhar College निफ्रायनो बारग'सारै उधिसात जाबोनाय products। अन्जिमानि contributions आरो थुलुंगानायाव गैयामोब्ला बर'नि गोदान जोलै हान्जानि गेजेरनिफ्राय बिब्दि गोबां अन्जिमानि बर' थुनलायगिरि आरो critics दिनै ओंखारनो हानाय नडमोन।

1976-1977 session period नि थाखाय आं Kokrajhar College Students' Union Society नि General Secretary जानायनि सुजुग मोन्दोमोन। बिनि असिलायैनो आंबो बै समनि गेजेराव Kokrajhar College Bodo Students' Literary Society नि गाहाय नेहाथारीनि बिबान बानबोनादोमोन। आरोबाव बे मोनसे समनि गेजेरावनो गुबुन फार्सेथिंजाय बै समनि Un-divided Goalpara District Bodo Students Union (GDBSU) निबो General Secretary नि गिलितथार बिबान बान्नादोमोन। जौनि समाव (1976-1977) अन्जिमानि 7थि बिसाना दिहुनजादोमोन। गेजेर गेजेराव बबेबा बबेबा माखासे बोसोरफाव बिनि गोबां बिसानफ्रानो गोबां नागारनो हाथावै जाहोनफोरनि थाखाय दिहुनजाबोनाय जायाखिसै।

बेव गोदोनि मोनसे गोनांथार बाथ्राखौ रायखाडबा खौराड आद्रा जाथारगोन। बिनिखायनो आं गाहाइयाव बिखौ लिरखानाय जाबाय। बियो जादो ओरै.....गोबां खैफोद खैदां आरो सान्त्र'नो हालायि सार-जाल्लानि गेजेरजौबाबो सौदाव-सौसियै बर' बिजौंजौ फरायबोबाय 1st Batch नि बर' फरायसाफोरा High School Leaving Certificate Examination (H.S.L.C. Examination) खौ 1975-1976 आव उथ्रिसार जाजेनदोमोन। बिनि लोगो लोगोनो जौनाव गोदान मोनसे जैना गोनां खामानि एरफैनायसै। बियो जाबाय दा Bodo language खौ College pre-university (P.U.) Course आव Major Indian language (M.I.L.) महरै introduce

(थिसन्नाय) खालाम होनांसिगौ। बिनि थाखाय Text Books लिरनांगौ, साफायनांगौ (publication) आरो गौहाटी भुमफरायसालिजौ लोगोसे आसामाव थानाय Universities नि authorities निफ्राय approval/recognition आदाय खालामनांगौ। गोबां Inter-related खामानिफोर। गुबुनथ' आरो राहा गैया। जौनो Kokrajhar College आरो Goalpara District Bodo Students' Union नि मावथि-दैदेनगिरिफोर ज' जानानै बर' थुनलाइ आफातखौ बैफोर खामानिफोर गोखैयैनो मावफुनो थाखाय नारसिननादो। जौनो हर-सान साइकेल सालाइथिंबायनानै गोबां लिरगिरिफोरनि न' न' थानानै गोनां गोनां Literary genres नि खन्थाइ-रायथाइ, सुंद' सल' आरो बाइदि बाइदि लिरबिदांफोरखौ खानानै बुधुमदोमोन आरो बेफोरनि Synopsis फोरखौबो क'क्राझार ट्राइबेल जिरायसालीयाव आरो अखम्बा College नि Boys' Hostel नि Common Room आव गोरौ गोराफोरखौ लेंनानै लाबोनानै लिरहोनाय जादोमोन। बिनि उनाव बेफोर material documents खौ बर' थुनलाइ आफातनो ग'थायहैनाय जादोमोन। Bodo Sahitya Sabha नि Text Books Selection Committee नि approval मोनखानायनि उनाव 'खन्थाइ बिदां' आरो 'रायथाय बिदांखौ' बाकसानि क'कलाबारीनि सासे गोसो गुदुं 'हरिहर ब्रह्म' मुनि बर' फिसाया बिबान रुजुन्नानै दिहुन्नानै होदोमोन। गांसे बिजाब 'फुंखा' मुनि सुंद' सल' बिदांखौ आंनि थुलुंगाजौ आरो गावनि गुदुं गोसोजौ आंनि College आरो classmate जौनि बिजनी हालामनि 'नबिन औवारी' या दिहुनदोमोन। बे सुंद' सल' बिदां- 'फुंखा'नि गाहाय सल'आनो

जाबाय 'फुंखा' - जाय सल'खौ बर' हारिनिनो असे जोलै फिसा मानाव गेदेत बिष्णु प्रसाद राभा (original surname was Muchahary) या लिखनानै बहाबा गारफ्लांदोमोन बिनि उनाव 1977 माइथायनि गेजेरवनो बै गांथाम बिजाबफ्रा Gauhati University नि Bodo M.I.L. नि P.U. Course नि Text books महरै approval मोनखांजानानै Kokrajhar College आव सिगां introduced खालामजेन्नायसै। बिब्दियैनो दावगायै दावगायै Kokrajhar College आव Bodo M.I.L.नि Department खौ जौ बै समनि क'क्राझारनि Civil S.D.O.- Shri A.C. Das नि आखायजौ 1977 नि 7th October आव बेखेवनो हानाय जादोमोन। बेफोर गासैबो दुखु-कष्टखौ सहायखांनानै मोजां फिथाय महरै 1976 इं माइथायाव Bodo Medium जौ 1st Batch महरै Matriculates जाखांबाय बर' फरयसाफोर 1978 आव Bodo M.I.L जौ 1st batch महरै P.U. (Arts) आरो P.U. (Science) नि जोबथा आन्जादफोरखौ उधिसार जाजेन्नो हानाय जाबोदोमोन। बिबो जौनि जुजिनायाव जानो हानाय देरहासारनायनि मोनसे खलब जानानै थाबाय।

बर' हारिखौ दाफामफिन्नाय आरो दाखां फु जुबनायनि आन्थोर जलायै मु-गोलाव मावफारिलायखौ मावफुंनायनि बिथिडव क'करझार कलेज आरो बिनिफ्रायनो गोरों-गोरा जानानै बारग'सात जालांनाय बर' फिसाफोरनि Sacrifice आरो contributions आ बिमायनो बाखोनायजाथाव आरो अरायबो गोसोखांजाथाव थावखा जानानै थाथोंसै। बे College निफ्राय रोंगोसात आरो बारगोसात जालांनाय माखासे हारि अनफावरी थार

Nationalist बर' फिसाफोरानो ABSU, BSS (बर' थुनलाइ आफाद) आरो गोबां माखासे आफातफोरनि दैदेनगिरि आरो मावथि महरै थैस'-थांस'यै खामानि मावबोनायनि जाउनावनो बर' हारिया दिनै आथिखालनि थाखो एबा खल'बसिम सौफैनो हादों बे College आनो Younger Bodo generation नो Bodo Nathionalism, Irredentism, patriotism आरो philosophy नि फुंखा महरै गोबां elements बुथुमनानै होदों। गुसुडै बुंनो थाडोबा बिनो Sense of belonging खौ बर' इयुन जोलै हान्जायाव सोनानै होनायाव गोबां बाहागो लाबोदों। बिनिखायनो, आं गोसो गोबोंजों लुबैयोदि जाहाथे बे कलेजनिफ्राय सोलोंथाइ मोन्नाय साफ्रामबो बर' फिसाया साफा साफा गोग्गो आरो असे Nationalist बर' फिसा महरै गावबा गावखौ दाफुंनो हाथों।

थुनलाइ सोरजिनायनि बिथिडव आं बेखौल' बुंनो लुबैयोदि- बर' थुनलाइखौ जौगाहोनांगौवा आरो बारग्लांसार होनांगौबा जौनि थुनलाइगिरिफ्रा हानायमानिखौ सोरजिलु (Creative) आखुथायजौसो थुनलाइ सोरजिनायाव गोसो होलायनाया गाहाम। Creative Non-fiction आयदानि बाइदिसिना genres आव गोबांसिन थुनलाइ सोरजिनो नाजासिननांगौ। आंनि नुनायाव आथिखाल समसिमहालागै सोरजिजानाय बर' थुनलायारी सोरजिथायाव Creative Non-fiction नि बाखीया आबुं जानांगौसिम जखानि दाबो जाथ'याखै।

गोबां माखासे बर' थुनलाइगिरिफोरनि सोरजिथायफोरखौ Critically बिजिरनानै नायोबा बिसोरो escapist Literature नि थाखोयावसो

गोम्लैनायखौ नुनो मोन्नाय जायो। मानोना होनबा, बेफोर थुनलाइयारी सोरजिथायफ्राव आधिखाल मुगायाव सोलिबोनाय आरो दासिमबो सोलिफुबाय थानाय Bodo Nation नि revival आरो resurrection नि मु गोलाव Renaissance period नि गेजेराव जालानाय दुखुनांथाव tragedies नि असे जाथाय, बहाबा जेन्नाय आरो बहाबा देरहानायनि गोलाव आरो जेथोगोनां सल' आरो सल'न्थायमाफोरनि जारिमिना मोन्नांगौ रोखोमनि जायगा आरो गोथौथि मोन्नाय जायाखिसै। गावनि थाखानाय राव, थुनलाइ, धोरोम, माहारियारी आसार-खान्थि आरो राजखान्थियारी सानथौखौ लानानै बे मुलुगाव मोनसे सोद्रोम, बासग'सात आरो गेरमसा बर' हरि महरै थानानै थानो थैस'-थांस'यै गोलाव सम गोदोनिफ्रायनो दासिमबो सोलिबाय थानाय जांखिथायारी जुजिनायफोर बर' थुनलाइयाव जेरैबादि खा खा दा- दायै आरो ब्लाउ ब्लाउयै नुजानांगौमोन आरो रिफिनांगौमोन बिब्दि नाथाय जायाखिसै। बनिखायनो आंनि लुबैनाया जाबायदि- जॉनि बर' थुनलाइया जाहाथे हरिनि सुखु-दुखु, निदान खैफोत आरो tragedies नि समफ्राव मोखथां मुलुगनिफ्राय दा-आन्त्रायथों आरो दाखारखोमार्थों (Escapist Literature नि मुं दामोन्थों)। नडाबा बर' थुनलाइया गोदान इयुन जोलै हान्जाफोरखौ Bodo Nationalism नि दाहारजों हरि अनफावरी जोलै महरै दाफुंनायाव फेलें जागोन। बर' हरिनि 'थैनाय आरो थानाय'नि गिखंथाव सौलुनि फिन्नाय होनायाव जॉनि बर' थुनलाइखौ रावबो खारखिल्लु आरो खारखोमालु आखुथाइ लाजानो लुबैया। Bodo हरिखौ मुलुगनि गेजेराव मोनसे 'Master Race'

महरै दानांगौनि Plan आरो project खौ आबुडै मावफुंनायाव बर' थुनलाइया मैखोम बाहागो लाफाखाथारनांगोन।

आंनि खौराडाव गुबुन मोनसे गोनांथाव आयदानि बाथ्राया सरजाबजायाबा आद्रा जानानै थालांगोन सान्नानै बिखौ गाहाइयाव सरजाबनानै होनाय जाबाय। बियो जाबाय-- जॉनि बर' Language नि मोन्नो गोनांखा Official Status मोनसे रावआ economically गोख्रों Utility आरो Viability थायाबा बे रावनि बेसेना जिसिबां दामगोसा जानांगौ बिब्दि जानो हाया जायो। बियो आरो सोनारो मोनसे factor नि सायाव। बियो जाबाय- बे रावहा मा रोखोमनि Official Status दं एबा सरकारी माबायदि गनायथि मोन्नानै दड'। जाय रावजों सोलौंथाइ लानानै साखि बाखि मोन्नो हायो, जाय रावजों बेफार-फालांगि खालामनो हायो, रां-खाउरी खामायनो हायो आरो सरकारी Offices आरो Court फोरनि खामानिफ्रा सोलियो बिब्दि रावफ्रासो Economically Vioable जायो आरो बयजोंबो आजावजाथाव जायो।

बनिखायनो, जॉनि बर' रावा गोखैयैनो भारत संबिजितनि Article 345 दफा मथे आसाम राइजोयाव State Official Language नि Status मोनथारनांगौ। दिनैसिम जॉनि रावा State official Language नि Status मोनथार नांगौ। दिनैसिम जॉनि रावा State Official Language नि Status मोनैनि जाहोनावनो Bodo Medium जों already उथ्रिसात जाग'खानाय रोजा रोजा आरो लाख लाख Bodo Matriculates आ जेरवबो साखि बाखि मोन्नाय जायाखिसै। फासेंथिंजाय बे रावा 2003 इं माइथायावनो Indian Parliament जों संबिजितनि

डाइनथि (8th Schedule) दफायाव भारत हादतनि गुबुन मोनसे National Language महरै गनायथि होजाखांबायमोन। बे रवखौनो Language Subject महरै लानानै already सानै बर' फिसाफ्रा UPSC नि IAS आन्जादखौ उथिसारनानै सासेया Indian Foreign Service आरो गुबुन सासेया Indian Administrative Service आव साखि मावगासिनो दंसै। भारतआव गोबां आन्जिमानि रइजोफोर दडे -- जाय जाय हादाबफ्राव मोनसेनिबो बांसिन रवफ्रा State Official Language महरै बाहायजागासिनो दड'। जैरै: आसामावनो, असमीया, आरो बेंगलौ (बराक सेरफाडव), गोदोनि जम्मु आरो काश्मीराव - हिन्दी, उर्दु, काश्मीरी, दग्री आरो इलिच आरो सोनाब बंगआव बेंगली, नेपाली, उर्दु, हिन्दी, अडिया, सानताली, पान्जाबी, कामतापुरी, राजबंशी, कुर्मा-कुरुक आरो तेलेगु बाइदि बाइदि। आरो बिब्दियैनो भारतनि गुबुन गुबुन रइजोफ्रावबो मोनसेनि बारा गोबां अन्जिमानि रवफ्रा State Official रव महरै बाहायजागासिनो दड'। नाथाय जॉनियासो जोबोत दुखुनांथावयै State Official Language नि Status मोनखाथारनांगौनि सोलायै दिनै आसाम सरकारनि Political Conspiracy आरो आथिखालनि बर' राजखान्थियारी दैदेनगिरिफोरनि (Bodo Political Leadership) लोरबांनि थाखायनो माबा जाथारै बाथारै Associate Official Language निसो Status खौ जाबसिन्नानै होजाबाय। जोबोत लासिंसिंसिनिसो बाथ्रा जाबाय। बे Status आथ' खुनु मोनसे मोजां Utility गोनां Status नंखाथारा। Associate Official Language नि Status खौ experimental basis

आव 1984 आव Governor नि Ordinance नि गेजेरजों बै समनि Un-divided Kokrajhar District आरो Udalguri Sub-division आव Substantial अन्जिमानि बर' रव रायलाइग्रा सुबुं बिसान थानायनि basis आव बाहायनायनि राहाखौ आसाम सरकारा लादोमोन। बिनि बोसोरसेनि उनाव 1985 माइथायाव बै Ordinance खौनो Assam Legislative Assembly आ मोनसे Bill नि गेजेरजों Act आव सोलायनानै बर' रवखौ लोगो सरकारी रव महरै बाहायनायनि राहा-लामा लादोमोन। आरोबाव 2016 इं माइथायावबो बिथां सर्बानन्द सन'वालनि सरकारा आसामनि गोबांथार जिल्लायाव बड' रवखौ लोगो सरकारी रव महरै बाहायनांगौ होन्नानै Official Orders/ Notifications होलांदोमोन। नाथाय, दिनैसिमबो सरकारनि बैफोर आयेन / Orders आ Practically असे खामानियाव बाहाय जागुबैयाखिसै।

फैयै फैयै आरोबाव मोनसे गिदितथार गोरोन्थियाव फानदौलिडवसो फोनांजाबावबाय। बिनो जाबाय 2020 इं मानइथायनि 27 जानुवारीयाव Dictated terms आव खालाम जाहोजानाय गोदान Socalled 3rd Bodo Accord (on misnomer BTR concept) नि Clause No.6.2। बे दफानि गेजेरजोंनो बर' रवखौ State Official Language नि मोन्नो गोनांखा deserving Status निफ्राय implementation नि मुडव 2021 इं माइथायाव मालाइ आसाम सरकारा 1960 इं नि Assam Official Language Act खौ सोदानानै बर' रवखौ नंखाय बाला माबा Associate Official Language नि गोगाव खामपलायावसो

फज'साब्बाय। बियो जौखौ संबिजितनि Article 345 नि रदाय महरै मोन्नो गोनां State Official Language नि Status निफ्राय deprived खालामनाय जाबाय। Whereas (बिनि उल्थायै) बर' रावा 2003 इं माइथायावनो Indian Parliament नि मोनसे Act जौं (92 nd Constitutional Amendment Act., 2003) संबिजितनि दाइनथि फारिलायनि 19 SL no. आव जायगा मोनखांखाबाय। (pursuant to the clause No. 9.1 of the Memorandum of Settlement Signed with BLT on the 10th February, 2003). आरो बे मोनसे गोरोबथानिनो Clause No. 9.2 रदाय बायदियैनो बर' रावा BTAD हालामाव 2003 इं माइथायनिफ्राय Full-fledged official language महरै बाहाय जानायनि Status खौ मोनखाबायमोन। नाथाय दा आसामाव Associate Official Language निसो Status होजाखांनयनि उनाव BTAD नि सिङ्खवबो बर' रावनि Official Status आ फाहायजानानै Associate (लोगो राव) Language महरैसो बाहायजाग्रा राव जाफिनोबो मा जाबावनांगौ जाखो? बेनिखुइ लासिंसिं जाथावथाव गुबुन मा बाथ्रा थाबावनांगौ जाखो? बर' रावा आसाम राइजोनिल' नड, बियो दुलायय भारतनि सा-सानजा बिसिबांबा गुवार आरो गोलाव भुमनि हालामनि बयनिखुइबो

गोजामसिन (Most ancient), थागिबिसिन (Most Indigenouse) आरो जोबोत rich आरो powerful राव। बियो रावनिबो लान्जाय (Subordinate) राव नड। असमीया रावनि गोबांथार जौखोन्दोनि गुदि सोदोबफ्रानो बर' रावनिफ्राय दाहार लांजानाय एबा खावनानै लांजानायजोब। बिनिखायनो बर' रावा गोखैयैनो State Official Language नि Status खौ मोनथारनांगौ। नडबा जौनि बर' रावनि बिजौं आरो बर' रावनि existence आरो Survival आ गोब्राब जालांथारसिगोन। आसाम सरकारा जौनि बर' रावनो मोनखाथारनागौ - 'State Official Language नि Status' खौ होनो गोसो गैयिया Instructional Covenant आरो United Nations नि Indigenous peoples नि Rights नि Charter नि declaration, 2007, 13 September नि बेरेखा आरो उल्था आखुथायनि रोखा फोरमान।

आथिखालनि जोलै हान्जाफ्रा बेखौ मिथिनानै लानाया गोनांथार बाथ्रादि-- बिमानि रावजौं सोलौंथाइ लानानै बे रावजौंनो ओंखाम मोनजानानै बे बुहुमाव गोखौं आरो गोथां सुबुं महरै थानानै थानायनि मोनथाया जोनोमनिफ्राय मोनबोफाखानाय मोनथायखा (Inborn Right)। बेखौ रावबो सेनो हाखाया आरो रावजौंबो सेनानै लांजाखाया।



“अनजिमा” नि बिखायाव दान्दिसे

अनूजु

थुनलाइ बोसोनगिरि, क.स.फ.ब.थु.आ.

“अनजिमा”या कक्राझार सोरखारि फरायसालिमा बर’ फरायसा थुनलाइ आफाद (KGCBSLS) नि बोसोरारि लाइसि । 1967 माइथायनि 27 आगस्त रबिबार खालि कलेजनि बर’ फरायसाफ्रा ज’ जथुमरानै क’क्राझार कलेज बर’ फरायसा थुनलाइ आफाद (Kokrajhar College Bodo Student’s Literary Society) खौ गायसनदोमोन । थांखिया राव थुनलाइ सिबिनाय आरो कलेजनि बर’ फरायसाफोरनो मोनसे थुनलायारि जौसां होनाय । बेनिनो गिबि आगान हिसाबै 1968 माइथायनि 26 जानुवारियाव अनजिमानि गिबि बिसाना मोखां दिन्थिजेन्दोमोन ।

गिबि गिबियावनो सौनाय फैयो, कलेजाव बोसोरारि लाइसि थाखानानैबो मानो क’क्राझार कलेजनि बर’ फरायसाफ्रा आलादा आफाद दानानै आलादा लाइसि दिहुन्नांगौ जायामोन ? बुंनो थाडेब्ला 1960 नि आसाम अफिसियेल लेंगुवेज एक्टखौ लाबोनायनिफ्राय गुबुन गुबुन हारि माहारिनि गेजेराव गाव गावनि रावखौ फोथांनानै लाखिनाय आरो हारि हिसाबै थांनानै थानायनि मोनथाइ सादिनायनि साग्रांथि (Consciousness) सोमजिदोमोन । 1963 माइथायनि 18 मेआव बर’ रावखौ सोलोथाइनि बिजो महरै गुदि फरायसालियाव थिसन्नायनि उनाव बर’फोरनावबो मोनसे जावरिखांनय फैदोमोन । राव थुनलाइनि

जौगानायनि थाखाय बयबो आवगायबोदोमोन । फारसेथिडे कलेजनि लाइसिया बर’ फरायसाफोरनि हाबिलाखौ सुफुंजोबनो हायाखैमोन । बर’फोरनि माहारियारि सानस्त्रि (Bodo Nationalism) आरो जौगानायनि जारिमिनाव 1967 माइथायाव मोनसे जाथाय बहा आरो गोनांधार बोसोर । मानोना बै बोसोरावनो दुलाराय बर’ फरायसा आफाद (15 फेब्रुवारी, 1967) आरो बर’फोरनि गिबिसिन् राजखान्थियारि दोलो Plains Traibals Council of Assam (27 फेब्रुवारी, 1967) आरो KCBSLC खौ दानाय जादोमोन । बुडाब्लाबो जागोनदि फरायगिबि बै मोनै आफादा थुनलायारि आफाद बर’थुनलाइ आफादजो लो गो नांनानै बै समफ्राव बर’फोरनि माहारियारि जिउ खौसेथि, राव थुनलाइ, जौगानाय, राजखान्थि मोन्थाइ, आलादा हादोर बिख’नाय बेफोरव गिलिरि बिबान बान्दोमोन ।

अनजिमा लाइसिनि मोनफ्रोमबो बिसानाव “अनजिमानि रावै” बिमुंजो लाइसिनि सोमोन्दै बुंफोरनाय (Declaration) नुनो मोनो । बेव अनजिमानि मुं, जोनोम, बोसोराव खेबबेसे ओंखारो, सोर दिहुनो, थांखि, मुंनि ओंथि बेफोर रोखा रोखा लिरनाय दं । बेफोरनि मोनैसोखौ बेव सावरायनो लानाय जाबाय ।

गिबियावनो अनजिमा मुंनि ओंथिनि सोमोन्दै

सावरायदिनि । अनजिमानि ओंथिया जादों फैसालि, अखांनि रुगुं थामहिनबा horizon । फार्सेथिं अनजिमानि ओंथिया सानखान्थिनि बिसान (number, digit) खौबो फोरमायो । उन्दैयाव जों अनजिमानि ओंथिखौ सिमा हिसाबैबो फरायबोदोंमोन । समायना सोदोब आरो हिन्जावफोरनि मुं हिसाबै फरायजानाय “अनजिमा”नि ओंथिखौ एरै होन्नानै लाइसियाव फोसावदों, “आंनि मुड्ड अनजिमाब्लाबो आखुआव अनजिमा गैया।” थामहिनबा अनजिमानि ओंथिया फैसालि एबा सिमा जानो हागौ नाथाय आखुवा अनजिमा गैयै थामहिनबा जोबनो एबा थुंगेनाय गैयै । गोथौ ओंथियाव नाइयोब्ला फैसालिखौ अखां आरो बुहुमनि गोरोबलायनाय सानलावरनि सिमा हांखोखौनो हमोब्लाबो बेहा मोनसे थि सिमा गैया । बबेखानि बे फैसालिया मोनसे गोदान एबा गुबुन मुलुग एबा अखां थामहिनबा गोदान मिजिन्सो इसारा होयो । बे फैसालिया सिमा गैया, थुंगेनाय गैया ।

अनजिमा लाइसिखौ रमान हांखोजों दिहुनाय जादोंमोन । बर’ थुनलाइ आफादा देवनागरी हांखो आजावनायनि (1975) बेसेबा बोसोर उनाव 1989-99 माइथायसिम रमान हांखोजोंनो सेफखांनाय जादोंमोन । “अनजिमानि रावै” आव फोसावनाय जादोंमोन, “रमान हांखोआल’ आंनि बिखायाव जायगा मोनो ।” 1970 माइथायाव जानाय जिसेथि महाकालगुरी जथुम्मायाव बर’ थुनलाइ आफादा असमीयानि जायगायाव रमान हांखोखौ आजावनायनि गरन्थ’ लादोंमोन । बेखौ बाहायनायाव आसाम सोरखारनि हेंथा आरो दफनायनायनि बैरेखायै थुनलाइ आफादा 1974-75 माइथायाव मैखोमैनो सोमावसारदोंमोन जेराव साजिद’ सुबुंफ्रा मुख्लं

जानांदोंमोन । बे सोमावसारनायनि स्नि बोसोर सिगांनो अनजिमाखौ रमान हांखोजों सेफखांनाया बर’ राइजो राजानि रमान हांखोखौ गोसोजों बरायनायखौनो दिन्थियो । अदेबानि बै समफोराव बर’ थुनलाइ आफादाव रमान हांखोखौ आजावनायनि लाहार-फाहार सोलिदोंमोन ।

लाइसिनि थांखिनि बागै “अनजिमानि रावै” आव एरै लिरनाय जादों, आंनि थांखिया जादों - बर’ राव थुनलाइ, हारामुद-सोदोमस्त्रि, जारिमिन आरो माहारिखौ गोदान महर होन्नानै सोलायहोनाय आरो जौगाहोनाय ।” आरोबाव लिरदोंदि, क’क्राइर कलेजनि फरायसाफोरनि गेजेराव गोदान लिरगिरि सोर्जिनायानो आंनि थांखि ।” जाय थांखिजों अनजिमाखौ दिहुनाय जादोंमोन बे थांखिया जाफुंदों होन्नानै बुंनो हायो । बर’ थुनलाइयाव अनजिमा लाइसिया गोबां मुंदांखा थुनलाइगिरिफोर सोर्जिनो हादों । फार्सेथिं क’क्राइर कलेजनि बर’ फरायसाफोरनि बेबादि सांग्रांथिया गुबुनफोरनि थाखायबो बिदिन्थि एबा थुलुंगा जानानै नुजाधिदोंमोन । 1983 माइथायनिफ्राय KGCBSLS आ बोसोरै खुंवोनाय इसान मोसाहारि गोसोखां सान फालिनाया गौथुमजों लोगोसे अनजिमानि आवथाखौ आरोबाव फुवारसिनबावदों । बोसोरै खुंनाय बे फोर्बोआव थुनलाइ आरो हारिमुनि आयदायाव बादायलायनाय जायो । बेव दाब दाब जायगानिफ्राय गुबुन फरायसाफ्रावो नुजाफैयो । बेयो मोनसे फरायसाफोरनि थुनलायारि जथुम्मा (Conference) जेराव 20/30 फरायसालि/ फरायसालिमाफोरनिफ्राय फरायसाफ्रा बाहागो लायो । मुंदांखा सानसुमा फ्रान्सिस बेकनआ बुंदोंदि, “Reading maketh a full man; conference

a ready man; and writing an exact man.” थारैनो बे फोर्बोआ फरायसाफोरखौ थुनलाइ सोर्जिआव नांथाबनो थुलुंगानायजों लोगोसे इयुन जिउ आरो बिबाननि थाखाय साखाफाराबो खालामो। बे हिसाबै बर’ फरायसाफोरखौ आफाद सामलायनाय (Organisational capability), मेल सामलायनाय, बिबुंथि लाखिनाय बेफोराव आबुथि आरो रॉसारनाय नुयो। फार्सेथिं अनजिमा लाइसि दिहुन्नायाथ’ दंखायो। 1968 माइथायनिफ्राय दासिम ऑंखारबोगासिनो दं। वबेबा बोसोर आरो सोमावसारनायनि समफ्राव गांनै गांथाम बिसान खहा जादोंब्लाबो दा ब्रैजिनैथि बिसानाव आगान होबाय। बेयो एसेल’ देरगाथाव बाथ्रा नडा। आरोबाव बे खावसे जौथाइनिबो गोलावसिन समाव अनजिमाया गोबां लिरगिरि सोरजिनो हाबाय होन्नानै बुंनंगोन। KCBSLS नि गायसनगिबि नेहाथारि आरो सुजुगिरि फारियै नीलकमल ब्रह्म आरो हेरम्ब नार्जरी बिथांमोनहा गावसोरखौ बर’ थुनलाइनि मुंदांखा लिरगिरि महरै फसंलांनो हादोंमोन। सुंद’ सल’नि सम्राट नीलकमल ब्रह्मखौ “मुला देरगोनखौ गौलैयावनो सिनायखायो” होन्नाय बादि बिथांनि राफोद थुनलाइ सोर्जिनि रेगाखौ अनजिमानि गिबि बिसानावनो मोननो हायो।

“मेगननि आखल, गोसोनि महर” सुंद’ सल’निफ्राय बेनि सोमोन्दै मुंदांखा थुनलाइगिरि मन’रन्जन लाहारिया एरै लिरदों, “..... बिनि सल’ लिरनायनि आर्ट आरो टेकनिकआ गोजौ माननि। थार्ड इयार B.A. आव फरायनाय नीलकमलआदि बेबादि सल’ लिरनो हागौ- बे गोमोथाव आरो बाख्नायथाव।” (दिहुनगिबि अनजिमा: गांसे बिसम्बि सावगारि/अनजिमा, 1998-99 बोसोर)। अनजिमा

लाइसिनि जोनोमजों नांजाफानाय एबा बेव लिरजेन्नाय गोबांखौनो लिरगिरि हिसाबै मुंदांखा जानाय नुनो मोनो। बिथांमोननि माखासेआ जादों बकुल बसुमतारी, गुनेस्वर मोसाहारी, सुरथ नार्जरी, जनिल कुमार ब्रह्म, गबिन्द बसुमतारी, नबीन वारी, प्रबन नाथ बरगयारी आरो गोबां। अनजिमा लाइसिया ऑंखारबाय थाजासिम बेयो थुनलाइगिरि सोर्जिनायाव गोनां बिबान बानबाय थागोन।

KGCBSLS इसान मोसाहारि सान फालिनायाबो बर’फोरनि गेजेराव गेदेमा सुबुंनि मुडव थुनलायारि फोर्बो फालिनायनि मोनसे दोरों (tradition) लाबोनानै होफैदों। बेजों लोगोसे बर’फ्रा बिर जोहोलाव फुजिनो रोडा होन्नाय बदनामाबो एसेब्लाबो दानगारजादों। KGCBSLS नि इसान मोसाहारि फोर्बोजों थुलुंगानानै गोबां फरायसालिमाफ्राव गेदेमा सुबुंफोरनि गोसोखांथियाव खुंनाय फोर्बोफोरा इयुन जोलैनि गेजेराव थुनलाइगिरि, हारिमुगिरि, दैदेनगिरि सोर्जि होनो हादों। उनावहालागौ गुबुन गुबुन फरायसालिमाफ्रावबो बेफोर फोर्बो फालिनाया गोसारलांदों। बिदिन्थि हिसाबै बिजनी फरायसालिमानि सानजायं लक्षेश्वर ब्रह्म, जनता फरायसालिमानि सतीश चन्द्र बसुमतारी, बडाइगाव फरायसालिमानि सीतानाथ ब्रह्म चैधुरी, गसाइ फरायसालिमानि जोहोलाव नीलेश्वर ब्रह्म गोसोखां सान फालिनायखौ मख’नो हायो।

“अनजिमानि रावै” आव रोखा रोखा लिरनाय “आंनि बिखायाव राजखान्थिनि बाथ्राया जायगा गैया” होन्नाया बे आफादा मोनबो राजखान्थि हान्जाजों लोबबा गैयैखौनो फोरमायो। मानोना KGCBSLS आ मोनसे थुनलायारि फरायसा

आफादसो । गोबां समाव फरायसालि/फरायसालिमानि बेफोरबादि फरायसा आफादफ्रा सोलिफु राजखान्थियारि फावसिथानिफ्राय उदां जानो हाया । बबेखानि राजखान्थिनिफ्राय उदां जानानै (Political neutrality) थुनलायारि हाबाफारि आरो सोर्जियाव नांथाबनो हानायावसो बेफोरबादि फरायसा थुनलायारि आफादफोरनि जाफुंनाय लामा नाइयो ।

अनजिमा लाइसिया बे 54 बोसोरनि गोलाव हान्थियाव लिरगिरि सोर्जिनायाव गोनां बिबान बानबोबाय । फरायसालिमायाव आगान होफैनाय लाइमोन फरायसाफ्रा थुनलायारि आरो हारिमुवारि जौसां मोन्नानै दाजाबथायारि आरो सोर्जिनि हाबाफारियाव नांथाबनो खाबु मोनो । जिउनि बे गोनांथार समाव फरायसाफ्रा दाजाबथायारि बिथिंजो

जिउखौ दैदेन्नानै आखु दानाय (personality) आरो जिउ राहा (career) दानायाव जाफुंसारनो हायो । KGCBLS खौ दाजेन्नाय सम आरो दानि थासारिनि गेजेराव गोबां सोलायनाय फैंबाय । आथिरखालाव इंगजी बिजोर्जो सोल्लोथाइ लानानै फैंनाय बर' फरायसानि अनजिमायाबो एसेल' नंलिया । बर' राव थुनलाइनि सोमोन्दै बारा गुमुर मोनाब्लाबो बिसोरबो आफादखौ दैदेन्दो आरो अनजिमा सुजुदो । बेफोरबादि बिथिइ आफाद दैदेन्नाय आरो अनजिमानि मानदान्दाखौ जौगायैनो लाखिनायाव जाहाथे हेंथा जानानै नुजाथिया बेखौ बयबो नोजोर होनांगौ । अनजिमाया क'क्राझार सोरखारि फरायसालिमानि बर' फरायसाफोरनि बे गोलाव थुनलायारि हान्थिनि बनजारखौ अराय दैलांबाय थानांगोन ।



रुम मेट

उत्तरा बैसोमुथियारी
बोसोनगिरि, आइजो लिरगिरि गौथुम

“आयुआब’ ! नों आब’ दोहोनस्री नडासै ? आब’खौ लोगो मोनगोन होन्नानै सानथाराखैमोन आं। बेसेबा गोबावनि उनाव दिनैसो लोगो मोनबाय। सम-सम जि गोसो खाडो दे आब’खौ। दानि दिनाव बयबो मबाइल फन लाबाय, पेच खुलिबाय। बिब्दि सान्नानै आब’नि मुंखौ चार्ज खालामनानैबो नागिरो आं, मोनाखै।”

आंहा उमु-सुमु जाबाय। सोर जाखो सान्नानै। सोंनोबो हालिया। सिनायनानै सिनायाखै बुंजानो गिनानै।

“आं निलिमा आब’। निलिमाखौ बावबाय नामा ? कलेज हष्टेलाव एखे रुमाव थाग्राया।”

आंनि उमु-सुमुखौ गावनो थाब बुंफिनो।

“एनडाथाय माथो।”

आन्दाजयैनो बुंबाय आं। नंगौ निलिमा, निलिमा नार्जारी। गोसोआव फैनो एसे सम नांबाय। नाथाय दिनैनि निलिमा आरो फरायसा समनि निलिमा गोबां सोलायबाय। सोलायखायो बैसोजौ लोगोसे बयबो। लोरलिन-लिन, खाथें-थें थारमोन। महराबो सोमब्ले-ब्लेथारमोन, गन्थं मोखाडलाय स्र’मोन। दा मोदोम खाबाय, धेवबो मेइनटेइन खालामो जानांगौ। लुदुरगेद्राय नडा। सिगांनि बादि सोमब्ले-ब्ले नंला। गोसोमैनो

खान्थै गोजौं समायना जाबाय।

हालो-दैलो फरायसा समखौ गोसोखांफिनब्ला आंबो लोगो मोनब्ला हामगौ सानोमोन। बिखौल’ नडा, गोबां लोगोफोरखौनो। हाबा जानानै राइजो जालायनायनि उनाव दिनैसो थाखि-थुखि लोगो मोनलायबाय निलिमाखौ। आंहा दरं जिल्लायाव हाबा जाहैबाय। बि.टि.सि. गाव खुंथाय बर’ राइजो मोन्नानै नाथाय उदालगुरी जिल्ला जाबाय। बिहा क’क्राझार जिल्लायाव थालांबाय। बबेखानि दा चिरां जिल्ला जाबाय।

गामिनि गाहेला आइजो जानानै हिन्जाव लांनो फैदों आंहा, हौवा गोदाननि न’खरजों। क’क्राझाराव फैनो मोनैया गोबावथारसै। गोबां सोलायबाय क’क्राझार सोहोरा। बर’फोरनि हाबा-हुखायाबो। गौरां दैसा सेरनि “अमला भवन” होन्नाय हाबा खालामग्रा न’मायाव खालामदों हाबाखौ। उसिग्लायलायनाय रां-खावरि गोनां माहाजोनथार हिन्जाव गोदाननि बिफाया। हाबानि सायनासालिखौ सोरगोफुरिबादि साजायदों। हाबा जाग्रा मानसिफोरखौ टि.भि. सिरियेलनि एक्टर-एक्ट्रेसफोरबादि नायनो मोजांजोबथार।

हौवा गोदानखौ जंखायहां-एदावहां रंजा-बाजा बरायखानानै जौंखौ मोनसे खथायाव फज’हैयो।

हिन्जाव गोदाननि बिबोनां, बिजावजालि जानायफोरा जोमग्रा-दखना, स'ना-रुफा फावदार-स्न' सोनाय बाकसुखौ लानानै हिन्जाव गोदानखौ देलाय होनो थाडे। बे समावनो निलिमाया आंखौ रायदावफैयो। हिन्जाव गोदान मोनहाजो गावहा खुरमा जायो। जौनि गामियाव हिन्जाव गोदान दोनलांनायावबो थांफागोन।

“गोदो हष्टेलाव थाब्ला आब'जो रायजानाय, बुंजानायखौ आं माब्लाबा दुखु मोनोमोन। बेफोरखौ गोसोखांब्ला दासो सानफिनो आं -- रामचन्द्रया राजउलाफाद नागारनानै हाग्रायाव बनबास खाथिनो थांब्ला फंबाय भरता बिदानि खोरोमखौ खर'याव रुजुन्नानै राज उलाफादाव फज'नानै राइजो सालायनायबादि आंबो नौनि रायनाय, बुंनायखौ खर'याव रुजुन्नानै दिनैसिम बे अबस्थायाव मोनफैनो हादो सानो आं आब'। आं I.O.C. बिफानाव मावो आरो धालीगामिनि B.R.P.L. कल'नीयाव थायो। दिनै लोगो मोनलायबाय। क'क्राझाराव फेब्ला आंनि क'वाटराव हाबलांथार आब'।” गावनि क'वाटर नाम्बारखौ होनानै खुथारै बुडे।

बाखोनाय जानायनि मोजां मोननो नागारै रगासो जौनो ओंखारबाय आंहा। इलिक्ट्रिक कारेन्ट खारनायबादि माखासे गोसोखांथिफोरा आंनि खर' मेलेमाव नांफैना। नाथाय इसिबां गोबावनि उनाव लोगो मोन्नानै रगाखौबो देखायनो हाला।

बर' हारिनि खाफालानो मोन्दा। हारिनि जेंना-जेंगोनाखौ बोस्तानो सरकारनि खाथियाव आर'जलाइ होनायजो माब्लाबाबो जाफेर। बर' राइजो बिनाय सोमावसारनायनि बाश्राफोरखौ दोन्थ'दो। बर' बिजोनि

गिवि आथालाव फरायजेननो मोन्नानै बिजाव मोनब्ला, फोरोंगिरि मोना, फोरोंगिरि मोनब्ला फरायसालियाव थिसननो, कलेजाव फोरोंनो, इउनिभारचिटियाव थिसननो अजद खालामनाय बारबुरुस जेंनायानो जोबनो थाड। गोबां समावनो हरथाल, पिकेथिं, हान्जा सुरनानै हखावनाय हाबाफारि लानानै खुद्रिबोनांदो। बेफोर हाबाफारियाव राइजो-राजाफोरजो लोगोसे फरायसाफोराबो बाहागो लाफानांगौ जायो। हष्टेल, लजिडव थाग्राफोरा गसिनबावयासोमोन। नाथाय निलिमाया फरायनायखौ खहा जाजानो गिनानै बेफोरबादि हाबाफारि आरो मेल मेटिफोराव बाहागो लानो बायोमोन। माब्लाबा रायगारोमोनबो आं -- “लेखा रेंब्ला नौसोरबादियानो देनां बांसिन खाबु लागोन हेन्नानै।”

नाथाय रायजाब्लाबो ख'फार गैयामोनलाय। रायजाब्लाल' मोदै ज्राम-ज्राम गनानै मोखां जागा-जागा जालायथारोमोन। फरायनायखौ हले बाखोनायनांगोन। दसे जिरायब्लाबो आखायाव बिजाव गांसे लागोनखि लाफागोन। मोखास्थ' हाखानायखौ बावजानो गिनानै खिनाय हासुनायमानि बुदुं-बुदुं मोखास्थ' खालामनायमोन। सोहोराव सिगांसिन स्कूल-कलेज फरायनो मोन्नानै गावखौनो गोरोंसिन, स्मार्टसिन सान्नानै निलिमाखौ जाम्बि लयलि सानग्राया लाजिफिननो ओंखारग्रा जाबाय। निलिमाया जेसेबां फरायो बेनि बांसिन समखौनो आंहा हलायै हगारोमोन। निलिमाबादि खिनाय-हासुनायमानि बुदुं-बुदुं मोखास्थ' हायाब्लाबो बिहा टेबिलाव फरायनो जिरायब्लानो दानिया आंहाबो लाजिनाय मोनग्रा जायो।

गोसो जयाब्लाबो टेबिलाव जिरायनानै फरायग्रा जालाडे। बे रुम, बै रुमाव गिदिं-गिदिं लोगोफोरजों आददा मारिग्रायाबो खमायलाडे। गुबुन लोगोफोरा फैनानै आददा मारिफैनो नागिरब्लाबो फरायनो थिनहरफिनग्रा जाबाय।

थेनथ'नायाबो बाराथारमोन आंना। फरायनो जिरायब्लानो बिजाब बोद्दायैनो थेनथ'नानै खाफालासो टेबिलाव थ'आ-थ' खुञ्जाबजाबाय थायोमोन। थाखोयावबो थेनथ'नायनि थाखायनो फोरोंगिरिफोरजों रायजाबाय थायोमोन। निलिमाजों रुममेट थानो मोन्नाया खाफालखौ दहाय होनांगोन। थेनथ'हांब्लानो गाव रोडै-खौ, बुजियैखौ खुथि-नाथि आंनावसो सौंनायमोन। जेन' आंसो फोरोंगिरि।

आरोथ' मा बुंवावगोन उसुंथिंजाय मानिबा सोदोब खोनाब्लानो 'नै माबा प्राव होन्दों आब' होन्नानै आंजों खारदेरबोयो। थेनथ'हां जाब्लानो बेरलाव-बेरथाव जानाडे। लामा खान्दाय, सिल'राफोसो बुंब्लाबो मानिया। बिनिबादिब्ला बे 'प्राव' होन्नाय सोदोबा मोदाय बहुतफोरसो जाथारगोन। इन्जुर गब्लं दं नामा, दरजा-खिरखि मारिनाया जायाखै नामा रुम सिडाव गिदिं-गिदिं नायदिडे। आसि गोलाव बहुतालायनो गुदुं फिसा मोनब्लानो आखायखौ सोहरनानै जेसे हागौ एसे फोलावहरो। आरो बिलिफां समाव आयुमा, हाराय बांखोफोरा गुमा खनजायोनो। मा थिक उसुंनि गांसो हाग्रायाव बाफैनाय गुमाखौ जाफैदोंबो जानो हागौ आयुमा, हारायबांखोफोरानो। गुमा बारसिननायावनो "प्राव" होनखादोंबे। गावनि खर'सायाव लानाय हासिब सुवा, बेसर, अरदाबनि

हाथ'प्लाखौ नायफामलाबायो।

बिहा मोनसे मिनिथावया बोराबथावया हुदा दंमोनलाय। हराव उन्दुब्ला गोसान्थि नारसिनो होन्नानै हासिब सुवा, बेसर, अरदाबनि हाथ'प्ला, सामब्राम गुफुर सिरियाव थप्ला फिसा बोन्नानै खर' सायाव लायोमोन। आखायाव लहा थाब्ला बहुत-फेथाफोरा साफिनो हाया होन्नानै सिल-सिल जौंलायनाय हिन्जाव दाबा (सिखबजाग्रा) बो लाफाबाय थायो। गिख'थार गावनि सायखंखौनो बागदावलाबायो। गोदो-गोदो थेनथ'रोम जानाया बिनि बहुत नागिरनायावनो मेगन राफिनो। बिनि बेबादि गिख' आखु आरो खोमसि फोथायनायाव एखनब्ला रागायानो थिखिनियाव दावखोयो आरो एखनब्ला मिनिनानै उदै बिगुर सालायो। ओजों आरो फिथाय-सामथाय लेबजानो, आसुगुर हानो नांगौब्ला निलिमाखौनो नांगौ जानोसै। बे दाबा फिसानि थाखायनो।

जिखियानो जायामानो निलिमानि थाखायनो आंनि उन्दुगादुरि आखुया थेला मोनो। दिनै फरायगोन, गाबोन फरायगोन सान्नाय अलसिया आखुयाव लाजिनाय फैखाडे। समनि बेसेनखौ बुजिनो हायो। नंखायनोसो बाथ्रायाव दंमारो लोगोयानो खोलैयो, लोगोआनो बोखाडे। गाञ्जि लोगो मोनब्ला गाञ्जि जायो, मोजां लोगो मोनब्ला मोजां जायो। बबेखानि निलिमाया गावहानो सांग्रां नडांमोनब्ला आंबादि उन्दुगादुरिसे अलसियासे जागौमोन्दां। आंजोंसो बोगदोजानाय मोनब्ला।

"दिनै आब'खौ लोगो मोनगोन होन्नानै सिमाडावबो सानफेराखैमोन। आं बेखौबो बावथार

आब' आं जेब्ला गौहाटी इउनिभारसिटियाव M.Sc. फरायनो थाडो नोंदि आंखौ बादा होदोंमोन बड'लेण्डनि सोमावसारनाया बारानिफ्राय बारा गोखोंसिन जाबोगौ हिन्जाव मानसि हारसाफोरनि गेजेराव थाहैनो गिनांगोन। बै समाव गिनानै थानायमोनब्ला आं दा बेबादि साखिखौ मोन्नाय नडामोन्दां आब'। जोंनिया बि.टि.सि. याव गोग्लैनायखाय इनकाम टेक्सबो होनाड। बेखौमबा

गुबुन हारिया जोंखौ मेगन सायो।' गावनो-बुडे गावनो हाथाय लोमलायै गोरखोलायनाय मिनियो निलिमाया।

गोदो आन्दल'न समावब्ला मेल-मेटिडव थांनो बाग्राया बि.टि.सि. याव थानो मोन्नानै इनकाम टेक्स होनाडैनि खुसिथार। सानबायल' आं। बे समावनो हाबानि लग्न'नि समा जायो। हिन्जाव गोदान बरायनायनि दुखु गोनां बेम्फ-फार्थिनि देंखो रिखाडे। बयबो आवयाथि मण्डबाव थाडे।



बर' राव जौगानायाव लाइमोनफोरनि बिबान

प्र० इन्दिरा बर'

Dean, Faculty of languages,
Bodoland University

जौनि हादोराव 15 बोसोर बैसोनिफ्राय लानानै 24 बैसोसिम बेखौ लाइमोन बैसो एबा लाइमोन सम होन्नानै बुंनाय जायो। बे समा देरफुनाय, सोलौंफुनाय आरो मावफुंनो हानायनि सम। मेंनाय, बानाय गैयैनि सम। जोबोर गोहो बोलो गोनांनि सम। बे समखौ जाय लाइमोनफ्रा Constructive नोजोरै बाहायो बिसोरनो हारिनि दोहोन। हि साबै सिनायथिबोयो। बर'फोरनि 1919 माइथायाव दाजानाय बर' सान्त्र सन्मिलनीया मावथि मेंनाय बानाय गैयै मोदोम गुदुं गोसो गुदुं बर' फरायसाफोरनिनो गौथुममोन। जाय गौथुमनि सायावनो सोनारनानै "बिबार" (1924) खौ दिहुन्नाय जादोंमोन। बेनो जौनि दिनै बर' राव थुनलाइनि माइल खुन्थिया जानानै थाबाय।

नों दानागार आं नादानागार मावाब्ला मोनबो खामानिया जाखां बोया। माबा मोनसे खामानियाव जाफुंसारनांगौबा बयनिबो मदद आरो खौसेथि नांगोन। जौ बर' फिसा। जौनि रावा बर'। बे बर' रावखौ जौगाहोनांगोन जौनो बयबो।

बड'फा उपेन्द्रनाथ ब्रह्मआ बुंदोंमोन - "जौ जाय रावखौ रायो बेनो जौनि बिमा राव। बे रावा जौनि थाखाय जोबोद गोदै आरो जोडो बेनि थाखाय

जोबोद गोग्गाखाडो नाथाय बेयो गुबुननि मुंसेबो रावफोरखौ सिगिया आरो गोग्लैसोहोवा। गुबुन रावफोर बादि बेयो थांना थानो लुबैयो।" बे खोथानिफ्राय जौ हमनो हायो बिमा रावा माबादि बिफाव दड'। बे बिफावखौ मावफुंनो हायो लाइमोनफोरानो। बे दुलाराय बर' लाइमोनफोरखौ बर' रावनि सायाव सांग्रां लाबोनानै होनो थाखायनो जानो हागौ बड'फाया बे ओंथि गोनां बानबुंथायखौ जौनि सिगाडव फोरमायदोंमोन। जौ नुनो मोनो बर' राव थुनलाइ थिलिनि गुदि हमजेनग्राफोरा गाहायै उन्दै उन्दै लायमोनफोरानोमोन। उन्दै उन्दै फरायसाफोरानोमोन।

बर'नि गोदानै सिरिमोनखांहोजेन्नायनि खोथा बुंजेनग्रा गुरुदेब कालीचरण ब्रह्मनि बिथोनावनो बर' हारि, बर' राव, बर' थुनलाइ, बर' हारिमु गासै थासारिखौ साबसांहोनायनि असिलायै। मानोना मोनसे समाव बर'फ्रा जेराव मेराव गोदाव-सोराव सेला फेथ्रा जानानै सोलौंथाइनि मेगन नुवैयाव लासै लासै जामख'बोनो हमदोंमोन। बे रोखोम जामख'बोनायखौ फोजोबसांनो थाखायनो बर' सात्र सन्मिलनीयखौ मावनो थागिदा होनाय जादोंमोन - वर्तमाने आमादेर प्रधान ३ प्रथम कर्तव्ये श्रेष्ठ, आमादेर परम्परेर भितर

रिचय ७ महानुभूतिर भार वृद्धि करा। बेखौं माब्रै
सारहोगोन, बेनिनो लामा होदों - (1) गौथुम एबा
आफाद दानानै आरो (2) लाइसि फोसावनायनि दारै।
महिनबा बे समनि "बिबार" लाइसिनि खोथाखौंनो
नाय जादों। बेखिनियावनो बेखौंबो मख 'नांगोनदि
खंखलायाव बै समावनो "हान्नाघाट बर' सन्मिलनी"
1911-12) गायसन जाग्रोदोंमोन। बेनि उनाव
1916-17 माइथायाव "दक्षिनकुल बर' साहित्य
सन्मिलनी" आ जोनोम मोनदोंमोन होन्नानै सान्नाय
जादों होन्ना प्रबन बरगयारीनि "नोजोर आरो बिबुंधि"
1998) आव मख 'नाय दड'। जियानो जायाथोंसै
गौथुमनि मावथिफ्रा फरायसा एबा लाइमोन
आजायानो गोजा। बे रायथायाव दैखंखलानिखौं
नाय 'नाय बर' सात्र सन्मिलनीनि दारै नुजानाय बिबार
आइसिखौंल' हानगलाबनो लाबाय।

सेथि बोसोर, सेथि बिसान, बैसाग दानाव
आजायानाय बिबार लाइसिनि "सम्पादकीय" आव
नाय 'दों - এই सन्मिलनीते प्रत्यक बৎसर जातीय
भाषार गीत, कविता, प्रबन्ध पाठ एवंग बङ्गतानि हरया
आके। এই सन्मिलनीर फले बोडो जातीय मध्ये
सजाति वात्सल्य ७ ऐक्य धीरे धीरे वर्द्धित हईतेछे।
सङ्गन एक उৎसाहेर साहित उक्त सन्मिलनीते योग
दान ये सन्मिलनीर यावतीय श्रमसाध्य काज तांहादेर
दाराई निक्काहित हईया थाके।एई सन्मिलनीर
उत्साहे वर्तमाने अनेक युवक जातीय भाषार सुन्दर
सुन्दर कविता, प्रबन्ध ७ नाटिका लिखितिछेन।

थामहिनबा बिबार लाइसिखौं दिहुन्नो हानाय
लोगो लोगोनो सानैसो सोल्लोथाइ गोनां फरायसा
लाइमोनफ्रा गावनि बिमा रावखौं सिबिनो
ओंखारबोनायनि खोथाया नुजादों। ओरैहाय

बिथांमोनहा मोजोमसेल' सोल्लोथाइ लानो फैनाय
फरायसाफोरनि गेजेराव जाय साबसिन नाम्बार लानानै
उध्दिबोगोन बिसोरनो बान्था होनो थाखायबो गौथुमा
थांखि आजावदोंमोन। जायजों बर' फरायसाफ्रा
फरायनो थुलुंगा मोननो हायो। बर' लाइमोनफोरनि
बेबादि मावनायखौं नुनानै जदु नाथ दास खाख्लौवारीया
बर' सात्र सन्मिलनीनि गेवलां मेलाव बाहागो लानानै
एरै बुंदोंमोन - "गुदियावन, जंनि अनथावथाव साथर
बिफंफरनि नाजानाय आर दांनायखौं नुनानै जब
सहायाजासे बाखनाय आं। बै समनि बिबार मुगानि
लाइमोनफोरा मा रोखोम थै-थां मावदोंमोन बेफोरनो
बे खोथानि फोरमान। पद्मश्री मदाराम ब्रह्म जिउखौंरां
बिजाबावबो बै समनि गोजौ फरायसालियाव फरायनाय
उन्दै उन्दै लाइमोनफ्रा बर' फरायसाफोरनि थाखाय
फरायसालि लुनो, फरायनायाव निखावरि
फरायसाफोरनो रां मदद होनो रां थुबिल गायसन्नो
थाखाय आथिंजों थाबाय थाबाय हरला सानला थाडै
थाडै रां खांहेनायफ्रा बै समनि लाइमोनफोरनि
मावदिन्थि।

लाइमोन बैसोआनो बयनिखुइबो साबसिन
सम होन्नानै बुंनाय जायो। मानोना बे समाव मेंनाय-
बानाय, हाया होननाय जेबो फैया। जाय लाइमोनफ्रा
बेबादि गोहोखौं मोजाडैमोजां बाहायनो रोडे बेफोरनो
उन बुल्लियाव थरफा थरफा हाथर्खि महरै जोंथिहैनो
हायो।

खोथायावनो दड' दिनैनि लाइमोनानो
गाबोननि थार दैदेनगिरि। अब्ला नायदो लाइमोनफोरा
मा मावनांगौ मा मावनाड। मोनसे हारिनि थांनाय
थैनाया बे हारिनि लाइमोनफोरनि सायावनो लामा
नायनानै थायो। बेनिखायनोथ' मेथाइ खन्थाइफ्राव

जायगा लानायखौ नुनो मोनो। बिबार लाइसियाव
क्षिति भुषन ब्रह्मवा "गासा सावनाय" मुनि खन्थायाव
बेरखांहोदों ओरै --

हाखर सिं खमसियाव
धादं जं बर' हारि
जंनि आसार बिसार
जबदं फारि फारि ।।
बर'नि गेजेराव
गैयै अरनि गासा।
बिनि थाखाय नंलिया जेब
दानिया गमसा रमसा
एसे बर' सेग्राफरा
लगायदं अर।

हारिनि राव, थुनलाइ, सोल्लोथाइ जेरावबो
जौगाहोनो खामानि मावनांगौनि इसारा होदों
खन्थाइगिरिया।

बिमा रावानो बयनिबो आंगोसिन राव। बिमा
रावजों जाय खोथाखौ गोरलैयै एबा रोखायै बुजिनो
हायो, गुबुननिजों मालाबाबो हाया। बिबार लाइसियाव
परशुराम ब्रह्मवा जातीय-साहित्य मुनि रायथायाव
बिमा रावनि गोनांथिखौ एरै खिन्थादों -- कियनो
येतियाँलैके (मातृभाषासहस्येबे) देशसकलो
मानुहके उन्नतिब मुलमन्त्र शिकाई दिब नोराबि,
येतियाँलैके आमास सकलोबे हियात ज्ञानब
पोहब पेलाव नोराबि, येतियाँलैके कोन कार्यबि
उपयोगिता सर्वसाधारनके बुजाई दिब नोराबि,
तेतियाँलैके कोन महं जातीय अनुष्ठानत सफलता
लाफ हब नोराबे। बेनिखायनो बिमा रावा जौनि
आंगोनिबो आंगो। आरो बे जौनि आंगोसिन बिमा
राव थामहिनबा बर' रावखौ जों बयबो बाहायनांगोन,

बाहायहोनांगोन आरो बे बिबानखौ लाइमोनफ्रानो
लानांगोन। हिन्दी थुनलायाव महाबीर प्रसाद ट्रिबेदीया
गावनि "मातृभाषा की महरत्व" मुनि रायथायावबो
बिमा रावनि गोनांथिनि खोथा बुनायाव बुंथिदोंमोन -
जों जेखि हालोद एबा थासारियाव थायार्थों मानो जों
एखे राव रायज्जायग्रा सानै मानसि लोगो मोनोब्लाथाय
गावनि बिमा रावजों रायलायनांगोन होन्नानै। अब्लासो
बिमा रावा थानानै थानो हागोन।

दिनैनि बे थासारियाव जौनि लाइमोनफोरा
मोनसे गोखों बिफाव लानांसिगोनखौ आं नुहरदों।
मानो होनोबा जौनि गोबां बर' लाइमोन एबा
फरायसाफ्रा बर' रावनि फारसे मोखां फांथेनाय नुनो
मोनो बे रोखोम जानाया गाहाम नड। दिनैनि मुलुगाव
गावनो ओंखामखौ खुरनानै जानांगोन, रावखौबो लामा
नायनो नाड। समा रावखौबो नेबाय थाया। दिनै
बिरोंदामिननि मुगायाव सेंग्रा एबा लाइमोन हान्जाया
जिहेथु साबसिनै हायो बिदियावहाय बर' रावखौ
जौगाहोनायाव बिरोंदामिनारि आदबै मावनो
ओंखारबोनांगोन। जौनि रावा जाहाथे Unicode आव
सोसनजानानै मुलुगारि जेरावबो मिथिहोनो हायो बेनि
फारसे खामानि मावनांगोन। होमबाना बर' रावनिफ्राय
गुबुन रावाव रावस्लायनायाव गोरलै जानानै फैनोसै।
असमीया रावा दाखालि बावैसो Unicode आव
सोसनजाबाय। बे बिथिडव जों नुदों बे खामानिखौ
मावग्राफोरा गासैबो लाइमोन गोजा। अब्ला बेफोर
दिन्थिखौ लानानै जौनि लाइमोनफोराबो मावनो
ओंखारबोनांगोन। दिनै मुलुगाव 133 रावा google
translated रावसै। Mizo आरो Meithie रावफ्राबो
हाबबाय। नाथाय बर'निया दासिमबो गैया। अब्ला
गासै बर' लाइमोनफोरखौनो दिनैनि बे बिरोंदामिन

মুগায়াব বিরোঁদামিননি আদবৈ বর' রাবখৌ
জৌগাহোনায়া জাখাংবোনায লাইমোনফোরনিনো
বিবানসৈ। মানোনা Progress is the law of life.
নরকাসুর, বান, ভগদত্ত, সোমদোন মোননি থৈয়া
জৌনিয়াব দড', জৌনি লাইমোনফোরনিয়াব দড',
মংলীয় হারিনি থৈয়া জৌনাব দংখায়ো জেলা খৌসে
জানানৈ আগান সুরবোল্লানো জায়ো। মানোনা মাবথি
লাইমোন দোলোআ জেরাব দড' বেবহা ফাসয়নাংগৌনি
খোথায়ানো গৈয়া। Rome was not built in a
day. গোসোখাং লাইমোনফোর, মাবনাংগৌল',
মাবলাংবায় থা অল্লানো জৌনি আংগোনিবো আংগো বিমা
রাবা জৌগাগোন, জৌগালাংবায় থাগোন, গৌজৌবাব,
বেসেবা গৌজৌবাব।

বিবার লাইসিনি 2থি বোসোর 4থি, 1926
জানুবারি বিসানাভ দৌসে "গান" মুনি খন্থাই মেথাই
দড', লিরগিরিনি মুং গৈয়া, বেবহা বুন্দৌ --

বিশ্বের সুরে সুরে মিলায়ে বাজাও তোদের

বাঁশী।

বাসী।

সব প্রান

শৌর্য্য বীর্য্য হীন নহ তোরা দেখুক জগত

নবীন যুগরে ছন্দে

জাগাও ভ্রাতৃবন্দে

সে সুর পরশে পুলকে হরষে বাজে যেন

সুপ্ত ধরনী জাগ্রত হবে অচেতন সচেতন।

সে পুর হতে বিশ্বদেবতা করে করাভয় দান

(তোদের) হে বড়ো সন্তান।।

বিদিবা ফৈদো লাইমোন লোগোফোর জৌ বয়বো
আখাই হমৈ হমৈ জ' জ' থাঁদিনি গৌজামনি সায়াব
বিথা খালামদেবনানৈ গৌদান আদবৈ বর' রাব
জৌগাহোনায়াব ফালো ফালো নাংথাবদিনি। মানোনা
গিলির বিবানা রাব-থুনলাই জৌগাহোনাযনি নৌসোর
লাইমোনফোরনিনো, নৌসোর লাইমোনফোরনিনো।



गोजौयाव थांनो नागिरग्रा फरायसा

कृष्ण गपाल बसुमथारि
Director cum Principal,
UN Academy, Kokrajhar

2010 मायथाइमोन जानांगौ । मेट्रिक आनजादनि फर्म फिलआबनि समाव आं सासे फरायसाखौ फर्म फिलआब खालामनो होयाखैमोन । जाहोना जाबाय बे फरायसाया क्लासाव फैया आरो मोनफ्रोम इडनित टैष्टफोराव मोनफ्रोम आयदायावनो पास मार्क लाखिनो हाया । सम सम क्लासनि समावनो आरो मोनफ्रोम आनजादनि सिगां सिगां फरायसाफोरखौ बेनि थाखाय साब'दान जानो बोसोन होबोबाय थानाय जाखायो । बेनिखायनो बै फरायसाखौ बै बोसोरनि मेट्रिक आनजादखौ होहोनो साननाय जायाखैमोन । गुबुनथिं बै फरायसाया औरै बादिखामोन फ्राय थाखोखौनो बियो बोसोरनै फरायनांदोमोन । बोसोरसे फेल आरो बोसोरसेनि उनावसो फास । बेबो दैखानानै लाबोनायावसो ।

साननैसोल'सैमोन आनजादनि फर्म फिलआबनि समा । आं मावखुलियावनो जिरायनानै दंमोन । बै गथ'नि बिमाया फैंयो आरो बुंफैंयो - "सार मानसिया गोजौयावसो थांनो नागिरबाय ।"

आं सोडे - मानो ?

- "मेट्रिक होनो मोनाब्ला गोजौयावसो थांनोसैनो सार ।" बिमानि गोसो गिलिदयै फिननाय राव ।

आं बुडे - अ मानसिखौ लिंनानै लाबो । घन्टानैसो उनाव बिमाया बै फरायसाखौ लिंनानै लाबोयो । मोखाडव नायदावनानै आं बुंडे - मा - माथो नौलाय गोजौयावसो थांनोसैनो ।

बियो बुडे - औं ।

आं सौंबावयो - मानो ?

बियो नायगंनानै बुडे - मेट्रिक होनो मोनाब्लालाय माथो ?

मोखाडव जौं नायनानै आं बुडे - नोडे बे बादिसिम साननो रोडेब्ला बिजाबनि फराफोरखौलाय मानोथो फराया ? क्लासाव मानोथो फैंबाय थाया आरो आनजादफोराव फेल खालामबाय थायो ? बिदिजौं मेट्रिकखौ बोरै पास जागोन नौं ?

- सार आं पास खालामगोन । गोमोजोरै बुडे बियो ।

- बोरै पास जागोन नौं ? दे बुंसाय । जेरा होनायबादि आं सौंसानानै बुडे ।

- आं फरायसिगोन सार । आं पास खालामथारगोन । - बियो बुंबावयो ।

- नौं पास खालामथारनो हागोनथ ? आं जेरा होनाय रोखोमै सौंसाबावयो ।

- आं पास खालामथारगोन सार ।
थायनाय लानाय रोखोमै बुंवावयो बियो ।

अब्ला आं बुडे - गोसोयाव लाखि आं
मं पिलआपखौ खालामहोसिगोन । नाथाय
नथिखा - नों गाबोननिफ्राय सानफ्रोमबो
लासाव फैंनांगौ आरो बाखि इउनिट
ष्टफोरावबो पास खालामनांगोन । नडाब्ला फर्म
रुलआप खालामदोंब्ला नोंखौ मेट्रिक
आनजादखौ होहोनाय नडा आं । आं नोंनो एडमिट
हार्डखौ होनाय नडा । मोनथिबायथ' ।

जागोन सार । आं दानिया फरायसिगोन ।
बियो गावनो बुंवावयो ।

बेनि उनाव बिमा फिसा सानैबो
ओंखारलाडे । अखानायैनिफ्राय बियो क्लासाव फैंबाय
थानो हमदोंमोन । मेट्रिक आनजाद जालाडे । रिजाल
ओंखारो । सोमोनांथाव रोखोमै बे गाधा फरायसाया
मोनथाम लेटार लानानै मेट्रिक आनजादखौ सेथि
थाखोयाव उथिसारो ।

सानसे बे फरायसाखौ साबायखर बावनानै

आं बिनाव सोडो - नों माबोरै मोनथाम लेटार
लालायनानै पार्स दिभिसन जानो हाखो ? नों
सोरनिबाखौसो नायनानै लिरदोंमोन नामा ?

बियो बुडे - आं फरायदोंलै सार । जोबोर
फरायदों । आं हारसिडैनो लिरदों सार ।

बेनि उनाव आं सं दानदोंमोनजे बियो माबोरै
मोनथाम लेटार लानानै मेट्रिक आनजादखौ सेथि
थाखोयाव उथिनो हाखो ? बेनि गेजेरावनो मेट्रिक
आनजादआव साखा-फाखाथि जिरायनाय आंनिनो
फरायसाफोरनावबो आं सोडो - नोंसोरनिबाखौसो
नायनानै लिरदोंमोन नामा ?

बिसोरबो नाथाय बुडेजे नडा सार बियो
गाव हारसिडैनो लिरदों । बियो आनजादआव जोबोर
लिरदों ।

सोलोंथाय फसंथानजों लोगोसे आंनि
फोरोंगिरि हिसाबै जिउ खानायाव बै गाधा फरायसानि
जाफुंसारा आंनि गोसोयाव गोथौ फोथैनाय लाबोदोंमोन
। बेनो जाबाय फरायसाफ्रा सोलोडोब्ला जाफुंसारैनि
मोनबो गुबुन जाहोन थानो हाया ।



आद्रा जिउनि बुब्लि

अरगें नार्जारी

बिफान गाहाइ,

बर' बिफान, सापतग्राम फरायसालिमा।

“डि.जे. स' नायनो ओंखारदों।”

बिमानि सोंनायखौ सुंथाबै फिन होनानै नालायथिआ बिरलायनाय थाबायनानै माब्लाबानो लांगोना मोल्गडाव सौहैदों। नाथाय रम्बाहा फिसाजोनि खुगानिफ्राय डि.जे. सोदोबखौ खोनानाय लोगो लोगो गोसोया खुसिजों बाज्ल'खांदों। फिसाजोनिफ्राय डि.जे. नि ओंथिखौ मिथिनानै लानो हांखुर जादों।

डि.जे. सोदोबखौ दासान्दि सहरनि देरफुनाय लाइमोनफोरनि खुगायाव खोनाफलेयो। नाथाय डि.जे. सोदोबनि ओंथिखौ दिनैसिम रम्बाआ गुबुननि खुगानिफ्राय मिथिनो मोनाखै। सोदोबनि ओंथिखौ मिथिनानै लानाया गाज्रि नडा; माब्लाबाफोर खामानियाव नांनो हागौ। बियो ओंथिखौ फिसाजोनिफ्राय सोंनानै लानो सानदोंमोन। फारसेथिं फिसाजो नालायथिनि फिननायखौ खोनासंनो लुबैयाखै। मानोना नालायथिआ दानि बार हावाजों देरबोनाय; बेफोरनि सोमोन्दै जेरावबो मिथि गोरों। रम्बाआ सानो डि.जे. नि ओंथिखौ सोंफामब्ला फिसाजो नालायथिआ खेरें मेरें सोंखारिनानै बुंनो हागौ-आवा जाम्बि। जेखौबो मिथिरोडा, बहाथो बुरिगोमाखो। बेफोरखौ दाबो मिथियाब्ला गोथाडै थैनायानो साबसिनसै।

डि.जे. सोदोबनि ओंथिखौ फिसाजोनाव सोंनानै लानो बोलो फोराब्लाबो बोलो जगायनो हायैनि रम्बाआ सोंनांगौ बाश्राखौ सोडब्लानो नालायथिखौ दसे थाथ'नो थोननानै हाखु दाखु गानै जोमै ओंखारनानै बुंदों-

“आंबो डि.जे. स' नायनो थांफागोन।”

“डि.जे. स' नायनायनि थाखाय नों आउट-देटेत। डिस स' इस न'ट फ'र इउ म'म।”

“होमब्लालाय सोरनि थाखायसो जाखो?”

“आं बादि देरफुनाय लाइमोनफोरनि थाखायसो।”

“स' नायनायाबो बैसोनि फाराग थालायोसे?”

“नायथारनो गोसोब्ला नायजागोन। नाथाय नोंनो मालायनि स'जों मुजिहाबनानै रंजानायखौ नुब्ला खर' सागोन। फारसेथिं नोंनि दख'ना ड्रेसजों स' नायनो ओंखारनायखौ नुब्ला बयबो मिनिगोन आरो सानगोन- बबे जाहार गेजेरनि आवा जाम्बि फैखो? नोंनि बेबादि लाजिफोनांजानायखौ आं खोनासंनो लुबैया। नोंजों लोगोसे आंहाबो बयनिबो सिगाडाव आवा जाम्बि दिन्थिफानाय जागोन।

“थांनो होननानै गानै जोमै सागा फारा

जाबायमोन आं। दा मा खालामबावलायखो गानखानाय ड्रेसखी ?

“थादो। ड्रेसयालाय सोलायब्लानो जायो। बाय म'म।”

हाखू दाखू ओंखारनानै लांगोना मोग्वाडाय नेनानै थाफैनाय लोमोफोरनि गारियाय गाखोनानै नालार्याथिआ हाहाय हुहाय मिनिग्लाबलांदो। नालार्याथि थांनायखी निरासानि सायर' मोखांजो रम्याआ गल' नायहरदो।

नालार्याथिनि गवखी खोनानानै रम्याआ संख्र मोनजानाय लुयाद-बेदलावबादि थनथ्रनांदो। फिसाजोनि रावाय बियो दिखारबोनांदो- एफाग्राव गोसो जानायखी मानि हेंथा होननानै। गोसोयाव हाबिला थादो रम्याआ फिसाजोजो थांफानानै डि.जे. स'खी नायनो मोनबला गोसांया बेसे गोजोन मोनगोमोन। गोवाय साननिफ्राय मिथिनो लुबैनाय डि.जे. सोदोबनि ओंथिखी गुवारै मिथिनो हागोमोन।

रम्याआ गामि सिद्धव देरबोनाय आयजो। बिसोरनि सिखना बैसोयाव डि.जे. फोरबादि स'/ प्रग्राम गामि ओन्सोलाव जाफेरनाय खोनाफेरा, मिथिफेरा। नायनो गोसो थाबलाबो बै समाव नायनो मोनफेराखी। बबेखानि गामि खाथिखालायाव जात्रा गावन, थियेटार एवा गुबुन प्र'ग्रामफोर जाब्लानो रम्याआ खोनास्लाव मोनै बारलायलांग्रामोन। गुबुननि नोजोराव बियो मोजां आखलनि आयजो महरै सिनायथि गैया।

रम्यानि गुबुन मोनसे बाथ्राखी बुंनानै दानखानाया गाहाम जे- बियो गावनि 420 आखलनि थाखायनो उन्दै बैसोयावनो जुलि हरजादोमोन। बेखायनो लाइमोन बैसोयाव रंजानो मोनैखी बियो

रंजानो गोसो जादो। फारसेथिं फिसाजो नालार्याथिनि बादिबला डि.जे. स'खी नायनो रम्यानि बैसोया थोनलिया/ पारामट खालामला। नाथाय रम्याआ सानो- आं मालाय बहाथो बैसो थांद्रायखो। दासो 40 बोसोर बैसोयाव आगान सुरदो। देहा मोदोमफ्रा दासिमबो लाइमोन सिखनाफोरबादि फित दं। बिठटि फालारयाव थांनानै सैख' सैखा खालामनानै बबेवा बबेवा जायगायाव दादेरनांगोब्ला दायो बैसोया 40 निफ्राय 25 बोसोर बैसोयाव बाडाय जाबोनो हागो। दानि लाइमोन सिखनाफोर गानग्रा ड्रेसखी गानबलाय' सानै गथ'नि बिमा होननानै रावबो सिनायनो हानाय नड।

जुलि जाखांनानै सहराय थाफैजेनब्ला खाथिखालायाव जानाय बायदिसिना प्रग्राम/ पांसन जाबला रम्याआ इनायनो नायनो गोसो जानायमोन। नाथाय प्र'ग्राम/ पांसन नायनो फिसायनाव हुखुम लाब्ला फिसायनि उल्टा फिन्नायाव बिहा लाहाखि मोखां जानांनायमोन। अदेवानि दिनै स' नायनो मोननायनि सनानि खाबु दंमोन। फिसाइया मावख'नि हाबा लानानै द'हाय फुडववनो गौहाटीयाव थांदो; गाबोनसो मोनाविलियाव सौफै फिनगोन। फिसाज्जलायाबो एन.इ.इ.टि. नि इन्ट्रेन्स इकजाम लिरनो गौहाटीयाव दंहेखायो। बेबादि स'नानि खाबुखी रम्याआ माब्लाबाबो मोनफेराखै आरो बे स'नानि खाबुखी दिनै एरैनो हगारनांबाय। रम्यानि थाखाय बेयो बेसे गिदिर दुखुनि बाथ्रा। जेखि जादोला उनदाहाजो बियो फिसाजोखी रागाबो जोंदबदो- फागिलया गावल' हारसिडै जेखीबो खाबु लानो गोरो; मालायखी एसेबो खेर खेराया।

फिसाजो नालार्याथि थांखांनायनि उनाव

रम्बाआ सडै खावयै जाखांना टि.भि. सिरियेल नायग्राया दिनै नायनो खहाबथाराखै । उन्दुनो बिसिनायाव गोग्लैबा उन्दुनोबो ओंखाराखै । डि.जे. स'नि प्र'ग्रामाव दामनाय माइकनि गुं गुं सोदोब आरो माइकयाव फोसावनाय- डि.जे. स'या जागायनोसै, बेनिखायनो सोरबाफोर पेन्डेलनि बायजोयाव दंब्ला थाबैनो हाबफैनो खावलायनाय रावफ्राल' बिनि खोमायाव रिखांफैदों । माइकनि सोदोबा सिरि जाब्ला बियो सानदों- डि.जे. स'या जागायबाय जानांगौ, फिसाजो नालायथिआ दाहालागै मिउजिकनि देंखोजों बाइदेमलाय सिदेमलाय देहाफ्रा मेवखांदों आरो गोसोयाव सानध्र' हायै रंजानायनि दोहौ सिखांदों जानांगौ । उनफिन सानफिन फिसाजो बुंनाय बाध्रा 'अउट देटेत' सोदोबखौबो रिबिउ खालामना नायबिजिरनानै सानदों- स'याबो माबादिथो जामारगोन आं बायदि बैसोनि मानसिफ्रा नायजालायै आरो स' नायग्राफ्राबो माबादि आखलजों स'खौ नायगोन । बिहा नांला-बंसा साननायनि अन्जिमा गैया । डि.जे. स' आरो नायग्राफोरनि बाध्राखौ साननानै बियो मेंगुलायनाय मोनदों । बे समावनो लांगोना मोखाडव गंसे गारि/खार दोम लाखिफैदों । अब्ला हर सिख्त्ताया माब्लावानो आदुंगारि महर लाबायमोन जानांगौ ।

“म'म! आइएम कर्मिं बेक, अपेन डा गेट।”

नालायथिआ स' जोबनानै फैफिनबाय । रम्बाआ गेट गेवनानै होनाय लोगो लोगो लांगोना मोखानिफ्राय नसिम जालानाय डि.जे. स'नि देंखोनि फाव फेखनजों बालाबगासे थाबायनाय असिलायै बाज्ल'नानै मोसाफुंदों आरो बिमाखौ मोदोम बुनानै बुंदों-

“म'म! स'या एरैबादि मोजांमोन जायखौ नुनानै नायग्राफोरनि देहा मोदोम आरो गोसोया बाज्ल'याजासे एबा रंजायाजासे थानो हायाखै । बेबादि डि.जे. स'या दिनैसिम जौनि सहराव जाफेरनाय आं नुफेराखै, खोनाफेराखै । दाबो आंनि गोसोया न'याव सौफैदोंब्लाबो स'याव दंबादि मोनगासिनो ।”

बाध्राखौ बुंनानै नालायथिआ रुमाव हाबनानै ट्रेस सोलायदों । बेवहायबो बाजल' बाजल' मोसादों । डाइनिं रुमाव ओंखाम जानो हाबदों मोसा मोसा आरो नांगौबादियाव हसिखावदोंबो गोमसारलायनाय । ओंखामखौ मुटा-मुटि जहां सिखारहां मोसाहां मुसुरहां आरो जाहां फाव फेखननि गेजेरजों जाजोबदों नालायथिया ।

जाखां लोंखां डि.जे. स'नि मिउजिक जों मोसानाय फाव फेखननि गेजेरजों नालायथिआ बाज्ल'खां, हसिखाव खालामनानै बेड रुम फारसे उन्दुनो आवगायलानानै बिमाखौ बुंलांदों-

“म'म। गुड नाइट एण्ड हेभ ए नाइस ड्रिमस।”

फिसाजो नालायथिनि फाव-फेखनखौ नुनानै रम्बाआ गोमोदों । बियो फिसाजोनि आखलाव गोदान रोसिनि बारहावा बारनायखौ नुनो मोनदों । नालायथिनि फाव फेखनखौ नुनानै रम्बानि गोसोया डि.जे. सोदोबनि ओंथिखौ मिथिनो लुबैनाया आरो फानसे बारा जासिनदोंमोन । गुबुन फारसेथिं नालायथिजों डि.जे. स'याव लांफाजायैनि रम्बाहा गोसोयाव दुखु थादों आरो गोसोया बोराबखांदों । सानदोंबो डि.जे. स'खौ थांफाना नायनो मोननायब्ला गोसोया माबादि गोजोन जागौमोन । निरासानि दुफायलु महरजों नालायथिनि उइस खालामनायखौ बोराबना बियो फिन होयाब्लानो

बरादनि लिरनायखौ सिरि सिरि दुसिदों- नसुडव जानाय स'खौ नायनायनि खाबु जायैनि थाखाय। रम्बानि थाखाय बेयो बेसेबांबा दुखु नांथाव बाश्रा। बेखायनो बियो फिसाजोखौ बूंहरदों-

“उन्दुदो मोरोन! हर थौबाय गाबोन सोरांब्ला मोसाबाय था। आंहा उन्दुनोसै।”

नाथाय नालायथिनि उइस खालामनाया रम्बानि थांनाय हरखौ फैमाल खालामदों। हरसे थारला बियो मोजाडै उन्दुनो हायाखै; उन्दुनो हायाखिसैनालाय मोजां सिमां नुनायनि खाबु जायाखिसै। सिमां नुनायखौथ' दोनबावदो, रम्बाआ अखा थमब्लेद नाजाब्लाबो उन्दुलानो हायाखिसै बूंब्लाबो बांद्राय बूंनाय जाया। बियो मेगन मोदै सहायनादों। आरो फिसाजोखौ मोथो मोथो दिगारजों रागा जोंदों- बिमानि फारसे नेग्लेट खालामनाय आखुखौ। अदेबानि फिसाजोया बिमाखौ नेग्लेट खालामाखै, समनि बुब्लियासो रम्बाखौ नेग्लेट खालादों बे बाश्राखौसो फिसाजोया फोरमायनाय जादों। नालायथियाबो बाश्राखौ बूंदोंब्लाबो जेबो गोरान्थि बूंनाय जायाखै, बेयो सम आरो बुब्लिनि थुलुंगानायसो। बियो बायदिसिना सानै सानै हरसेखौ दुखु दाहानि गेजेरजों हगार हरनादों।

अखानायै सोरांस्लाबमोनै नालायथिआ बिसिनानिफ्राय हसिखाव हसिखाव लिंहरनायाव रम्बाआ बानाय मोजोमनायखौ दोनथ'ना बिसिनानिफ्राय हाखु दाखु सिखारनानै नालायथिनि बेट रुमाव हाजिर जानादों।

“मा जाखो? माबाफोर जादोंनामा?”

“म'म! माइ ह'ल ब'डि इस इन ट्राब्ल। फ्लिस मास्साज मि, माइ डियार।”

“मा जाहोननि थाखाय नॉनि देहाया गात्रि जालायखो?”

“मैया डि.जे. स'याव बाज्ल' बाज्ल' मोसानाय आरो रंजानायनि थाखाय आंनि गासिवो मोदोमा साजोबबाय- आथिंनिफ्राय खर'सिम।”

“बेफोर स'खौनो मोना गुना नॉसोर नायनो मोजां मोनो। बेनोसै दानि लाइमोन सिख्लाफोरनि देहा मोदोम; सान्दुं अखायाव थावरिनो हायै ब्रयलार चिकेन।” डि.जे. स'खौ नायनो मोनै आपससनि रावजों नालायथिखौ गोखौ सोंखारिनाय रम्बानि गोखा राव।

“डि.जे. स' नायनाया दानि गोदान जोलैफोरनि थाखाय मोनसे फेसन म'म। बेखौ नायनो मोनाब्ला गोदान जोलैफोरा गावखौनो गाव बेकवार्द/ उन जानानै थालांनाय मोनो। बे बाश्रानि गुमुखौ नॉसोर दा बुजिनो हानाय नंला। मास्साजखौ आथिंनिफ्राय खर'सिम खालाम। फ्लिस म'म।”

“दे मोरोन।”

बाश्राखौ बूंनानै रम्बाआ थाव गोथां आखायाव लानानै मास्साज खौ आथिंनिफ्राय जागायजेनो। बिमानि मास्साज खालामनायखौ मोजां मोननानै नालायथिआ थुलुंगा होनानै बूंदों-


“म'म! इउर मास्साज इस स' सुइट। लोगो लोगो आंथिनि सानाया खारबाय आरो गुबुन बाहागोफोरखौ मास्साज खालामबावब्लानो आं दानो रिलिफ मोनजोबगोन/ सागानाय मोनजोबगोन।”

रम्बाआ आथिंनिफ्राय जागायनानै जानजि, बिखुं, फाफिल आरो खर'सिम फारि फारि नालायथिखौ मास्साज खालामदों। फिसाजो नालायथिया मास्साजनि रियेक्सनाव मोजां मोननानै आ, उ, सोदोब होदों।

रम्बाआबो फिसाजो थोननाय बायदि मास्साजखौं गुरै
 आखायनि बिलिरनायजों खालामनानै होदों । नाथाय
 हजारखि जेखि मावा एबा जेखि साना मानो बिहा
 मोनसे आपसस थार्दों- मोदोम सालायनाय बाज्ल'नाय
 रंजानाय डि.जे. स'खौं नुनाय मोनब्ला गोसोया गोजोन
 जानो हागौमोन । डि.जे. नि गुबै ओंथिखौं गुबुनफोरनि
 सिगाडाव गुवारै खेंफोरथिखौं होनो हागौमोन ।
 नालायथिनि स' नायनानै बाज्ल'नाय-रंजानायजों
 मोदोम सालायनाय जाथायखौं नंगौब्लाबो नडब्लाबो
 बोरैबा नोजोरजों बिनि आखलखौं रम्बाआ बायदिसिना
 सानप्लांदों । थों गोथों फिसाजो नालायथिनाव सोंनोबो
 बोलो मोनाखै । सोंप्लांबाबा मा फिन होगोन गिनायबो

दं रम्बाहा । नालायथिआबो बेनि जेबो गुमुर होयाखै ।

रम्बाआ थिरांथा खार्दों ऐंबार सहरनि खाथि
 खालायाव डि.जे. स'या जाबावब्ला नायथारगोनखि
 नायथारगोन । फिसायनि हमखि आरो मेग'न गोजा
 दिहुननायखौं गिनाय नड । फिसाजो नालायथिनि बादा
 माना हेंथाखौंबो हेव खालामगोन । नाथाय दिनैसिम
 सहरनि खाथि खालायाव डि.जे. स' जागोन/ जानायनि
 खौरां मोननाय जायाखै । फारसेथिं डि.जे. स' नायनो
 नेयै नेयै रम्बाआ बुरिलांबाय; खाथि खालायाव डि.जे.
 स'या जामार बायब्लाबो नायनो हानायनि देहा एबा
 बैसो गैला ।



समर ब्रह्म चौधुरीनि रादाब खन्थाइआव बेरखांनाय रमान्टिक सानसि

ड. अलका बसुमतारी
लोगो बिबुंगिरि, बर' बिफान

जाय समाव बुहुमाव राजखान्थियारि, रांखान्थियारि आरो समाजारि दोरोफोराव गल'-गज' सागाग्लोबनानै दंमोन आरो आमेरिका जांखिथाय (1778) फरासि जांखिथाय (1789) जालांनाय आरो शिल्प जांखिथायनि गेजेरजों गुस्लायनाय सफैनाय बायदिखौ मानसिफोरा नुजेन्नो मोन्दोंमोन, बे समावनो रमान्टिक सोरजिगिरिफोरनि जोनोम जादोंमोन । बैसोर सोरजिगिरिफोरनि गेजेरजों धुनलाइनि मुलुगाव मोनसे गोदान सोमावसारनाय फैदोंमोन, जायखौ जों रमान्टिक सोमावसारनाय होन्नानै मिथियो । जायनि थाखाय बै समाव रमान्टिचिजमाव मोनसे जांखिथायारि गोहो हाबफानानै थादोंमोन । बे गोहोयानो बै समनि खन्थाइ आरो गासै आरिमुनि थिरांथाय आरो सोलिथाय (Theory and Practice) फोरखौ गुस्लायहोनो नाजानानै सुबुं माहारिनो बुहुमखौ मोन्दांनायनि लामाखौ सोलायहोनो नाजादोंमोन ।

रमान्टिक लिरगिरिफोरनि गुबै आयदाया समायना आरो मिथिंगानिफ्राय गोजोन्नाय आरजिनाय । बिसोरो Morality नि

सोलाय Naturalism आरो Realism फोरखौ बांसिन जायगा होयोमोन । बिसोरनि सान्नायाव मानसिया माबेबा खाखानाय बान्दोजॉल'थांबाय थायालासेनो मिथिंगानिफ्राय गोजोन्नाय आरजिलांनांगौ । बिसोरनि मोन्दांथि आरो नोजोराव 'मिथिंगा' सोदोबनि ओथिया गोबां । मिथिंगा सोदोबनि गेजेरजों गोथौ सानबोलाउरि (divine imagination) आरो दिन्थि नेरसोनारि रावजों (emblematic language) सोरजिजानाय मोनसे आरिमुवारि हाबाखौ फोरमायनाय जायो । मिथिंगानि सायाव रमान्टिक लिरगिरिफोरनि नोजोराबो गुबुन गुबुनमोन । सोरबाबा मिथिंगाखौ फाहामग्रा गोहो होन्नानैबो फोथायोमोन, सोरनिबा थाखाय बेयो आयदा आरो सायखंनि मोनसे फुंखामोन आरो खायसेबा बेखौ सोलिफुनाय सोदोमसिनि नंराय दाथाय (artificial constructs) निफ्राय रैखा मोन्नो हानाय जायगा होन्नानै सानोमोन । जायखिजाया मानो साफ्रोम रमान्टिक लिरगिरिफोरा मिथिंगाखौ मोनसे 'जिउआरि जाफुंथाय' होन्नानै मोनदांहोनो नाजादोंमोन

आरो मिथिंगायारि नुथाइफोरखौ गोसोआव फोनांनो हानाय बादियै रिफिखांहोनो नाजादोंमोन ।

रमान्टिचिजमआ गोसो सानस्रिनि रोखोमसे जुनिया दाहार । बेनि सोमोन्दै सानसुमैफोरा होलांनाय बुंफुरलुफोरनि गेजेराव George Sand नि बादिब्ला-रमान्टिचिजमआव जुक्तिनिफ्राय आबेगनि गोसोथाया बांसिन, बेयाव गोबोंआ मेलेमनि हेंथायै गसंख्राडो । Babbit नि बादिब्ला-एरिस्ट'टलनि रावजों बुंनो थांब्ला जाय आयदायाव जानो हाथावनानि सिमाखौ बारनानै सोमोनांथाव महर लायो एबा बेयो जेब्ला एडभेन्सारनि थाखायनो जाहोन आरो जाउन (cause and effect) नि सरासनस्रा सोमोन्दोखौ बस'लाडो अब्लानो बेखौ रमान्टिक होन्नानै बुडो । Grierson नि बादिब्ला-बेयो थारलायैनो phrase and rhythm आरो गोसो नोजोरजों गोदान आरो सोमोनांथाव समायनानि दाजाबदेरनाय । F.L.Lucas निबादिब्ला-रमान्टिचिजमआ खासिमदला थाथायनि दोंसे गोदैसिमां । Charles Baudlaire नि-बादियैब्ला रमान्टिचिजमआ सायख'नाय आयदा एबा थार गुबै सैथो आवथाया, बेयो जिउ लामानि मोन्दांथिनि लामायावसो थायो । भारतनि थुनलाइगिरि V. Chatterjee नि बादिब्ला-

बेयो होदाउरिखांनाय आरो हास्थायनाय (passion and aspiration) नि मोनसे गलाय मोन्देर । बेफोर गासै बुंफुरलुफोरखौ नोजोराव लाखिनानै बुंनो हायोदि, सानबोलाउरि आरो मोगथानि गलाय मोन्देराव मानसिनि गोसोआव जाय सानस्रिनि दाहार सोमजिखाडो बेखौनो रमान्टिचिजम होन्नानै बुंनाय जायो ।

William Wordsworth and Samuel Taylor Coleridge मोननि बानजायनायाव 1778 मायथायनिफ्राय इंराजि थुनलाइनि गेजेरजों जागायनाय रमान्टिक सोमावसारनाया गोसरै गोसरै बर'थुनलायावबो बिबार मुगानि समाव रुपनाथ ब्रह्मनि 'आंनिखैना'(1923) खन्थाइनि गेजेरजों मोखां नुजाजेनफैयो । बेनि उनाव बर'रमान्टिक खन्थाइखौ गेवलांसारहोदोंमोन ईशान चन्द्र मोसाहारीआ अलंबार मुगानि सम खोन्दोआव । बेनिफ्राय बेसेबा गोलाव बोसोरनि उनाव बर'थुनलाइनि गोदान मुगायाव समर ब्रह्म चौधुरीआ रमान्टिक खन्थाइफोर सोरजिनो हमो । बिनि रमान्टिक सोर्जिफोरा 'रादाब' (1958) खन्थाइ बिजाबनि खन्थाइफोरनि गेजेरजों नुजाथिदोंमोन ।

बर'थुनलाइखौ गोजाम आरो गोदान, बे मुगानैयाव बाहागो रान्नायखौ नोजोर होयोब्ला नुयोदि, बर'रमान्टिक खन्थाइनि मुगाखौबो गिबि आरो गदाय, बे मोनै मुगानि रमान्टिक खन्थाइगिरिफोर मोन्नो हायो । बे नोजोरजोंनो बे

लिरबिदाडाव समर ब्रह्म चौधुरीनि रादाब
खन्थाइ बिजाबनि रादाब खन्थाइ बाहागोखौल'
सावरायनो नाजानाय जादों।

जायखिजाया मानो रमान्टिक खन्थाइ
गिरिनि थाखाय मिथिंगायानो गासैनिबो गुदि ।
मिथिंगाखौ बिसोरनि मोन्दांथियाव गोगो
होन्नानै गनायनाय जायो । गोगोखायनो
मिथिंगाया सुबुडारि आखुखौ खुद गैयालासे
सुंजोबनो हायो । बेखायनो मिथिंगाया मानसिनि
गोसोखौ मानजिस्रानो हायो आरो मिथिंगायानो
मानसिनो गोसोनि बोलो बोजथायनानै होयो । बे
मोनदांथिया ब्रह्म चौधुरीनि 'रादाब 'खन्थाइनि
गेजेरजों बेरखांनाय रमान्टिक सानस्रिजों
गोरोबफ्लेदों । मिथिंगायानो खन्थाइगिरिनि
गोसोखौ फोजाखाडो, सिमां नुहोयो, बिखौ
मिनिस्तुहोयो, मोजां मोन्नोबो फोरोडो, रुखु रुखु
गाबहोयो आरो मिथिंगायानो बिनो अबंलाउरिनो
गावखौ गथायनो हानाय गोहो जथायनानै होयो ।
दुफाव्लु मिथिंगानि बिलिरनायाव खन्थाइगिरिनि
गोसोआ सिरि मोनखाडो । गावदाडै
मिनिस्तुबाय थानाय बिबारखौ नुनानै बियो
सुखुनि सिमां नुनोजुरियो । खन्थाइगिरिनि
गोर्बोआव सोमजिजेन्नाय बेबादि सिमां मिजिडा
गाहायनि खन्थाइ खलबजों रोखा बेरखांदों,

“बिबारी जैरे मिथिंगा बिखायाव
गावदां समायना जानानै बारो ।
दैगदाव दैगफाव गारांखौ हगारसारो ॥
बिब्दिनो आंबो मुलुगनि बिखायाव

बारग्लानो बजबनो लुबैथारदों ।
दुखुनि नडा, दुखुनि नडा सुखनिसो
दैथुनाव
लोहाबनो सानस्रिनो सिमां नुदों ॥”

(बालाबगासे, थफिनाय)

मिथिंगाया खन्थाइगिरिनि बेथ
फिजेन्नाय सिमांखौ बारग्लानायनिफ्राय बारग्लानां
होसिनलांबाय थायो । मिथिंगा बिखायाव
लोहाबनानैनो खन्थाइगिरिया रंजालु गोसोजों
जिउनि लामाखौ हान्थिलांदोंमोन । मिथिंगानि
गेजेर गेजेर बियो जिउनि गोजोन्नाय
बुथुमलांदोंमोन । सोरगिदिं जेरावबो जैरेथिंबो
सुखुनिल' देखो रिखांनाय बनि जिउआव
मोन्दाडो । मिथिंगानि रंगिना-संगिना हायनारि
गाब आरो देखोफोरा खन्थाइगिरिनि गोसोखौ
ऐरबादि रंजाखांहोयोदि, गावनि मिजिंनि
अनजालिनि गोसोआव जाखांनाय सुखुनि
हालोदखौ सिन्थाइ मोनहास'यो । खन्थाइगिरिनि
बे मोनदांथिया गाहायनि खन्थाइ खलबनि
गेजेरजों माबादि फोरमायजादों नायलाय,

“आय' रजेया आनि दुगैस्रां दै लोबस्रां
तुलसी सिडाव लाइजौलाय सायाव
ज'नानै दं ।

साथदान्दाली खानायखौ लामनानै
खेंफ्रुस्रा
फान्जामुथीयाव सौहैनाय बोथोर
नागिरबायदों ॥”

(बालाबगानै, बारग्लानाय)

मिथिंगाखौ खन्थाइ गिरिया इनायनो मोजां मोनो । मिथिंगानि बिखायाव लोहाब नानैनो बियो रंजालु गोसोजों जिउनि लामाखौ हान्थिलांदोंमोन आरो जिउनि गोजोन्नायखौ बुथुमलांदोंमोन । सुखुनि बे बुब्बियावनो नाथाय हाजो आफानि अरननि सिडाव गावनि देरायाव सिरियै जिरायनानै थायोब्ला मिथिंगायानो बिनि गोसोआव लाबोनानै होफैयो सानस्रिनि गुथाल । सानस्रिनि बेगुथालनि गेजेरावनो मिथिंगानि बायदि नुथाइनि गेजेर गेजेर खन्थाइगिरिया जिउखौ बिजिरलानो लायो । जिउनि सुखु दुखुनि सावगारिफोरा बिनि गोसो फैसालियाव नुजाखांफैयो । बिदिनो जिउनि मिजिं, हाबिला, गाबनाय मिनिनाय, मोन्नाय, गोमानाय, दाहा-हांमा बेफोर गासैनबो हिसाब-निकाच खालाम लाडो । खन्थाइगिरिनि बेफोरबादि बोदोर बावलि मिजिंडाव हरखाबै फेल्लेनि देंखो रिखाडो । गाहायनि खन्थाइ खोन्दोजों बेयो रोखा जादों ऐरै,

“ जैरैबो मोजां जैरैबो मिनिसार सना-बोथोर दावगादोंमोन दिडा रजेनि गाथोनावा दहमै गासिबो जागारबाय थेर बेथेर खैनाया हनै हाथखिं जाहैबाय गोजान अखोरां सायावा।”

(बालाबगाथाम, रहायनाय)

गमामायै, जिउनि बाग्लायनाय हालागै बिदिन्थानि गेलेनायाव खन्थाइगिरिया फल्लेखौ

गोबानानै लानांदों । एसेबां गोसो हमथानायनि उनावबो आरो गसायनि सायाव फोथायनाय लाखिसेयावबो बिनि मिजिंफोरा फैमाल जालांदों । फेल्लेनि दाहाजों बुसोमजानानै बियो जालाखार बिलाखा रजायो । जायनि थाखाय बियो संसारनि गुदि होन्नानै गनायबोबाय थानाय गासैनबो गिरि अबंलाउरिनि सायाव गोसायै खुद्रिखाडो औरै,

“ मानसिफोरा बुडो अनजालु अनगिरि नाथाय आं नुबाय अन्थाय बिखा । गैया बिनि आखायाव अन्नायनि सारस्रि दंबोला होखेमग्रा सुनि साखा ॥”

(बालाबगात्रै, सिरिलांनाय)

सानसे समाव खन्थाइगिरिनि दुंनुद जालिया मिजिंजों बुंफबनाय गोसोखौ बिरग्लांहोग्रा मिथिंगायानो उनावहाय बिदिन्थानि गेलेनायाव बिनि गोसोखौ थेर बेथेर गावसा होग्रायाव सोमहर सोलायलाडो । गावनि जिउनि थुलुंगानि फुंखा मिथिंगानि मोनफ्रोमबोआनो बिनि दोंफादों फाहाथासि देंखोनि फुंखासो जानानै फैयो । रैरुबु मिथिंगाखौ बियो सुथुरनि महरावसो नुनो लागै हमो । जाउनाव बेसेबा आजोरै गोर्बोआव फिसिबोनाय मिजिंफोरा जिं रानलांनायाव खन्थाइगिरिनि गोर्बोआ दाहाजों सिमब्रेजायो । संसारनि गासै दाहायानो गावनि गोर्बोआव ज' जाफैनाय बायदि मोनो । बिनि गोर्बोआ सानायजों आयखां-बायखां जायो ।

थेवबोनो बियो गावखौनो मिथिंगानिफ्राय जानगार होनोबो हाया । सुबुं जिउनि एंगारनो हायै संसारनि बेफोर गासै दुखु-दाहाखौ बिखायाव बजबनानै खन्थाइगिरिया गावनि गोसोखौ माबादि बुरखायफिन्नो नाजादों खोनासं,

“मुलुगाव हाथासि बुंनानै दड’
साबैसेनि मोदैया मुक्ता जायो।
जायख्लं-सिमाडा हादुरी जालाडो
बिखौनोथ’ मेगनजों सानफ्रोमबो
नुयो॥”

(बालाबगात्रै, सिरिलांनाय)

मिथिंगा निखान्थिखौ रावबो गनाया लासे बारग’लांनो हाया । आरोबाव मिथिंगायाव फैनाय मानियानो सानसे मिथिंगानिफ्राय गोमालांफिन्नांगौ । मिथिंगानि बे सैथोथिखौ मोन्दांनानैनो खन्थाइगिरिया गावखौ अबंलाउरिनि खाथियाव गथायनो गोसोखौ थियारि खालामदों । मानोना जिउनि दाहानिफ्राय बारग’नायनि मोनसेल’ राहाआनो जादों गावखौ अबंलाउरिनो गथाइनाय । अबंलाउरियानो गुदि आरो बिनो जोबथा । बे सैथोथिखौ मोन्दांनानै बनि सायाव खुद्रिनाय थाब्लाबो जोबनाय हालागै खन्थाइगिरिया अबंलाउरिनि खाथियाव आरज गाबो आरो गावखौ गथायफिनो । बिब्दियैनो, खन्थाइगिरिया अबंलाउरिनि सायाव गोथौ फोथायनायखौ लाखिलादों, जिउनि जालाखार बुब्बियाव माब्लाबा बिनियाव

आरज गाबदों, माब्लाबा गावनि गोसोनि उलटा जानायाव बनि सायाव खुद्रिदों, थेवबोनो जोबनायाव अबंलाउरिनि खाथियाव ग्रोब सथबहैफिन्दों । खन्थाइगिरिया मिथिंगाखौ जिउआव सुखु-दुखु लाबोनायनि दाय सेराफोद बिजों महरैबो मोन्दांदों । बेखायनो बियो सुखुनि समावबो दुखुनि समावबो मिथिंगानि खाथियावनो थाबाय थदों । गावखौ अबंलाउरिनो गथायनाय बुब्बियावबो बियो मिथिंगाखौ बावगारलाडाखै । बरंस’ गावनि गासै जिउ लामायाव बानजायनायनि थाखाय बियो मिथिंगानि खाथियाव खर’ गंग्लायदों औरै,

“खुलुमो आं नोंखौ मिथिंगा दिनै
खुलुमो आं नोंखौ सान
मोदैनि लुखौनो नोंसोरनो बाउनानै
थानोसै बनिफ्राय दाबसेयाव गोजाना॥”


(बालाबगात्रै, सिरिलांनाय)

रमान्टिक थुनलाइगिरिफोरनि थाखाय मिथिंगाया गोहोमारि सोरजिथायनि मोनसे थामोन्थायारि मुवा । बेनि जौगानाय, दावगानाय, रयलांनायनि बाहागोफोर आरो जों नुनो मोननाय आरो दांनो मोन्नाय मुवाफोरनि आन्दोआव थाखोमानाय गेदेर गोहोखौ जोंनो मोन्दांहोग्रा गासै सोरजिथायफोरनि गोरोबलांनाय । बेफोर गासै सानसिफ्रानो समर ब्रह्म चौधुरीनि रादाब खन्थाइनि गेजेरजों बेरखांजोबदों । मिथिंगानि बेफोर गासै मावफारिफोरखौ (process) खन्थाइगिरिया थफिनाय, बारग्लानाय, रहायनाय

आरो सिरिलांनाय खोन्दोफोरनि मुं दोन्नानै आरो
खन्थाइखौ गासै मोन्त्रै बालाबबाव बाहागो
रान्नानै गावनि जिउनि मोनदांथिनि गेजेरजों
बेखेवदों । गोदान बर' खन्थाइनि बिथिडाव
बेबादि आदबजों खन्थाइ सोरजिनायखौ
नायबिजिरनानै थुनलाइ बिजिरगिरि दीन'नाथ
बसुमतारीआ रादाब खन्थाइखौ खोन्दो
खन्थाइमानि (fragmental epic) सिरियाव
लाफादेरनो हायो होन्नानै बुंदों।

समर ब्रह्म चौघुरीनि रादाब खन्थाइनि
गेजेरजों बेखांनाय रमान्टिक सानस्रिफोरखौ

सावरायबोनायनिफ्राय बेखौनो बुंनो हायोदि,
Charles Baudlaire आबुंनोय बादिनो
रमान्टिचिजमआ 'रादाब' खन्थाइनि गेजेरजों
खन्थाइगिरिनि जिउ लामानि मोन्दांथिनि गेजेरजों
मिथिंगाखौ मोजां मोन्नाय, अबंलाउरिखौ
गनायनाय, जिउ आरो अनजालिनि फासै
बोहैगारनो रोडै मोजां मोन्नाय सानस्रिफोरा
रोखायै बेरखांदों । गुबुनथिं, बेखौबो मिथिनो
मोनोदि, गेदेमा रमान्टिक खन्थाइगिरि
Wordsworth बादिनो ब्रह्म चौघुरीआबो सासै
दिखार गोनां (tragic) खन्थाइगिरिमोन ।



गोदान मिजिंक

राणी हेलेन

ईसान असुंगिरि, बान्था होगिरि

गोसोखौ गोबां रेजे मोनदों आं। जेब्लाबो आबुं जानानै थानाय र'मान्टिक समनि सावगारिफ्रा सिमलु तुलाबादि फोर फोर बिरलांजोबदों। बै समा बिब्दिनोखा। माब्लाबा रागा जौनाय, माब्लाबा बोराबनाय, लोगो हमनायजों समा गोबां बिब्दिनो थांदों एरैनो। नाड-फाडनो। थांनाय समफोरखौ लानानै गोसोखांहोफिन्नायजों गोसोखौ थाजिम खालामफिनोमोन। साना बिदिजोंनो सानफा-एफा थांनो हमबायमोन। बिदि समखौ दफथायनो हानाया जानो हागौ जौसेनि गेजेराव थामजि खोन्दो सोलो जागोन सेंग्रा समाव। सम सम एंगारनो नाजाब्लाबो एंगारनो हाया जायो। थारैनो बुजिस'नो हायैबादि मोनलाय लाडे। सानै सानैनो बबावबासो सौथुहैनो नागिरो। बे समा माब्ला बारलानो, माब्ला बारग'नो हागोन बेखौबो सानोमोनां। गोसोखौ गोरा खालामनानै फरायनाय, मावनाय दांनाय, नांगौआव गुबुनखौ हेफाजाब होनाय हाबाखौ मावनो हानांसिगोन। हारि, गामि, रावनि जुनै, दुखुआव गोलैनायफोरखौ हेफाजाब होनो हानांगोन बे उजिगासेयाव। आं मोन्दोंमोन गुबुन्नि जुनै गाबनो रौब्ला बे गाबनायावबो गोजोन मोनो। बुहमाव बेसेदि दुखुआव सैनानाय दड' बिनि अन्जिमा गैआ। नाडै हाबाफोराव गोजावनानै समफोरखौ थांहोआमोनब्ला जानो हागौ

फरायनायाव दावगानो हाबावगौमोन। माबा-माबि मावनाय, गेलेनाय, मोसानाय, लिरनायफोरजों मिथिसार जानो हागौमोन। गावखौनो गाव रागाबो जौनो ओंखारो। नाडैयाव सम थांहोनानै दा उनदाहा खालामफिन्नांनायखौ। जाय रौमोन्दांथिफ्रा उननि समाव जेबो मुलाम्फा गैया बिखौनो बुधुमनाय जाबाय। दै बानाजों बुखार लांजोबनाय बायखोन्दा न'-बां, दालां फरायसालिफोरखौ नुयै नुयै गोसोआ दुखुजों सिग्लाबजोबदों। गायग्रा हाफोराव बालानि दामोल। दैया बोहैलांजोबनायजों गायग्रा हाया बालाजों बेसेदि खहा खालामदों। बेखौ नुसारजोबदों। मा जागोन? बिखा सौयै सौयै दुखु खालामदों। सोर खोनासंनो राहा गोथेजानायफोरनि दुखुखौ। धोनिया धोनि जादों सोलो बोलोजों। गैयैफ्रा गैयै जालांदों। बेसेबांबा गुवार फाराक।

दै बानाया जोबखांनायनि उनाव न'आव आं फैदों। आइ-आफाखौ माबाफोर हेफाजाब होनो हायो नामा सान्नानै। दै बाना जाब्ला जा दड'मोन आखाइयाव गसिबो बाहायनाय जाबाय रांखौ। दा गोनांथि जानानै फैनायाव सानब्लाबो आगोर मोनाखै। बबे राहानि गेजेरजों रां मोनफिन्नो, सोरनाव बिनो हाबावनो? रुगुं गैयै सान्नायजों साउमिन, मम', तन्दुरी जानायफोरनि रांखौसो बिहैफिन्नोसै नामा सानप्लानाय

जाबाय आं। मानोना जों दा बान्दोआवसो बादा
खालामनानै दं। हर्खाब भुटाननि दै हगारनायजों
हास्लाबा हास्लाबा जानानै गाव गावनि फिसा
फिसौफोरनि जिउखौल' बासायनो हादों। दाउ-अमा,
माइ-दै, सि-जोमफ्रा बुखारलांजोबदों, गोजाव
लांजोबदों। गोजाम जानाय जेथो गोनां समखौ इयुननि
समाव एंगारनो हानांगोन। आंखौ रागा जॉनानै लाइमोना
नागारलांनानायनि जुनै दुखु गैआ आंहा, रंजानायसो दं।
मानोना बिखौ दा आंहा मोजां मोनहोनो हानायनि
ऑंधि एबा गोहो गैआ। समा रावखौबो नेनानै थाया।
गाव गावबागाव दावगा लांनानांगोन इयुननि गोजोन
मिजिंकखौ हास्थायनानै। मबाइला रि जानायाव आं

हमदों --

: हेल्ल'!

: नै! नॉनि एक्सआ हाबा जाबाय।

: हाबा जाबाय? दे जाथोंसै।
हामब्लायथिनायखौ हरनाय जाबाय। बुंनानै होनो
दाबाव। माब्लाबा लोगो मोनहरोब्ला।

: दे जागोन। -- जानो हागौ जॉनि
नागारलायनाया बिनि बरातखौ खेवनानै होबाय। आं
मिजिंकथिदों संसारखौ गोजोनै जाथोंसै। मानोना बिनि
आंनि सोमोन्दोआ A निफ्राय Z सिम सफैबायमोन।
जोबनायनि फारियाव।



सानजुथि रैखाथि (COMPUTER SECURITY)

फ्रानसिस नार्जारी

बिफान गाहाइ, कम्पिउटार बिफान ।

सानजुथिआ आथिखालाव फालांगि आरो मावख'सालिनि थाखाय जोबोद गोनांथि जानानै फेदों । लोगोसे गोबां राहायै सुंजोबनायाव आरो फालांगियारि Network बिथिनि गेजेरजों गासै मुलुगावनो फालांगियारि तत्य'खौ मोन्नो हानाय जाबाय । सानजुथिखौ गुबुन गुबुन गिखंथाव साग्लोबनाय बिथिनिफ्राय रैखा खालामनांगौवा मोनसे गोनांथार जानानै फेदों । Hackers फोरा फालांगियारि Network आव जेबो गनायथि मोनालासेनो हाबनाय आरो जोबोद गोनांथार Information फोरखौ खावनाया आथिखालाव सोलिनो हमदों । बेफोरबादि गिथावना हाबाफारि निफ्राय जों गावारि आरो मावख'सालिफ्रा कम्पिउटार Security नि गेजेरजों सैरखा खालामनो हागोन ।

सानजुथि रैखाथिया मा ?

सानजुथि रैखाथिया जाबाय Computer system जों लोगोसे खारिथि बाख्रि (Data store) एबा data खौ मोननायनि राहाफोरखौ रैखा खालामनाय । Critical information फोरखौ गनायथि गैया जासे Data खौ लानो नाजानाय एबा गाञ्जि हाबायाव बाहायनाय निफ्राय जानगाराव दोननाय । Computer security आ Software, Data,

आरो Hardware बायदि बायदिखौ गिनांगौ एबा ख'हा जानाय निफ्राय रैखा खालामो । बेवहाय Computer सैरखाथिनि थाखाय गोबां आदबखान्थि एबा Software फोर दड । जायनि गेजेरजों Data आरो information खौ confidential दोननो हायो ।

Antivirus, Firewall आरो Internet Security बायदि बायदि Software फोर दं, जायनि गेजेरजों Computer बाहायग्राफोरखौ Computer Security नि खाबु होयो ।

सानजुथि रैखाथि नि गोनांथि:-

आथिखालनि Data जों सोलिनाय मुलुगाव गासैबो रोखोमनि खौरांफोरखौ Hackers फोरनिफ्राय नांगौ बादियै खौरांफोरखौ रैखा खालामनांगौ जानानै फेदों । बेनिखायनो गाञ्जि हाबा मावग्रा सुबुंफोरनि आखायाव माखासे गोनांथि खौरांफोरा गोलैनाडा । Computer Security आ बेसेनगोनां खौरांफोरखौ रैखा खालामनायाव हेफाजाब होयो । जायनि थाखाय मावफुंनाय समाव Virus आरो Malware फोरा सानजुथिनि मावनां आखुथायफोराव हेंथा सोमजि होयो । Computer Security आ सुबुंनि हाबा, सोलेंथाइ आरो संजिरनाय हाबाफारियाव गोरलै

खालामना होयो आरो बेजो लोकोसे फालांगियारि बिथिंफोराव हेफाजाव खालामो ।

सानजुथि रैखाथिनि खान्थि (Principle) :

Computer Security आ Password होनाय आरो File encryption आव गाहाय बिफाव लायो ।

- 1) गोख्रोँ Password दानाय :- बियो गिबि रैखाथि आदब ।
- 2) Browser आव Password खौ Save खालाम नांडा ।
- 3) जोँ माब्लाबाबो गावारि Information जैरे गावनि मुं, न'खरनि सुबुनि मुं आरो जोनोम अक्ट फोरजोँ File आरो Password नि मुं होनायाव बाहायनो नाडा ।
- 4) Password आव हमस' हायै हांखो जैरे फिसा हांखो, गिदिर हांखो दिन्थि नेरसोन (Symbol) आरो अनजिमाजोँ होयोब्ला गाहाम जायो ।
- 5) गुबुन गुबुन User Accounts नि थाखाय Password आ गुबुन गुबुन जानाया गाहाम ।
- 6) Two-Factor authentication खालायोब्ला गाहाम । जैरे-
 - i) OTP (One Time Password).
 - ii) Software Based authentication.
 - iii) Hardware Based authentication.

iv) Biometric authentication.

सानजुथि रैखाथि नि राहालामा आरो साखि:-

सानजुथि रैखाथिया आथिखालाव थानानै थानायनि थाखाय मोजां राहालामा होदोँ, जायफोरा Computer Systems नि फारसे रोगौथि दं । Computer Security नि साखिनि बिथिंफोरखौ गाहायाव फारियै होलांनय जाबाय ।

- 1) Chief Information Security officer.
- 2) Security Software developer.
- 3) Ethical Hacker.
- 4) Cyber Security Consultant.
- 5) Computer Forensics Analyst.
- 6) Security System Administrator.

बुंस्लिमनाय (Conclusion) :-

आथिखालाव सानजुथि रैखाथिखौ एनगारनानै सानजुथिनि जायखि-जाया हाबा मावफुंनो थानायाव गोबां हेंथा दड । Hackers फोरनिफ्राय बेखौ हमथानानै खारिथि फोरखौ रैखा खालामनानै दोनथुमनाया गोनांथार ।

सानजुथि रैखाथिआ खारिथि फोरखौ Anti Social Elements फोरनिफ्राय उदाडै हमथानानै रैखाथि होयो ।

आथिखालाव बे बिथिडाव गावखौ थि थि रोग'थि लानानै साखि मावनायनिबो गोबां खाबुफोर दंसै ।



अनजिमा

नीलिमा

नेहाथारि, बर' थुनलाइ आफाद

अनजिमा
 नों सिमा गैया
 गैया नोंहा थाद'नाय
 गैया नोंहा बानाय जिरायनाय
 गैया नोंहा ज'खानि सिमा
 गैया नोंहा सोरखौवा बासिनाय, मुगैनाय
 नोंनि थाखाय गासिबो नांगौ नांगौ
 नोंनि थाखाय गासिबो समान समान
 नोंनि थाखाय हाजो-हायेन, फैलाव अखोरां
 गासिबो समान-गासिबो आंगो
 नोंनि बिखायाव नों गासिबो जायगा होयो
 बासिया नारगारा नों रावखौबो दुसियाबो
 नोंनि बिखायाव जेसेबां जायगा लायो
 एसेबां नों जायगा होयो
 हाय अनजिमा!
 नों बेसे अनफावरि
 नों बेसे सहायसुलि
 नों बेसे जिकि-मिकि
 नोंनि फैलाव अखोराडाव थानानें
 हनै-
 जिबिफोरा बाइदि मैया-मैया
 मेथाय रोजाबदों सुखु-दुखुनि
 गाबनाय, दाहा-दिखारनि आरो -
 आरो-मादि-मादि माया-माया
 बुंस'हाया- !

दिनै बे एखे दिनावनो सोरबा गाबनांदों -
 सोर हाबा लाख'हायै सुखु-गोजोन रंजानाय
 DID Little Master, Session-5 नि
 देरहासार जानाय-गौरबआ सा-सानजा भारत (आसामनि)
 सेथियाव-नवजित नार्जारी
 नैथियाव-आपन पेगु
 थामथियाव-आद्धासि उपाध्याय
 बरायजों-आर'नायनि माला, बिबारनि थपा
 खाम-सिफुं गोमसारनाय बर'नि दामजुजों
 बेयावनो आरो-जोमै राणीनि र' र' ग'नायाव
 लोमसावनाय
 दै बानाजों बुखार लांजाना हालाय-हाफाय
 बेसे हांमा दाहा-दिखार!
 आरो सोरहाबा आनजाद टपारनि
 सुखु-गोजोन रंजानाय
 आरो सोरहाबा जेन्नांनायनि
 दाहा-गोनां हांमानि देंखो!
 नाथाय अनजिमा!
 नों - नों जेरै- अनजिमा एरै अनजिमा
 जोबनो गैयै अनजिमा जाना,
 होनांगोन सुबुंसिनि साननाय, मावनाय, देरहानाय
 आरो थांना-थानायनि मोनसे
 फिथाया जाथों - अनजिमा गैयै
 गोदै देंखोनि - गोजोन बहा।



मोन्थिया आं

खुनजु लाल नारजारी
लोगो बिबुंगिरि, सानथौ बिफान

गोसोया आंनि लोरबां मोनो
सम सम आं सानो,
नोंनो गोसो सिंनि बाथ्राखौ बुंनो होनना।
नाथाय, मोन्थिया
मानो गिनाय मोनो ?
दाखा जोमैजौ खोबथे जानाय
सानबादि मोनो आंनि गोसोया।
माब्लाबा नोंखौ नुब्ला
मेगननि इसाराजौबो
फोरमायनो सानखुमाबायो।

नोंबो मोनथिखाबाय जानांगौ सैनाय
आंनि मेगननि इसाराखौ।
आरो आडे नोंनि सावगारिखौ

गोसोनि रिलाव
गले गले नायप्लाडे।
मोनथिया नाथाय
थेवबो मानो गिनाय मोनो ?
सानगारबायो
संकश दैसायाव
आंजौ नोंजौ सम बारहोनो
नाथाय बे आंनि सिमाडा
मोगथां महर मोनगोन बौरै ?
जाफुंगोन जाफुडा
सानबायबायसैल'
मोनथिया नों आंनो
मा फिन्नाय होगोन ?



गिनो नाड

निजोरा मुसाहारी

जागायनाय:- गिनायावनो जॉनि जेन्नाय दड, गियैयावनो नॉनि देरहानाय दड नाथाय बेबोसो नडादि गिनो नाड होन्नानै मोनफ्रोम खामानि मावनो लानायावनो उन सिगां सानालासे, रावखौबो गियालासे आवगाइलांनांगौ। आवगाइ लाडेब्लासो सोरांनि लामायाव गालैलांनांसो हागौ एबा गोग्लैनो Chance थानो हागौ।

अब्ला जों माखौथो गिनांगौ आरो माखौ गिनाड-। फंसे रावआव बुडेब्ला एबा बिनेश्वर ब्रह्मनि बुंलांनाय बादियै हिंसाखौ दागि, इसोरनि हिंसाखौ गि। बाध्रा बादिनो सैथोजों दावबाय लांनायाव दागि, नाथाय नंखायखौ सैथो बुंनानै सोलि लांनायावसो गि। मानोना नॉनि दायखौ नों नुआ आरो दानि मुगायाव गुबुनाबो नॉनि दायखौ बिजिरना होबाय थानो सम गैलिया। अब्ला दायखौ अराय नुयो होनोब्ला सोर? बियो जादों- ईसोर।

दिनै आंल' नड बहुमाव जेसेबांखिनि मुबुंफोर दड बिसोरो गावबा गाव इसोरनि गुबुन-गुबुन मुंलानानै इसोरखौ गाबत्रियोब्लासो बिसोरो एबा मानसि माहारियानो नुंगुबै (Fact) खौ मोनधिखायोदि इसोर गुबुन-गुबुन नड सासेयानो। होन्ना।

God-Allah, Bhagban (भगवान) होन्नानै गाबत्रियोब्लाबो बे सासेयानो इसोर। नाथाय गिनाय सोमजिनायाबो धार, नंगुबै, (Real) गिनाया

गुबुन-गुबुन रोखोमै जानो हागौ-जेरै- गावखौनो गोग्लैजानो गिनाय, सोरजोंबा बुंजानो गिनाय, थगाय जानो गिनाय, आंगोसिन बेसादखौ बायस्रा जानो गिनाय, बायदि बायदि जानो हागौ। बे गिनाया सासे मानसिनि जिउजों सोमोन्दो लाखिनानै बायदि बायदि रोखोमै जानो हागौ।

गिनानै सोलिलाडेब्ला सासे मानसिया जेन्नोबो हागौ देरहानोबो हागौ। माब्ला होनोब्ला? जेब्ला सासे मानसिया जेनगोनखौ, गोमाजागोनखौ, गोग्लैगोनखौ गिनानै फावसाइना थायोब्ला, एबा नाजानायाब्ला, बियो जिउनि नाजानायनि मोन्दांथिखौ मोन्नाय नड आरो गिनानै न'आवनो हाबसोना थायोब्ला बियो गावनि जेंनाजोंनो जेन्नांगौ जागोन। नाथाय जाय सैथोखौ असैथो बुंनो गियो, अलसियायै गाबनानै थाब्ला माराम जाजानो गियो, इसोरनि थिन्नायखौ मावालासिनो थागारनो गियो, बैबादि सुबुड जिउआव जेंनाखौबो फेजेननो हायो।

नाथाय आं बे रायथाइनि गेजेरजों सिगाडव बुंनाय बादिनो बेखौल' फेरमायनो सान्दोंदि- गोग्लैजानो गिनानै नाजानायाब्ला नॉनि जेन्नाय दं आरो गोग्लैफ्लांना हागौ, बे बाध्राखौ मोनधिनानैब्लाबो गियालासे नाजालाडेब्ला नॉनि देरहानायाबो बेयावनो दड। गियान दोहोरेमनि बाइबेलआवनो इसोर बुंनाय दड।

गिनो नाड आं नोंसोरजोंनो दड। गिनोबो

नाजानो नाड जेब्ला आं नोंसोरजोंनो दड सैथोनि
लामाजों आगान सुरोब्ला, इसोरा अराय नोंजोंनो दड।

बाइबेलआव लिरनाय दड- इसोरा जोंखौ
गिनो-जिंगासिनो होआ, सैथोजों आवगायलांनायाव
मानोना इसोरा अराय सैथोजोंनो थायो।

दिनै हिन्दु दोहोरोमनि भागवत गीताखौ
फरायब्लाबो जों बिनि गियाननिफ्राय सोल्लोंनो हायोदि
दिनै साबा पाण्डबनि, गेजेराव अर्जुना, गावनि
न'खरनिनो बिदा-फंबाय, लोगो सान्श्रि आरिफोरखौ
गोमाजानो, सिलिंखार जाजानो गिनानै दावहानिफ्राय
फावसयफिन्दोंमोन, आरो बे समाव श्रीकृष्णआ
अर्जुननो बिनि मावनांगौ (Duty) खौ गीतानि रावजों
बिजिरनानै होदोंमोन- अब्ला अर्जुन आबो गीतानि
सानथौखौ मोनथिनानै दावहा नांनो जागायफिन्दोंमोन
आरो जोबनायाव अर्जुननि बिदा-फंबाय एबा बिसोरनि
राज्योनि दावहाया बिसोर देरहासारनायखौ मोन्नो
हादोंमोन।

दिनै अर्जुनआबो गावनि न'खरनि मानसिखौ
गोमाजानो गिनानै फावसयनानै थायोमोनब्ला
दावहायाव देरहानाय नडामोन जानांगौ सैथोआ
जेनगौमोन असैथोआसो देरहागौमोन। दिनै श्रीकृष्णआ
अर्जुननो बिनि मावनांगौ (Duty) सैथोखाखौ बिजिरना
होदों गीतानि गेजेरजों मानोना अर्जुनआ रावनिबो इनाय
मावबोआखैमोन आरो मावनोबो सानाखैमोन बेनि
दावहाथिलियाव ऑंखारनाया सैथो आरो थारमोन
बेनिखायनो श्रीकृष्णआ अर्जुननि लोगो जाना
दावहायाव गसंफादोंमोन आरो श्रीकृष्णआ रावबो नड

बियो सासे इसोर महराव मानसिमोन।

मुस्लिम दोहोरोमनि करान (Quran)
बिजाबावबो बेखौनो बुंनाय दड दि- गियोब्ला
आंखौल' गि आरो नोजोर हो नोंनि
मावनायखामानियाव आरो रावखौबो दागि नोंनि उनाव
आं दड।

(In Islam God says; Just fear of
me and take care of what are you actually
doing and don't fear anyone else because
I'm behind you.)

थारैनो बैफोर नंगुबै (Fact) खौ मानिनानै
सोलि लाडेब्ला जिउ आव जाफुंसारनाय लामाया स्रा
गेवस्राना होयो।

गौथम बुद्धनि बादियैब्लाबो गिनाया जोंनि
गोसोनि सान्नाय-हनाय, मोन्दांनाय मेलेमनिफ्रायसो
सोमजिनाय, जों जेरै सानो एरैनो गोसोआव गिनाय
आरो गियै मोन्नैआ सोमजिखाडे।

बर'नि गेजेरावबो सासे गिदिर लिरगिरि
कमल कुमार ब्रह्मआ बिथाडबो गावनि बबेबा दोसे,
लिरबिदांआव बुंदोंमोन गोसोआ जेरै-होयो एबा होनो
जों बिदिनो नुयो।

फोजोबनाय:- थिग बेबादिनो साफ्रोमबो
सुबुडा गावनि मावनांगौ हाबाखौ नोजोर होनानै गात्रि-
मोजां साइख'नानै सैथोजों आवगायलांनांगौ सैथोजों
आवगायलाडेब्ला इसोराबो नोंजोंनो दड। इसोर
दडब्ला सिमाडबो नोंनि मोखथाडव सानसे।



दुमफाव

घट्टक 'स ब्रह्म
दत 'मा गोजौ फरायसालि
थाखो- XI (जिसे)

दिनै रबिबार बाजार । गोबां मानसिजौ होंगो-
दोंगो जादों । दुमफावनि साहा द 'खानावबो गोबां
सुबुंफोरा होंगो-दोंगो हाबफैदों । बे समावनो
दुमफावनि गोदोनि, थाखोनि लोगो रबिला आरो
समबासिखौ लोगो मोनदों । लोगो मोनलायनानै
रबिलामोनहा दुमफावजौ दसे खोथा रायज्जलायनायसै ।
रबिला आरो समबासि मोनहा दुमफावखौ सौंनायसै ?
हा दुमफाव नौना बोराया मा मावो ? अब्ला दुमफावा
फिननाय होयो - आंनि बोराया सरकारि नडै
फोरोंगिरिसो मावोहाय लोगो होन्ना बुडे । बिनि उनाव
दुमफावा बुंभावो माबोला सरकारि जागोनथाइ दाबो
मिथिथ 'वा । दानिया बिरलामोनहा ओरैबायदि
बुंभावोदि जौनि बायदि आरमि सियारपि साखि लानो
थिनदो नौनि बोरायखौ दुमफाव होन्ना नै बुडे आरो
थानोसै समावबो बिरलाया बुंभावो बिदि साहा द 'खान
होनानै जानांगौबा गैलामोनदां होन्ना नै ओजौंहाय
दुमफावा मानसि होंगो-दोंगो हाबनायजौ गरम आरो
विसा बिखौ बिबायदि बुंभावो दुमफावा बिसोरनि
बिदि बुंनायखौ खोनानानै दखानाव हाबफैनाय
सुबुंफोरनोसो साहाखौ होनो बावो ।

बेबाइदिनो समबार बाराय खालिबो बिरला
आरो सम्बारिमोनहा फिसाफोरखौ फरायसालियाव
दोनलांनाय नामैनो दुमफावनि दखानाव हाबलाडे ।
दुमफावा बिसोरखौ नुनानै दिउ-दिउ रागा जौंखाडे ।
जेबोला हाबफैयो बिसोरो अब्ला दुमफावखौ बुंभावो
- हाब लोगो खोमाखौ मानो लदा दा लाखो
फिसायखौ सना दाहोनानै गानबानो जायोना, सना
गानाबाथाय नौंखौ रान्दि बादि नुथारो अब्ला दुमफावा
फिन होयो आंहा रांनि आंखालहाय लोगो नडब्ला
दाहोनानै गानगौमोन । दानिया बिसोरो दुमफावखौ
ओरैबायदि गाहाय थाखोआव दोनोना । बिसोरजौं
सानफ्रोमबो बिदि बुंजाबाय थानानै दखानखौनो होनो
गोसो जाला ।

दानिया गोबाव सम बारलांनायनि उनाव
दुमफावनि फिसाय नाब्लानि स्कुला सोरखारि जायो ।
बेनि उनाव दुमफावाबो गोसो रंजानायजौ जोबोर खुसि
जायो । बिदिनो बिथाड दखान होनायखौ ज्राब दोन्ना नै
बिरला आरो सम्बासिनि सिगाडव सानसेखालि कार
लानानै ओंखारफैयो आरो बिरलाजौं सम्बासिजौं
गल ' नायगोमोयो ।



सासे गथ'खौ लुखांनांगौ आ गोरलै बाथ्रा नडा

अथेलसन ईस्तारी

गामिनि बाजार आव दसे.... आंनि गामिनि लोगोफोर फारियै - दाखोन, सोमजोर, बेदां आरो कामदेब बिसोरजों बेलासिनि बार जानो होन्नानै गलायाव जाग्रा लानानै गोदो जों उन्दैयाव फरायनाय गुदि फरायसालियाव मोनसे पार्ख फिसा दं बेहायनो जेरायना जाहैनोसै होननानै साहा गला निफ्राय माखासे जाग्रा बायो।

थिग बे समावनो मोनस्रिया गावनि फिसाफोरनो माखासे जाग्रा लानो होनना बे गलायावनो हाबफैयो, फिसाफोरा साथाम अब्लाबो बियो 30 रांनि मोनसे जाग्रा मुवा लादों आरो बुंदों गलादारखौ फैसाया 10 रां ल' दं गाबोन होफैनोसै आं फैसायानो गैला जाग्राखौबो लाडाबानो जाया गथ'फोरा दानो दावराव खालामगोन । बाजै नोंना सिगांनिबो बाखि दं लै 150 रां गोबाव थारसै बिदिजों मरै जानो जोंहाबो न'खर सोलि नांगौनि खोथा दना बाजै नोंनो मिथिगौ माथो जोंनि न'खरखौबो होनना गलादारा बुंडो । ऐसे उनाव होफैनोसै आगै नोंदायाबो दान मोननै आनो जाबाय दामानि फैसाखौनो हरनो हाथ'याखै बिदि

बुंनानै गला निफ्राय जाग्रा लाना थाडो मोनस्रिया।

मोनस्रिखौ नुनानै आं गोसो आव सिरि सिरि सानखांदों सिगां फिसाया खामायनो रौनाय समाव गामिनि हाथाइ आव खरसा खालामा लासै सोहोरावसो खरसा खालामनो थांग्रा मोन । दा गैला जोबसां लांजोबबाय, जेबो लाय लथर गैला। सैथोजों खामायना जानाय बादि जाया असैथो जों खामायना जानाया । जानोरौब्लासो जा आरो इयुननि थाखाय आरजिना लानो रोडाब्ला बिदिनो जोबसा लाडो होननानै गोसो आव सानखांदों आं । बिदिनो जों ग'ला निफ्राय जाग्रा लाना ओंखार बोयो आरो गामिनि गुदि फरायसालिनि लांगोनायाव थानाय Children Park आव ज'जिरायना सावराय लायो गोबाव समनि उनावसो लोगोमोनलायनाय जायोखायनो मोजां गाञ्जि सावरायलायदों ।

रायलाय फुबाय थानायावनो मोनसे दोहोव आ दाखोननि खुगा निफ्राय ओंखारदों । नै दाखालैसो बे जायगायावनो ट्रार्क (Drugs) नि कनटेनार मोन्दोलै नों मिथिदों ना मिथियाखै होनना आंखौ थांखिना बुडो । हाबाव

ईसोर.....!!!! बिदिसो जाना दं मिथिथाराखै मोन आं । ईसोर नोंसो मिथिसिगौ सोरनि फिसानि आखल' जालायखो बेलाय, नांहां बाय जोंनि गामियावबो बे गाञ्जि बारहावाया ... होननानै आं जोबोर दुखु गोनां रावै ।

बे समावनो बेदां आ थाब बुंहरो बे बेसादखौ लाबोग्राफोरा बे मुसुल मानफोर साखा खबथाम लानानै बांडा-सिडा रोगाग्राफोरानो होननानै इसे खोनानो मोन्दों, नडाब्लालाय मानोथो सानसे थारला मोनसे गारियावनो साधाम सुबुं गाहाम गिदिबायनो ब्रा बांडा-सिडा फानग्रायानो गैला दंब्लाबो सानफ्रामबो थ' बे मोनसे ओनसोलावनो ओंखाराना बुस्थुफोरा दिन हाजिरायानो गोलैया बिसोरना , अब्लाबो मानो बिसोरो सानफ्रामबो फैयो, बे ड्रार्क नि फालांगि गैयाब्लालाय होननानै रागा जोंनानै बेदां आ बुडो । आरो सोमजोर आबो बुडो औथ बेनोखा बिसोरनि खामानिया नडाब्ला मानो मोनसे ओनसोलाव सानफ्रामबो मानो फैनो ।

आं बुंबाय खोथायाथ' सैथो आनो जाबाय बिसोरनो जाखाथारगोन, दानिया सोर मानसिया बेहाय बाहाय फैया बेखौ नागिर नांगौ आ जोंनि बिबान । बिसोर निफ्राय मोजाडै बबे निफ्राय बे मुवा Supply फैयो बेखौ सोंनानै लानांसिगोन, आरो बैसोर साखा खबथाम गारिजों फैग्राफोरखौबो जों मोजाडै सोलो बाहायनानै हमनो नाजा नांसिगोन ।

ओनसोलनि Senior Citizenship फोरजोंबो बेनि सांग्रांथिनि थाखै थाबैनो सावरायनाया मोजां जासिगोन नडाब्ला बाराद्राय जायोब्ला जों बे हुदाखौ आखुआव थांब्ला सोलायहोनो हानाय नडा होननानै माखासे खोथाखौ आं बुडो आरो बयबो लोगोफोरानो आंजों हेफाजाब होयो ।

बेनि उनाव दाखोन आ बुडो बे मोनबारुनि फिसाज्जलायाबो जोबोर गाञ्जि जाबाय नोलै, बेसोरबो बिदि खामानिखौ मावनो हानाय लामायाव फैबाय ।

मोनबारु आ सोर ? मोनबारु आ जाबाय मोनसिनि बिसाय, मोनबारु आ सिगां BPF सोरकारनि समाव VCDC नि सासे Chairman मोन । दा मानसिया न'खराव जेबो लाइ-लथर गोयैलाय केरेला यावसो खामानि मावनो थांबाय न'आव गैलिया मोनबारुनि गथ'फोरा साधाम, सानैया हिनजावसा उन्दै सिना हौवासा । गिदिर सिना बिफा Chairman जानाय समावनो BA खौ उधिनानै दा ओरैनो दं । नैथि एबा गेजेर फिसाजो आ B.H. College आव फरायनो थाहै दोंमोन, बे समावनो सासे बांगाल हौवा जों दोंखार लायना हाबा जाबाय मोना हौवाया बुबाय थायोनो ओंखायनो नागार लायना न'आवसो खारना थाफै फिनबाय । उन्दै सिना फिसाज्जला बेयो थाखो 9 सोआव फरायो जानांगौ, ओरैबादि अखा जाबाय गथ' आ गासैबो निसा बेसादखौनो लाग्रा जाबाय ।

कामदेबा बुडो बे मोनबारुनि गथ'खौबो थिग मोनथारासै आं बेखौबो ट्रार्क जाग्रा बादिसो नुहांबाय । दा बेनि बे गाञ्जि आखलफोरा मानिफ्राय फैदों, न'खर निफ्रायनो फैदों होननानै बुंनो हायो । सिगां मोनबारु आ VCDC नि Chairman जानाय समाव थाखा फैसा दांनो मोनना बिसाफोरनो गुरलाब गुरथाब दां होबाय आरो हिनजाव आलाय मासानो मोन गावखौनो सासे Minister नि हिन्जाव बादि देलायना थाउन- सोहोर ल' बेराय थारसै मोनलै । न'खरनि खरसाखौनो मालाय गामिनि हाथायाव खालाम थारलायलामोनलै मालाया बेदर - ना बायनायफोरा थ' साबा मानसियावनो थाम केजिनि खमाव बायफेरा मोन, दानायदो ।

थाब बे समावनो बेदां आ बुंहरो बेखौ बाद हो बिहारि लानायालाय मोनबारुआ साला गावनि बेवायखौनो Barpeta Road आव रुम भारा लाना दोनहै दोंमोननो, बेखि मोनसे आखल नामा गावनि फंबायनि न'खरखौ बिदि सिफायना होनो। बे बेवायाबो एखे आखुनि ओंखायनो बिदिजादों । बिदिनि नखराखि माब्लाबा सानथि जागोन नामा ...? जों बयबो औ होनना बुडो ।

सोमजोरा बुंबावो नोंसोर मिथियोना मिथिया सोरकारनि न' होगोन होननानै गोरिब गुन्द्राफोर निफ्रायनो सासेयाव 20 रोजा - 30 रोजा सो रां लायो मोननो न'खौबो थ' होनो हायासै गोबां होफिननांगौ दंनो । बेफोर बादि

मालायनि रांजों सोरबा माहाजोन जानो हायो नामा.....??? सोरबाखि बेनि नखर जोबसां लांनायनि गुबै जाहोननानो जादों मोनबारुनि अगेन आखुनि थाखाय, जाय खामानिखौ रायजो आ अननानै होदों, रायजोखौनो जुदि सुसिनानै जायोब्ला बियो सान्थि मोनगोन नामा.....? रायजो-राजानि बुंनायनि खुगाफोरा नाडो नो। दा गावबो केरेलायाव थांबाय सासे न'खरनि बिगोमायानो, बेथ जाखा सिगोन बांसिन दुथां फिसाफोरा ।

आं बुडो दा जोंनि बर'फोरनि गेजेराव गोबां नखरफोरा एबा नखरनि बिगोमाफोरा गावनि नखरखौ खांलांनो थाखाय गोजान जागायाव खामानि मावनो थाहैनोसै, नखर खांनांगौ आ बिमानि आखायाव गथायना होलांनांगौ जानोसै। दानि जुगनि बैफोर बादि खामानि मावहैग्रानि हिन्जावफोरा 60% जौखोन्दो आनो नखरखौ बेडा लासैनो, जाम्बु लानानै गावनि गथ' गथायखौ खांनांगौ समखौ सोरजोंबासो रायलायनानै सम बार होयो । गोबां बर' हिन्जाव फोराथ गुबुन हौवाजों खारफा लांगासिनो बिदि आखल जोंनो ।


गथ' आ मा जादों ? मा जायाखै ? मा आखल सोल्लोंदों जेबो नायसंला, दा बैफोर बादि जेनिबो एबा रावनिबो बुजायनाय मोनै गथ' साफोरा ज' लोगो नांनानै दानि सोलिफुबाय थानाय निसा जाग्रानि दौलेडाव हाबनानै थायो। जेब्ला सानफा - एफा बाराय लांनानै हुदासिम

सोलाय हैयो, होमब्लासो बैफोर बादि बिमाफोरा गथ' नाव दाय होयो। नाथाय गुबै ओथिया जाबाय गावनि नायसंनो रोडैनि थाखायसो। दा बांसिन गाञ्जि जानाय गथ' फोरनि नखरखौ नायोब्ला जों बेखौनो नुनो मोनो जायफोर नखरनि बिमा बिफाफोरा गथ'फोरखौ उदिस लाबाडा, माखासे गथ'फोरखौ जों बिमा बिफाफोरा उदिस लासेयावबो गाञ्जि जानायखौ नुनो मोनो। बिदिजोंनो दिनै जोंनि बर' समाजा गुबुंले निफाय गुबुंले जाबो गासिनो दं ।

मोनबारुनि बिसाफोर गाञ्जि जानायाथ'

मोनबारुनि आखुनि थाखायनो । नाथाय साप्रोमबो गाञ्जि जानायनि लामायानो बिमा-बिफाया नंजोबबा। सासे गोगो मोजां गियान दानानै होनांगौ आ जोंनि नफांफोरा गोगोम खुन्थिया बादि जाना दिथा होबाय थानांगोन अब्लासो जोंनि गथ'फोरखौ दिखां लांनो हागोन गोजौ फारसे मोजां गियानजों ।

मोनाबिलि जाबाय गोबां सावराय लायबाय थानोसै थ' होनना दाखोना बुडो आरो जों बयबो गाव गावनि न'आव थांलायो ।



रुवाथि दुरलाइ

उदांस्त्रि ब्रह्म
बारग' फरायसा

फागुन दान। स्त्रो स्त्रो देमलो आब्रा बारा सानदुंबो एसे एसे दुंज्रांदों। गोरान बारजों हाद्रिफोर जैरै मैरैनो फेंफुंदों। थारैनो उसाव-बादाव मोनखांहोग्रा बोथोर। रामोन्दा, सनाथि, रुपालि मोनबादि गोदौग्लाबनाय लाइमोनफोरनि गोर्बोआव जानांगौ सासेया सासेखौ मोन्नो हास्थाइनायनि दोहौजों बुग्लेमजादों। जुलिनि खबामा लाइमोनफोरनि गोरबोआव रिखांदो जाथारनांगौ। बोथोरानो बिब्दि जेब्ला.....।

दुरलाइ.....। राफोद माहाजोननि महरै आखलै सालिखनाय रुवाथि। जौआ-हाया खावलाइ फावदुर, सोमज्रोयै बासिरि खानाय मेगन जराया बेस्त्रांद्राय नडब्लाबो गोसोम मुसुगुरजों नायथावथाव बर'नि फिसा गन्थडाबो गावनो आन्था दंसाबो। राफोद माहाजोन्नाव रुवाथि थाफैनाया फागुन दान जोबब्लानो नै खावसे बोसोर जासिगोन। बेखिनि समसिमाव सोरांजेन्नायनिफ्राय लानानै हरनि उन्दुजासिम समफारिनि हाबाफोरखौ फारियै मावलांनांगौआ दुरलाइनि थाखाय गोदान बाश्रा नलिया। खना-खनला बबेथिं मा दं मा गैया बेफोरखौ हिसाब लानांगौआ दुरलाइनिनो बिबान। बुनो थाडोब्ला दुरलाइआ राफोद माहाजोननि न'खरनिनो सासे सोद्रोमाबादि जालांबाय।

दैथुना राफोदनि सासेल' नायल'-जाल'

फिसाज्ला जायखौ रुवाथि दुरलाइआ सिरि सिरि मेगन खैबखुमाबोदों। नाथाय रावजों इसाराजों एसेवो बेरखांहोनो हाथाराखै। मानोना दुरलाइ आरो दैथुन हा अखांनि फाराग जायखौ बुडे धोनि आरो गोरिब जाव फारागथिआ गोसो थोज्लायग्रा मोननै गोरबोनि गेदेरथार जिनजिरि बादि। थिग बिब्दिनो दुरलाइआबो रुवाथि जाना फेरलेबसेबो खुगासिनो हायाखै गोसोजों गोसोल' सान्दोल देग्लाइनि नैबे फागुनावनो बुंफुना होथारगोन जा जायो उनाव जागोन सान्ना बियो गोसोखौ जिब्रालटरुनि अन्थाइफोरबादि गोर खालामना दोन्दों। अबैसे दुरलाइआ गा'ि नड हाबा-हुखा दानाय-लुनाय आलासि सिबिनाय गायनाय-फुनायफोरखौथ' दाबुंसै। राफोद माहाजोना दुरलाइखौ बिहामजो गनायोब्लाथ' खाफाल गोनांसो गोरिब मालाइ मा बिबोथ' नों आं बादिनो सासे नाथाय फिसाज्ला दैथुनासो!!

मोनाबिलि सम दुरलाइआ साहा फुदुंदों। गोसोआव माबा खोथा सानहाब सानहाब जानांगौ फागुननिनो बार नांदों.....।

“दुरलाइ..... ओइ दुरलाइ आय माहाजोन राफोदआ राव हरदों।

“औ आयं..... सौरनिफ्राय दुरलाइनि फिन।

“ ओजो फेथ'नायसाय.....”

“ थांगौ आयं..... ओंखारबोयो
दुरलाइआ ।

“ दुरलाइ आयं नोमायं
हिन्जावआबो बुरिबाय आंबोथ' बोरायबाय नोंदा
दैथुनाबो वैसोआ जाया नझ जाबायानो गावनो आन्था
नोंहाबोथ' मालायनि दरखं बारनो सम जाबाय आयं
बेसे रुवाथि थाबाय थाबावनो।”

बिमायं रफोदआ मा बुंनो नागिरदों बियो
हमनोनो हायासै। नाथायबा हले सिरि
सिरिमसानखुमादों बिमायंआ दैथुननि हाबानि बाश्रा
फारसे सायरायदों। बियो गावनि मुं सरजाबनायाव
गाव बुंनांगौ बाश्राखौ बिमायंआनो बुंखासिगोन सान्ना
गोसोआव बिबार बारफ्रावथारदों। अह
.....बिब्दिल्ला आयंआबो आंखौ बिहामजो
फसायखुमा खायोमोन हामथारबाय दे.....
सानखुमादों दुरलाइआ ।

‘आयं दुरलाइ’ आं बुंनो नागिरनाया
नोंदा दैथुननो हाबा होनांसिगौ।” “आं हमनो हादों

आयं.....” दुरलाइनि बारस'नाय राव ।
होनांसिगौथ' आयं आंहाबो जुलिनि सम जाखाबाय”
थब्लं बुंगारदो दुरलाइया लाजिनायखौ बबावबा
दोनहरना ।

“ओ आयं बिखायनो नोंदा दैथुननि
थाखाय थुरिबारिया सासे रायथिदों बिखौनो नायनो
जों गाबोन सोरांब्लानो ओंखारलांगोन । लोगो लगो
दुरलाइनि बिखा बिख्लो सिरिलांनाय बादि मोन्दों
दसेनो । स्रो स्रो बार गुसु बारावबो बियो
गोलोमस्नावदों मोदैफोरा मेगन फैसालियाव ब्राम
ब्राम जाफैदों । हब्रा हब्रा बुंनो गोसो जादों बियो “
आयं दैथुना आंसो” । नाथाय बहा बावनासा जाना
अखांनि हाथरखिखौ थुख्लायनो गोहोआनो
जायाखिसै दुरलाइहा । बेसेबा गोबावनि थिखोमाना
दोन्नायखोथाफोरा सालाइ बिजौआव' दावहा खुंनाय
बादि नों ओंखार आं ओंखार सौग्रावलायदों ।

सिबाय Love नि
दोहौआव रुवाथि दुरलाइ.....!!



आं गोदानसोलै बाजै

निरन्जन ब्रह्म

सानसेखालि B.T.R रिजननि गंसे जिला बाकसा, मानास सेरनि रुपहि मुनि गामिनि गोदानै TET पास जाना मोन्नाय फोरेंगिरिया औरैहाय B.T.R नि बिखा क'क्राझार जिला टेङपारा गामियाव Transfer जाबोयो गंसे L.P. बड' मेडियाम फरायसालियाव । सिबाया थान्दा नरम संग्रायैनो एसे बैसो जासोनाय । गुबै खोथाया जाहैबाय बिथाङ खनुदिन क'क्राझार फेफेराखै मुंखौल' खोनादो । बिथाङ रुम भाङा नागिरनो लाबाय । हरै बाजै हटेल खाथियाव मोनबायबो आरो बेयावनो थानो लाबाय । नाथायबा हले खोथाया जाबाय न'नि मालिखआ फिसाय गारना बिमा-बिफानि न'आवसो थाफैफिनबाय गेजेर समाव बिमा-बिफाफोरा सोरगोयारि जानायलाइ फिसाजोआ बिफा लुना गालांनाय न'आवनो भाङा होना सोलियो । न'मालिखआ सानफा एफा मास्तार हौवाखौ बिजिरनो हमबाय बिबायदिनो बिसोर सानैजो गोरोबलायनो हमबाय थाम दानसो जाबाय । हौवाया बाजार खरच खालामना हिन्जाव संना जाहोग्रा जाबाय

थिक बेबादिनो सानसेखालि Vishal Mega Mart नि Opposite आव थानाय गांजेमा बाजारव हौवाया एम्फौ जानो लुगैना नागिरफैनायसै बिथाङ सौनायसै बाजै नौहानाव थानाय एम्फौआलाइ

बेसेथो फानग्राया बुंनायसै लांथारोब्लालाय मासेयाव 120 औरैनोब्लाथ' 150 रानि फानखायो जो बुंनायसै । मास्तारआ बागदाव खांबाय बेसेनखौ खोनाना बाकसायावलाइ माथो 60, 70 रानिलाइ मोनो माथो देसुन बाजै जायोब्ला हरदो 80 ब्लाबो बेबादिनो खुथार खुथार बिथाबबाय थानायाव फानग्रा बुरिया थिखिनि दावखोबाय आंनो 80 नि लाबोखानाय आं माबोरैलाय हरनो । ओजो बुरिया बिजामादै बेकार फिसाजोफोरखौ फिनांबाय थानायनि फुडावनो दावराव-दावसि जाबोखानाय । बेजोनो बुरिया दिड-दिड जोखांनायसै आरो बे मास्थारनावसो प्राव हगारनायसै । ओइ आदुवा लांनो बा लां लायाब थां क'क्राझार गांजेमा बाजारसो बे नौ बायाब्लाबो जोबो खहा गैया दानोबा 150 होनब्लाबो लांफैखागोन रुपाथि नोगोर सोहोरनि मेरला 1st Class थिखादारफ्रा होन्ना बुरिया लोगोसेनो लाङबा लाङ होन्ना थाथ्ता होनाय खाथिनिफ्राय मिनिगलाबनाय मास्थार बुंबाय लाजिनाय मोन्ना " आं गोदानसोलै बाजै" गांजेमा बाजारनि सोमोन्दै आं बार मिथिया होन्ना बिथाङ गोथां एम्फौखौनो फुआसे लांना मैथा गोजाजो प्रोम बानलु गोथां अरस'नो बायना संना जाहैनायसै । बेखौनो मालिखआबो जंखायसै खोनाना आं गोदानसोलै बाजै, आं गोदानसो ।



मिजिं

दिक्षसा बसुमतारी

क'क्राझार सोरकारि फरायसालिमा

बि.एस.सि. 3थि खोन्दो

फुंनि 8:30 रिगा। साहाजो लोकोसे इसे जाग्रा जाना लाखाना इसे गानसां-जोमसां गामिनिनो एल.पि. स्कुलसिम भट हैनो थांनो ओंखारदो अनारामआ। “आं थांग्रोबाय बिमा” होन्ना बिसिखौ राव होना गुजुस्त्रेमनानै लामार्थिं आवगायलांदो। गामिनिनो एल.पि स्कुलब्लाबो अनारामनि न'निफ्राय इसे गोजानआनो जायो। फुडवनो थाब होना फैना न'आव थाब खामानि मावफैफिन्नायनि मिजिंजो ओंखारदो।


लासै लासै आवगायलांदो अनारामआ। गोसोआव बायदि मैया सान्नाय। गोबां दाउराव-दाउसि गावजो गाव मोहेरलायनाय जाना थांबाय, इसोरा जायखौ देरहाहोयो बेनो जासिगोन। बुंनायावलाय बयबो खुगायाव खुसेरबिदै गोनां, सोर बेसेबां सैथो देरहाखांनायनि उनावसो नुसिगोन। ना लंकायाव थांब्ला बयबो राबन जाहैयो होन्नाय बादिसो जालायगोन सान्ना खनसे खदै ग्रद मन'दो अनारामआ। फारसेथिं नो-आं फ्रासो सैमा अरलायनाय बादि अरलायगासिनो। लेखा-फरायाव बारा आवगायनाय नडब्लाबो सानै गथ'नि बिफा अनारामआ कचुगाव थाइगिरिगुरि गामिनि सासे सानसुमै गोसोनि सुबुं समाज आरो हारिनि खोथा सानग्रा, इयुन जोलैनि गोजो जिउखौ हास्थायग्रा। आबाद मावनायजो नो खुनु-

रोखोमै न'खर खांबोदोब्लाबो सानै गथ'नि सोलोथाइनि गासै गोनांथिखौ जगायबोदो। समाजाव जाबोनाय बिसायखथिखौ लानानै बिफा-फिसा, बिदा-फंबायनि गेजेराव जाबोनाय दावराव-दावसिजो खर' सुबाव मोनहाबना दं अनारामआ। गोहोनि थाखाय जुजिलायनायाव हारिनि लाइमोनफोरखौ बो गाजि लामाजो दैदेनलांजोब्याय। गावजो-गाव जुजिलायबाय थायोब्ला गुबुन हारिजो बोरै जुजिगोन, हारिया बोरै जौगागोन बेफोरखौ सान्नानैनो सम सम उन्दुनो ओंखार अनारामआ। दिनैबो सानलांदो लामा-लामा। गावजो-गाव खौसे गैयैयावनो दिनै बर'फोरनि थामोनथाया गोमा लांनो हमगासिनो दं। बेफार-फालांगि, साखि-बाखि जेरावबो गुबुन हारिजो गादबजागासिनो दं। बेफोरजो जुजिनो बर' हारिनो नांगौ खौसेनि, हानायमानि सोलोथाइयाव थुलुंगा। इयुन जोलैनि जौगाथाइनि थाखाय हारिनि दैदेनगिरिफोरा फारफ्रोमबिथिडव गोसो होना खामानि मावनांगोन। बर'नि बांसिन न'खरानो आबाद मावनानै जाग्रा, खुनुरोखोमै न'खर खांग्रा, बिसोरनो आबाद जौगानायनि राहा खालामना होनांगोन। फरायफ्रामना थानाय एबा फरायनानैबो साखि-बाखि मोनैनि न'आव जिरायना थानाय लाइमोनफोरनो बेफार-फालांगि जुरिनो रंनि अनसुंथाइ

होनांगोन । आथिखालाव बर' आइजोफ्राबो गेलेनाय, मोसानाय-खन्नाय, फालांगि जेरावबो जौगाबोबाय, सरकारनि मोजां मदद मोनोब्ला आरोबाव आवगायनो हागोन । गामि-गामि गोग्लैसोना थानाय गात्रि जानाय लामा-दालांफोरखौ फोसाबना होनांगोन । लोमजानाय-साजानाय मददनि थाखाय जायगा जायगा फिसाब्लाबो हस्पतालफोर लुना होनांगोन, माखौ बुंथ्र'नो आरो गोबां दं । बिदिनो बायदिसिना सानस्त्रियाव गोदोलांना थाबायै थाबायै थांखिनाय जायगायाव सौहैखो आन्दासआनो गैया अनारामआ । गामिनिनो सासे

फंबायनि राव होनायावसो आंगो सांगो जादों । “ मा आदा थाबायनानैसो ? ” बाजैयालाइ ? गामिनिनो फंबाय जानाय सानसोरांआ राव होदों । “ औलै फंबाय, मैया फिसाज्ला उन्दैआ साइकेलखौ लांना गात्रि खालामना लाबोनायाबोलै, थाबायनानैसो फैनांबाय नोम्बाजैया दा लोगोफोरजों फैथोंसै, फैग्रोबाय आं ” बुंहरफिन्दों अनारामआ । दे दे आदा होन्ना साइकेलजों फरायसालिनि दरखंजों हाबलांदों सानसोरांआ ।

अनारामआबो खनसे गोलाव हां बोना लासैनो भट होनायनि लाइनआव गसंहैदों ।



दायना

बिलिफां दैमारि

बिजनि कलेज,

आरिमुजालिया 5थि खोन्दो

फुंबिलिनिफ्रायनो गा गा गाब्बाय थानाय मानैसो दावखा दन्दाखौ होस्त्रांहरबाय थानाया खेबनैसो जाबायमोन आं। नाथाय दिनै मानोना फिन गले गले सुमलि बिफाडाव बानानै गाबफैबाय थादों। दिनै बोथोरबो बारा मोजां नड। फुंबिलिनिफ्रायनो सान्दुं दुंबाडाखै, अखा दोमैलु। गोसोआ आंनि बेनिखायनो बारा मोजाम मोनाखै। आं एसे सन्देह' खालामदों- दिनै गामियाव माबा मोनसे जाथाइ जादों जानांगौ। नडब्ला गामाखालि गाबफेरै दावखा दन्दाया मानोथो गारामा फुवारसारना हब्रा हब्रा गा गा गाब्बाय थाखो ?

जाथाइया सैथोथार। नंगौ जाथाइयानो जामारदों। जॉनि गामि नारबारियावनो मोनसे बर' समाजाव जाफ्लेबाय थाग्रा जाथाइयानो थानाय हरनि समावनो जानानै थांबाय। सि: सि: मा इसे गाज्रि थासारि जॉनि गेजेराव। बे थासारिया दाबो मानो बर' समाजनि गेजेरनिफ्राय जायखारलाडा ? आं जोबोर दुखु मोनबाय खौरांखौ दुखुनांथाव खोनानानै। सि: सि: बे बायदि जाथाइया इयुनाव दाजाथोंसै.....हे इसोर.....!!!

आबै लावगि ! जानाय खौराडा दिनै नारबारि गामियावल' नड सार क' क्राझार आरो सार आसाम नाडै-नो News portal फोरवबो नुजानो गोनां जानानै

फैदों। जॉनि बेफोरबादि जाथाइ जानायनि गुदिखौ जॉनि समाजाव लेखा-फरा मोजां सोलोडै आरो गियाननि फारसे गोसो होयैयावनो जायो होन्नानै सानो आं। सोरबा सुबुंखौ थांनानै थानायाव जों गोबां मुं सुगोन नाथाय जेब्ला बियो Suicide यानो जा, सोरनिबा आखाइयाव बुलियानो जा, बाराखौ बुंलायनाडा थैना थांनयानो जा..... जों बयबो आय ! होन्ना बुंजोबगोन। आय ! होन्नायनि सिगां जों मानो थांनानै थासान्दियाव सुबुंजों सुबुं अनलायनो रोड ?

गथ'-गथाइ गैजायै आबै लावगिया खोला जोबथारनाय लागोआव गंसे थुरि न'नि खामलाब लाब न' गंसे लुना थायो। फिसाइ थैजानाया बोसोर 20 आनो जाबायदां.....!!! आबैया फिसाइ थैजानायनिफ्रायनो हारसिडै थानो गोनां जादों। फिसाइ थैखांनाय उनाव बियो फिन जुलि जाफिनाखैमोन, गावनि आंगो गथ'-गथाइ गैयाब्लाबो। बेयो हारसिडै मैगं-मैला हाग्राबारिनि फ्राय बुधुमनानै, ना-खांखाइ साम' खन्नानै हाथाइयाव फानना जिउ संसारखौ दैदेनबोगासिनो दंमोन। बारखौ मा बुंनो बिथाडा गथ'-गथाइ लोमजानायनि एफा-एनै हाग्रानि मुलिबो होनो रोंसाबगौमोन।

सानसेखालि आबैया बाजारनिफ्राय मैंग फान्ना नै गिदिंबोफिनब्ला अखा हाथेजानानै गब्लानि लांगोनायाव थाबथादोंमोन। नाथाय अखाया बारा हानायलाइ बियो दान्दिसे गब्लानि न'आव जिरायथ'हैदोंमोन। बे समाव गब्लानि सप्तासेल' जोनोम जागोदान गथ'आ गोब्राव लोमजाना दंमोन। बेखौनो नुनानै आबैयानो हाग्रा बंग्रानि मुलिनि लैखोनखौ फोरमायबोदोंमोन।

थानाय समनि उनावनो दिनै आबै लावगिनि जारिमिना मा? थानाय सप्तासे आगोलाव गब्लानि जोनोम जागोदान गथ'आ आबै लावगिया जेब्ला गब्लानि न'आव हाबहैदों बिनि उनावनो थैदोंमोन। दिनै गब्लानि फावफान्दायनायाव गामिनि

मानसिफोरा गोबौ हाथियारनि गेजेरजों हर गेजेराव ' दायना' होन्ना बुथार हैदों। बेयो बर' समाजनि गिदिर् जेंना। नाथाय खौरांखौ खोनानै जोबोर दुखु मोनबाय आं। आबै लावगिया 'दायना' नड। बुंनो थाडोब्ला गब्लानि गथ'आ आगोलावबो सासे थैखांबाय। बिगियाननि बादि बिजिरोब्ला बेयो नुजागोन Sex हरमननि माखासे problem जेंना।

“ओइ” बिलिफां मा सान्दों ” हरखाब बागदावखांदों आं रिन्दावनि फाफिलयाव हरखाब बुनायाव।”

“ बिब्दिनो गोसोआ गाज्रिलै दिनै आंनि” बुंनानै जिरायनायनिफ्राय सिखांना गामि फारसे थांबाय जोंबो।



३४थि ईशान मोसाहादि गोसोखां सान फालिनायाव
खुंजानाय जायगायावनो सुंद सल' लिर्नाय बादायनायाव
सोथि बान्था मोनगिदि!

बर' हारिमु जौगाहोनायाव लाइमोनफोरनि बिबान

प्रिया रामसियारि

बड'लेड मुलुगसोलोसालि

फालांगि बिफान 3थि फरायसम

जागायनाय:- बर'फोरा मंगलिय' फोलेरनि मोनसे हारि। गाहाइयै आसामनि थागिबि। जों बयबो मिथिगौ मोनफा हारिया थांना थानो थाखाय राव, थुनलाइ, हारिमुनि गोनांथार बेखायनो हारिमुखौ मोनसे हारिनि सिनसि होन्नानैबो बुंनाय जायो। बर'फोरा गोदो रइजो जाजेन्नाय समनिफ्रायनो आंगो राव, हारिमु दंखायो। बर' हिन्जाव एबा आइजोफोरा गाव-गावनि रेंगौथिजों मिथिंगानि नुथाइफोरखौ सोरजिना गान्नाय-जोमनाय, सि-जोम आरो आगर आखाइफोर दानानै गानोमोन जायफोर नुनायाव जोबोद समायना आरो मेगनाव गोनांमोन। बेजों लोगोसे दामनाय-देनाय जैरै-खाम, जथा, सिफुं, खुगा-खुगाजों सोलिबोनाय खुगा मेथाइ बायदिफोरा बर'हारिनि रइजो जाबोनाय एबा थांना थाबोनायनि सोमोन्दै फोरमायना होयो। हारिमुनि सोमोन्दै गेदेमाफोरा गोबां बानबुंथाइ होलांदों जैरै-इडवार्ड टैलरआ बुंदों- "Culture is that complex whole which includes knowledge, belief, art, moral, law, custom and any other capabilities and habits acquired by man as a member of society." हारिमुआव सुबुंजों सोमोन्दो थानाय गासैबो हाबफानानै थायो। बेफोरखौ फोथांना लाखिलांनो थाखाय दायो बर' लाइमोनफोरनि गोबां बिबान दं। जों मिथिखागौ

मोनफा हारिया थांनानै थानोब्ला इयुनजोलैफोरखौ सोनारनानै थानो गोनां जायो। जायनि थाखाय बुंनाय जायो दिनैनि लाइमोना गाबोननि नोगोरारि एबा दैदेनगिरि। बेनिखायनो बर' हारिनि हारिमुखौ फोथांना लाखिनायजों लोगोसे दानि आरोदामिनारि मुगायाव माबादियै जौगा होनांगौ बेफोरखौ मावफुंनो लाइमोनफोरा सिगां फारसे आवगायनांसिगौ।

बेखेवनाय:- बर'फोरा गोदो गोदायनिफ्रायनो सोलिबोनाय दोरोडारि गान्नाय-जोमनाय, दामनाय-देनाय, दोहोरोम, राव, आरिमु आसार-खान्थि दं। जायफोर बर' हारिनि जारिमिन आरो थांना थानायजों गोथौ सोमोन्दो गोनां। जैरै-आर'नाइ, दख'ना-गामसा, खाम, जथा, सिफुं बायदि। बेफोर मुगानि उनाव मुगा एफा-एफायै सोलायबोनो हमदों। जायखौ दानि लाइमोनफोरा नोजोर होनांगौनि गोनांथि दं। दिनैनि मुगाया बिगियान आरो बिरोंदामिनारि मुगा, गोजामखौ गोदान-गोदान आदब -खान्थि फोरजों दिहुन्नाय, सोदांनाय आरो सोलायनायाव मुखुब। बेफोरखौ नोजोर होयोब्ला बर'फोरनि गान्नाय-जोमनाय जैरै-दख'ना, आगर आखाइनि महरफोरबो सोलायबोनो हमदों। जेराव दोरोडारि सिनायथिफोरा खायसे गोमा लांदों आरो खायसेबा गोदान सिनायथि

मोन्दों। बेफोरखौं दायो सोल्लोथाइ मोन्नाय साफ्रोम लाइमोनफोर बिजिरसंनांसिगौ। दिनैनि लाइमोना गोदान गोदान दिहुन्थाइ आरो फेसन, मडेलिंजों गोरोबनानै थानो मोजां मोनो। गोजामखौं गोदान सोरजिनायजों बाहायनो मोजां मोनो। नाथाय गोदानखौं मोन्दों होन्नानै जों दोरोडरिखौं गारनो हाया। जेराव जों मिथिखायो हारिमुनि गासै धादेरसायानो जों सुबुं जिउनि गोनांथार सम्पद आरो बेफोर दोरोडरिजों सिथावफानानै थानाय। बेनिखायनो लाइमोनफोरा गोदानखौं बाहायनायाव जाहाथे दोरोडरिया हावफानानै थायो वेखौं नोजोर होनानै गोदान दिहुन्थाइ फोरनि विथिडव सांग्रां जानांगौ।

हारिमु जौंगा होनायाव लाइमोनफोरनि बिहोमा : - हारिमुवा सुबुं माहारिनि महर मुस्लि। हारिमु जौंगाहोनायाव लाइमोनफोरा गोबां बिबान दं। वेजों मोनफा हारिनि हारिमुवा थांना थानायनि बोलो मोनो। दानि लाइमोनफोर सोल्लोथाइजों लोगोसे गाव-गावनि राव, थुनलाइ, हारिमुनि विथिडव जौगासारनायनिबो खामानि मावनांगौ। बर' हारिमुवा दिनैनि थासारियाव गोबाडनो जौगाबाय नाथाय बोथोर आरो बुब्लि गुस्लायनाय बादि माखासे दोरोडरि आगर आखाइ, दामजु, मेथाइ बायदिफोर गोमालांनोबो हमदों। बेफोरखौं दानि लाइमोनफोरा वुरखांफिन्नांगौनि गोनांथि दं। बर' हारिमु जौगाहोनायाव लाइमोनफोर मा मा बिबान दं गाहायाव होनाय जाबाय-

गान्नाय-जोमनाय:- बर'फोरा गोदो गोदायनिफ्रायनो सोलिबोनाय दोगोडरि गान्नाय-जोमनाय दं। जेरै- आर'नाइ गामसा, दख'ना, फालि जोमग्रा बायदि। बर'नि गान्नाय-जोमनायाव एखुथा

बोगथावमा गुन दं। बोथोर नायनानै बेफोर सि-जोमखौं बाहायनो हायो। गोजां बोथोरनि थाखाय गुदुं सि आरो गोलोम बोथोरनि थाखाय गुसु जानाय सि सायख'ना बाहायनो हायो। बेफोर गोनांथि आरो खाबुखौं नायनानै बर' लाइमोनफोर गावनि हारिनि सुबुंफोरनि अनगायैबो गुबुन हारिनि गेजेरावबो मोजां बाहायथिनि गुनखौं मिथिहोनो अनसायहोनो आरो थुलुंगाखां होनो हायो। बेनिफ्राय हारिनि गान्नाय-जोमनायनि सिनायथिया गोसारनो खाबु मोनो।

दोरोडरि दामनाय-देनाय:- बर'फोर दोरोडरि दामनाय-देनाय दं जेरै-खाम, जथा, सेरजा, गंगोना बायदि। बेफोरखौं बर' लाइमोनफोर गोमा लांनो लानायनिफ्राय सोरडव लाबोनो हायो एबा लाबोनो नाजानांगौ बेफोर दामजुफोरखौं बाहायनाया एबा दामनो देनो गोरोड सिगांनिफ्राय बाडय सिनलांनो हमदों। बेखायनो बेफोर दामजुफोरखौं गाव-गावनि गामि, ओनसोल, सोल्लोसालिफोरव फोरेंनो एबा सोल्लो नानायनि रहा खालामना लानो नांसिगौ। बेनिफ्राय हारिमुवा थांना थानायनि बोलो मोनगोन। मानोना बर'नि बेफोर दामजुफोर जोबोद गोदै देंखो गोनां।

दोहोरम: - बर'फोरनि गाहाइ दोहोरमानो जादों बाथौं। बाथौं दोहोरमाबो गुबुन जौगाखां दोहोरम बादि आसार-खान्थिजों आबुं मोनसे दोहोरम। जाय दोहोरमा बर'फोरनि हारिमुवारि सिनायथिखौं बेरखां होयो। बर' लाइमोनफोर बे दोहोरमखौं फोथांना लाखिनायजों लोगोसे जौगा होनायनि खामानि मावनांगौ।

फालांगि:- बर' लाइमोनफोर फालांगि बिथिडवबो नोजोर होनांसिगौ मानोना दिनैनि मुगाया बादायारि मुगा। मोनसे हारिया जौगादोब्लाबो गावनि सिनायथिखौं हादर-हादरमायाव गोसार होनायनि गेजेरजों

गुबुना अनसायनाय बाहायनायनि गेजेरजोंबो जौगासारदों ।
बेखायनो बर'फोरनि गान्नाय-जोमनाय सि
बायदिफोरखौ फालांगियारि रहाजों हादर हादरमानि
हाथाइसालिफोरव फन्नायनि गेजेरजों गोसार होनो हायो ।

दावबायनाय:- दोरोडारि गान्नाय-
जोमनायजों गुबुन -गुबुन जायगायाव दावबाय नांगौ ।

सावथुन, थियेटार, फावथाइ:- बर'
लाइमोनफोर सावथुन, थियेटार, फावथाइफोरव बर'
हारिमुनि आवुं सावगारि, जाथाइ, संसार जाबोनाय
बायदिखौ बेरखां होना दिन्थिनांगौ ।

थुनलाइ:- थुनलाइ सोरजिनायनि गेजेरजों
बर'नि हारिमुखौ गुवार मासि होनांगौ । खन्थाइ, सल',
सल'मा, राइथाइ बायदिनि गेजेरजों बर' हारिमुनि
सोमोन्दै गुवारै मिथिहोनो हायो । हारिनि हारिमुखौ
अनसायनो थुलुंगा गोनां आयदाफोरखौ लानानै
सुजुनांगौ ।

सावराय मेल:- सावराय मेलनि गेजेरजों
हारिमुवारि आयदा लाना राइजो राजा बर' सुबुंफोरजों
सावरायनांगौ । गोरोंफोरखौ हारिमु जौगा होनायाव
खामानि मावनो ओंखारबोनो खावलायनांगौ ।
बयखौबो हारिमु अनसायनो थिन्नांगौ ।

फोरबो:- बर'फोरनि आंगो फोरबो जेरै-

बैसागु, मागो गासा सावनाय, आमथिसुवा बायदि
फोरबोफोराव गावनि आंगो गान-जोमखौ गान्ना
रंजानांगौ एबा दिन्थिनांगौ । बर'नि दोरोडारि दामनाय
देनायजों लोगोसे मेथाइफोरखौ बाहायलानो नांगौ ।
बेनि अनगायैबो गुबुन हारिनि फोरबो जेरै- दुर्गा पुजा,
कालि पुजाफोराव दख'ना गामसा गानना थांनो नांगौ ।

फोजोबनाय:- आथिखालाव बर'नि हारिमु
गान्नाय-जोमनाय, दामनाय देनायनि देंखो, दोहोरोम,
आसार-खान्थि बोथोरजों लोगोसे गुस्लायनानै
गोदानारियाव हाब्बाय एबा सोलायबाय । बर'
लाइमोनफोरा जाहाथे बेफोरखौ नोजोर होनानै गोदान
सोरजिथाइखौ बाहायनायजों, गोजामखौबो हमथानानै
लाखियो । दानि गोनोखो मुगायाव गोरोबनानै थांना
थानो गोदान सान्नाय-हनाय, गोदान दिहुन्थाइ, गोदान
सोरजिफोरखौ लाइमोनफोरा नायबिजिरसंनानासिगौ ।
गाव गावनि रोंगौथिजों हारिमुखौ गोसार होनाय जौगा
होनायाव बिफाव लानासिगौ । बेफोर मावखान्थिजों
बर'नि हारिमुखौ गुबुना मिथिना, अनसायनाय,
बाहायनायनि गेजेरजों सानसे बर' हारिनि हारिमुआ
मुलुगमायारि दरबाराव सिनायथि मोनगोन ।



३४थि ईसाब मोसाहादि गोसोरबां सान फालिनायाव
रुंजानाय न'आव लिन्ना लाबोनाय र्न्साइ बादायनायाव
सेथि बान्था मोनगिरि।

नोंनि थाखाय

मुस्त्रि नायस्त्रां बरगयारि
बेंथल फरायसालिमा,
आरिमुजालिया 5थि खोन्दो

“मेगननि मोदैख्रौ गहोगोन
देहानि गोलोमदैख्रौ गस्ख्रोगोन
गोनांथिब्ला गोजा थैख्रौबो फस्ख्रोगोन आं!”

बाश्राया जावले-जावले रिफिखांदों लहानि
जोबथेसालि सिंआव थांनाय सोमदोननि गोरबोआव ।
मोनसे दिगजों नाहरनानै नायगोमोना गोलाउ हांमा
सुरदों । बैसोआ सानै ग'थनि बिफा जानो समायबाय ।
दोंफा-दोंनै खानायफोराबो फु रहांबाय ।
जोबथेसालियाव थाबोनांनाया 10 बोसोरसिम
जावोबाय । बेनि जोबथेसालियाव थाफैनांनायनि सुंद'
जिउ जारिमिनखौ मिथिनोब्ला लाइमोन जिउनि मोजां
मोनज्लाइनायनि सावगारिफोरखौ सल'आव एसे
एखांनो गोनां जायो । दा बेनिखायनो फैदो गुबैयै
नायलांदोनि ।

सोमदोन आरो कल्पनाया गोथौ मोजां
मोनज्लाइयोमोन । फारनैबो नख'रनि दिथागिरिफोरा
हेंथा गैयामोन । बेयो 15 बोसोर आगोलनि बाश्रा ।
सोमदोननि गोरबोआव दान्टेनि गोरबो आरो कल्पनानि
गोरबोआवबो जयमतीनि गोरबोआव जायगा
लादोंमोन । सासेया सासेनि गुबुन नडामोन । जेरावहाय
जरासे दावथुनि गोरबो आरोबावसो गोथौ थार

सोमोन्दो । हि. हि.हि..... बेफोरखौ
एखांजोबाब्लाबो जासिगोन ।

मोनसे सान । गोजां बोथोरनि सम । फुडव
थाब सिखारब्लाबो खुहाजों खोमसि जायो । कल्पना
आरो सोमदोनजों गंसे गामिनिनो । गामिनि मुड
सालबारि । बिसोरो दिन बेरेफुंजानि लोगो
हमलाइगोननि खोथा दं । रावबो नुस'यै समाव फुं
थारावनो सानैबो सिखारदों । सासेया गुबुन सासेनि
गोदै-गोथाव खोथासंलायनो मोनगोनखाय गुद-गुद
एखथुबाय थादों सानैनिबो गोसोआ । खुहाजों
साग्लोबनाय खोमसि फुडव बेरेंसि दैमा सेराव
कल्पनाया सिगां सौहैग्रोदों । सोमदोनखौ नेबाय
थानायावनो दसे उनाव सौहैयो सोमदोनाबो ।
कल्पनाया एसे बोराबलाज्लायो ।

कल्पना : “ दासो दुगा..... ?”

सोमदोन : “ औलै स'ना गोजांनायखाय
थाब सिखार रोडखै आं ।”

कल्पना : “ दे थगायसुला । ”

सोमदोन : “ थगायसुलाया मानोथो बेयाव सफैखो आंलाय जामबि..... ? नै होमब्लालाय थांफिननोसै आं। ” (गिदिंब्लायो)

कल्पना:ओइसिदददद.....!

(आसि थाइसेखौ खुगायाव आखाय होयो, आखाय फारसेजो सोमदोननि आखाययाव थाबुं हमथाहरो) आरो “बुंफिनो बेवहाय जिराय जाम्बा।”

खाथियाव बोलांना गांसोबारियाव फज'यो। गावबो खाथियाव स्त्रें ज'फायो। गाव जोमनाय उल सिखौ सानैजो जोमना गोबालायो। जेराव जरासे दावथु बादिसो ! बोरसि दैमानि हांसो सिलारिफ्रा लाजिखुमाना जिजि-जाजाय गाबस्त्रियो सिरि-सिरि। ना-खांखाइ फोराबो लाजिनायजो गावबागाव गुदुडव ब्रे हाबसोना थाजोबो। जानांगौ नोंथां फरायगिरि मोनहाबो हमनो हाखाबाय ना-खांखायफोरा मानो लाजिनायजो एरसोदो। गोसोनि गासै खोथाफोरखौ बै सानाव बिसोरो सानैजो उदां गासोयै फोरमायलायो। अराय समसिम जिउ थाजासे थैस'-थांसनि थाखाय रादाय खायो। आरो बै बाथ्राखौ सोमदोन बुंदोमोन-

“ मेगननि मोदैखौ गहोगोन

देहानि गोलोमदैखौबो गसरहोगोन

गोनांथिब्ला गोजा थैखौबो फसरहोगोन आं।”

अब्ला कल्पनायाबो बुंफिनो- “ नोंनि अराइबोनि जिउनि आं आरो नोंबो आंनि जिउनि।” बिसोरो बै दैमा सेराव फांसे कृष्णसुरा बिफां गायना गारबोयो। सान नुजानायजो लोगोसेनो सानैबो गावबागावनि न'आव आगान सुरबोफिनो।

सोमदोन आरो कल्पनानि मोजां मोन्नाया जैरैबादि गोजाम जाबोगासिनो थारो बिब्दिनो बोथोराबो बारलांबाय थारोमोन। बे समावनो बांगालजो बर'जो

दावरव। माने सिथारलाइनायनि-बुथारलाइनायनि सम। सोमदोननि गामियावबो साथाम बर' सिख्लाफोरा बांगालफोरजो मोनानि समाव जिनाहारि खालामना बुथारना गालांजादो। फुंआव खोनानानै सोमदोना मोखां सुवालासिनो सोमदोना नायनो थाखाय खारलांदो। गामिनि राइजो-राजाफोरा गंसे न'खराव जमा जाना दंजोबोमोन। नुबाय साथाम बर सिख्लाफोरा हायाव दं आरो बेखौनो लोब-लोब मानसिफोरा बैखन्नानै नायदो। बै साथाम बर' सिख्लाफोरनि थैनायनि गेजेराव कल्पनायाबो सासेमोन। सोमदोनआ नुनाय लोगो लोगोनो सारअन्थाइ गावजानाय बादियैनो गोमजोरैनो गसंनो सोमोनांदो। लोगो-लोगोनो बियो न'आव खारबोफिनदो, आरो गंसे थुंग्रिखौ लानानै जोनो-जोनो जोंख्लाव लायनाय उन्दो। उदखारि बांगालफोरखौ फोजोबसांनो होन्ना गंसे बांगाल गामियाव हारसिडैनो खारलांदो। रेदें-रेदें बांगालफोरा गामि गंसेयैनो थैफ्रामजोबदो। सोमदोननि थुंग्रि खिल्लं-ख्लाब सिबनायाव। बिब्दि हाबा मावनायनि थाखायनो सोमदोनआ जोबथेसालियाव थानो गोनां जादोमोन। जोबथेसालियाव थानानायनि गुबै दायनिगिरि महरै बेनोमोन। दानिया फैदो नायलांबावदोनि -

सोमदोनआ दिनै जोबथेसालिनिफ्राय गनांगौनि सान। एसे गोजोन मोन्दो नखरनि जाथिफोरा सौहैजोब्बाय सोमदोनखौ लायनो थाखाय। नुनानै गोबावनि उनाव मिनिसांलायदो। दसेनि उनावनो सोमदोन थानाय लखाबनि दरजाखौ पुलिस सासेया खुलिना होफैयो। थारैनो न'फारसे आगान होफैनो ओंखारबोयो। लामाजो फैनाय समाव गावसोर सिगां गायना दोननाय बेरैसि दैमा सेरनि कृष्णसुरा बिफांखौ नुबोयो। नुबाय बिफाड जोबोद गिदिर देरबाय


सोमदोननि फारनै मेगननिफ्राय मोदैल' ज्राम
बोहैबोयो।

दुखुनांथाव बाध्रा। बै सानखालिनो
जोबथेसालनिफ्राय फैनाय दिनखालिनि हरनि समाव
सोमदोनआ बै समाव कल्पनाजों गावजों गायलांनाय
कृष्णसुरा बिफां गुदियाव थांदोंमोन। आरो बे
बिफाडावनो फासि नांना सोमदोननि जिउआ बे

बुहुमनिफ्राय बिदाय लालाडे। दिनैसिम बै बिफाडा
दडु बैतलनिफ्राय सालबारि थांनाय लामायाव बैरेंसि
दैमा सेराव फांसे गिदिर कृष्णसुरा बिफां नुयोब्ला
बिनो। थैनायनि सिगां फुथिहां-फुथियाहां रावजों
सोमदोनआ बुंलांदों बाब्राब-बाब्राबनो....
“नों...नि...था.....खा.....य। (नोंनि थाखाय)।”



न'आव लिबना लाबोनाय बुंद' सल' बाबायनायाव
उथि बान्था मोनगिबि!



जुमाय फागला

फ्रिजिका नाजरी

सेन्ट एनस कलेज, बालागाव

दाबसे थुरिबारि गामियाव दुखिराम मुंनि जुमाय फागला दंमोन। बियो सानफ्रोमबो मावआ-दाडा जुमाय दखानआव गोदोफबनानै थायो। दुखिरामहा गोसोआव गुबुननि फारसे एसेबो मोजां सान्नाय गैला। बियो खालि गावनि लौनायनि थाखायल' सान्नो हानाय जाबाय।

मोनाबिलि समाव लौनानै फेब्ला सानफ्रोमबो गामिनि गाहाइ नेहाथारि एबा गावबुरानि न'आव थांनानै दावराव खालामहैबाय थायो। दुखिरामआ महन गावबुराखौ थांखिनानै बुझे। ऐ महन गावबुरा बोरइ। नौ मानो गामिखौ एसेबो मोजाडै दैदेननो रोझ। मानो जौबादि हावरिया न'खरखौ नायसनआ। बेफोरबादि लौनानै दुखिरामआ महन गावबुरानि न'खराव दावराव खालामबाय। महन गावबुराया बुंबाय-दुखिराम, नौ बेफोरबादि जुमाय

लोडै लोडै गावनि देहाखौबो एसेबो जोथोन खालामा लासे मानो बिदि गोदाव-सोराव खालामबाय थायो। नौ बेफोरबादि लौबाय थानानै नौनि न'खरा माबोरै मोजां जानो। नौ आरो आं जौ बयबो मोजां दिन्थियाब्ला उननि गथ'फ्रा बोरै मोजां आखल दानो हानो। जौ गाहाइफ्रा मोजां आखल-आखुखौ दिन्थियाब्ला जौनि समाजा बोरै मोजां जानो। बेफोरबादि जुमाय लौबाय थालायबाय थायोब्ला जौनि समाजाव गोबां जेना उजियो। दानिया दुखिराम जुमाय फागलाया महन गावबुरानि बुंनाय बाश्नाफोरखौ गोसोआव नांनाय मोनबाय आरो महन गावबुरानियाव निमाहा बिनानै गावनि न'फारसे आगान सुस्ताडे।

जुमाय लौनाया न'खराव आरो समाजावनो असान्ति खालामो।



मडार्न जुगनि आइजो


नोजोर बसुमतारि

बडइगाव फरायसालिमा, आरिमु जालिया 5थि खोन्दे

फुंबिलि ओंखाम जाखांना दसे जिरायनाय मुडै नो आंनि रुमनि खामसालियाव दिनैनि Bodoland रादाब नायनो होन्नानै आं आंनि मबाइल फनखौ Internet अन खालामनानै नायनो हमो । दिनै रबिबारबो बेखायनो मा खालामना थानो सान्नानै औरैनो थास्लाय स्लाय Bodoland रादाब नायो आं ।

हे.....हे.....हे..... मा जालायखोब्रा ? दसे मिनिनानै सान्नायजो दुखुबो फोरमायो आं । You Tube अन खालामना नायग्रोमोना दिनैनि Bodoland रादाब Channel आव सासे हाबा जाखानाय आरो 5 बोसोर आरो 2 बोसोरनि गथ' थानाय आइजो खारखुमा लांनायनि News सो नुसनबाय आं । दोथ थोरे हारसिनो बायदि मैया सान्नायजो मिनिनो ओंखारो आरो दुखुबो मोनो आं । गोसोआव News खौ नायना बायदि मैया बाथ्रा बेरखांफैयो आंनि गोसोआव । दिनैनि बर' आइजोफोर संसारखौ बुजिला नामा ? जेब्लाबो हाबा जाखानाय बर' आइजोफोरखौल' खारलांनाय आरो

दोनखारलांनायल' नुनो मोनथारसै । मा जाजोबखो । हाबा जानायखौथ' दोनथ'बाव फिसा थाखानाय बर' आइजोफोरखौनो खारखुमालांनाय बांसिन नुथारसै । संसार होन्नायखौ बुजियाब्ला मानोथो हाबा जायोब्रा, दोथ थोरे.....! दा मोजां जाबाय बे गथ' गथायखौ गाबगु खुगु खालामना गारलांनाया ? इसस.....! बायदि मैया बाथ्राफोर आंनि गोसोआव बेरखांफैयो । उन्दै उन्दै बैसोफोरवनो हाबा जानोसै बेखायनो संसारनि बागै गोथौयै मोनथिनो रौला । बेफोर बादियानो बर' हारि आरो बर' समाजखौ गुबुंले खालामो । बर' आइजो आफादाबो बेफोरव गोसो दंना गैला जाखो ? नोजोर होयोब्ला मोजां जासिगौ । इयुनाव बिदि समाजारि जाथाइया जाबाय थायोब्ला बर' हारिया गुबुनजो मिनिजानाय भावसो जाहैगोन.....! रागा जौनानै बायदि मैया सानपलांना News खौ नायालासे Off खालामना बायजोआव बेरायनो ओंखारलांनायसै आं.....!



38थि ईसाब मोसादादि गोसोब्रां साब फालिबायाव
खुंजानाय जायगायावनो मुंद सल' लिनुनाय
बादायनायाव थामथि बान्था मोनगिदि।

बर' हारिमु जौगाहोनायाव लाइमोनफोरनि बिबान

मुस्त्रि जयन्त रस बर'

बरमा फरायसालिमा,

आरिमुजालिया 5थि खोन्दो

1.00 जागायनाय:- बर' हारिमु जौगाहोनायाव लाइमोनफोरनि बिबान आयदानि सायाव लिरनो लानायनि सिगाडव हारिमु माखौ बुंनाय जायो हारिमुआ मा ? बेनि सोमोन्दै लिरप्रोनो लानाय जाबाय-

बर'फोरा गोदो जारिमिन मोन्दांस'हायै समनिफ्रायनो गावनि आंगो हारिमु दं। हारिमुआ जाबाय मोनसे हारिनि "गंसे आयनाबादि" जैरै- आयनायाव जौनि महर मुस्त्रिखौ रोखायै नुयो थिग बेबादिनो गंसे हारिनि जौगानाय, थांनाय थैनाय, गोसारनाय बायदि बिथिड हारिमुनि बायदि गेजेरजौ बेरखांजोबो। हारिमुआ जादौ माहारिखौ आबुं महर मुस्त्रि होना नै सालायग्रा मोनसे गाहाइ बेगें सिनस्त्रिबादि खामानि मावो। जायखिजाया मोनसे फोलेर एबा हारिनि हारिमु होन्ना बुडोब्ला जौ बेखौनो रोखा मिथियोदि जाय हारिनि हारिमु जानाय-लौनाय, गान्नाय-जोमनाय, हाल-खदाल, मोसानाय-मुसुरनाय, दामनाय-देनाय, दानाय-लुनाय बायदि महर-मुस्त्रिया आबुडै बेरखाडो बेखौनो बै फोरलेरनि एबा हारिनि हारिमु होन्ना बुंनाय जायो। मोनसे हारिनि हारिमु होनोब्ला हारिनि हारिमुनि लौगोआव रव, दोहोरोम, फोर्बोखौबो मख'नांगोन। मोनसे हारिनि हारिमुआ रवखौ एंगारना एबा दोहोरोमखौ गारना हारिमुआ महर-मुस्त्रि मोना।

थौजोडै बुंनो थाडोब्ला हारिमुआ रव आरो दोहोरोमखौ नेवसिना मोनसे हारिनि हारिमु जानो हाया। बुहुमनि गासै हारिआनो गावबा-गाव हारिमु दं। जाय हारिया हारिमु गैया बै हारिया बे बुहुमाव सिनायथि गैया। बेनिथाखायनो गंसे हारिनि जौगानायखौ हारिमुआसो लाबोयो आरो मुलुगनाडारि सिनाय जायो। बिनि थाखायनो गाहाइयै हारिमुखौ जौगाहोनांगौनि बिबानाबो खम नड। लाइमोन समफारियाव मोनसे हारिनि हारिमुखौ गोगो आरो गोगोम लाखिनो नाजानो नांगोन। दानिया लाइमोन सोरबादिखौ बुंनाय जायो आरो लाइमोनआ सोर बेखौ सिनायप्रोना लाप्रोदिनि-

लाइमोन होनना बुडोब्ला 11-12 बैसोनिफ्राय हमनानै 19-20 बैसोसिम लाइमोन बैसोखौ हमनाय जायो। जाय समनि गेजेरजौ सासे सुबुंनि देरनाया जाखांबोयो बिजौ लौगोसे सान्नाय-हनाय, सोलौथाइ लानाय आरो बुजि मोन्नाय गोहोआ जौगाबोयो। हारिमु जौगानाय बिथिडव बैसरबादि लाइमोनफोर गंसे माहारिखौ सार मुलुगनाडै सिनायथि होनायाव मदद लाबोयो। जाय लाइमोननि हारयै-मेलेमै, नाजानाय, बावसोमनाय आरो गोगो सोलौथाइ गोनां गुण थानायनि गेजेरजौ जौगानाय हास्थायसुला लाइमोननि गेजेरजौ हारिमुआ जौगायो। हारिमु जौगाहोनायाव लाइमोनफोरनि लानो गोनां माखासे

बिबानफोर दं। दानि मुसुगनाडारि (Globalization) मुगायाव सारा मुलुग जौगाहोनो थाखाय ? हारिमुखौ बयबो लाइमोनफोरानो अनसायनो नांगोन।

2.00 साफ्रोमबो लाइमोनफोरा हारिमुनि फारसे गोसो थानांगोन : - मोनसे हारिनि हारिमुखौ फोथानो आरो जौगाहोनो थाखाय बै हारिनि सुबुंफोरा एबा गाहाइयै लाइमोनफोरा बेनि बिबानखौ बान्नानै लाथारनांगोन। बेनि थाखाय बै हारिनि लाइमोनफोरा बे हाबाखौ मावफुंनो गोसो गोथार थानांगोन। सासे लाइमोनानो इयुन समफारिनि सासे समाजनि दैदेनगिरि जाहैगोन। जौं जौंनि हारिनि हारिमुनि गेजेरजौं मुलुगनि सुबुंजौं सिनाय जानो हानांगोन। अब्लासो हारिमुआ जौगानाय फैगोन। नाथाय दानि लाइमोनफोरखौ नोजोर होयोब्ला जौं माखासेखौ गावनि हारिमुखौनो नेवसिनानै गुबुन हारिजौं गोरोबनानै थाहैनाय। गावनिनो असे फिसाया एबा लाइमोना बिदि नेवसिनायाव गुबुना गादबना दोननो गोबां सोलो मोनसिनो। जायनि थाखाय दिनै गावनि हारिमुआ थैहां-बरबहां जानानै फांसे बिफां बादि रानज्रंलांनो हमदों। जौंनि माखासे लाइमोनफोर दं जाय गावनि रावखौनो रायज्लायनो लाजियो। जौं बाथ्रायाव मोनबोनाय “घरर सत्रुथिविसन” होन्नाय बादि जायोब्ला बर’ हारिनि हारिमुआ बे मुलुगनाडारि थासारियाव थैलांनो बेसे गोबाव ? सौंथि जायो। बेखायनो जौंनि हारिमुखौ फोथानानै लाखिनो थाखाय हारिनि साफ्रोमबो लाइमोनफोरानो गाहाइयै गोसो गोथारै हारिमु जौगानायाव बिबान लानो हानांगोन।

3.00 मुलुगनाडारि थासारियाव हारिमुखौ बोरै जौगाहोनो :- मुलुगनाडारि थासारियाव जौं नुनो मोन्दों मुलुगनि बयबो गावबा गावनि हारिमुखौ

फोथानाय आरो गोजौ फारसे जौगाहोनाय एबा थामोन्थाखौ नोजोर खालामनो थाखाय बयबो बायदि राहा लामानि गेजेरजौं बादायलायनायखौ नुनो मोनो। नाथाय बेनि गेजेरावनो सोरबाया थैलांदों आरो सोरबाया जौगालांदों। बेनि गुदियावनो दं लाइमोनफोरनि गाहाइ बिबाना। जौं बेखौ रोखा मिथिनाया मोजांदि हारिमुआ गोमालाडोब्ला गंसे हारियाबो बे मुलुगनिफ्राय गोमालांगोन। बेनिखायनो लाइमोनफोरा गावनि असे राव हारिमुखौ अनसायनानै जौगाहोनो नाजानांगौनि बिबान लानो हानांगोन। बर’ हारिमुनि बाथ्राखौनो जौं नायोब्ला नुयो गोदो मामोन दा मा जाखो ? दानि Internet मुगायाव बर’ हारिमुआबो आगानसे गोजौआव गाखोनो हाबाय बुंजायो। नाथाय बेनो थोजासे नडा बेनि थाखाय गावनि हारिनि दानाय-लुनाय जानाय-लौनाय, मावनाय दांनाय गासै बिथिंखौ Electronic media नि जोहै गोबां जौगा होबावनांगौनि आरो नाजाबावनांगौनि गोनाथि दं। दिनै नायोब्ला नुयो गावबा-गावनि हारिनि हारिमुआरि आयदाजौं मोसाना, संनाय-खावनायफोरखौ “Youtube” नि गेजेरजौं लाइमोनफोरा फोसावनाय। बेनि गेजेरजौंनो सारा मुलुगनि हारिनि सुबुंफोरा बै हारिनि हारिमुखौ सिनायनो गोरलै जादों। बेनि थाखायनो हारिमुखौ जौगाहोनो दानि लाइमोनफोरा Time pass mobile game गेलेयालासिनो हारिमु जौगानाय मोनसे Video upload होयोब्ला हारिमुआ जौगानो हागोन। लोगोसे बै हारियाबो मुलुगाव जौगानो हागोन। हारिनि माखासे रं-बिरं आगर आखाइनि दखना आर’ नाइ बायदि हारिमुआरि गान्नाय जोमनायजौं मोसानानै मुलुगनाडै हारिमुखौ लाइमोन फोरा जौगालांहोनो हायो। खाम-जथा, सेरजा-सिफुंनि मिलौहाव देंखोजौंबो जौंनि हारिनि हारिमुखौ Mobile

Internet नि जोहै सारा मुलुगाव दिन्थिफुंनानै जौगानाय लामाजों दावगालांनो हायो।

4.00 हारिमु जौगानायाव लाइमोनफोरा रांखान्थि जौगानाय सायाव बिबान :- हारिमु जौगाहोनायाव लाइमोनफोरा गोबां रांखान्थि जौगाहोनायाव गोबां बिबान दं। मानोना रांखान्थियानो जाबाय थांना थानाय जिउखौ आरो हारिखौ दैदेनायनि गुबै राहा लामा। रांखान्थि नडाब्ला जों जेबो खामानिखौनो मावनो हाया। बेनि थाखायनो हारिमुखौ जौगालांनो रांखान्थिनि गोनांथि दं। जों नुनो मोनबोदों जोंनि आसाम एबा बर'फोरा बांसिनानो गामियारि ओनसोलावनो थांनानै दडुआरो बिसोरनि जिउ राहाया बांसिनानो आबादारि। न'खरखौ दैदेनो थाखाय रांखान्थि मोन्नायनि लामाया आबादनि सायावनो सोनारो आरो खम बिबांनि सुबुझ साकरि मावो आरो गावनि न'खराव मावनाय आबादफोरखौ फान्नानै रां खामायो। बिनिखायनो आथिखालाव जोंनि रोंगौसा लाइमोनफोरा गोदान आदब खायदाजों खामानि मावनानै रां खामायनायनि राहा लामा लानांगौ बायदिसिना फालांगि Business उद्दग, इन्दाष्ट्रि, firm फसंथानफोर गायसनंगौ बिबिदि लामाजों थांनो हायोब्ला मोनसे समाजनि हारिमुआबो जौगानायनि लामायाव फैनो हागौ। बेफोरबादि मावनो हानाय बिथिंफोरखौ दानि गोदान लाइमोनफोरा आखाइयाव लानो हायोब्लासो जोंनि हारिमुआबो आगानसे जौगालांगोन।

4.01 हारिमुआरि फसंथानफोर गायसन्नाय (Establishment of Cultural Organizations) :- हारिमुआरि फसंथानफोर गायसननायावनो लाइमोनफोर मोनसे हारिनि हारिमु फोथांनानै लाखिनायजों लोगोसे जौगानायखौबो लाबोनो हायो। बैफोरबादि फसंथान गायसननायनि

गेजेरजों बै हारिनि हारिमुनि सोमोन्दै हारिनि हारिमु सोदांनायजों जौगाहोनो आरो गोसार होनो हायो। सावरायमाफोरनि गेजेरजों गायसन्नाय थिरांथाफोरा मोनसे हारिमुनि थामोन्थाखौ अरायनि थाखाय गोजोर खालामो। मख'नो गोनांदि जोंनि सोरकारि बेंखनाव बेफोरबादि हारिमुनि गोसारनायनि बिफान एबा फसंथानफोर दंब्लाबो मोनफ्रोमबो हारिनि हारिमुखौ जौगानाय आरो गोसारनाय हाबा मावनायखौ जाफुंसारनाय नुनो मोनबोनाय जायाखै। जानोहागौ जोंनि बर' हारिमुआबो बेनिनो मोनसे। बेनिखायनो जोंनि बर' हारिमुखौबो बे मुलुगनाडारि मुलुगाव फोथांनानै लाखिनानै जौगानाय लामाजों बैफोरबादि फसंथानफोरखौ गायसननांगौ दानि लाइमोनफोर जाय हारिनि हारिमुआ जौगालांनो हायो अराय।

4.02 हारिमुआरि मेला एबा फोरबो खुंनाय (Cultural Fairs and Festival) :- मेला एबा फोरबो खुंनायनि गेजेरजों बबेबा मोनसे हारिनि हारिमुखौ नोजोर खालामनायजों लोगोसे गोसार होनो हायो। मानोना, बेफोर फोरबोफोरा दाब-दाब ओनसोलजों लोगोसे राइजो आरो हादोरनि दावबायारिफोरा फैनानै नायफैयो। बैफोर दावबायारिनि गेजेरजोंनो मोनसे जायगानि हारिमुआ गुबुन जायगायाव गोसारलांनो खाबु मोनो। बे बादि नोजोर आरो थांखि लानानै दानि लाइमोनफोरा आथिखालाव गोबां खुंनायफोरखौ नुनो मोनो। नाथाय बेजॉल' थोजासे नडा। जों मिथिनो मोनो जोंनि हादोरावबो बिदि फोरबोखौ खुंबोगासिनो थानायखौ जेरै- National आरो International Trade Fair, North East Festival, Dwijing Festival, Hornbil Festival, Bodoland Festival आरो International Bodo Festival आरो गोबां

फोरबोफोरखौ मख'जायो। अदेबानि B.T.C. सोरकारा खेबनै खेबथामसो Bodoland Festival खुंबोबाय। बेनि गेजेरजों जोंनि बर' हारिमुआ मुलुगनाडरि नोजोरव गोम्लैनो खाबु मोन्दों। आधिखालनि Bodoland सोरकारा Indo-Bhutan Friendship Festival खुंनाया बाखनायथाव हाबाजादों। बेखायनो बैफोर बादि मेला आरो फोरबो खुंनानै जोंनि बर' हारिमुखौ फोथांनायजों लोगोसे गोसारहोनो आरो जौगाहोनो दानि इयुन जोलै लाइमोनफोरा बिबान लानांगौनि जोबोरै गोनांथि दं। अब्लासो मुलुगनाडै दरबाराव हारिमुआ जौगागोन। हारिमुआ जौगायोब्ला हारियाबो जौगालांगोन।

4.03 दावबायारि थावनि गायसननाय (Establishment of Tourist Spots):- लाइमोनफोरा मुलुगाव राव, थुनलाइ आरो हारिमु गोसारहोनो हानायनि मोनसे मोजां राहाया जादों दावबायारि थावनि गायसननाय। ओरैनोब्लाबो दावबायदिं (Tourism) बिफाना आधिखालनि मोनसे गोदान आरो गोनां बिफान जानानै फैबाय। जोंनि भारत हादोरनि हारिमु गोसारनायनि जारिमिनखौ नायोब्ला जो नुनो मोनगोन हिउयेनचां, फाहियान मोनबादि दावबायारिफोरा भारत हादोरनि हारिमुखौ गावसोरनि चीन हादोरव फोसावहैदोंमोन। गुबुन गुबुन ओनसोलनि एबा हादोरनि दावबायारिफोरा बबेबा मोनसे थावनियाव फैनानै बै थावनिनि हारिमुनि मोनफ्रोमबो बिथिंखौ नायनो एबा मोनथिनो हांखुर जायो। दावबायारिफोरा बेफोरखौ नायनायजों लोगोसे बेफोर नेसॉनखौ लोगोआव लांफायो। बिदि राहानि गेजेरजों दानि लाइमोनफोरा हारिमु जौगानायाव बिबान लानो हायो। जों बे बड'लेण्डआवबो बैफोरबादि गोबां दावबायारि थावनि गायसननायनि गोख्रों खाबु दं।

जोंनि बे ओनसोला समायना-रमायना मिथिंगानि सोरजिखानाय थावनिफोरा गुबुन जायगाफोरनिखुइ साबसिन हामसिन जागोन। बैफोर समायना जायगाखौल' दावबायारिफोरा नायनो फैया। फैयो बिसोर बैजागायाव सोलिनाय राव, हारिनि हारिमु, थुनलाइ दिन्थिफुंनायनि हाबा मावनानै जोंनि हारिमुखौ मुलुगनाडरि गोसारनाय जौगानायाव दावगालांनो हानाय खाबु दं। बेफोरबादि माव बिबानाव दानि लाइमोनफोरा आगानसे आगान सिगां फारसे हरनांगोन।

4.04 हान्था मेलानि राहा (Transportation):- हान्था मेलानि बेलायावबो लाइमोनफोरा गोख्रों नोजोर होनो गोनां बिबान दं। हान्थामेलानि थोजासे राहाफोरा मोनसे हारिनि राव, थुनलाइ आरो हारिमु जौगानाय आरो गोसारनायाव गोबां मदद होयो। जोंनि हारिया गोदो गोदायनिफ्रायनो हाप्रा-बंग्रानि गेजेरव थानानै राइजो जाबोदों। दिनैनि बर' हारिया बेबादि दाब-दाब जायगायाव राइजो जागासिनो। बेफोर जायगायाव दासिमबो मोजां रोखोमनि थोजासे हान्था मेलानि राहा गैया। जों मिथिगौदि मोजां राहानि हान्था मेलानि गेजेरजों दाब-दाब जायगानि मानसिफोरा मोनसे जायगानिफ्राय गुबुन दाबसे जायगायाव थांलाय-फैलाय खालामनानै बायदि बायदि बिथिंजों लोगोसे हारिमुआरि सोलाय-सोल' खालामनो हायो। बेनि गेजेरजों हारिमुआ थांना थानायजों लोगोसे दाब-दाब जायगायाव गोसारनो खाबु मोनो। बेनिखायनो थोजासे हान्थामेलानि राहा लानांगौसमा दानि लाइमोनफोरनि आखाइयाव।

4.05 गोख्रों बिजोंनि राहा: (Means of strong Medias):- आधिखालनि मुगायाव जिउनि मोनफ्रोमबो बिथिडव मोनसे गोख्रों बिजोड

मैखोम बिफान लानायखौ जों बयबो नुनो 'मोन्दों । जों मोननो हानाय बायदि बिजोंफोरा जैरै- सावथुन, रादाब बिलाइ, तेलिभिसन, रेडिअ' इलेक्ट्रनिक, बिजोंफोरनि गेजेरजों दिनै मुलुगनि हजार-बिजार सुबुंफोरा गावबा गावनि सान्नाय-हनायजों मुलुगाव फोसावदों । बेनि गेजेरजों हारिनि हारिमुआ जौगालांदों । लोगोसेनो गावसोरनि बैफोर सान्नाय हनायखै गुबुननोबो जाबसिननो हादों । मुलुगनि गोहो गोनां हादोरफोरनि हारिमुवारि, संखान्थि, रजखान्थि आरो बायदि मावफारिनि थांखिफोरखौ गुबुननो नारसिनहरदों । बेखायनो जौनि हारिमुखौ फोथानाय, जौगानाय आरो गोसारनायनि थाखाय बैफोर बादि गोखों बिजोंनि रहाखौ दानि आरो इयुनि लाइमोनफोर हारिमु जौगानाय खामानियाव लानो नांगोन ।

4.06 खान्थि एबा महर होनाय (Codification) : - आथिखालाव गोनोखोआरि आरो मुलुगनाडरि मुगायाव गावबा गावनि राव, थुनलाइ आरो हारिमुखौ गोदान गोदान खान्थि एबा महर होनाय गोसारहोनायनि राहाफोर ओंखारबाय । बैफोर राहाफोरखौ लाइमोनफोर लानो हानांगोन । बैफोर राहाफोरनि गेजेरजों मोनसे हारिनि राव, थुनलाइ आरो हारिमुखौ मान गोनां खालामनायजों लोगोसे गुबुननोबो फोसावनो हागौ । दिनै मुलुगनाडरि मुगायाव Linguistics Corpus, Cultural Corpus नि आदब बारहायनानै दानि लाइमोनफोर गावनि राव,

थुनलाइ, हारिमुखौ मुलुगाव बयबो मिथिनो हानायनि राहा खालामनो हायो । बेनिथाखाय जौनि हारिमुखौ जौगानाय बिथिजों लानो थाखाय दानि लाइमोनफोर गोदान खान्थि आरो महर होनायनि आदब बाहायनानै मुलुगनाडरि थासारियाव जौगाहोनो गोनां बेसेन गोसा बिबान दं ।

फोजोबनाय : - आथिखालाव लाइमोनफोर हारिमुखौ जौगाहोनायाव मैखोम बिबान लानांगौनि बिबाना बे आयदानि सायाव रोखा बेरखानायजों लोगोसे मावसोमनांगौनि बिबाना लाइमोनफोरनि आखाइयाव दं । बेनिथाखायनो गोगो सोलेंथाइ लानायजों हारिनि हारिमुखौ जौगानाय खामानि मावनो बयबो लाइमोनफोरानो गोखों आगानजों गसंथानांगोन । आथिखालाव बयबो जौगादों आरो जौगादों । बैफोर गोखों नाजानायनि गेजेरजों लाइमोनफोरनि सान्नाय, मावनाय हाबाया गोखोंसिन जायो । बेनि थाखाय बयबो लाइमोनफोरानो जान्जि खाफ्राना हारिमु जौगानायाव बिबान लानांगौ । अब्लासो गंसे हादोर राइजोआ थानानै थागोन । बैफोर माखासे बिथिंफोरखौ लाइमोनफोर लानो हायोब्लासो हारिमुनि सिनस्त्रि हारिया जौनि समाजा जौगालांगोन । दानि इयुन जोलैफोरानो जौनि दानि हारिमु जौगालांहोनायाव मदद खालामलांगोन । लाइमोनफोरानो समाजनि दोहोन ।



ईसान मोसाहारि गोसोख्रां सान फालिनायाव खुंजानाय
न'आव लिबना लाबोनाय रनसाय लिबनाय बादायनायाव
नैथि बान्था मोनगिरि।

आब' रैसुमैनि बालाबगासे दुखु

थराइना सुनिया बाग्लारी
खैराबारि फरायसालिमा

समा मोनाविलि.....

न'आव एरैनो धानानै गोसोखौ दरसि दरसि मोन्नायलाइ न' खाथिनि सगआव इसे बेरायना फैनो होन्नानै ओंखारलाना नसुंनि लामा सेरजोनो थावाय लावाइ थादोंमोन आं अब्लानो उन्थिनिफ्राय गंसे गोसोम गाबनि स्करपिय' लासै लासै फैनानै आंनि खाथियाव ग्रोव लाखिफैना गारिनि दरजाखौ खेंना आंखौ राव हरदों ओइ माइनाव रावखौ खोनामारैनो बागदाव खांलायदों आं सोर जाखो होन्नानै उनथिं फावसाइना नायहरब्लानुहरबाय आब' रैसुमैसो सोमजोरो लावगिगि मिनिब्ला खावलाइनि आगदाजों इसे थख्लेव थांलायनाय बालेंलें मिनिस्त्रा हरदों आंखौ आब'जों लोगोसे दंफायो लोगोआव गुमै सोमदोन गुमैयाबो सोमजोरो जौस्त्रां देरस्त्रां Handsome थारआनो एखनलब्ला बिसि फिसाइ जानो जोबोर समायखादों सानैखौबो गुमैआबो बेंकनि मेनाजार साखि मावो आरो ABSU बायदि आफादफोरजों सोमोन्दो लाखिनानै हारिनि खामानि मावो आब'वाबोध' जैरे मुं बिदिनो गुरै आखु माहि लाजिगुसु मावनाय दांनाय जेरवबो आखा -फाखा दानाय- लुनाय दोहोरोम सिबिनाय, न'खर बेंनाइ बिहाव बिखुनजोखौ जोथोन लाखिनाय सासे गोखों बर' आइजो समाज सिबियारि आरो बियो गुवाहाटी

बुहुमफरायसालिनि बर' बिफाननि बिबुंगिरि जानो हागौ गुमै सोमदोनाबो आब' रैसुमैखौ जोबोर अनो आरो जोथोन लायो जानो हागौ बेखायनो आब'आ जोबोर खुसियाव दं। आंखौ लामायाव लोगो मोनना साहा लोंहोनो होनना ताउनसिम लाना थांफादों गरियाव थिखांन। सानसेबो लोगो मोनलाया बेसेबां गोबावनि उनाव दिनैसो लोगो मोन्दों होनना। साहा लोंनाय समाव गोबां माबा माबि रायज्लाइ रायज्लाइ माब्लादि कापसे साहाखौ लोंखांखो थरखौनो मोनलाइआखिसै। साहा लोंखांन जेब्ला आब'मोना न'आव थाडो अब्ला आंबो न'सिम आथिंजों था रायना फैनाय समाव लामा लामा आब'खौ गोसोखांफ्लांबाय थादों। आब' रैसुमैआ गोदोनि बादि नंला महरबो द्लामैनो सोलायथारबाय। आब' रैसुमैनि न'खराबो दा गोबां सोलाइबाय गोदोनिखौ गोसोखाडोब्ला गोसोखौनो दाबो बोरैबा बोरैबा मोनलाइथारो। आब' रैसुमैया बोरै-बोरै फरायनानै बिदि मानसि जाहैनो हाखो ग'साइआसो मिथिसिगौ। गोसोखांब्ला आंनि मेगनाव दाबो दुंभुद मोदै बोहैखांलायो। आब' रैसुमैनि न'खर आरो जिउ जारिमिना थारैनो जोबोर हांमा सुरथाव आरो दुखुनांथाव, आब'आ हले फरायनायाव सिगांनिफ्रायनो जोबोर गोसो होना फरायोमोन गावखौ निखावरिनि फिसा होन्ना माबा नड माबा मोनसे जाथारनांगोन होन्ना

H.S.L.C, H.S., B.A., M.A. गासैआवबो 1st class मोननो हादों। जेब्ला आब' रैसुमैआ H.S. फरायगासिनो दंमोन अब्ला बिनि जिउआव बालाब गासे दुखुनि बारहुंखा बारलाडे। बे समा थारैनो जेबोर दुखुनांथाव आरो बिखा गाबथाव। आब' रैसुमैखौ H.S. फरायबाय थानाय समाव गामि खाथिनिनो रिन्दाव मुंनि सासे सेंग्राया मोजां मोन्दोंमोन। रिन्दावनि गुरै माहि लासिगुसु आखुखौ नुना आब'आबो रिन्दावनि अन्नायखौ नाजावना लादोंमोन। बिदिनो माब्लाबा गोनांथि समाव रिन्दावआबो आब' रैसुमैखौ सहाय खालामो आरो आब'आबो मदद खालामो। बिदिनो आब'आबो रिन्दावखौ थार गोसोजों अननो लादोंमोन नाथाय सोरनि खाफालाव मा दं बेखौ रावबो बुंस'हाया माब्लाबा ज्रां-ज्रां दुंनाय सान्दुंआवबो अखा दामब्रा फैयो। बिदिनो रिन्दावनि आरो आब' रैसुमैनि गेजेरावबो जादोंमोन। रिन्दावआ मानोबा आब' रैसुमैखौ लासै लासै नेवसिनो हमबाय। सानफ्रोमब मानसिनि गोसो सान्नाय लुबैनाय गासैबो समानै

थाबाय थाया। बिदिनो रिन्दावनि गोसोआबो लासै लासै सोलायलांदोंमोन। सानसे आब'खौ नेवसिनानै थांमारनायसै रिन्दावआ आब' रैसुमैनि गोसोआ आयनानि थुखाया बायनाय बादि बायलांदोंमोन। मानसिया जानो लोंनो सुखुयै उन्दुलांनो हायै जालांदोंमोन आरो मिनिनोबो बावलांदोंमोन। सानफ्रोमबो गाबबायल' थायोमोन रिन्दावखौ गोसोखांना। आब'नि लोगोफोर न'खरनि बाय बाहागि बिमा-बिफा आब'खौ थांना थानो थाखाय जिउआव दावगालांनो गोबां सुबुरुन होदोंमोन। बै बायग्लिनाय समावनो सोमदोन गुमैजों आब'आ लोगो मोनलायदोंमोन। सोमदोना बिखौ थांना थानो आरो जिआव आवगायलांनो थाखाय गोबां बोसोन होदोंमोन आरो हाजासे सहायबो खालामदोंमोन। आब' रैसुमैनि खोथाखौ सानै -सानै माब्ला न' सफैखो थालखौनो मोनस्लाबाखिसै आं। आइआ आंखौ मायनाव होन्ना राव हरनायावसो थर मोनखाडे।



बाथाबारिनि दायना

जिमियास बसुमतारी

बि.एइस फरायसालिमा, हावलि

बि.एस.सि. ३थि खोन्दो।

मोनाबिलिनि ५ रिंगा सम गुरजेव देवानि बोराइया बाथाबारि गामिसिम आवगाय लांगासिनो। एसेयावनो थुलुंगा फोरोंगिरिखौ लामायाव लोगो मोनो आरो राव होयो “हाबाब सार बहा थांनो” फोरोंगिरियाबो फिन्नाय होफिनो “नै माथो आदै देवानिसो माथो, थांनिर’ नोंसोर गामिनिनो गेन्द्रा माहाजोनखौ लोगो हमनो” देवानि अच्छ दे दे आदै। देवानि बोराइया सिगांथिं आवगाय लाडे।

बाथाबारिनि सोमखोर बर’नि न’खरसिम गुरजेव बोराइया नुजाहैयो आरो गाबजियो- “नै बानायसो सोमखोर दंना न’आव। न’आ स्त्रिं स्त्राइ। हाबाब माथो रावबोआनो गैया, थांफिननोसैलै आं। बोराइया लखर लखर फैफिनो। आरो फिन खेबसेबाव थुलुंगा फोरोंगिरिखौ लोगो मोनफिनो।

देवानि:- नै आदैखौ लोगो मोनबायसो माथो।

थुलुंगा:- हाब नोडलाइनो। हा नोंहालाइ जों गामियाव मानोथो थाडामोन ?

देवानि:- माबालै आदै दाखालिसो आंनि फिसाजो गिबिखौ जुलि हरबाय क’क्राझारनि दतमा नोगोरव। बेनिनो खौरं हैनोसो थांदोंमोन आं सोमखोर

आदैमोनहानि न’आव। नाथाय न’आव रावबोआनो गैया गासैबो स्त्रि स्त्राइ गोजा।

थुलुंगा:- अ’ बिदिसो नामा। माबालै आदै!

देवानि:- हा मा आदै ?

थुलुंगा:- जों गामियाव जोबोर गिदिर जाथाइ जाना थांखांबायलै आदै। बेनिनो आंबो गेन्द्रा माहाजोननि सेराव माबाफोर दड नामा सुलु नागिरदोंमोन।

देवानि:- माथो जाथाइ जाखो ?

थुलुंगा:- मा होन्नो आदै दानि सुबुंफोरखौबो। बिगियाननि जुगावबो अजा-भेजा, दायना आरि फोथाइसै। गलागावन गामिनि अजाया, जों गामिनि सोमखोरनि बिसि गिबिखौ दायना होन्ना बुधारखांबाय आरो नै दाखालिसो नैथि बिसिखौबो दायना साजायबावदोंमोन।

देवानि:- बिनिफ्राय ?

थुलुंगा:- बिनिफ्राय माथो थाबावनो गामिनि जाम्बा जाम्बि सुबुंफोर, लेखा फराथ’ गैयाया। गुबुना जि बुंबाय बिखौनो फोथाइबाय। दाखालि हराव गामिनि उखुर सुबुंफ्रा हरावनो सोमखोर मोनहानि न’आव थांना सोमखोर आदै बिनि बिसि नैथि आरो

फिसाजो सासेखौ बुथारहैबाय ।

देवानि:- दायना बुरिखौ बुथारबाय बुथारबाय
मानोथो गासैखौबो साजा होफाखो फालाय ?

थुलुंगा:- बिसोरनि सान्नाया बेनोसै उन्नि
जोलैआबो जाहाथे जेबो जायै बादि देथारजोब्बाय ।


देवानि:- खोनाना दुखु मोनबाय आंबो
आदै । सि.....सि.....!

थुलुंगा:- औ आदै मा बुंनो गुबुनफ्रा मालाय

बिगियाननि आयदाजो दावगा लांफाबाय दड । नोंसोर
गामियाव बिदि जाथाइ जाहो नाडादै आदै
खोमसिफोथाय नायफोरखौ गार, बिगियानखौ आजाव ।

देवानि:- औदै आदै । दे होम्बा आदै बिदाय
लाबाय । (खुलुमो)

थुलुंगा:- दे आदै दे । (खुलुमना न'सिम
आवगाय लाडो)



गावखौ फोजोबनायनि आन्दोआव मा थायो.....!

मुक्ति राजेश बर

बि.ए. सेथि बोसोर, बरमा फरायसालिमा

“ओंखाम जाफैदो बिलि आइ ।
दानो गुसुसो जाजोबगोन ।”

हरनि ओंखाम जानो थाखाय फिसाजो मोनाबिलिखौ गले-गले लिंगरदों बिमा आलाइस्त्रिया । सानाव सानसेया बेसर फुनानै मेंग्लिनाय मोन्नायखाय हरनि ओंखामखौ थावनो जानानै थाबैनो उन्दुनायनि बाथा सानावनो फिसाय राखेबजों सावरयलायखादोंमोन । गले-गले लिंगरसेयाव बो फैयैलाय बिफा राखेबा रागाजों खामसालिनिफ्रायनो फनैसो बुंदों- “दा लिंगर बिखौ । दाहो बिनो ओंखाम, दै । मानसि जानानै मानसिनि गियान लानो रोडाखै वियो । नुखा, खोनाखा मावनाडै खामानिखौसो मावनानै समाजाव बिमा-बिफानि गन्थं हास'बाय । ओंखारलानो हो बिखौ । गावनि फिसा होन्ना सिनायथि होनो लाजिबाय आं । जाय फिसाखौ लाना गोबों सिडव बेसेबांबा गोथार मिजिं रनसायदोंमोन, बे फिसाजोआनो दिनै आंनि न'खराव मान इज्जतखौ फोजोबस्त्रांजोब्बाय । बिनि थाखाय दिनै बाजारावबो मैगं फाननो लानो हालिया आं ।” - ओंखाम जाफुनाय राखेबा बेसेबांबा दुखु हांमाजों मोदैब्राम गलायजासे बुंनो गोनां दाबाय ।

“जाबाय दे बिफा ओंखाम जाग्रोदो । जालानाय जाथाइखौ रायखां रायखां गोसोआव दुखु दाहोसै ।” - आलाइस्त्रिया जाहांनाय ओंखामनि खांसियाव आखाइ सुन्न'नानै फिसाजो बिलिनि रुमाव हाबहैयो । रुमाव हाबहैब्ला नुनो मोनबाय, जि-

जोमफोरा आलाइ-सिलाइ, आखाइफोरा ब्लेदजों हाब्रेना थैजों सिग्लाबनाय आरो फेनाव फासि नांनो दोन्नाय फालि गासै : “ बिलि आइ बेफोरखौ नों मा खालामनो सान्दों..... ? नों मानो गोसो हमथायाखै आइ ? ” - नुग्रोमोना गाबै-गाबै मोनाबिलिनि खाथियाव खारलाडे ।

: आंखौ थैनो हो आइयै । आंखौ थैनो हो । आं बायदि मानसिया समाजाव मा मोखां लानानै थानानै थाबावगोन ! आं थानानै थानो गोसो गैला आइयै । ” - बिमाखौ गोबाखरबनानै गोबारै गावनो हमो मोनाबिलिया । दसेनो बोहैग्लाबनो हमदों दुखुनि दुंबुद मोदैनि बानाया राखेबमोननि न'खराव । हांमा सुरहाव-सुरहाव खुन्थायाव होलेंनानै गाबखुमाबायदों राखेबा ।

राखेबनि न'खराव जाय जाथाइया जानानै थांबाय, बैफोरवादि जाथाइफोर दिनै गोदान नंलिया ।

राखेबा सासे आबादारि । गावनि बारिनि बिगाब्रैसो हायावनो आबाद मावो आरो बेफोरखौ गावनो बाजाराव फानहैयोमोन ।

आबाद मावनायनि गेजेरजोंनो बिसि-फिसाखौ लानानै न'खर गंसेखौ मोजाडै दैदेन्दोंमोन ।

मोनाबिलिया राखेब आरो आलाइस्त्रिनि नायल'-जाल' सासेल' फिसा हिन्जाव । जों बयबो मिथिगौ बिमा-बिफाया लेखा-फरा रोडाब्लाबो, गावसोरनि बोथिसे, बोथिनै उखैजानानैब्लाबो फिसाफोरखौ लानानै मोनफा-मोनफा रंगिना गाबनि सिमां सुजुयो । गाव जियानो जायामानो, फिसाफोराल'

जिउआव सासे जाफुंसार मानसि जानांगौ- बेयो बयबो बिमा-बिफानि लुबैनाय। बिदिनो राखेबमोनहाबो मोनाबिलिखौ मेट्रिक पास जाखांनाय नि उनावनो कलेज फरयनो रुम भारयाव दोनहरदोमोन।

सानसेखालिनि बाथ्रा फागुन दान नि समाव मोनाबिलि मोननि थानाय जायगानि से किल' मिटरसो जान्थाइयाव मोनसे गेदेर Trade Expo खुंफैदोमोन। बे Expo आव मोनाबिलिजों लोगोसे थांफादोमोन गावनिनो मोजां मोन्नाय सेंग्राया। Expo आव नांनाय जिउरदफोरखौ बायखांनानै थांनोसै समाव खोमसि जानायलाय दोनलांनो लिंलांनो लिंलां लांनायसै मोनाबिलिया।

फागुननि जावलिया बाराव। जौमोन बैसोनि बोदोर फाखनाव बै सानखालिनो देहानि सोमोन्दो लाखिलायनाय जादोमोन। बेनि गेजेरावनो मबाइलजों सि खोबै देहानि सावगारिबो सेबखांलाइदोमोन।

समनि फाखन। बिदिन्थानि गेलेहोनाय। सोर मिथियो? सोर मिथियो? माब्लादि मा जायो? समफोर फैयो आरो थाडो। बोथोरफोर समानै थाबाय थाया। गोबां गोबां सान बारलांनायनि उनाव साननैनि गेजेराव खायसे फोरमान गैयै नंखाय सन्देह खालामलायनाय जादोमोन आरो गोबां नांज्लायनायबो जादोमोन। बेनि गेजेरावनो गारलायनायनि बाथ्राबो ओंखारलांदोमोन। जायनि थाखाय रगा जौनायखौ दबथायनो हायैयाव सेंग्राया हवाटसाप आरो फेसबुकाव मोनाबिलिनि सि खोबै लंथं सावगारिफोरखौ हगारना होदोमोन। सावगारिया थाबैनो गोबां ग्रुवफोरव सेयार

जालांदोमोन। बे भाइरेल जाथाइखौ मोनाबिलिया नुनानै गावनि रुप नागारना न'आव थापैनाया साननैल' जाबाय। लाजिनाय आरो दुखुजों ओंखाम, दै जाया-लोड बिसनायाव उनदुसोनानै मोदै रथ'-रथ' गाबगुनांदो मोनाबिलिया। बेयो गावनि गोरोन्थिनो साजा।

मोजां मोन्नायनि मुडाव सासे सेंग्राखौ फोथाइना देहा, सोलेर गथायसोमब्र'नायानो बिनि दाय। गावनि गोरोन्थिनि थाखायनो गावनि बेसेनगोसा जिउजों लोगोसे बिमा-बिफानि सिमां-मिजिंफोरा थेर-बेथेर बायफलेलांजोबनाय आरो लाजिनांनायजोंनो जिउखौ फोजोबस्त्रांनायनि फारसे आगान सुरबायमोन।

मोनाबिलिया गावनि फेसबुक एकाउन्टआव मोनसे पष्ट खालामदोमोन एरैबादि- “मोजां मोन्नायनि मुडाव सोरखौबा फोथाइनानै जुलिनि सिगां देहा, सोलेर दा ग'थाइसोमब्र'। नडब्ला आंबादि जानांगोन। गोथौ दुखुनि हाखराव गाब्रनांगोन। जिउखौबो फोजोबस्त्रांनायनि लामा लानांगौ जागोन।”

बे पष्टनि जोहै जों मिथिनो हायोदि, बे बादि जाथाइयावनो दिनै गोबां गाज्जि भिडिअ' सावगारिफोरा समाजारि बिजोडव भाइरेल जागासिनो आरो गोबां लाइमोनफोरानो गावखौ फोजोबस्त्रांनायनि लामाखौ लानांदो। बिदिब्ला खोनाबोगासिनो थानाय गावखौ फोजोबस्त्रांना लानायनि आन्दोआव माखासे सहायथावै दुखु, हांमा आरो लाजिनायफोर हाबसोनानै थायो जानांगौ ने..... ?? नडब्ला बेनि फिन्नाया मा जाथावगौ.....!! ??



३८थि ईशान मोसाहारि गोसोख्रां सान फालिनायाव खुंजानाय
न'आव लिबना लाबोनाय खुंद बल' लिबनाय बादायनायाव
नैथि बान्था मोनगिरि।

रिफिखांनाय सावगारि

मुस्त्रि गुमुर बरु
टंला फरायसालिमा,
आरिमु जालिया उथि खोन्दो।

बैसागु मोखां, जेरैथिंबो मिथिंगाया सोमखोर
समायना जादों। बिफां-लाइफां गोदान जिउ
मोनखांनायबादि सोमखोर- रंगिना जादों गोदान बिलाइ
खिलिनायजों। दाउखौऔआ गोदान बोसोर बैसागु
सफैनायनि रादाब होफैदों। दाउ खौऔनि गाबनायजों
सोरगिदिं थासारिया रंगिना गाब लादों। गासै सुबुं
माहारिआनो बैसागु बरायनो गोसोआव हांखुर जाना
थानाया बेरखांदों सुबुंनि बोहैथि सोलिथाइजोंनो।
बेबादि मेहेर गोनां बुब्लियावबो सोरनिबा गोसो-
जिउनि दाहायाव बेसेबांबा दाहाया साग्लोबना दं, बेखौ
मिथिनाया गोब्राब ! थारैनो गासिबो सुबुं सुखु
गोजोननि संसार थाजोबा। थारैनो सुबुं जिउनि दाहारा
माया गोनां.....।

सुबुं माहारिनि जिउआ थास'लाइनि दै बादि।
सुबुंनि जिउआव दाहाया जोबनो गैया, माखासे सुबुंनि
बेलायाव सुखुनि दैमुफोरा दंब्लाबो। सम थासारिजों
जिउनि दाहारा बैथा गैयि नाउ बादि जायो। गमामायैनो
आंबो दायो सासे बैथा गैयि दिडानिनो बैथायारि जानानै
दं। आं दायो जिउनि दाहाराव फेंफोना बोस्त्रांनो
हायिबादि जानानै दं।

आंनि जिउआ दायो दाहानि लैथौआव
गब'नाय। बे बादियाथ' जाखागोन, आंखौ फिसाइया

नागारनाया दिनै बेसेबा बोसोर बारलांबाय। फिसाइ
गैयि सुबुंनि जिउ दाहारा एसेबां गोरलै नड, जों बयबो
मिथिगौ। नाथाय आं सुबुंनि इनायजों फान्दायजानाय
सासे सुबुं जाबायनालाय माथो खालामबावनो !

रिन्दाव, जाय
आंनि फिसाइ। रिन्दावनि आबुं मुड रिन्दाव बसुमतारी।
बियो सासे सोरकारि उकिल। बिसोरहा गोबां दोहोन-
दौलद दं। बिसोरनि न'खराव गासै सा 10 सोद्रोमा
दं। थारैनो बिसोरनि न'खरा दोहोनि न'खर। न'खरनि
रादाय बादिजोंनो आंनि जुलिया रिन्दावजों जादोंमोन।
रिन्दाव आरो बेनि न'खरा गिबियाव आंखौ मोजाडै-नो
बाहायदोंमोन। नाथाय उनावसो आखल-आखुआ
सोलायलांबाय बिसोरनिया।


आं सासे गोरिब न'खरनि सुबुं। आंनि जुलि
जानाय समाव न'खरा आंनो जेबो जोथोब हरफानो
हायाखैमोन। बेखौ गिबियाव रिन्दावनि न'खरा गनायना
लादोंमोन। नाथाय उन समाव रिन्दाव आरो बिनि
न'खरा आंखौ जोथोबनि थाखाय गाज्रि आखु बाहायग्रा
जाबाय। बिसोरनि न'खरा आंखौ देहायारि साजा होनो
हमबाय। जाउनाव बादियै बिसोरनि न'खरा आंखौ
होखारहरबाय।

होखार जानानै आं बिमा-बिफानि न'आवनो

धाफैनो गोनां जाबाय। दायो आंजों उन्दै फिसाजो
गथ'बो दं। बेबादियाव जिउखौ सोलिहोनो आं दायो
टाउनि हटेलफोरव हाजिरा खामानि मावनानै थायो।
बेजोंनो जिउनि दाहारखौ बोहैहोदों आं।

आं दिनै हटेलाव हाजिरा मावनो थांब्ला
बेफोर गोदोनि बाध्राफोरा गोसोआव फारि-फारि

रिफिखांदों। रिन्दावा थारैनो सासे उकिल ना गुबुन
माबा.....! आं सान्नानै आगोरमोना.....
जोथोबनि थाखायनो एसेबां बिब्दि खालामबाय
आंखौ.....आं बाध्राफोरखौ सानै सानैनो आंनि
मेगननिफ्राय मोदै बोहैबोदों दाहानि.....!
अब्लाबो आं गावनि खामानि फारसे आगान सुरलांदों।



खोनानाय आरो मोदोमनाय

मुक्ति दानसोरां गयारि
जनता फरायसालिमा
आरिमुजालिया 5थि खोन्दो

सानसेखालिनि बाध्रा । मोनसे गामियाव राम मुंनि सासे फरायसा दंमोन । बियो सासे B.A 2nd semester आव फरायनाय सासे रायसा फराय नाय लिरनायाव बिहा जोबोर गोसो गोनां राफोद दाद जांगिला । बे बादिनो मावनाय दांनायावबो न'खरनि बिमा-बिफाजों मदद होग्रा सासे आखुगोनां राफोद गथ'मोन रामआ ।

रामआ बे बादिनो सानफ्रोमबो फरायसालियाव थांडो । गावजों लोगोसे बिहा फरायसालिमायाव थांफानो थाखाय आंगो लोगो गैया । बेयो बेनिखायनो दुखु मोनखाडे जेब्लाबो गाव हारसिं सानफ्रोमबो थांनायनि थाखाय । रामजों लोगोसे खालि दंफायो साइकेल गंसे आरो लेखा लाग्रा बेग मोनसे । रामआ साइकेलजों बोसोरफ्रोमबो फरायसालिनिफ्राय फरायसालिमासिम थांलाय-फैलाय फरायसालियाव खालामग्रा साइकेल गंसे दं । बियो बे बेबायदिनो साइकेलजोंनो थांलाय-फैलाय खालामो ।

रामनि आंगो न'खरआव गावजों लोगोसे बिमा बिफानि अनगा रावबो गैया । बिनि बिफाया सासे खुनुरोखोमै थोब्ले-माब्लेयै न'खर संसारखौ खालामना जाग्रा सासे सुबुंमोन । बेनिखायनो बिफाया गाव लेखा फरा रोडैनि फिसाज्ला रामखौ जोबोर

गोसोहोयोमोन लिरनाय फरायनायाव । बे बादिनो रामआ बिफानि अननायजों BA 2nd Semester सिम दा फरायगासिनो दं । रामआ गावनि न'खरनि हालोदखौ लाना गोबां जिंगाजों बुगिनांगौ जाना फैयो । एखनबा सानोबो बियो फरायनायखौ दोनथ'नोसैखोमा होन्ना नाथाय बिफानि नाजाहोनायखौ सानब्ला बेयो बेनिफ्राय गोजों फारसे दावखोबावनो गोसो जायो । बे बादिनो फरायगासिनो रामआ गावनि बिफानि नाजाहोनायजों BA 2nd Semester.

बे बादिने सानफ्रोमबो फायसालिमायाव थाडे रामआ मालायफोरबादि गारि मटर आरो नांगौ जायोब्लानो जानो लुबैब्लानो मोना मोनजायै गथ' खष्ट मष्टयै फरायनांनाय सासे फरायसा । बेनिखायनो बियो गावनि साइकेलजोंनो सानफ्रोमबो फरायसालिमायाव थांलाय फैलाय खालामो । गावनि सइकेला एखनब्ला लिक जागोन सान्नानै लानाय बिनाव 5 रां सानफ्रोमबो थायो । बे 5 रांखौनो सानफ्रोमबो जेबो जाया लोड्ड लासिनो गावनि पकेटआव सोना लायो, साइकेल लिक जागोननि मुडव । बेखौनो बियो सानफ्रोमबो लाबाय थायो । रामआ फरायसालिमायाव सानफ्रोमबो फैयोब्ला गावनि बेगआव थिपिन फिसायाव ओंखाम लाना फैयो । सम

लाना बेयो सानफ्रोमबो फरयसालिमानि साखाथियाव थानाय गंसे हटेलाव गाव लाना फैनाय ओंखामखौ जाहैयो। बियो एखनब्ला ओंखाम गोजांब्लाबो थिपिनआव लाना फैयो आरो एखनब्ला माबा माबि एवनाय लानायजोनो रामआ ओंखामखौ सोमजानानै जाफैयो गंसे हटेलाव। बेबादिनो सानफ्रोमबो ओंखाम गोजांब्लाबो थिपिनाव लाना फैफायोमोन।

बे बादिनो रामआ सानफ्रोमबो गाव फरायसालिमायाव फैनाय समाव लाबोनाय ओंखामखौ गंसे हटेलाव जाफैबाय थाननायनि सानसे खालि हटेलनि मालिकआ रामनाव रं बियो गावनि हटेलाव ओंखाम जाफैनायनि थाखाय। नाथाय ओंखामखौ गाव लाना फैनायखौसो सम लाना रवबो गैथ'यै समावसो गावनि लाना फैनाय ओंखामखौ जाफैयो गंसे हटेलाव। बे बादिनो हटेल मालिक आरो रामजों दान्थे-बिदान्थे जायो। हटेल मालिकआ बुडे-नों सानफ्रोमबो आनि हटेलाव आनि संनाय खावनायनि ना बेदरनि मोनामनायजों आनि हटेलाव ओंखाम गोजा लानानै फैब्लाबो जानो हाफैयो नों बेनिखायनो नों दिनै आनो रं होलांनांगौ। बे बादि बुंनायाव रामआ बुडे- आं मानो रं होनो नानो आं आनि लाना फैनाय ओंखामखौसो जायो, नॉनिफ्राय आं जेबो जिनिस जाय खालि दै ल' सो लोहो आं आरो नॉनि हटेलाव रवबो गैथ'यै समावसो आं नॉनि हटेलाव ओंखाम जाफैयो आं नॉनो बोरै रं होनो बेनि थाखाय। बे बादि दान्थे-बिदान्थे जालायबाय थायो।

बे बादिनो दान्थे-बिदान्थे जालायबाय थानाय समावनो मोनसे Area नि सासे उकिला बे हटेलाव ओंखाम जानो होन्ना हाबफैयो। हटेल मालिक आरो रामजों दावरव जानायखौ नुना सोंबाय उकिला। हटेला मालिकआ बुंबाय- बेयो सानफ्रोमबो आनि हटेलाव गावनि लाना फैनाय ओंखामखौ जाफैयो आनि हटेलनि ना बेदरनि मोदोमनायजों बेनिखायनो आं दिनै बिनियाव रं बिदों होन्ना बुंबाय आरो रामआबो बुंबाय सार आं आनि लाना फैनाय ओंखामखौसो बेनि हटेलाव रवबो गैथ'यै समाव जाफैदों आं बेनि जेबो जिनिसखौनो जाफेराखै आं बेनो माबोरै रं होनोहानो बे बादि बुंबाय। उकिला रामनाव रं बिबाय नाथाय गोमोबाय आं माबोरै रं होनो गोनो-गोधो जाबाय रामा गावनाव साइकेल लिकनि थाखाय 5 रंल'सो दं बेखौ आं बोरै नॉनो हरनो। बे बादि सानबाय रामआ उकिल बिनायखाय हरबाय खुनुरोखोम। बुंबाय उकिला नों माखौ लानो मुरथि ना नाम्बारखौ बुंबाय सानैखौबो। रामआ बुंबाय नम्बरखौ लानो, हटेल मालिकआ मुरथि बे बादि होनलायनाय समाव जायगायाव प्लास्ट्यरव गारदावबाय उकिला। उनाव गोग्लैखांबा रामनि सिफियाव थोब सोना बुंबाय।

हटेल मालिकखौ नों पैसानि सोदोबखौ गाबनाय खोनादोल'सो नोंथ'मोनाखै बे फरयसानो नॉनि हटेलनि ना बेदरनि मोनामनायखौल'सो मोन्दों बेयोथ' नॉनि ना बेदरखौ मोनजायाखै। बे बादि बुंनानै थांबाय उकिला हटेल मालिकखौ गावनि Office फारसे।



बैसागु

फोजोनमा बसुमतारी
इउ. एन. कलेज, दतमा
आरिमु जालिया 5थि खोन्दो

“आइयै फिसा नों मारै बिदि जाखो ? हे सोरजिगिरि नों आंनि खाफालाव मा लिरना हरखो ? आंनि आंगोनि फिसायखौबो सेना लांबाय लांबाय आरो दा अब’थिरायै आंनि फिसा हौवाखौबो सेनानै लांबाय ।”

बरागारि गामियाव सोरगिदिं बैसागु रंजानायनि दोहौ जादों । बयबो सेंग्रा-सिख्ला, बोरय-बेन्थ, उन्दै-गेदेर ख’ना ख’नला जायै लोडै ह’खाव हखाव बोसोर गोदाननि जै होदों । नाथाय बे गामि जोबथारनायनि दुखुथिया गंसे रान्दिनि न’निफ्राय खासि बिस्त्रि दुखुनि देंखो रिंखांबोदों ।

लामाजों थाबायलांबाय थानाय गामिनिनो लेखा गोरों सेंग्रासा बारग’सारआ खोनानानै लामायाव दसे दोम थाथ’यो आरो बबेनिफ्राय फैदों बेखौ थाल लानानै लासैनो रान्दि बुरिनि न’आव मोनहैयो । बियो नुबायदि दुखुथिया रान्दि बुरिया गावनि फिसालानि थैजों सिग्लाबलायना देहाखौ गोबा गोबा आइलि जायलि मोदै हुगार हुगार गाबगासिनो । बेखौ नुनानै बारग’सारनि गोसोआव बायदि सौलु सिखारदों । मारै बिदि एफा अयनाय जाखो ? सोर मा खालाम लांबो ?

“ मादै बेयो मारै बिदि जाखो ? जौमोनखौ सोर बिदि खालामखो ?”

“दाफैदाफै नोंसोर आंनि न’आव । नोंसोरनि बे गुबुले खान्थि बाहायनानै बर’नि बैसागु बोथोरखौ फालिनायानो दिनै आंनि जिउनि फिसाखौ बिखानिफ्राय सेनानै लांबाय ।” फिसा गोमा जानायनि दिखारव रान्दि बुरिया बारग’सारखौ आसि थुयै थुयै रयो ।

“नंगौ मादै नों बुंनाय बाध्राया सैथो जौनि आथिखालनि सुबुडा बैसागु फोरबोखौ रंजानायनि फोरबो होन्नानै आहुथि गैयाजासे थोरसि दामै-दामै मोसानो हमो । निसा मुवा आरो जौ लोडिफोरनो होसो होसो दौवनानै गाञ्जि गाञ्जि हुदा खालामना होयो ।”

“नंगौ फिसा गोबां लाइमोनफोरबो बैसागु रंजानायनि मुडव लामा जाब्र’बथाइजों गावनि जिउखौ बुलि होनांबाय । सेंग्रा सिख्लाफोरबो जायै लोडै अगेन आखु सोल्लोंबाय । जौनि गोदोनि बैसागुनि आबुथिखौ सिफाय जोबबाय । बेखायनो आं जोबनायाव बेखौनो खावलायो बारग’सार आदै नोंसोर गोरों गोरफोर जौनि बर’नि देरसिन फोरबो बैसागुआव हाबना थानाय गाञ्जि आखुफोरखौ होखारनांगौ” ।



गोरेन्थिया सोरनि ?

मुस्त्रि मानास ब्रह्म

इउ.एन. एकाडेमि, क'क्राझार

बि.एइस.सि., 5थि खोन्दो।

विखा दुब दुब मावखांनाय मोन्दों अलंबारआ गावनि आन्जादनि सायाव । जेब्ला सम फैयो अब्ला मा जागोन बुंनो हाथ'आ । “ गाबोनहाय आन्जादनि फिथाइ होनाय सम, बिमा बिफानि अन्नायाव, न'खरनि हेफाजाबाव रं बाहायनानैब्लाबो कलेज फरायबाय थाबोदों । आन्जादनि फिथाइखौथ' मोजां खालामनांगोन” गोसो सिडव सानखोमादों अलंबारआ । नाथाय मोनसे दुखुनांथाव ब्राश्राया जाबाय दुलाराय बुहुमनि कर'ना भाइरासनि थाखाय गावजों गाव होंगो-दोंगो । फारसेथिं राजखान्थिनि दावराव-दावसि । जाया नड गोबां जाथाइ जालांबाय अलंबारनि न'खराव । गुबै खोथाया जाबाय अलंबार बिफाया राजखान्थियाव आगान होनायनिफ्रायनो न'खरा गोजोन गैया । एकनब्ला फार्थि अफिसआव जौ लोंबोनाय हुस गैलायै, थाबायनो रोंलायै जालायनाय महर लाना फैयो । एखनब्ला बिमा-फिसाज्ला, बिफाखौ लानानै गाबगु-खुगु जायो । मानोना मानसि माहारिया गावनि न'खरनि सुबुंनि सायाव जाबादि सोमोन्दो दं बेखौ नागारनो लुबैया । नाथाय सम आरो बोथोर माखासे न'खरखौ थेर-बेथेर खालामनासो दोनलाडे ।

“सानफ्रोमबो आफाया जौल' लोंबाय थायो,

राजखान्थिआव ओंखारनानै गुबुनआ जोंखौ एसेबौ सैला, नायनो लुबैला आफा, न'खराव जा एसे हा-हु दं बेखौनो आबाद मावना जालांसै, आंनबो आन्जादआ बावला, हाबथासेनि उनावनो ।” बिफाखौ गाबनानै बुंदों अलंबारआ । दानि जुगाव राजखान्थिनि जेंनाखौ दैदेनगिरिफोरा गुमुर लायाब्ला जों मददगिरि सुबुंफोरा दुखु-खष्ट सहायनाडे । बर' समाजाव दिनैसिम लोंनाय जानाया जोबनानै थाडखै । माबा मोनसे देरहानाय हाबाफारि जायोब्ला बेयाव सेरेब लोंनाया गोबां जायगायावनो जायो । बिनिखायनो जौ लोंनायखौ होबथानोथ' हाया होनब्लाबो बर'फोरा खामायनानै फेग्लिजासे लोडिया मोजां । “ बाबा आं जेबो जायाखै, नों मोजांल' फराय, नोमाखौबो खोन्था आं जेबो जायाखै । आं मोजां दंथ' बाबा हा.....हा.....हा..... ।” जौ फेनानै जाया जाया रायज्जलायदों ।

दा बेफोर समाजनि माखासे नारसिन्नायाव अलंबारनि न'खराव दुखु खष्टआव गोग्लैफैदों । जेब्ला आनजादनि सम सौफैयो अब्ला अखानायै फुडव अलंबारनि बिफाया अराय समनि थाखाय मेगन मोसेबलांबाय । अलंबारा आन्जाद हैनायाव गावनि बिफानि थैनायखौ लानानै बेसेदि दुखु सहायनांदों बेखौ गावसो मिथिगौ ।


थैनायनि सिगां बिफाया फिसाज्लाखौ गांसे
लाइजाम लिरनानै गालांदों..... ।

“फिसा नों जा सान्दों गसिबो सैथो। नों
आन्जादखौ मोजाडै होदो फिसा, समाजाव लोंनाय-
जानाय राजखान्थिखौ मालाबाबो बाहागो दाला, हारि,
समाजनि खामानि मावनोब्ला, सासे गोख्रों दैदेनगिरि

जानोब्ला, लेखा रेंनांगोन फिसा, आं थांनोसै फिसा,
समाजनि नारसिननाय जेंनाया नोंखौ जेबो खहा दा
खालामथों, हे ग’साइ.....!”

लासैनो मेगन मोसेबना उन्दुलाडे, मेगनाव
मोदै लाना।

38थि ईशान मोसाहादि गोसोख्रां खान फालिनायाव
खुंजानाय जायगायावनो सुंद खल’ लिखनाय बादायनायाव
नैथि बान्था मोनगिरि)



समाजारि जेंना

बिथ'राइ बर'

उदालगुरि कलेज

आरिमु जालिया 5थि खोन्दो।

सिनायथि-

दैथुन: बर' समाजनि सासे देरफुनाय जि थाखोआव फरायनाय फरायसुला।

फुंबिलि: बर' समाजनि सासे देरफुनाय फरायसुलि।

गुबै आयदा:- दैथुना सानफ्रोमबो सान
ऑखार जेनब्लानो न'निफ्राय गानफब-जोमफब
ऑखार लांना बेलासिनि सान जाब्लासो न'नि लांगोना
लायो। बिमा-बिफानि सासेल' नायल' जाल'
फिसाला थुरिबारि गामिनि। समाजनि थाखाय बिथांखौ
दायनिगिरि होनब्ला जानाय नडा, बिथाडा
गोरलैनिफ्रायनो बिमा-बिफानि आब्रुथि गैयि बाध्रा
गैयि अन्नायाव थानानै देरबोनाय। फुंबिलि आं नोंखौ
बेसे बुंनो दैथुन नों आंनि बैसोआव गेदेर थाखोआव
गेदेर। नाथाय नों मानो बुजिया दानि सोलिबाय थानाय
बारहावाजों थावरिनो हानाय नडा नों। नों आंनि असे
आंगो उन्दैनि लोगो दिनै बर' समाजाव गोबां बायदि
जाथाइ जालांदों नोंदि बैफोरनि थाखाय गावखौ हमनो
हादोंना ?

दैथुन- मा नुखो नों फुंबिलि आंनि गोसो
नों आंनि लोगो बायदि थाबाय था। रागाजों बुडे।
आं लोंदों, जादों, आद्दा मारिदों बिमा-बिफानि सायाव।

नोंहा बुंनांगौ मोन्थाइ गैया।

मोनाबिलि- नडा बिदि नडा। नों गोरोन्यि
दैथुन नों गोरोन्यि लामाजों आगान सुरबाय। नों गावखौ
आरो समाजनि न'खरनि थाखाय लासिंसिं बाध्रा दिनै
नोंसोरबादि सेंग्रासायानो समाजनि थाखाय जौगानाय
लाबोनांगौआव जुमाय, सेरेप, सिगारेट, गानजा आरो
ड्राक्सनि निसा जों गोदोना थाब्ला बोरै जानो दैथुन ?


दैथुन- लामायाव गोग्लैना थालांबाय। जौ
जुवानि आखाइ गोग्लैना दिनै समाजनि बरनाम
खालामबाय। हारिनि थाखाय हारिनि सुबुं (गथ')
जाना दिनै हारिखौ जौगानो समाव दैथुन बादि सेंग्रासाफ्रा
हारिनि अलखदनि थाखाय दायनिगिरि। थुरिबारि
गामिनि दैथुन होन्नाय सेंग्राया लामायाव थैना थालांबाय
बेफोर बादि बिथिंखौ नोजोर होनाया समाजनि थाखाय
समाज जौगाहोनांगौनि आफाद दादों बर' समाजनि
खोथाखौनो सानखांबाय आं।

गोबांथार दैथुन बादि सेंग्राफ्रा बर' समाजाव

आबुं जायगा आवग्रिना दं । बेफोरनो समाज
जौगानायाव हेंथा । समाजनि मोजां मावनांगौआ दानि
सोलिबाय थानाय लाइमोनफोरनि आखाइयाव ।
फुंबिलिबादि सिख्ला सासे उन्दै बैसोब्लाबो समाजनि
मोजां सानग्रा नाथाय दैथुना बिनि उन्दैनि लोगो

समाजनि दुंहाव बार बारनायाव गोजावना दिनै थुरिबारि
गामिनि दैथुना जिउ गारनांबाय ।

गासैवो बिथिडव नोजोर होना समाजाव
जाफलेबाय थानाय जाथाइखौ हमथानांगौआ
लाइमोनफोरनि आखाइयाव ।



कमा

अमिका बसुमतारी
बड'लेण्ड मुलुगसोल्लोसालि

बिरखां आरो रंगिनाया हस्पिटेलनि करिदरआव थांलाय-फैलाय जागासिनो। सानैनिबो मोखाड गोथौ जिंगायाव सोमखे-सोमखा जाधारदों। बिसि फिसाय सानैबो एमारजेनसि ख'थानि नायब्लां फारसे मिज्लां मिज्लौ मेगनजों नायहरगासिनो दं।

बिरखां बसुमतारीया सासे जाफुंसार फालांगिरि। दिनैनिफ्राय जिबा बोसोर सिगां बियो गावनि न'खरखौ लानानै गुवाहाती नोगोरमायाव थाफैदों। बिहा सानै फिसाफोर दं। फिसाजो सनिया आरो फिसाला अरन। गुवाहातीयाव थाफैजेन्नाय समाव सनियाया दाइन बोसोर आरो अरनआ थाम बोसोरनि गथ'मोन। दा सनियाया हारसा हौवाजों फाथैलाइ बिसिना (Divorce) बिमा बिफानि न'आव दंफैसै। फिसाला अरनआ देग्लाय HS फाइनाल आन्जाद लिरगोन।

बिरखाड फिसाफोरखौ बर'राव फोरेंनो गोसो गैया आरो रायज्जलायनोबो होआ। गामियाव थांब्ला गथ'फोर बर'राव सोल्लोगोन सान्ना बिमा बिफाया फिसौफोरनि मोखांनायनो लुबैदों होन्ना गामियाव लिंहरब्ला बायदिसिना खामानिनि बाहाना खालामना सम गैया होनना खोथा दानहरो बोसोरफ्रोमबो। बिदिनो दिनैसिम गुवाहातीयाव थाफैजेन्नायनिफ्राय गामियाव खनसेबो थाडाखै। बिसि

रंगिनाया माब्लाबा फिसाफोरखौ बर'रावजों गाबज्जिब्ला एबा रायज्जलायब्ला बुडे बियो- “नोगोरमायाव थानाबो जाम्बा-जाम्बिनि आखलखौनो दाबो गारा।” फिसायनि बाथ्रायाव जेबो बुंफिननो हायि सिरि थायो बियो। खालि गोसो सिडवल् सानखोमायो- “गोजामखौ लानानैसो गोदाननि जोनोम गावनिया जेब्लाबो गावनिखा।” फिसोजो सनियाया बर'रावखौ रोडोमोनब्लाबो बिफानि बर' बिफानि बर' राव मुगैनायखौ नुना बिनि गोसोआ गुबुन हारिनि सुबुंफोरनि फारसेल' बोगथाबनायसै। B.A. नि जोबथा आन्जादखौ मोजां रिजाल्द खालामनो हायि सनियाया गाव मोजां मोन्नाय हारसा हौवाजों हाबा जाहैनायसै। नाथाय हाबानि बोसोरसे उनावनो बिहाव बिखुनजोनि मुगैनाय, नंनायनि, नडिनि, “पका (Silkworm) खुवा कछारी, फेकलि (Frog) खुवा कछारी लेतेरा जाति” होन्नाय बायदि गाज्जि गाज्जि रावजों रायनाय आरो सौंखारिनि लोगोसे फिसायनि नंनायनि नडिनि गुबुन हौवाफोरजों सन्देह खालामना बुनाय रायनायखौ सहायनो हायि फाथैलाइ बिसिना न'आव खारना थाफैनायसै बिमा बिफाजों।


बिरखांनि न'खर थानाय कल'नियाव बर' न'खर फोरखो दं। नाथाय बिरखाड बिसि आरो फिसाफोरखौ बिसोरनि न'आव थानो होआ, जाफा-

लोंफा खालामफानो होआ। फिसाला अरनआ उन्दैनफ्रायनो नोगोरमानि बारहावा मोनना देरदों। बियो फंसेबो बर'राव रोड आरो बिहा सासेबो बर' लोगोबो गैया, जा दं गुबुन हारि।

दिनै फुडव अरनआ कलेज थांनो होन्ना गावनि बायकजों ओंखारबोला न'नि लांगोनायाव हरखाब बिहुस जाना गोग्लैनायसै। फिसालानि बिदि हरखाब जाब्रबथाइखौ नुना हाखु-दाखु बिरखां आरो रमायनाया गारियाव दिखांना

अरनखौ GMCH आव लांनायसै।

अरनखौ एमाजेनसि खथायाव सोनायसै। बिरखां आरो रंगिनाया जिंगा आरो दुखुजों एमारजेनसि खथानि नायलां फारसे मिज्लौ मिज्लौ नायहर गासिनो। दसे उनाव डाक्टरआ फैना बुंफैबाय- “ बांद्राय द्राक्स जानायनि थाखै गथ'आ कमायाव थांबाय ! सिरि मोनफिन्नायनि आसा खम। बोरैवा ग'साइनि अन्नायाव सिरि मोनोब्लाबो बियो फाग्ला जासिगोन।



दायनाया सोर ?

मुस्त्रि बिरखां बरगयारि
बेंतल फरायसालिमा
आरिमुजालिया 5थि खोन्दो

“ आह..... आयदै आयदै.....आंखौ दाबुंसै आह....आह.....!!” लासै -लासैनो रोमै-रोमै सोदोबा गोमालाडे । आरोबाव सोरबा-सोरबा हसिखावगनै खान्नां गारंजों बुंबावो- “ होथारदोलै सालाखौ देथारदोलै साला फाफि दायनाखौ ” बिब्दिनो लासै होंगो दोंगोफोर स्रि जाफिनो । दसे उनाव मिथिबाय सम्बारुआ राइजोफोरजों गोबां बुग्लिजानायानि थाखाय थैबाय..... थैबाय.....!! मेलआ थुंगेयो । गामि बेंगिरि हंलाया फोसावो- “मानसियाथ’ गैलिया थैबाय, बेखौ गोथैसालिसिम गारहैदोनि थु।” मेल जोबखांनायानि उनाव सम्बारुनि गोथै देहाखौ गोथैबारिसिम राज्योफोर गामि बेंगिरि हंलानि बिथोन बादियै जयैनो गोथै बारियाव सावहैयो । खायफाया खोमाजों-खोमा बुदुं-बादां रायखोमा लांदों- “आयै बेसा थैगारबाय.....!!” बायदि बायदि खोथाफोर । बयबो गोथैबारिनिफ्राय न’फारसे आन्त्रायबोफिनो ।

थारैनो बाथ्राया ओरैबादि । सम्बारुआ हादानफार गामिनि सासे सादारन सुबुंमोन । बिब्दिनो गामियाव नंखाय फाव फान्दायनानै “दामप्ला” मुनि मुबुझ दाय गैयै सुबुंखौ दिनै नायगार-नायगार बुथारहोबाय । दामप्लानि बिसिया गोबाव

समनिफ्रायनो बेरामआव गोग्लैनानै दडमोन । बिसि दिमप्लिया मोजाडव फैफिननो हायाखैमोन । बिब्दिनो दामप्लानि सान्नाय-हनाया बिसिखौ लानानै गोदाव-सोराव सानब्रेला बायदों जानांगौ । सम्बारुआ सानसेखालि बिथानि बिसि लोमजानायखौ गोब्राब आरो गोबाव सम जब्रा जानायखौ बुजिनानै दुखु-दाहानि खौरंखौ लानो थाखाय बेलारोम समाव गावनि बिसि नाब्ले आरो सम्बारु मोनहा सानैजों खौरां लानो थांदोंमोन । अन्नायजों माखासे जाग्रा-लोंग्राबो लांफादोंमोन । बिब्दिनो गोबां बाथ्रा रज्ज्लायनानै बिलिफां जाबोयो । बै हरखालि हरनि समाव दिप्लिया थैनानै थायो । दिमप्लिया थैनायखौ लानानैनो अखानायै मेल होखाडे । बिब्दिनो मेलोव दायना होन्नानै दा सम्बारुआ बुथारजायो । थारैनो सम्बारुआ जेबो दाय गैयामोनब्लाबो थैनो गोनां जाबाय । मेल लिंथुमनानै गामि बेंगिरि (गावबुरा) हंलायाबो राइजो-राजाखौ लानानै बेनि दायखौ बिजिरनो थाखाय जथुमबाय ।

दा सम्बारुआ थैमारबाय !! बयबो गामिनि मानसिफोरा स्रि-स्त्राय थाबायबोगासिनो । गोथैसालिनिफ्राय राइजोफोरा फैबाय थानायावनो गामिनि लेखा गोरों सेंग्रा “मथिन” आ राइजोफोरखौ लोगो मोन्नानै बुडे- “सम्बारुखौ सोर बुथारनाय ?”

सासे मानसिया फिन होयो- “आं मिथियालै बाबु ”
 सोंबावो-“गामिनि गोरा गाहाइआ बोरो ? “बैलाय”
 फिन होयो। गामि बेंगिरिखौ थांखिनानै बुडो।
 “मानगोनां गेदेर ! नंखाय दाय साजायनानै मानो
 सासे मानसिनि जिउखौ फोजोबखो ? सोर थिन्नाय ?
 ” बिब्दिनो स्त्रि-स्त्राय थानायखौ नुनानै बुंबावो-
 “राइजोफोर बे जाथाइनि सायाव दानो दिनैनो मेल
 जथुमफिन्नांगौ। बयबो गामिनि जिरायखुलियाव जयै
 फैजोबो बिब्दिनो मेल जागायफिनो। गामिनि गोरा
 गाहाइआ बुडे- “ सिबिजाथाव राइजोफोर जौनि
 गामिनि सम्बारु बिथांखौ बुथारनायनि थाखाय गुवारै
 गोथौ बिजिरनाय लाफिननो थाखाय जौनि फिसाजौं
 समान रेंगौथि गोनां (मथिन) बिथांनि लुबैनाय बादियै
 रायज्जायदोनि। ”

बिब्दिनो मेलाव सावरायलायनाय जाबाय
 सैथो बाथ्राखौ बयनिबो राइजो-राजाफोरनो खेंफोरनानै
 होबाय। लेखा गोरो मथिननि बोसोनखौ थारैनो बांसिन
 गामिनि मानसियानो खोनासंदों मोनफ्रोमबो बाथ्रानि
 उनाव आखाइ खब-खब खबलांदों आरो नंगौ होन्नानै
 बुंलांदों। बिब्दिनो सम्बारुनि बुथारनाय दायआव गाहाइ

दायनिगिरि “दामप्लाखौ ” थार बाथ्राखौ मिथिनो
 थाखाय दोखो बुग्लिनानै सेबो। दामप्लाया गाबै-गाबै
 बुंधियो। “थारैनो सम्बारुखौ बुथारनाया आंनो
 दायनिगिरि। गोबाव समनिफ्रायनो आंनि बिसि
 दिमप्लिनि लोमजानायाव आं दुखु जारलाजौं
 गोग्लैनांनानै बिब्दि खालामनो गोनां जाबाय.....!!
 आंनि बिसिखौ फाहामनायाव हा-हु गासैबो फान्ना
 रां-रुफा जोबस्तां लांनायनि दिखारजौं आं आंनि
 बिसिखौ गोदोना सेरथेनानै बुथारदोंमोन.....!!
 बयबो सोमो नांजोबो गल’ गोमो हाबनानै बयबो
 राइजो-राजाफोरा उनाव होंगो -दोंगो बुंसोलायो।
 “आय’! गावनि बिसिखौबो बुथारबाय आरो
 मालायखौबो फान्दायनानै जिउ फोजोब्बाय.....!!
 इनाय जोबोर इनाय, हारिनि हांगार फाफि.....!!
 बयबो दुखु मोखां सोमखे जाजोबो। उनाव दामप्लाखौ
 पुलिसनो खानानै हरो। बयबो राइजो-राजाफोरा
 दामप्लाखौ खानानै लांनायखौ गल’ नायहरो।
 खायफाया बुडे सासु-मासुयै- “साला जिउ फोजोबग्रा
 गावनो साला पाफि दायनाया.....!! “ सुनि
 दायनाया.....!!”



३४थि ईशान मोसाइरि गोसोखां साब फालिबायाव
 खुंजानाय न’आव लिन्ना लाबोबाय सुंद सल’ लिन्नाय
 बादायनायाव नैथि बान्था मोनगिरि।

बर' हारिमु जौगा होनायाव लाइमोनफोरनि बिबान

मुस्त्रि बिरखां बरगयारी
बेंतल फरायसालिमा
आरिमुजालिया 5थि खोन्दो

खेंफोरथि:- बर' हारिमुनि सोमोन्दै सावरायोब्ला बर'हारिनि खोथाफोरखौबो फंनैसो रायखांनो गोनां जायो। मानोना हारियानो जादों गुदि अंग आरो हारिमुआ जादों बेनि गाहाइ सिनस्त्रि। जाय हारियाव गोगो हारिमु गैया बे हारिमुआ मोनसे हारि महरै ग'नायथि मोनथाव जाया एबा मोनसे हारि महरै थांना थानाया गोब्राव। बे बादिनो बर' हारिखौ थांना थाहोनांगौब्ला बर'नि हारिमुखौ गोगो लामाजों लांनांगौ आरो बर' हारिमुखौ गोगो लामाजों लांनांगौ बिबानआ लाइमोन फोरनावनो बांसिन गोहोम गोगलैयो। मानोना लाइमोन समाजआनो मुगानि उनाव मुगा हारिमुखौ वारस्लायहोयो। बेखायनो बर'हारिमुखौ जौगाहोनायाव लाइमोनफोरनि बिबानआ गोखौ बिफाव दंथारो।

गुवै आयदा: - बर'हारिमुखौ जौगाहोनायाव लाइमोनफोरनि बिबानआ गोखोडै'नो बिफाव लायो। बर'हारिमु आरो बर'लाइमोन बेसोर मोननै जिरादआ गरसे फैसा खुस्त्रा (coin) नि फारनै बिखुंबादि। जेरव गावजोंगाव एंगारथावै गोथौ सोमोन्दो थायो। बर' हारिमु होन्नानै बुडेब्ला बर'हारिनि राव-थुनलाइ, गान्नाय-जोमनाय, दानाय-लुनाय, मावनाय-दांनाय, मोसानाय-रंजानाय, आसार-खान्थि बेफोरखौ लानानैनो बर' हारिमु बुंनाय जायो। बेनिखायनो

लाइमोनफोरा बैफोर मोनफ्रोमबो बिथिडाव साखोन-सिखोन आरो सांग्रांथि जानांगौ। अब्लासो लाइमोनफोरा बर'हारिमुखौ मोजाडै हमथानानै लाखिनो हागोन आरो सम बाबेन लाडेब्ला बेयो मुगायाव गुस्लायलाडे। बेनिखायनो बुंनोहायोदि - लाइमोन समाजआ मुगानि उनाव मुगायाव हारिमुखौ दैथाइग्रा हारिनि थान्दै। मोजाडै दैदेनलांनो हायोब्ला हारिमुआ जौगायो। गाज्रियै दैदेनलाडेब्ला बेयो हारिमुनि खहाजों लोगोसे हारिखौ फोजोबस्त्रांनायनि लामा लायो। बेनिखायनो बर'हारिमुखौ लाइमोनफोरा मोजाडै जौगाहोनेब्ला बेनि मोननैसो मावनो गोनां एबा लाइमोननि बिबानखौ मुंख'नाय जाबाय।

1. राव-थुनलाइ: बर'नि रावखौ मोजां-मोनाय आरो रायज्जलायनाय। गावनि राव थुलाइखौ जेब्लाबो नोजोर लाखिनांगोन। राव थुनलाइनि जेंनाखौ बोस्त्रांनो नाजानांगोन। बिमानि रावजों फरायनानै गियांन लानाय आरो बिमानि रावखौ अनसाय नांगोन।

2. गान्नाय-जोमनाय: मोनफ्रोमबो हारिनि हारिमुखौ नायोब्ला गान्नाय-जोमनायाव बांसिनै हारिया नुजासारो। बेनिखायनो बर' हारिनि लाइमोनफोरा गावनि हारिनि गान्नाय-जोमनायनि फारसे सांग्रांथि लाखिनांगौ। दख'ना, गामसा, आर'नाइ, बेफोरखौ

हमथानानै लाखिनांगोन ।

3. दानाय-लुनाय: बर'हारियाव दानाय-लुनाय हाबाया जोबोर खमायलानो हमबाय । दिनैनि लाइमोनफोरा बेखौ हमथानानै लाखिनो हायाब्ला अलख'द जागोन । जेरै- इन्दि सि दानाय, सि-जोम दानाय, जेखाय-खबाय हेबनाय बेफोरहादि आखाइनि दानाय-लुनायखौ हमथानांगोन ।

4. मोसानाय-रंजानाय: मोसानाय-रंजानायावबो सांग्रां जानाया गाहाम । बर'फोरा खाम-सिफुं, जथा बेफोरनि देंखोजेनो गाजा-गोमजायै रंजाबोदोमोन । आथिखालनि लाइमोनफोरा बेनि सायाव नोजोर बोनाया गोनांथार । नडब्ला इयुन जोलैया खाना नानो हागौ ।

5. आसार-खान्थि: हारिमुनि बेयो मोनसे गेदेरथार अंग' आसार-खान्थि फोर्बो फालिनायफोराव लाइमोनफोरा सांग्रांथि जानांगोन । बैसागु-दमासि, हाबा-खेराइ बायदि फोर्बो फोराव साखोन-सिखोनै फालिनांगोन । जौ-जुवाजो गोदोफबना थानायनिफ्राय उदां जानांगोन आरो बिब्दि गोखौ सांग्रांथि जायोब्लासो हरियाव गोगो हारिमु दाफुंजागोन ।

गोजौनि आयदाफोराव बर' हारिमु जौगाहोनाय आरो लाइमोनफोरनि बिबानखौ लानानै एसेयैब्लाबो मुख'बोनाय जाबाय । थारैनो बैफोर आयदानि सायाव लाइमोनफोरा गाहाम नोजोर लाखि नांथारगौ । साफ्रोमबो लाइमोनफोरा जेरावखि थायामानो गावनि हारिमुखौ मोजां मोन्नाय आरो अनसायनाया थाथारनांगौ । गोबां साधारन सुबुंफोरखौ नुयोदि- गुबुन गोजान जायगायाव थाहैबाय एबा टउन (Town area) आव थायोब्ला गोबां मानसियानो गावनि रायज्जलायनाय गावनि हारिनि गान्नाय-

जोमनाय, हारिनि आसार खान्थिनिफ्राय गोजानाव थानायखौ नुनो मोन्नाय जायो । बैफोरनि सायाव लाइमोनफोरा सांग्रांथि जायाब्ला बरहारिनि समायना हारिमुवाबो सानफा-एफा मोस्लेर जालांगोन एबा लासैनो गोमोरलांगोन ।

हारिमुखौ जौगाहोनो थाखाय लाइमोनफोरा गोबां रोखोम बिबान रुजुन्नानै खामानि मावलांनो हायो । थुनलाइ सोरजिनानै गावनि राव थुनलाइखौ जौगाहोनायजो लोगोसेयैनो गावनि रोंगौथि दिन्थिनो हायो आरो हारिमुआव बेनो बिहोमा जायो । बिब्दिनो खाम-सिफुं एबा बर'नि दामनाय-देनायखौ लानानै मावखुलि बादा बानायनो हायो, जेरावहाय दामनाय-देनायखौ फोरोंनाय जायो । बेनि गेजेरजोबो अनसायनाय आरो हारिमु थांनानै थानाया सोनारो आरो बेल'नड । गोबां बिथिंजव लाइमोनफोरा बिबान दं । जेरै- सावथुन (Movie) दिहुन्नानैबो हारिमुआव बिहोमा होनो हायो । मानोना सावथुनआव हारिनि महर-मुस्त्रि, आखल-आ-फोरा रोखा-रोखायै बेरखाडे । रायज्जलायनाय मावनाय-दांनाय, आखलफोरा फारि-फारि सावथुनआव हाबनानै थाजोबो । जाय सावथुनि गेजेरजोबो लाइमोनफोरा बर'नि हारिमुखौ हमथानानै दोननो हायो । बिब्दिनो जाय जेखि आयदायावनो थायामानो लाइमोनफोरा गावनि बर' हारिमुखौ फोथानो एबा जौगाहोनो थाखाय खामानि मावथारनांगौ । मानोना हारिमु गोमालांनाय आरो थांनानै थांनाया लाइमोनफोरनावनो गाहाइयै सोनारो ।


फोजोबनाय: - बर' हारिमुखौ जौगाहोनो थाखाय लाइमोनफोरनि गिबि बिबानआनो जानांगोन हारिमुखौ हमथानो नाजानाय आरो जेरावखि थाया गावनि राव-थुनलाइ, आसार-खान्थिखौ मोजां

मोननांगोन आरो गावखौ बर'बादि सिनायथि होनो हानांगोन। जेब्ला गावखौ बर' होन्नानै गनायथि लानो हाबाय अब्लानो बर' हारिमु जौगाहोनायाव लाइमोन हिसाबै थोंजोडै बिहोमा होआखैब्लाबो खेंसालियायैब्लाबो बेनो बिहोमा जागोन। गुबै बिबान होन्नानै बुडेब्ला हारिमुआव थानाय जेंनाफोरखौ सुखानानै गोगो-गोजों हारिमु सोरजिनानै इयुन जोलै

मुगानो मोजाडै बारस्लाय होहरनायासो हारिमु जौगाहोनायाव लाइमोनफोरनि गुबै बिबान थारैनो बेनोदि- बर' लाइमोनफोरा गावखौ सासे बर'बादि सिनायथि होनो हानायानो बर' हारिमुखौ जौगाहोनायाव गेदेरथार बिबान होन्नानै बुंनो हायो। मानोना हारि थाडेब्लासो हारिमुआ थानानै थागोन आरो हारिमु जौगायोब्लासो हारियाबो थानानै थागोन।



ईसान मोखाहारि गोबरोब्रां सान फालिनायाव खुंजानाय
न'आव लिबना लाबोनाय वनसाय लिबनाय
बादायनायाव थानथि बान्था मोनगिरि।





खन्धाइ बाहागो

बर' सिख्ला

जिमिश्वा ब्रह्म
बि.ए. 5थि सेमिस्टार

इसिंनि अनजालि

जेबियार बसुमतारी
G.S., KGCSU: 2019-20

आगर गुबैनि दखना गाननायजों
बेसेदि समायसारदों
बर' सिखोला नों ।
दाबावगाय आय' नों सिखोला
हिसान सालियाव आयनि,
बायदि गाबनि दखना
आर'नाइ आगर एरनाय,
अखोरां नायदाव नायदाव थावखि लुनाय ।
हारिनि आसार, खान्थि, हारिमु
लाखि नों अराय गोजोर ।
दासोलों नों गुबुननि
देलायनाय गाननाय-जोमनाय ।
फैलाव माइ दुबुलिआव
मुजिहाब मुजिहाब गायनाय फुनाय
जुगुरुप ना गुरनाय ।
हाइला-हुइला बागुरुम्बा
मोसानाय नोंनि बेसे बाखनायथाव ।
अरायबो सोलों नों बिमानि बोसोनखौ
बयजोंबो सिनाय जागोन नों मुलुगाव ।

नड नों जोहोलाव दैमालु
नड नों सानदो बावदिया
नड नों सोरनिबा सिमांनि रानि
नाथाय नंधारगौ दं नोंनाव
गाम्बारि सिख्लानि गुन आरो आखल
नों सासे बोलोगोरा बर' आइजो ।
नंगौ नों नखरनि सिनसि

नंगौ नों फेहेरो नखरखौ
नंगौ दं नोंनाव गिदिर सिमां
बुडोसो नोंखौ मानसिफोरा
इसिंनि अनजालि ।

नाथाय सोरलाइ बुजिनो
नों सासे बोलोगोरा बर' आइजो !



बेलारोम समाव


सानखां औवारि
बि.ए. 3थि सेमिस्टार

जिउनि लामा

सुफुं बसुमतारी
बि.ए. 1थि सेमिस्टार

गोजोन सुदेम बार बारलानायजों
उदां गोसो सानबाय नायजों
गुफुर जोमैया माखौबा
हालि गोसोयै मिनिहां
सोरनिबा जिउआव अननायजों
हाजासे लुफाव-लुफाव खौरां बिलाइदों ।
बेलारोम समाव आं जेब्ला
दुखुयै खाफाल हमनानै
मेगन मोदै हुगारसाहै
सानजा नखांआव मेगन खोख्लैयो
अब्ला आंखौ बरायो
गुवार नखांनि जेरैथिंबो सुखुनि बिलिना ।
थारै आं फोथायख' हाया मोनो
आनान ग'साइनि नखरांआव
आं माब्ला थांखो नॉनि देरायाव,
जेब्ला आं दुखु हांमा
मेगन मोदै ग'यो
अबोला आं खाफालनि सायाव थायो,
अब्लाबो आं बावआ
नॉखौ नेना थानो
बै नॉनि सुग्लाइ होया
अराइ अनसुमै बिलाइनाय
गोजोन बेलारोम समाव
नॉखौ ग'साइ
बेलारोम समाव ।

बोथोरा थांडे हालो-दैलो
बेबादिनो मानसिनि बैसोआबो
थाडे खोन्दो-खोन्दो ।
दैमाया जेरै साहानिफ्राय खोला फारसे
मोखां जानानै लैथोमा बिखायाव
आगान सुरलांडे
बे बादिनो मानसिनि जिउआबो
अबंलाउरिनि फारसे आगान सुरलांडे
दैमाया जेरै हाजो-हायेन,
गिदिं-गिदिं, सौसिनानैब्लाबो
लैथोमा फारसे आवगायलांडे
बेबादिनो जॉबो दुखु-खस्थ, खौफोद
सहायनानैब्लाबो, जिउनि थांखिसिम
सौहैनो थाखाय नाजानांगोन ।



थास' बिलाइनि दै

साफना बसुमतारी
एइस. एस. नैथि बोसोर

थास' बिलाइनि दै
आय' बे आगोमा जिउआ
दान्दिसेनि थाखायल'
दान्दिसेनो फैसालि गोग्लैयो।
दानो दं, दानो गैया
नाय' बे हाथासि जिउआ
जेन सिमांसो।

समजो लोकोसेनो
मानसिनि जिउआबो रुयलाडो,
बे संसाराव सुबुंनि जिउमाया

थास' बिलाइनि दै बादिसो।
हरखाबै बे खोमसि मुलुगाव
सुबुंनि जिउमाया माब्ला गोमोर लांगोन
रावबो बेखौ मिथिस 'मोना हमदांहाया,
सुबुंनि आगोमा जिउखौ
दानो दं, दानो गैया।

थास' बिलाइनि दैबादि,
सुबुंनि जिउमाया आय' मायासो
बे बुहुम बिखायाव सुबुंनि आगोमा जिउआ
थास' बिलाइनि दै बादिसो।



लिमारिक

कनक बसुमतारी
क'क्राझार सोरकारि फरायसालिमा

(1)

गोदान बोसोरनि खांखिखला
दानि सिख्लाफ्रा नागिरो फिसायखौ साखिआवला
आजिखालिनि सिख्ला आयथा
हासै सेंग्राफोरजोंबा आथा खिथा
आरोबाव न'खौ नागिरो द' थाला थिं बांला ।

(2)

बोराइ मानसिखौ एदावब्ला थखन मोनगोन
उन्दै गथखौ जंखायब्ला गन्थं जगोन
गाञ्जि खामानि मावब्ला गाञ्जि साजा मोनगोन
मोजां खामानि मावब्ला मोजां फिथाय मोनगोन
गुबुननो मान होब्ला गावबो मान मोनगोन ।

(3)

मोजां बिबार नुब्लानो दा मोनामसु बिजानु थानो हागौ
महर गोसा सिख्लायाबो आखल गैया जानो हागौ

गोसो थोलायनाय हुदाखौ ज़ाब गार
इसोर सिबिनायाव दं निसथार
उन सिगांखौ सानहरनानै आगान सुरनांगौ ।

(4)

दावखा जानानै दावराइनि गां थुब्लाबो समाइआ
बर' जानानै गुबुननि राव खसाब गाननाय समाइआ
गाननो दानागार रावबो दखना
नुयो बिसोरखौ बेसे समायना
गाननाय जोमनायाव गुबुन हारिखौ सिनाया ।

(5)

सोलोँथाइया हारिनि मान आरो सम्पति
बेनो हारिनिबो निजोरा आरो खौसेथि
थांखि गैयै जिउआ बैथा गैयि दिड्डा बादि ।
जायहा सोलोँथाय गैया बेहा गैया सानथि
अननाय गैयि जिउआ सलथा गैयिबादि साथि ।



आंनि दाबुं आफा

गंगा रानि बसुमतारी
H.S. 1st Year (Science)

आंनि दाबुं आफा
आंनि दाबुं आफा

बे संसाराव रावबो रावनिबो नड।
सान्नानै नाय नों सोरनियाव सोर बादों।
दोहोनखौ लानानै दाबुं आफा
नोंनाय आनि दाबुं

बे संसाराव दोहोनखौ मोनबाय थाया।
थाखा फैसाखौलाय मा सानदों ?
दिनै गोनांबा गाबोन गैया।
मानसिनि जिउआ खालि माया -
नाय ! खालि माया।

हाबाब ! थस ' बिलाइनि दै बादिसो
जोंनि जिउआलाय,
दानो दड', दानो गैया।

मुनुस मायाआ मोन्थिनानैबो
मानो मोन्थिस'आ !
मानो सानस' हाया ?

आय' ! माखौ लानानै मानसिया
सानो गावखौ गोदेर ?



जोनोमगिरि अनसुलि आइ

जॉफु ब्रह्म
बि.ए. 1थि सेमिस्टार

जोनोमगिरि अनसुलि आइ नों
जोनोम मोनबाय आं नोंनि अननायाव,
खांदों बादों फेदेरदों फोलावबोदों नों आयै
गोरबो बिखायाव बोजबना लानानै
गोरबोनि गोथार सानसिखौ बिलायै बिलायै
गोरबोनि गोथार अननायखौ लुफावयै लुफावयै
फेदेरबोबाय फोलावबोबाय नों आयै
गियान होबाय नों आयै
नुयैखौ नुहोनाय, रोंडैखौ रोंहोबाय
आसि थुयै थुयै फोरोंबाय,
बेसेदि गुवार बेसेदि समायना आयै नोंनि गोरबोआ
बेरे मोदैनखुइबो गोदैनसिन नोंनि अननायआ
हाया रावबो नोंनि अननाइजों
दंनायमानि बे बहुमाव रुजुनो।
संसारनि मायाथिलिखौ दिनै नों नुहोबाय
फैलाव बे बहुमाव जायगा होबाय,
नोंनि अनगा रावबो गैया आंहा आयै
नोंनो थुलुंगागिरि, नोंनो बोसोनगिरि, नोंनो साबसिन,
नागिरब्लाबो मोना दंनायमानि फैलाव बे बहुमाव
नोंनिफ्राइ गोदैनसिन राव'
खुलुमो नोंखौनो अराय
सिबियो नोंखौनो अराय
नोंनो आंनि जोनोमगिरि बिमा
अनसुलि आइ।



बेलारोम समनि सिमां

मनिराज नारजारि
बि.एस.सि. 1थि सेमिस्टार

सोरगिदिं सोमखोर समायना बुब्लि
लासै लासै दोबैलांनो हमदों
सोनाबहा जारां साना,
नायहरदों आं हेल दैमानि
रुगुं हाब्रांआव जिरायना
गोसोआव साया-माया बेरखांफैदों ।
सोरगिदिं दावमा-दावसाफोरा
गोदै देखोनि रिसारथि हगारदों,
लोगोसे सोरगिदिं खोलो खोलो
बारआबो बारनो हमबोदों,
अखोरां बिखायाबो साननि सोरांजों
बांसिन गोर्जों समायना जांसिनदों,
नाथाइबा आंनि गोसोआव
खोमसि जोमैयासो
सोरगिदिं साग्लोबफैदों ॥
बे समावनो बिरलांदों
जरा-जरा गुफुर दावबनि फालो

अखोरां बिखानि जोमै सिंखाव-सिंखाव,
नायहरनानै दसे गोमोहाबदों आं
रोमै-रोमै बिरलांफादों माब्लाबानो
आंनि उदां गोसोआबो,
नुहुरस 'मोनि सिमां रायजोआव ॥।
गोसोआव मानोबा गिखांनाय,
दुखु-दाहाया साग्लोबसिनदों
मेगननिफ्राय थरथिं थरथिं
मोदैनि बाना बोहैगारदों,
खोमसि गोसोआव सोरनिबा सावगारियाल'
जोंथि-माथि महर लाना नुजाथिफैदों,
अब्लासो मेगनखौ बोलाना नायदों
नाथाइ नुबायदि जारां साना
माब्लाबानो बिदाय होनांनै
खोमसि हरासो साग्लोबबोदों,
अब्लासो सिरि-जाहाद मोनखांङ्गे
खन्थाइयाबो बेयावनो थुंगेयो ॥।



गोदान सोरां

दैदेन ब्रह्म
B.Sc. 1st Semester

गोजोन्नाय मोनबाय नुना गोदान सोरां,
खोमसिया नागार लांबाय,
दे नाजाबावनोसै एसे गोसो होसारना,
गोग्गानाय मोनबाय नॉनि दावगानायखौ नुना ।
दे नाजाबावनोसै गोसो होसारना,
नाथाय दानो थाथ 'ब्ला जानाय नड,
दाबो सौहैयाखै जॉहा थांखिसिम,
दंबावो गेरेमसा माहारि दानायनि सिमां ।
नाजादिनि जाफुंहोदिनि बड 'फानि सिमां
गोदान सोरां हारिनि थाखाय लाबोनोसै
फैदो गासैबो ज 'ज 'यै नाजा थारनोसै,
बर ' हारिखौ गेरेमसा हारि दाथारनोसै,
रावखौबो नेवसिया जासे, मुगैलाया जासे,
खौसेयै आगान सुरलांदिनि,
गोदान सोरां हारिनि थाखाय,
जाहोनोसै ।



मावदो नॉनि मावनांगौ खामानिखौ

महेसर कसारि

बि.एस.सि. 1थि सेमिस्टार

जारौ साना ओखारबाय सान्जा फैसालिजौ
दावसिन-दावला, बिफां-लाइफां, जिब-जिबि
गासैबो सिरि मोनखांबाय,
मावबाय गावसोरनि मावनांगौ खामानिखौ
सिखारदो नॉबो आरो गोसोखांदो
नॉहा मा खामानि मावनांगौ दं,
मावदो नॉबो नॉनि मावनांगौ खामानिखौ।

बेरे-सिखरियाबो बिदै साबदौ
बिबार बारिनि बिबारफोराव,
नॉबो लादो आरो बुथुमदौ
सम आरो गोहो थानायावनो
नांगौ गियान आरो सोलौंथायखौ।

दावसिन-दावला, हांसो-सिलारियाबो
बिरलांबाय बबेयावबा,
आदार नागिरनो थाखाय,
नॉबो सिखारदो दे,
मावदो मावनांगौ खामानिखौ
नागिरना बुथुमना लादो समावनो
जिउआव नांगौ आदारखौ।

सम आरो बोथोरानो थिनदौ
गावनि मावनांगौ खामानिखौ समावनो मावनो,
सम आरो बोथोरखौ
इउनाव गाब्लाबो नागिनानै मोनफिना,
दानो मावदो नॉनि मावनांगौ खामानिखौ।



बर' हारि

निलिमा ब्रह्म
TDC 1st Semester

बिमानि मोदै

सोमदोन अवारि
बि.ए. 1थि सेमिस्टार

हिमालय हाजोनि
सोरगिदिं बेसेदि समायना
जोनि बर' हारि।
दिमापुर, काछपुर, मायबंनि
हाजो-हायेनारि सोरगिदिं
नोंदि बेसे समायना
बर' हारि।
बेसेदि गोदै नोंनि राव,
बेसेदि ख'हाब गोनां नोंनि हारिमु,
जोहोलाव दैमालु, सिखोना
जोहोलावजो बिरगोसि, गाम्बारि मोननि
बिखानि दुंब्रुद थैजो दाजानाय,
नोंदि बर' हारि।
जेना जोंनि हारिआ
फासयआ जोंनि हारिआ
जुजिलांगोन जो दावगागोन जो,
आगान बारायलांगोन जो,
बर' हारिखौ गेरेमसा हारि दानो
बेनोदि जोंनि आंगोनि
बर' हारि।

दाफुगार नों आयै द'खना दबाजो
सिगलाबनाय नोंनि दुंब्रुद मोदैखौ,
दुखु दालासै नों आंगोनि बिमा
फोरान्दो आयै नोंनि दुंब्रुद मेगननि मोदैखौ।
गोसोखौ खुसि लादो नों बिमा
हाजासे दुखुखौ बोखारनो नाजादो,
मोदैखौ ओरैनो दाग'हो आयै
खांदों बादों आयै नों आंखौ दुखुखौ सहायना।
खस्थखौ सहायना नायदों नों आंखौ
फोरोंदों नों आयै आखौ,
बर' हारिनि हारिमु, राव-थुनलाइखौ
होदों नों बिमा नोंनि गोरबोनि अननायखौ।
एखनब्ला दुखुजों रायनाय एखनब्ला बुंनाय
जों बेफोरखौ जेबो गोसोआव लाया आंगोनि बिमा
नोंल' दुखुखौ दालासै आंगोनि बिमा,
खांदों बादों नों आंखौ बिमा
आसि थुनाय-थुनाय फोरोंदों फोलावदों, दांनाय
बिलिरनाय
हाया आयै आं बावनो नोंनि गोरबोनि अननायखौ।



थैसाम

मुश्री मृदुला मुसाहारी
टि.डि.सि. नैथि सेमिस्टार

गोथां-गोब्राम, बुथार लायनाय
सिलाय-बारुकनि फेरफाथिनाय
गुबुन हारिजों मिनि जानाय ।
गावजों गावनो जोबसांलांगोन
मोगथां जिउनि गोथां जारिमिन
जाय जारिमिनाव मुगैथाव, लिरनाय थागोन ।
लाथा-लाथा थैनि बाना
जिरि-जिरि मोदैनि बाना
जोबनो रौला दुखु-दाहा ।
इसोरनि होनाय बोसोन
जाय सुबुंनि अगेन
जालायदोंसै हनै गेन गेन ।
जाथाया फोरमायो इलिजिनि महर,
आखाया फोरमायो लिरनो, जारिमिननि महर
गोसोआ फोरमायो नायनो उदांसिनि महर ।
बहा बोरो उदांसिया,
गावजों गावसो सैलायलिया
बेनो नामा, जोबसांनायनि लामाया ?
गोथां थैनि बेसेन
सोर सानबावनो बेफोर अगेन,
नुफिनबाय माथो थैसामनि गुन ।



थरालि सैनाय

मुश्री दिफांखर बसुमतारी
बि.ए. 6 थि बोसोर

हनै.... ! बारदै सिख्ला
सिउ सिउ बारदों
मिलौहाब खौवौनि देंखोआ-
गोदान बोसोरनि रादाब बिलायदों,
ग्रोमा ग्रोम खाम दामनायजों
थरेरेथ-थरेरेथ सिफुं सुनायजों-
बर 'नि गामि बेसेदि रिसारदों ।
सेंग्रा सिख्ला, बोराय बेन्थ'-
गोसो होसारै रंजादों-मोसादों;
हाबाब आगै ! 'थराली सैनाय'-
नोंखौ मोन्नायनि, गोदान बोसोरनि बारजों-
हाजासे खुसियै आंबो रंजादों-मोसादों ।
महर मोखांखौ नों दासुनाय
सिखिरि सुबुंफ्रा बुंखागोन बेखौलाय,
मावनाय दांनाय बोसोरनि खेबसेल' रंजानाय-
गोदान बोसोरखौ नों एरैनो दाबिलाय ।
उरां-फारां लाइमोन सिखोला जाखांफैयो-
नोंनि गोमोथाउ समायना महरा;
आय' सैनाय ! साखानाय दख'ना-गोजा सादोरजों
फांदां सोलेरा बेसेदि समायसिन्दों ।
रोमै-रोमै सोलेर नोंनि
मोनगौबा आंनि आखाय फोलावनाय,
गोखै फै नों सैनाय ! गोखै फै;
जिंगा दासि नों आइ-आफाखौलाय,
बोथोर फैलायगोन, दान थांलायगोन,
बाख्रि बुंब्लाबो लागोन जुलि- ग' नोंखौ आंलाय ।



इसारा

फैसाली नारजारी
बि.एस.सि. 2थि खोन्दो

उसुं ख 'नायाव बारनाय सैथो जुगनि
बारसे बिबारा मानोथो लहाय लांखो ?
आंनि आखाय थारखायाव
नोंनि आखायनिनो बिलिरनाय दंमोन,
गुबुननिथ' नडमोन ?
ना फिथिखिनि मोदोमाव नांनाय
गोजा आबिर गाबा मानिथो इसारामोन,
जुलिनि नडब्ला ?
बायफलेनाय आयनानि सोदोबखौ
नों खोनानाय नंलिया ।
फोथायनायनि दिंखौ थबस्र' हास 'बाय
खाफालाव आखाय दाहो,
समनि इसारासो ।



सैथोनि लामा

दिदोमसाथ ब्रह्म
एइस. एस. नैथि बोसोर

सैथोहा रुगुं गैया,
जेसेकि महर होनो नाजाया मानो
सैथोआ अराइ सैथोयानोखा
सैथोखौ रावबो दोनखुमानो हाया।
अ 'सैथो मावना सिरियै आनज्राइनो नाजाब्लाबो
सानसे समावबाबो सैथोआ नुजाथिखायो।
सैथोआ अ 'सैथोनि माब्लाबाबो गेजेन नंया,
जायनि आखाइ बोजबना लागोन
बै लामा जाय सैथोनि महरजों
आबुं बानो गोदै गोथाव फिथाइखौ मोनगोन।
सैथोजों लामा सुरनायाव
गोबां अ 'सैथोनि महर फैनो हागौ,
जाय नोंखौ होथेनो नाजागोन
गोसो नोंनि नरम खालामनो नाजागोन
सैथो बे लामायावनो गोबां
नों सहाय हायि बादि महर होगोन,
आगान आवनो आगान गुबुन महर

सानआनो हर, हरआनो सान
नाथाइ बैफोर जादों मोनसे महर गैयि साया।
नों जुदि गोसो गोरा बोलो लाना
जिउनिखुइबो गावनि सायाव बांसिन
फोथायनाय लाना आवगायलांयोब्ला,
जोबनायनि महर फिथाइआ मादि
नोंहा फोरमायनो रावआनो जोबगोन।
नाथाइ अ 'सैथो महर होनो नाजाब्ला
जिउआव गोब्राब फैगोन
गावखौनो अनसाय हायै जागोन,
जोबनायाव नों गावनि सायाव गाबखांनाय फैगोन।
समहा सिमहा गैया,
सैथोनि लामायाबो औरैबादि गोथौ नुहरस 'हाया
मानसिनि जिउ आबो अराइ नंया
दानोबा दं दानोबा गैया,
बेखायनो बोजबदो सैथोनि लामाखौ
गुबुनखौबो फोरोंदो सैथोजोंनो सोलिनो।।



मोनसे गोदान फसिल

मुश्री गुमुर बर'

बि.ए. ३थि सेमिस्टार, टंला कलेज, उदालगुरि

खासि बिबारनि गुस्थिजों हायना नानानैबो
फुरहाबनो हायाखै बेरगावहांनाय गुस्थिनि गोरबो

बिबुंधिनि हरै रुगुं आव जिउमानि फारिफिन
आन्थोर बहरा बिसम्बिनि मोदोम गोरलै जाफुनायाव
जरासे गुफुर फारौआ गांखं बुब्राब बुब्राब गोबायो मोनसे अरगें
एबा राफुनाय मिजिंफोरनि सागानफोरा सोरजियो मोनसे आगान

आगाननि आन्दोआवनो थायो मोनफा बुब्लि
बुब्लिनि आन्दोआव थायो मोनफा सुमोनथाइ
सुमोनथाइनि आन्दोआव थायो मोनफा दाजाब-दानख'
दाजाब-दानख'नि आन्दोआव थायो माफा दाउखौऔं
दाउखौऔंनि आन्दोआव थायो गंफा जिलिद
जिलिदनि आन्दोआव थायो दरफा हादान
हादाननि आन्दोआव थायो मोनफा जारिमिन

बाश्राफोरा सैथोब्लाबो
लामायानो आन्दायहोयो लामानि बिथं
आरो सुजाबो लामानिनो मोनसे गोदान लामा

लामानि जिबखि आरो सैथो आरो फोथायथिजोंनो सुजाबजानाय
जेराव थैनि गोजौ नारथाइखौ जिलिदफोरा मोजां मोनो
नाथाय स्ट्रक जानाय दाहारावनो नागिरनो हाया
फेंफोनानि मोनफा आगान

सारिजानाय आसिगुरफोरनि हारोंथाइ थासेयावबो
 गोदोना फोलाव फोलाव नायहरसै
 बुब्लिनि सोलेर लुबैग्रा हाल्लिंंगासे सिखिरि
 थै लोंडै लोंडै गंसे गोदान हाथाइ सोरजिनो

सोदोमसिनि बिखुंडावबो गेदेर गेदेर गुग्लानिनो मेल
 दुंथाइ आरो बुहुम बिखुंडारि थोरफोफोरनि मेलबादि
 जायखौ दुब्रिनि निहोरा खनले खनले मोन्दांडे

सानबोलावरि आव बिरख 'जादो जाइख्लंनि थोरोबफा बिगुर
 आरो जाइख्लंआ मोदोम बिसिनि गुरै बिगुरखौ लाना
 एम सायाव बाब्राब बाब्राब सिमां-मोगथां गोब्रामबायदोंसै
 'बिफांनि बिलाइफोरा दायो थैनि गुबुन मोनसे महर
 गोरलै बिथ 'राइफोरा सिमांनि गुबुन मोनसे गोदान मोगथां
 जेराव गोदान फसिला जुलि जायो गोदान सायखंजों ।

बेबादिनो जादोंसै उन उन सेरेगानि खुद्रिनाय
 बेबादिनो जाथारगोन सिरि हांफोरनि गुन्द्रासा रेबनाय
 बेबादिनो आराव जाथारगोन मोनसे गोजाम स्क्रिप्टनि रेबगान्थि
 बेबादिनो हा आरो अखांनि नष्टालजियाजोंसो खिलिथारगोन
 मोजां मोननायाव गैयि मोनसे मोजां मोननाय ।



खुंगा ३८थि ईसान मोसाहारी गोसोवरां सान फालिनायाव
 खुंजानाय नआव लिबना लाबोनाय खन्थाइ बादायनायाव
 सेथि बान्था मोन्नाय ।

बालाबगाबा लिमारिक

नायसां बरगयारि

बि.ए. 5थि सेमिस्टार, बेंतल फरायसालिमा

(1)

सान्जा लाहानि आगै स'ना हायलुरि
जाहां-हां नौलाय आंनि बुरि
बेउथि फारलाराव हाबनांलाया स'ना
ओरैनोब्लाबोथ नुखायो नौखौ जोबोर हायनारि ।

(2)

अनलाइनआव नौजौ लोगो मोनज्जायदौमोन
गोदै गोथाव रायज्जायग्रासो जाहांबायमोन
दासो मिथिबाय आडे
राज्योफोरजौ खानाय हजानाया खन्थामसैनो
बुंफिनबाय आं नौखौ बिनानावसो सानखायोमोन ।

(3)

महरालाय मोजांथारमोन
आदि हावलादफोर मोनथयोब्ला लाजागौमोन
आखल आखुफ्रालाय उनाव सोलायगोन्दां

जुलि जाबानो गियान लाखागोन्दां
3 लाखसो मोनफादेरोबालाय रायलाय नांलागोन ।

(4)

धोध थैरे.....फाग्लि-फाग्लि
जाथावा नौ आंनि अनजालि
9 बाजियावसो सिखारोनो नौ माथो
बिमा बुरैनि सायावल जाग्रानो माथो
आयौ गिबायसो आडे नौदि एफाराब थंडललि ।

(5)

आव सना आव..... !
जंखायदौसो स'ना बिनानाव..... !
नौलाय बिब्दि गात्रि नड
मालाय सिख्लाबादि नौलाय नड
आंनि निमाहा बिनायखौ गोरबोजौ नाजाव ।



नैथि बान्था मोनगिदि न'आव लिबना लाबोनाय
खन्थाइ बादायनाय

बैसागु

दोमै बसुमतारी
आर 'नाइ फरायसालिमा

मानदारा बिबारा जारौ-रौ बारलाइबाय
दावखौवौआ खौवौ-खौवौ मेथाइ रोजाब फैलायबाय,
बर 'नि हारिमु खाम, ज'ता, सिफुंआ रिखांलायबाय
गोसोआ आंनि बोदोर बावलि जालायबाय ।

हनै खौवौआ फोरमायदो मानिबा दाहा
गोदोनि रंजालि हारिमु खाम सिफुंआ रिखांड-रिखांड,
गोदोनि आसार खानथिखौ दानिया नुधारलिया
गोदो साननि जुगनि रंजानाय, आधिखालाव गोरोब थारलिया ।

गोजा जारौ मान्दार बिबार बारोब्ला
गारबोनाय गोदोनि स'नाथि जुग गोसोखांब्ला,
आधिखालनि निसाजो दौदाब्ला
बैसागु रंजानाया एसेबो साबजाथारा ।

गोदोनि स'नाथि हारिमु बोखांफिननो साननाय
सिमांनि हाबिला ल' जानानै थाबाय,
मानोना जिउनि मोनाबिलि सम सौफैबाय
फावधिना नागारना थांफिन नांगौनि सम सौबाय ।



थामथि बान्था मोनगिरि न'आव लिब्ला
लाबोनाय खन्थाइ बादायनाय

जर 'खा बाहागो

अलंवार मुगानि मुंदांखा खन्थाइगिरि
बर' थुनलाइनि देरसिन रमान्टिक खन्थाइगिरि
"ईसान मोसाहारी" नि सोमोन्दै फंनैसो

जोनोम	:	1915
जोनोम जायगा	:	थुरिबारि, भावरागुरि
बिमानि मुं	:	गान्दारी मोसाहारी
बिफानि मुं	:	रायथिन मोसाहारी
बिसिनि मुं	:	सर 'जनी ब्रह्म

फरायनाय:

- गुदि फरायसालि : कमलसिं गुदि फरायसाली
 - गोजौ फरायसालि : धुबुरी गोजौ फरायसाली
 - गोजौसिन फरायसालि : कटन कलेज (IA)
 - आरिमु जालिया : एलाहाबादनि एग्रिकालसार कलेजाव (1937-1940)
फरायहैदोमोन। बेयावनो टाइफयेद बेरामाव गोग्लैनानै रंसारी जादोमोन।
- थैनाय: 1940 (25 बोसोर बैसोआव)

थुनलाइयारी सोर्जि:

- फामि (बिजाब)
- स 'नानि माला (बिजाब)
- मोनाबिलि, बादारि, गोथैबारि, हाजो बायदि गोबां खन्थाइफोर
- आबारी (बर' रावनि गिबिसिन सुंद' सल')

थुनलाइयारी सानथौ:

- र 'मान्टिक - मिथिंगा मोजां मोन्नाय
- इसोर सिबिनाय - जीउनि मोन्दांथि बायदि बायदि।

मोनाबिलि

ईसान मोसाहारी

आय' सिख्ला मोनाबिलि
 रावबो मिथिया जॉल' मिथिगौ -
 जों दे सानैजों जादों जुलि।
 सोनाब जिंनि नखाराडव,
 फैया नोडे सोदोब मोनथाव,
 बिरहोनानै रैसुमै बाराव,
 रेसेम जोमैनि दखना फैसालि।
 जाब्रत् मोखांयाव जिलित् नांफबनाय
 हनै बे गोथांया
 बेथ' नॉनि ह'सारनाइ खानाइनि
 गेलेनाय, जेबो नड।
 आयनाबादि सोम सोम दै बिखाव
 मा: नायदोंयै गोजों मुयाव ?
 सोर गाहोखोयै सिन्दुरनि फोथाखौ
 नॉनो आज्लि-बिज्लि ?
 नॉजों आंजों दै जिडव,
 अजाय बिदिनो नुलायगोरा,
 सिख्रि मानसिनि मेगन सेरावबो,
 जों सानैजों एरा एरा।
 हाबाब स'ना नॉखौ आडे -
 जीउ होनानैबो गोसो थोयो;
 नॉनि खुगायाव खोनाबाय आडे
 गोसो थोनायनि मुंसे मुलि।



बादारि

ईसान मोसाहारी

मोनाबिलि जाबोबाय
 साना दोबैबाय
 "दाजावसै नॉनि नावया" -
 हनै बुंबाय।
 "हाबाब बे मा गामि -
 फैबाय आं आनि बानि -
 सोडसै आं मिनि मिनि
 औरै जेबोला
 बुंजासे दै खावनानै
 मोखां सोमखे जानानै
 थांबाय सिख्लाया।
 दोमैतु खोमसि खोमसि सान गोलैबाय,
 हाबाब मा इसे मोजां गामि,
 थागौ नंबाय।
 होलांबाय नाथाय माबा गोजोन सन्दे।
 बिखौनो नुनानै बिखा आंनिया,
 जाबाय जाबाय दिनै सोर्गोनि स'ना।



गोसो मोब्लिब

ईसान मोसाहारी

नोंनि मोदाननाय रुग लानानै,
 जेसेखि नोडे थाखोमाबाया,
 नोंहा अनसुली गोसो थानानैबो
 जेसेखि दोनखोमाबाया,
 होनब्लाबो लोगो होनब्लाबो
 आंनि मेगना नोंखौ नुयो साया माया ।
 अखा मोब्लिबनाया जोमै सिडव,
 खोमसियाव गोबाव थानो हाया;
 नुजायो बियो दसेनि लागै
 होमब्लाबो बिखौ मिथियै गैया ।
 बिदिनो जादों लोगो नोंबो,
 बिखायनो गोसोजों नुयो आंबो,
 जेरावखि जेरै नोंलाय थाया ।



बेरेखा

ईसान मोसाहारी

संसारनि जेथो बारा
 जाबोदों बार मोदाय
 जिगाब गोरान बादि
 आंदि हालाय-हाफाय ।
 गोसोआव सान्दोंमोन सिरि सिरि,
 बारा बारगोन फिरि फिरि,
 आंबोलाय थागोन थिरि बिरि,
 गिनाड इसेबो संसारनि ।
 हनै बियो दिनै जुदा,
 बियो दि बार मोदाय ।
 दुंलुब मावदोंसै सिखोलाया
 सयथि सयथि गिबाय आंलाय ।
 नेबायलिया आंलाय आला खाला,
 नाथाय मिथिया बोरै होमब्ला
 दैलो सन्दे जानाय ।



हाजो

ईसान मोसाहारी
(एलाहाबाद, 22/04/1938)

गोजौ गोगोम गोसोम सोमखोर नॉनि मोखां
गोजोननिफ्राय नायबोला नॉखौ नुयो आजां-गाजां,
अन्थायनि दिमोल हुंगा हुंगि हारां-हाथां ।
सान्दुं अखायै जुगि जुगि जानाय गोरान रानखां ।
हे हाजो सयथिखि नोडे बिदिन राखां राथां
इसेबो सुदेम नड फाग्लाबादि खुगा हाजां,
बुं हाजो बुं मादि नॉनि गोसो गोसो, नॉदि बेसे मैया ।
आंनि गोसोया नॉखौदि नंदों बोरनाय गोनां
नड नड नोडे बिदि नड सयथि नड
दै निजिरायादि बोहै बोयो सुदेम फुवा फुवा
मालायनि दुखु नायनानै नोडे थानो हाया
बिखा बुखावनानै मोदै बोहैयो थिया थिया,
बंफां-लाइफां, दावमि-दावला
नॉनि आफाडव थानानै देरदों बोलो नाड,
हाबाब दिनै मिथिबाय आं नोडे गोरान नड
अनसुला नॉनि बिखाया मालाइया जेखि बुड ।



दुमथेनाय बिबार बारि

ईसान मोसाहारी

नॉनि दुमथेनाय बिबार बारियाव
बारदों मेला बिबार,
सुदेम गोदै मोदोमफु मेलेउजो
गावलां थुमेन गोथार ।
गोजाननि खाथिनि बयबो मानसिमानि
लांफैदों बिबार बासि बासि,
नाथाय जानांदों खायसे थेवबोनो
हाफामुया गथाय अमासि ।
आंबो लांनो फैदोंमोन मेगनाव गोनां गोथार
गोदै बिबार बिथ 'राय थुफिसे
लादि दाफोनां, खाव जागोन नाथाय
जेबो जा जायखौ गिया जासे ।



आला-खाला हासिंडै

ईसान मोसाहारी

आला-खाला हासिंडै थाबायदोंमोन आं
 एसेयावनो नुवासै हिन्जाव सासे मा इसे मोजां
 मिनिखैरे गुसुथि मोखाडा गेवलां,
 सोमखैरै नो खानथै गोनां मेगन बेथसां;
 रेसेम बादि खानाइया गोदोनाखं सायाव,
 गेलेदों देलाय लाय मोदोमफ्रु बाराव;
 जारां जाब्रोण दखना बिनि मोदोमाव,
 समायदों रमायदों गुफुथ दावलाव ।
 नुनानै बिनि बिदि गोदै रुपखौं
 नंबाय आं माबा माबा जुदा गोसोखौं
 बुंफबबाय बिखाया गोसो थोनायजों ।
 मा मोदानो मा बिलाय सुदेम गोजों ।
 दावगासै आं खानायाव गोसो थोनायाव,
 मिथिया आं नाथाय मानो मादि नंनानै,
 मिनिखैरे मिनिनानै थांबाय बियोदि ।



गोथैबारि

ईसान मोसाहारी

गोगोम निजोम गिथाव बाथाव,
 खाथियाव जेराव बिखा दुंहाव;
 बिमा-बिफानि फिसा-फिसौनि,
 बिदा-फंबायनि, बाहागि खुरमानि,
 बिखा बफलं बफलं, खर' खुफलं खुफलं
 जाग्रा सोर दान' बिलाय गेदेर गोलाव ?
 गोथैबारि, गोथैबारि, हाय नोंनो बि गोथैबारि ।
 बिखायाव जायहा अन्नाय गैलिया,
 जाय बादि आर जेबो जालिया
 बयनिबो गाबनाय हांमा सुनाय,
 बिखा सौयै खाफाल खुनाय,
 बेफोरखौं खुसि रंगिनायै नायबाय थानाय,
 गोथैबारि गोथैबारि हाय नोंनो बि गोथैबारि ।
 सुखु-दुखु समान जायनाव,
 गाहाय गोजौवा समान जायनाव,
 धोनि मिथिया गोरिब मिथिया
 जायखिजाया मैया मैया
 गासिबो समान जायनाव जायो,
 गोथैबारि गोथैबारि नोंनो बि गोथैबारि ।



सिमान

ईशान मोसाहारी

मुलुग नाडैनो
 मानसि मानि
 नांलाइयो जेबो बादा-बादि,
 खायसेबा होनो,
 मेथाइ खनो,
 बे संसारनि गिरि नौदि ।

खायसेबा बुडे -
 समाय लायो,
 बिजिद बिजिद खिन्थानानै;
 नंखाय बियो
 जाय दे बुडे,
 नौखौनो गिरि होन्नानै ।

गथ 'सा समाव
 आं जाइनाव
 खोनादो जेबो नौनिनो मुं,
 आंलाइ मिथिया
 नंखाय नड
 रागावनो बुडे, बिदि दाबुं ।
 गथ 'सा आजोला
 आला गाला
 मिथियाखै आं जेखि बुडा;
 बयनिबो बुंनयाव

आं आवा-फावा
 मोजां गात्रिखौ सान्नो रोड ।

नाथाय दिनै आं
 सोमो नाडे
 सान-अखाफोर नायै नायै,
 मा एसे मोजां
 आजां-गाजां
 जोडे गोजौयाव थायै थायै ।

हाजो अखोरां
 दंफां-लाइफां
 जौगा-हाइगा, देलाइ दंग्रा,
 दैमा दै निजोरा
 लायसि बारा;

जिगाब जन्थाय हाग्रा-बंग्रा
 दावसि-दावला,
 एम्फौ-एन्ला
 मुं मिथियै आरो जेखि जाया;
 मुलुग नाडैनो
 सान्नो हायैनि
 लाख-बिलाख मुनुस-मैया,
 मा फाव, मा रावमानि आराव ?

मानि बेफोर ? जादों बबेनि ?

माबे जिराद नों

माबे आखाय नों

सोमो नांथाव दानाय: सोरनि ?

अबंलाउरि

सोरजिगिरि

नोडे नोडे बियो सयथि नोडे

दानाय लुनाय

जेखि नुनाय

नोंनिनो बिफा सिमान लायो ।



मोदै

ईसान मोसाहारी

दुखुनि बिसिगि, सुखुनि बिहारि जाय,

बिनो जादों नों मोदै स 'ना आगै ।

दुखुया नोंखौ आखाय फायखन्नानै,

लेंहरो जेब्ला फै फै होन्नानै,

मेगननि दरखौ नोडे रु रु जाफैयो ।

सुखुखौ नोडे नायनो हायि बादि

बिहारि सानथारो,

बि फैबोला रोंगौल' नोडे

खालि मेगन मेखेबनो ।

हे मोदै सुखुखौ बिलोगो खालामनानै

बियो लेंहरब्ला थाबनो खारबोनानै

गुफुथ गावदां मिनिजि मिनिनानै

नुजाफैदे स 'ना नुजा फैदे ।



सम जाबाय

ईसान मोसाहारी

समा जाबाय -
 आंनि थांनायनि सम खाथि फैबाय,
 गोसोजों गोसो जे गान्थिजों खादोंमोन
 मेगनजों मेगन जे मोसा नांहाबोमोन,
 खेवनांसिगोन दालाय समा जाबाय ।
 आय' आलो इन्दुनाय ऐ देलाय -
 मिथिबाय नोडे मिथिबाय ?
 नोंनि सिख्ला बैसोनि मेगन बेरसाड,
 मिनि सुलि सुलि बालें जारौ गुसुथिया,
 रुमबां खानाय लाजिस्तु खावलाय जाब्रोथआ
 मानोबा आंखौ बोथारबाय,
 गानथि खेवनायनि समा जाबाय ।
 सान अखाफोर हाथरखिया गोजों जाबाय
 आंनि खोमसि लामाखौ बिसोरो सोरां होबाय,
 थांनोसै स'ना थांनोसै आं,
 हनै आंखौ लांनो लेंबाय,

गानथि खेवनायनि समा जाबाय ।
 दिनै आं गुरै नंलिया,
 नंलियाबो आंगो अनसुला
 बख्लम आखान्थिनि गोबानायाव
 नंलिया आडे फाग्ला ।
 जायनि थाखाय फाग्ला, बिनि लागैसो आं थांनाय,
 बेखौनो नागिरनाय,
 गानथि खेवनायनि समा जाबाय ।
 गाबोन फुडव सिमाडव बाग्दावखांबोला,
 गाबगोन आइलि-जाइलि आला-खाला;
 नंगोन नोडे आंखौ बियो गोसो थोया ।
 नाथाय सयथि बिदि नडा
 नोंखौ गोसो थोनाया आंखौ थोनबाय
 बिखायनो दिनै सानबाय
 गानथि खेवनायनि समा जाबाय ।



गाहाय नेहाथारिनि बोसोरसालिया रायफोरथि

गिबि गिबियावनो बोसोरसालिया रायफोरथि होनायनि सिगां क.स.फ.ब.फ.थु.आ.नि आफादगिरि जॉनिनो क'क्राझार सोरकारि फरायसालिमानि गोरायुं ड० बनबिना ब्रह्म मेडाम, थुनलाइ बोसोनगिरि सार, मेडाममोन आरो लेडइ आफादगिरि सार, मेडाममोन आरो जॉखौ हेफाजाब होबोनाय साफ्रोमबो मानगोनां फोरोंगिरि सार आरो मेडाममोन लोगोसे साफ्रोम फरायसा - फरायसुलि बयनिसिमबो आंनि गोसो गोरबोनि अन्नाय, मोजां मोन्नाय, सिबिनाय आरो खुलुमनायखौ बाउहरप्रोनाय जाबाय।



आं फोथायो 25 अक्टबर 2019 अक्ट'आ आंनि थाखाय जोबोर खाफाल गोनां सान, मानोना बे सानावनो 2019 - 20 मायथाइनि क.स.फ.ब.फ.थु.आ.नि थाखाय गाहाइ नेहाथारिनि बिबानाव आं सायख' जायो। बै सानखालि आंनि गोसोआव जाखांफैदोमोन जे आं गाहाइ नेहाथारि बिबानाव लानानै हाबाफारिफोरखौ मावलांनो हागोन ना हाया, नाथाय फोरोंगिरिफोरनि सुबुरुन, बोसोन आरो क.स.फ.ब.फ.थु.आ. नि बारग' मावफुं आफादनि हेफाजाब लोगोसे फरायसुला-फरायसुलि लोगोफोरनि मददआव आं आंनि बिबानाव थानानै हाबाफारिखौ मावफुंनो नाजाबोदों आरो मावबोदों, नाथाय बेसेबां जाफुंसार जाखो बेयो आंनि थाखाय गिलु बालु सोंधि, थारै बेसेबां जाफुंसारखो बेखौ बोसोनगिरि फोरोंगिरि आरो फरायसुला-फरायसुलि बिथांमोनहासो होनो हासिगोन। आरो आं आंनि गाहाइ नेहाथारिनि बिबानाव थानानै मावबोनाय हाबाफारिफोराव गोरोन्थि थाबोदों जानो हागौ बेनि थाखायनो बयनिसिमबो खर' गंग्लायै निमाहा बिनाय जाबाय।

थुनलाइआ हारिनि आयना, थुनलाइनि जौगाखांनायाव हारिनि मान दान्दायाबो जौगायो, बेखायनो थुनलाइखौ जौगाखांहोनो जौ बयबो नाजानांगौ। क.स.फ.ब.फ.थु.आ. (KGCBSLS) आं 1967 इं मायथाइआव जोनोम मोननानै दिनैसिमबो सोलिगासिनो दं। बेयो जॉनि थाखाय गोग्गाथाव आरो बाखायथाव बाथ्रा।

जोबथारनायाव आं गाहाइ नेहाथारि बिबानाव थानायाव आफादनि थांखि आरो थासारिजों गोरोबनानै जॉनि आफादआ मावबोनाय हाबाफारिफोरखौ गाहायाव होनाय जाबाय -

(1) बर' थुनलाइ सान फालिनाय -

16 न'भेम्बर 2019 खालारखालि बर' थुनलाइ सानखौ KGCBSLS, KGCSU आरो IQAC जौ ज' लोगो नांनानै गाजा-गोमजायै क'क्राझार सोरकारि फरायसालिमायाव खुंनाय जायो। बे हाबाफारियाव सावराय मेल लानाय जायो, सावराय मेलनि बुंधिगिरि महरै ड० चन्दन सरमा, गाहाइ बिबुंगिरि जारिमिनारी

बिफान, डिब्रुगर मुलुग सोल्लोसालि। (Topic:- Gramsci, Hegemony and the Ethnic Movements in North East India)

(2) मान बाउनाय:-

मानगोनां ब्रजेन्द्र कुमार ब्रह्म बिथानि गोथै सहनि सायाव, क'क्राझार सोरकारि फरायसालिमानि लांगोनायाव लाबोनानै मान बाउनाय।

(3) क'क्राझार सोरकारि फरायसालिमानि सिडव क.स.फ.ब.फ.थु.आ. आ सिगांनिफ्रायनो फरायसालिमाजो नांफानानै थानाय नडामोन। गोबां थुनलाइखौ मोजां मोनगिरि बिबुंगोरा आरो बिबुंगिरिफोरनि नाजानायनि गेजेरजो दिने KGCBSLS खौ इयुन समखौ नायहरनानै Kokrajhar Govt College जो Affiliated खालामनानै लानो हानाय जाबाय। साबायखर बाउनाय जाबाय साफ्रोमबो सार, मेडाममोनखौ इयुन समखौ नायसंनानै बे खामानिखौ मावलांनयनि थाखाय।

(4) संसारि सानजारां लक्षेश्वर ब्रह्मनि थैनाय गोसोखां सान फालिनायाव बाहागो लानाय :-

बिजनि फरायसालिमायाव 1 आरो 2 सेप्टेम्बर , 2020 अक्ट'आव खुंफुंजानाय सानजारां लक्षेश्वर ब्रह्मनि 37 थि थैनाय सान आरो 29 थि थैनाय गोसोखां सान फालिनायजो लोब्बा लाखिनानै खुंफुंनाय Online Dance Competition आव बाहागो लानाय जादोमोन ।

बान्था मोनगिरि - करनजिथ ब्रह्म, नैथि बान्था, मोसानाय आयदायाव।

(5) बर' थुनलाइ सान:-

16 न'बेम्बर, 2020 खालार खालि बर' थुनलाइ सानखौ मेहेर गोनाडै खुंफुंनाय जायो। सावराय मेलनि बुंथिगिरि महरै / फुंखा सुबुं महरै, अरगो नार्जारी बिफान गाहाइ, बर' बिफान, सापटग्राम फरायसालिमा, बिथांखौ हांखाइनानै लाबोनाय जायो।

(6) खुंगा 38 थि ईसान मोसाहारि गोसोखां सान फालिनाय :-

Covid - 19 नि समावबो आब्रुथि लाखिनानै 2021 इं मायथाइनि 25 आरो 26 फेब्रुवारी अक्ट'आव साननैनि हाबाफारिजो खुंगा 38थि ईसान मोसाहारि गोसोखां सान फालिनायखौ गाजा-गोमजायै खुंफुंनाय जायो। बे हाबाफारियाव गुबुन गुबुन जायगानिफ्राय गासै 21 गोजौसिन गेजेरारि फरायसालि, मुलुगसोल्लोसालि आरो फरायसालिमाफोरा बाहागो लाफैदोमोन। नुजाथि फैनाय फरायसालि, मुलुगसोल्लोसालि आरो फरायसालिमाफोरनि मुंखौ गाहायाव होनाय जाबाय-

(1) ब'रमा फरायसालिमा।

- (2) इउ. एन. ब्रह्म फरायसालिमा, काजलगाँव ।
- (3) बड 'लेण्ड मुलुगसोलोसालि, क 'क्राझार ।
- (4) खैराबारि फरायसालिमा, खैराबारि ।
- (5) Science College, Kokrajhar.
- (6) Commerce College, Kokrajhar.
- (7) मुसुलपुर फरायसालिमा ।
- (8) दतमा गोजौसिन गेजेरारि फरायसालि ।
- (9) जनता फरायसालिमा, सेरफांगुरि ।
- (10) बड 'फा इउ.एन. ब्रह्म फरायसालिमा, दतमा ।
- (11) बडइगाव फरायसालिमा ।
- (12) तंला फरायसालिमा ।
- (13) बॅटल फरायसालिमा ।
- (14) बि.ओस (B.H.) फरायसालिमा, हावलि ।
- (15) सेनट. आनस (ST. Aann's) फरायसालिमा, क 'क्राझार ।
- (16) इउ. एन. एकाडेमि दिग्रि फरायसालिमा, क 'क्राझार ।
- (17) गियानपिट' (Giyampeeth) दिग्रि फरायसालिमा, निकासि ।
- (18) आर 'नाय फरायसालिमा, क 'क्राझार ।
- (19) बिजनि फरायसालिमा, बिजनि ।
- (20) उदालगुरि फरायसालिमा, उदालगुरि ।
- (21) क 'क्राझार सोरकारि फरायसालिमा, क 'क्राझार ।

(7) 2 सेप्टेम्बर, 2021 इं मायथाइनि रंसारि सानजारां लक्षेश्वर ब्रह्मनि थैनाय गोसोखां सान फालिनायाव बाहागो लाहैनाय:-

38थि थैनाय सान आरो खुंगा 30 थि थैनाय गोसोखां सान फालिनायजो लोबबा लाखिनानै Covid-19 खौ मानिनानै Online नि गेजेरजो माखासे आयदानि सायाव बादायनाय लानाय जादोमोन । बे बादायनायाव जोनि फरायसाफोरा बाहागो लानाय जादोमोन । बेनिनो बान्था मोनगिरिफोरनि मुंखौ गाहायाव होनाय जाबाय-बान्था मोनगिरिफोरनि मुं-

- (1) उदांसि ब्रह्म, नैथि बान्था, गावनो सुजुनाय खन्थाय बादायनाय ।
- (2) पित्तिका बसुमातारी, थामथि बान्था, गावनो सुजुनाय सुंद 'सल' लिरनाय बादायनाय ।

(3) सुइति नार्जरी, सेथि बान्था, गोदान मेथाइजो हारसिडै मोसानाय ।

जोबथारनायाव आंनि गोसो सिंनिफ्राय खुलुमनाय, सिबिनाय आरो अननाय मोजां मोन्नायखौ जौनि आफादनि आफादगिरि आरो फरायसालिमानि गोरायुं मानगोनां ड० बनबिना ब्रह्म मेदाम, जौनि फरायसालिमानिनौ जौखौ हेफाजाब होबोनाय साफ्रोम बिबुंगिरि सार आरो मेदाममोन, जौनि बारग 'मावफुं आफादनि सोद्रोमाफोर, आरो हाबाफारियाव हेफाजाब होबोनाय फरायसुला - फरायसुलि लोगो नौथांमोन गासैनोबो खनसेबाव साबायखर बाउहरनाय जाबाय । लोगोसे आं बे समाव साबायखर होनो सान्दों मानगोनां रानि हेलेन औवारि बिथांखौबो बोसोरफ्रोमबो जौनि ईशान मोसाहारि गोसोखां सान फालिनाय "ईशान उनसंगिरि" बान्थाखौ हरनानै हेफाजाब होफैनायनि थाखाय । बिथांनिसिमबो गोसो गोरबोनिफ्राय खुलुमनाय सिबिनाय आरो अननाय मोजां मोन्नायखौ बाउहरनाय जाबाय ।

लोगोसे जाय बिथांमोनहा बर 'राव थुनलाइ आरो हारिमुखौ सिबिनाय गावसिनि आगोमा जिउखौ बाउबाय बिथां जोहोलाव-जोहोलावजो बिथांमोननि जिउ सोलेरा जाहाथे आलो गोजोनै थाहैयो बिनि थाखाय अबं ग 'साइनाव आर 'ज गाबनानै आंनि गाहाइ नेहाथारिनि बोसोरारि रायफोरथिखौ एसेयावनो फोजोबबाय ।

गोजोन्थों ।

क 'काझार सोरखारि फरायसालिमा — थानानै थार्थों ।

क 'काझार सोरखारि फरायसालिमा बर' फरायसा थुनलाइ आफाद — थानानै थार्थों ।

बर' राव — गेवलांथों

बर' थुनलाइ — जौगासारथों

अन्जिमा लाइसि — जिउ लावथों

बर' हारि — देरहासाद

नौथांनि फोथायजाथाव-

राफोत बसुमातारी

गाहाइ नेहाथारि,

क.स.फ.ब.फ.थु.आ. ।

मायथाइ: 2019-20, 2020-21

क 'क्राइडार सरकारि फरायसालिमा बर' फरायसा थुनलाइ आफाद
मावफुं आफाद आरो सोद्रोमाफोर
मायथाइ:- 2019-20, 2020-21

आफादगिरि	: ड० बनबिना ब्रह्म	सोद्रोमाफोर	: मनलिसा गयारि
ले: आफादगिरि	: बारहुंखा मुसाहारि पि. भासकर नारजारि मुस्रि रंगिलि ब्रह्म		: नबजिर ब्रह्म निजिरा नार्जारि ख 'रमजित ब्रह्म हिमिलि हायदेन सोर्गोयारि ग्रिसांखा ब्रह्म अरायदाव ब्रह्म खन्थाय ब्रह्म सानस्रि ब्रह्म फिरफिला बसुमातारी धुलुंगा बर' पुजा राणी ब्रह्म प्रनामी राणी ब्रह्म रिसार ब्रह्म मिधिसार गयारी बिनापानी बसुमातारी बिबुंधि ब्रह्म जेमस हाज 'वारी एलबाट नार्जारी अबजित बर'
थुनलाइ बोसोनगिरि	: ड० सिखनाजन वारी अनजालि बसुमातारी		
गाहाइ नेहाथारि	: मुस्रि राफोत बसुमातारी		
ले. नेहाथारि	: थराइना भायगस्रि ब्रह्म मुस्रि रोखा बर' मुस्रि म्रिदुलाल नारजारि		
गाहाइ सुजगिरि	: मुस्रि अयेलसन इस्तारी		
सुजुगिरि	: मुस्रि सुब्रे बसुमतारी थराइना अनजिमा बसुमतारी थराइना सुमिना त्रिफुरा		



आगु मावख' गाहाय बिफानारिफोरनि फारिलाइ

क 'क्राइर सरकारी फरायसालिमा बर' फरायसा थुनलाइ आफाद

देहनाय	आफादगिरि	नेहाथारि	सुजुगिरि	मायथाइ
सेथि	पनिन्द्र नाथ ब्रह्म	नील कमल ब्रह्म	हेरम्ब नार्जारी	1968
नेथि	--	बन्धुराम बसुमातारी	गुनेश्वर मोसाहारी	1969
धामथि	--	--	--	--
ब्रैथि	पनिन्द्र नाथ ब्रह्म	समेश्वर बसुमातारी	सुधानन्द मोसाहारी	1970-71
बाथि	--	रुधिर शंकर बसुमातारी	समेश्वर ब्रह्म	1974-75
द थि	--	रहिनाथ औवारि	नबिन औवारि	1975-76
स्निथि	--	सतिस चन्द्र बसुमातारी	बेनुधर बसुमातारी	1976-77
दाइनथि	--	अनिल कुमार बसुमातारी	बिर चरण बसुमातारी	1977-80
गुथि	--	राजेन बर'	कलेन्द्र बसुमातारी	1981-82
जिथि	दानिराम बसुमातारी	प्रबन नाथ बरगयारी	दिनेश चन्द्र बरगयारी	1982-83
जिसेथि	--	पनिराम दैमारी	रेव रेवा नारजिहारी	1984-85
जिनैथि	--	गजेश्वर ब्रह्म	सुरन नार्जारी	1985-86
जिथामथि	--	केसब दैमारी	सामल नार्जारी	1986-87
जिब्रैथि	--	अरगें नार्जारी	अबथिरा ब्रह्म	1987-88
जिबाथि	--	समेश्वर ब्रह्म मुसाहारी	बिलिफां ब्रह्म	1988-89
जिद थि	--	--	--	1989-90
जिस्निथि	--	सानसोरां मुसाहारी	जायख्लं ब्रह्म	1990-91
जिदाइनथि	--	अजागोरान बसुमातारी	बिमान ब्रह्म	1991-92
जिगुथि	--	जान्यलाल बसुमातारी	सैलेन बसुमातारी	1992-93
नैजिथि	--	कमल कुमार नार्जारी	बारफुंगोरा नार्जारी	1993-94
नैजिसेथि	जे.चि.ब्रह्म	जांखिखां बसुमातारी	कानसन नार्जारी	1994-95
नैजिनैथि	एम.चि.ब्रह्म	रैरुब ब्रह्म	समित मोसाहारी	1995-96
नैजिथामथि	--	मनजित नार्जारी	सन्दन कु. ब्रह्म	1996-97
नैजिब्रैथि	--	रहिम चन्द्र नार्जारी	जगत बसुमातारी	1997-98

अनजिमा

नैजिबाधि	--	बिरफुं नार्जारी	उत्तम कु.ब्रह्म	1998-99
नैजिद 'धि	--	बुद्धदेब बसुमातारी	रुफाम्री हाज 'वारी	1999-2000
नैजिस्निधि	सुरथ नार्जारी	पद्मल 'सन ब्रह्म	सनजय नार्जारी	2000-2001
नैजिदाइनधि	--	बावफुं ब्रह्म	धृतब्रत नार्जारी	2001-2002
नैजिगुधि	--	देरहासाद ब्रह्म	इन्दिरा बसुमतारी	2002-2003
थामजिधि	--	अशक कु. बसुमतारी	निपुन गोरा बसुमतारी	2003-2004
थामजिसेधि	--	उरखाव ब्रह्म चौधुरी	नुसार बरगयारी	2004-2005
थामजिनैधि	नगेन्द्र ब्रह्म	--	कमल कुमार ब्रह्म	2005-2006
थामजिथामधि	बिनय कुमार ब्रह्म	रिमोनला बसुमतारी	डिस्क ' मुसाहारी	2006-2007
थामजिब्रैधि	--	अमल बसुमतारी	दिपक बसुमतारी	2007-2008
थामजिबाधि	--	पृथ्विराज स्वर्गीयारी	एन्थनि नार्जारी	2008-2009
थामजिद 'धि	--	मुसुका मुसाहारी	अमर बसुमतारी	2009-2010
थामजिस्निधि	--	निस्थार ब्रह्म	दिपक हाज 'वारी	2010-2011
थामजिदाइनधि	--	सुरज कु. बसुमातारी	मोदोमफ्रु नार्जारी	2011-2012
थामजिगुधि	ड० बिनय कुमार ब्रह्म	देरहासाद बसुमातारी	बिसु कु. ब्रह्म	2012-13
ब्रैजिधि	--	सनजय ब्रह्म	सनजित नार्जारी	2013-2014
ब्रैजिसेधि	--	मिलन मुसाहारी	सिमां कुंगुर बसुमतारी	2014-2015
ब्रैजिनैधि	--	मानेक नार्जारी	जौसार अवारी	2015-2016
ब्रैजिथामधि	--	बिजित नार्जारी	अनसुला नार्जारी	2016-2017
ब्रैजिब्रैधि	--	सोरां बसुमतारी	दैसा बरगयारी	2017-2018
ब्रैजिबाधि	ड० बनबिना ब्रह्म	सानसुमा बसुमतारी	प्लेट दैमारि	2018-2019
ब्रैजिद 'धि	--	राफोत बसुमतारी	अयेलसन इस्लारी	2019-2020
ब्रैजिस्निधि	--	राफोत बसुमतारी	अयेलसन इस्लारी	2020-2021



हांख्राइ बिलाइ

खुंगा 38 थि ईसान मोसाहारी गोसोखां सान फालिनाय

खालार: 25 आरो 26 फेब्रुआरी, 2021
थावनि: क' क्राझार सोरखारि फसायसालिमा



खुंफुंग्रा :
क 'क्राझार सोरखारि फरायसालिमा बर' फरायसा थुनलाइ आफाद
माइथाय : 2020-21

हांख्राय बिलाइ

मानाव गेदेर/आंगो लोगो,

गोदान बोसोरनि गोजोन हामलायथि बावहरनाई नोंथां/नोंथामोननिसिम फोरमाय हरनाय जायोदि थांखांनाय बोसोरफोरनि बादिनो क'क्राझार सोरखारि फरायसालिमा बर' फरायसा थुनलाइ आफाद (Kokrajhar Govt. College Bodo Students' Literary Society) आ खुंगा 38 थि ईसान मोसाहारी गोसोखां सानखौ 25 आरो 26 फेब्रुआरी, 2021 खालारखालि क'क्राझार फरायसालिमायाव सान्नेनि हाबाफारि लानानै खुंनो थि खालामनाय जादों। बे गोसोखां सान फालिनायाव थुनलायारि आयदानि बायदि बादायलायनाय हाबाफारि लानाय जादों।

बेनिखायनो गोजौवाव मख'बोनाय अक्ट'नि हाबाफारियाव नोंथां/नोंथामोन बयखौबो गावनि बेसेन गोसा समखौ एंगारनानैब्लाबो नुजाफैनानै गासै हाबाफारियाव बाहागो लाफैनो थाखाय गुरैयै हंख्राइ हरनाय जाबाय।

गोजोन्योँ।

नोंथांमोननि फोथायजाथाव,

ड० बनबीना ब्रह्म
आफादगिरि

मुस्रि राफोत बसुमतारी
गाहाय नेहाथारि

क'क्राझार सोरखारि फरायसालिमा बर' फरायसा थुनलाइ आफाद

हाबाफारि

25-02-2021 (वृहस्पतिवार)

बेलासि 01:00 रिगा : गुबुन गुबुन फसंथान/फरायसालि/फरायसालिमानिफ्राय
नुजाफैनाय धान्दैफोरनि मुंसननाय (Registration)

बेलासि 04:00 रिगा : गुबुन गुबुन फसंथान/फरायसालि/फरायसालिमानिफ्राय
नुजाफैनो हानाय धान्दैफोरजों क 'क्राझार सोरखारि
फरायसालिमा बर' फरायसा धुनलाइ आफादनि गोदान
मावफुं सोद्रोमाफोरनि सिनायथि फोरबो ।

मोनाविलि 05:00 रिगा : मेथाय खननाय बादायनाय (हारसिं)

(क) खुगा मेथाइ

दैदेनगिरि - ड० कमल बड 'सा

गाहाइ बिफानगिरि, रांखान्थियारि बिगियान बिफान क.स.फ.

मोनाविलि 07:00 रिगा : गोदान मोसानाय बादायनाय (बर' मेथाइनि केसेटजों)

(क) हारसिं मोसानाय

(ख) जावजा मोसानाय

दैदेनगिरि - जयन्त कुमार 'बर'

लेडाइ फोरोंगिरि, हिन्दि बिफान क.स.फ.

मोनानि 09:00 रिगा : मोनानि जानाय

26-02-2021 (सुक्रवार)

फुंबिलि 06:30 रिगा : रेजेंगा जानाय

फुंबिलि 07:30 रिगा : फिरफिला बिरहोनाय

बिरहोगोन - ड० बनबीना ब्रह्म

गोरायुं क 'क्राझार सोरखारि फरायसालिमा

फुंबिलि 07:45 रिगा : ईसान मोसाहारिनो बिबार बावनाय

बावजेनगोन - ड० सिकना जन अवारी

बिफान गाहाइ, इराजी बिफान क.स.फ.

फुंबिलि 08:00 रिगा : मुंख्ल खाम्फायाव बिबार बावनाय

बावजेनगोन - अनजाली बसुमतारी

बिफान गाहाइ, मुवा बिगियान बिफान क.स.फ.

- फुंबिलि 08:30 रिगा : "अनजिमा इन्जुर लाइसि" बेखेवनाय
बेखेवगोन - ड० शुसान्त नार्जारी
बिफान गाहाइ, जारिमिन बिफान क.स.फ.
- फुंबिलि 09:00 रिगा : जायगायावनो खन्थाइ आरो सुंद'
सल' लिरनाय बादायनाय।
दैदेनगिरि - होबथा बसुमतारी आरो बिनास ब्रह्म
लोगो फोरोंगिरि, बर' बिफान क.स.फ.
- फुंबिलि 10:00 रिगा : खन्थाइ आवरायनाय बादायनाय
खन्थाइनि मुं - 'बादारि' (इसान मोसाहारी)
दैदेनगिरि - बिनास ब्रह्म
लोगो फोरोंगिरि, बर' बिफान क.स.फ.
- फुंबिलि 11:30 रिगा : सोंगाब बादायनाय
(इसान मोसाहारिनि सोमोन्दै सॉलु आरो बर' राव,
धुनलाइ आरो हारिमुनि सायाव)
दैदेनगिरि - लोकनाथ गयारी
लेडाइ फोरोंगिरि, बर' बिफान क.स.फ.
- सानजौफु 12:30 रिगा : सानजौफुनि जानाय
- बेलासि 02:00 रिगा : मिथिखायै बुंनाय बादायनाय
दैदेनगिरि - सोलेर नार्जारी
लोगो फोरोंगिरि, राजखान्थि बिफान क.स.फ.
- बेलासि 04:30 रिगा : बान्था रान्नाय
(क) इसान ठनसुंगिरि बान्था
बान्था होगिरि - मुश्रिमा राणी हेलेन औवारी
फोरोंगिरि, क 'क्राझार हिनजावसा गोजौ फरायसालि
(ख) बाखनाय बान्था
बान्था होगोरि - ड० शिबु बसक
बिफान गाहाइ, सानखान्थि बिफान क.स.फ.
(ग) बारग' सार फरायसालिमा बान्था
बान्था होगिरि - ड० बनबीना ब्रह्म
गोरायुं क 'क्राझार सोरखारि फरायसालिमा
- मोनाबिलिनि 07:00 रिगा : मोनानि जानाय
- मोनानि 08:00 रिगा : देखो मोनाबिलि आरो बिदाय फोरबो।
बेखेवगिरि - ड० कमल बड 'सा
बिफान गाहाइ, रांखान्थि बिगियान बिफान क.स.फ.

नायनो गोनां

1. गंसे फसंथान एबा जौमिन फरायसालि/फरायसालिमानिफ्राय जायखिजाया आयदायाव सासेल' बादायनो हागोन ।
2. गंसे फसंथान एबा जौसिन फरायसालि/फरायसालिमानि साफ्रोम बाहागो लाग्रायानो मुंसन (Registration) मासुल हिसाबै साफायाव 150.00 रां होनांगोन ।
3. Covid-19 नि आबुथिखौ लाखिनानै गंसे फसंथान एबा जौसिन फरायसालि/फरायसालिमानिफ्राय सा स्नि (7)बादायारि आजावनाय जागोन ।
4. जायगायावनो लिरनाय बादायनायनि थाखाय लिर बिलाइखी होनाय जागोन, नाथाय रेबगनखौ गावबा गाव लाबोनांगोन ।
5. जायगायावनो लिरनाय बादायनायनि थाखाय गंसे फरायसालिमानिफ्राय सासे बादायारि आजावनाय जागोन ।
6. सोंगाब बादायनायनि सोंथिया होखानाय आयदानि सायावल' जागोन ।
7. देंखो मोनाबिलियाव गंसे फरायसालिमानिफ्राय मोननैल' आयदायाव दिन्थिनो हागोन ।
8. देंखो मोनाबिलियाव बर 'नि रोजाबनाय/मोसानायल' दिन्थिनो हागोन ।
9. जाय फसंथान एबा फरायसालि/फरायसालिमाया मोजांसिन आबुथि दिन्थिनो हागोन, बेनि थाखाय खुंफुं आफादनिफ्राय बाखनाय बान्था होनाय जागोन ।
10. साबसिन थुनलाइ बादायारिनो मुस्त्रिमा राणी हेलेन औवारीनिफ्राय ईसान उनसुंगिरि बान्था होनाय जागोन ।
11. जाय फसंथान एबा फरायसालि/फरायसालिमाया बांसिन बान्था मोननो हागोन, बे फरायसालि/फरायसालिमानो बारग 'सार फरायसालिमा बान्था होनाय जागोन ।

सामोल

“गोसोखां सान फालिनायनि आबुथिनि बेरखायै थांनाय साफ्रोम बाहागो लाग्राखीनो मावथुन (Function) निफ्राय होरनहरनाय जागो ।”

क 'क्राइडार सरकारी फरायसालिमा बर' फरायसा थुनलाइ आफादनि मावफुं सोद्रोमाफोर
मायथाइ: 2019-20, 2020-21



ड० बन 'बिना ब्रह्म
आफादगिरि



बारहुंखा मसाहारी
लेडइ आफादगिरि



पि. भासकर नार्जारी
लेडइ आफादगिरि



रंगिलि ब्रह्म
लेडइ आफादगिरि



ड० सिखनाइन अवारी
थुनलाइ बोसोनगिरि



अनजली बसुमतारी
थुनलाइ बोसोनगिरि



राफोट बसुमतारी
गाहाइ नेहाथारि



भाइगस्रि ब्रह्म
लेडइ नेहाथारि



रोखा बर'
लेडइ नेहाथारि



मूदुलाल नार्जारी
लेडइ नेहाथारि



अयेलसन ईस्लारी
गाहाइ सुजुगिरि



सुब्रे बसुमतारी
सुजुगिरि



अनजिमा बसुमतारी
सुजुगिरि



सुमिना त्रिपुरा
सुजुगिरि



मिथिसार गयारी
सोद्रोमा



प्रनामी राणी ब्रह्म
सोद्रोमा



रिसार ब्रह्म
सोद्रोमा



फिरफिला बसुमतारी
सोद्रोमा



थुलुंगा बर'
सोद्रोमा



अभिजित बर'
सोद्रोमा



सानस्रि ब्रह्म
सोद्रोमा



खन्थाइ ब्रह्म
सोद्रोमा



एलबार्ट नार्जारी
सोद्रोमा



हिमिलि हा. सोगोयारी
सोद्रोमा



ग्रिसांखा ब्रह्म
सोद्रोमा



जेमस हाज 'वारी
सोद्रोमा



कर्मजित ब्रह्म
सोद्रोमा



मनालिसा गयारी
सोद्रोमा



मुसि बिलिफां दैमारीनो, ईशान उनसंगिरि बान्था गथायनाय ।



आर'नाय फरायसालिमा (क'क्राझार) नि
बादायारिनो बाख्नाय बान्था ग'थायनायनि नुथाय



बेटल फरायसालिमानि फरायसाफोरनो बारग'सार
फरायसालिमा बान्था ग'थायनायनि नुथाय

खुंगा 38 थि ईशान मोसाहारी गोसोखां सान फालिनाय
25 आरो 26 फेब्रुवारी, 2021



बर' थुनलाइ सान फालिनाय
16 नभेम्बर, 2020





गुबुन गुबुन हाबाफारियाव कः स.फ.ब.फ.थु.आ.नि
मावफुं सोद्रोमाफोरनि बाहागोःलानाय नुथाय

